


892-72
T24maA

صالح
بيروت - الخدمة



هبة عبد الناصر

892.72
T24 matt

892.78
T241msA
CA

مولانا محمد رفیع

الجزء الثالث
الجزء الثالث

المصحح المصنف

الفقير الادب والمهرج

الموضوع
محلى بمولود

مقدمة الكتاب للاديب الفاضل محمود عزي



المطبعة السلفية - بمصر

لصاحبها: محب الدين الطيب وعبد القادر

القاهرة في ١٣٤١



بِسْمِ اللَّهِ الرَّحْمَنِ الرَّحِيمِ

هذا كتاب المسرح المصري الجزء الثالث والأخير من مؤلفات
فقيه الأدب والمسرح المرحوم محمد تيمور أقدمه لجمهور الأدباء
والفنيين عملاً ناضجاً للأدب المصري ومجهوداً صادقاً في سبيل نهضة
المسرح المصري . وهو حاوٍ لثلاث روايات من رواياته التمثيلية وهي :
العصفور في القفص وعبد الستار أفندي والعشرة الطيبة

وقد تفضل الصديق الفاضل محمود عزي بكتابة مقدمة لهذا
الكتاب ضمنها بحثاً جليلاً في حياة الفقيه كعامل للمسرح ، ونقداً
نزيهاً لرواياته التمثيلية . والمقدمة على إيجازها حاوية لنقد واف يستشف
منه القاريء الأخلص في العمل والصراحة في القول والمودة الوثيقة
العرفى التي تجمع بين قلبه وقلب الفقيه الراحل

الناشر

محمود تيمور

محلى التكملة

مؤلف تمشيلي

مقدمة

بقلم الأديب محمود عزى

دستخط
محمد علی
شیرازی


تاریخ

مجلس

شماره



المرحوم محمد بك تيمور
في العقد الثالث من عمره



(ج)

ما أحوج الانسان الى الشجاعة ليكون نقادا
وهل يستطيع مثلي لا زالت تمر امامه أجمل ذكريات الحياة —
ذكريات أيام وليال قضائها واعز شخص عرف — أن ينقد أعمال
ذلك الشخص العزيز من غير أن يكون متحيزاً؟

كان مُمد مثلاً لا لرفع فضائل يتحلى بها الشباب ، وكانت لمحمد
عيوب ولكن من ذا الذي لم يجد لتلك العيوب المعاذير؟ لقد كان
خجولاً الى حد الضعف فهل كان يستطيع مثل مُمد تزييه وخلقاً أن
لا يكون الحياء الشديد الزم صفاته؟

شغف بالتمثيل وكان حدثاً — وسواء أكان ميله هذا تقص آخر
أو لم يكن — فقد جرّ اليه سلسلة مشاق كان مثله في غنى عنها ولكنه
تخطاها جمّاً والقي بنفسه بين احضان الفن الجميل ولم ينس افراد أسرته
الكريمة ولا اخوته وهم صغار أيام صباهم وقفة محمد على ذلك المسرح
البيتي الذي شيده البطل الصغير

أوجد هذا الميل الى الفن — في نفس محمد — ميله الغريزي الى
الأدب . الميل الذي كونته الوراثة والبيئة النزلية فقد نشأ بين احضان
عالم جليل وذكر عمته لا ينفك طارقاً أذنيه

في هذا الجو المملوء بالأدب خطي سنينه الاولى من حياته
الجليلة . ففي ابائها تكوّن في نفسه ، ذاك الغرس الطيب الذي نما
وترعرع فيما بعد : في فرنسا

وأعقب الادب الفن التمثيلي وطال تردادده على مسرح الشيخ

سلامه . المسرح الوحيد في ذلك العهد -- فانبعث في روح الفتى شغف الى الفن المسرحي الجميل

فهل كسب محمد من ذلك العهد شيئاً ؟

الأدب : ... لم يكن الا رجوع صدي الماضي الذابل الرث القديم لم يكن إلا أن نسمع من آبائنا « لم يبق الاولون للآخرين شيئاً » عبادة لكل قديم بال . وضحك وسخرية من كل جديد طلي . إن وجد . فلم يستطع المحدثون إلا تتبع آثار الزاهبين فكانوا في شوارع القاهرة وفي بيوتها يعيشون في البادية بين النوق والخيام

والتمثيل ؟ ... لم يكن ولا يوجد الآن . لمصر مذهب في التمثيل خاص بها . نقلوا التمثيل الى مصر مع ما نقلوا من آثار الغرب من غير فكر ، ولم يعرف الجمهور عن دور المسارح إلا أنها دور لسماع الصوت الشجي الجميل فهي في نظره إحدى محال الغناء . فلم يلق نظره الى الرواية وموضوعها وأشخاصها وغاية المؤلف منها ، أجاد الممثلون أو أساءوا . انما كانت له غاية واحدة لا تتغير ولا تتبدل : أى الرويات أكثرها غناء خيرها على المسرح واحقها بالاعجاب

في ذلك العهد كان محمد في السن التي لا يجعل سبيلاً الى إستحكام قيود الفكر العتيق في نفسه فذهب الى اوربا وهو بعد شاب لين قابل لأن يأخذ بكل جديد لا يحمل إلا حبه للأدب ، لهذا كان سهلاً ان تؤثر في نفسه نظريات الادب الحديث . وهناك انكب على مطالعة كتب الادب والفن المسرحي وشاهد على مسرح الكوميدي فرانسيز

- منبع الفن - وغيره من آثار ابطال المسرح الحر من پورتوريش
الى موديس دوناي

كفى الآن فلسفت اريد الاطالة في أدوار حياته وما غايتي مما
قلت إلا أن اصور نفسه قبل وبعد فرنسا وهنا تشهد له أعماله الكثيرة
انني إستطاع الاسراع في عملها في تلك الفترة القليلة جداً التي عاشها
الشاب رحمه الله . وسأجعل موضوع حديثي رواياته الثلاث العصفور
في القفص . وعبد الستار أفندي . والهاوية ، هذه الروايات التي أستطيع
أن أقول أنها من آثار فكره وانها مؤلفاته وسأدع العشرة الطيبة وإن
كان محمد في تمصيرها جعلها أقرب ما يكون الى التأليف

كانت العصفور في القفص أول روايات محمد وما كان لاحد أن
ينتظر أن تكون الرواية تامة النضوج خالية من كل عيب على انها كانت
دلالة واضحة على تكون فكرته

شرحت الرواية عواطف شاب تستيقظ شعوره وسط ظلمات
العادات القديمة ، ويحطم بيديه قيوده القاسية التي كانت تغله : هذا
هو العصفور في القفص الذي سعى الى ثمة من خلال قضبان قفصه
ليطير منه نحو الحرية ، نحو الحياة . وسواءً كانت هذه الیقظة في نفس
بطل الرواية طبيعية أو لم تكن فقد كان للرواية في نفس الجمهور أثر
عمود لا في القاهرة وحدها بل وفي غيرها من المدن الكبيرة التي
مثلت بها

اراد المؤلف أن يتبع المذهب الحقيقي في تصوير اخلاق اشخاص
 الرواية على أن الغاية التي وصل اليها في سبيل هذا المطلب لم تصل به
 الى ما كان يطمح اليه اللهم الا في شخصية محمد باشا . فقد جاءت صورة
 مستكملة ناضجة لكثيرين ممن يعيشون بيننا على مسرح الحياة اولئك
 المقترين على غير نفوسهم ، التزلفين الى ذوي المراتب الحكومية الى
 حد اذ لال تلك النفوس الضعيفة . القساة القلوب على كل من كان تحت
 جناحهم من آل بيوتهم فهم يرون انفسهم آلهة لزوجاتهم وأبنائهم وخدمهم
 بطل الرواية حسن . وهنا يقف الناقد متردداً يسائل نفسه هل
 نضجت هذه الشخصية في يد المؤلف ؟ نشأ حسن بين اليأس والالم
 والقسوة تتعده قسوة أبيه وظلمه وتقتيره . فهل يشعر مثل هذا يوماً
 من الايام انه بلغ السن التي يستطيع فيها أن يرى أن له حقوقاً وأن
 يناقش ذلك الاب الحاسب . الا يرى مثل هذا أنه ابدأ ضعيف مذلول
 بين يدي أبيه الخشتين ؟ أنه يشكو ويتألم ولكنه لا يجد في نفسه
 القوة للمناصلة الا اذا ازيلت تلك الصخرة - الاب - من طريقه .
 وهكذا كان حسن في الرواية حتى الفصل الثالث ، الفصل الذي
 اراد المؤلف أن يظهر فيه فتاه تستيقظ شعوره بعد سباتها العميق
 الطويل

كان حسن ضعيفاً . ضعيفاً حتى في حبه لمرجريت . فكيف
 يزار فجأة أمام أبيه بل أمام جلاده ؟ اعتقادي أن ثورة حسن مفتعلة
 غير محتمل تصديقها . أنه قد يثور ويغضب ولكن لا تلبث ثورة

نفسه الضعيفة بفطرتها من اثر المعاملة الطويلة أن تتلاشى . ولا يجب أن نبعد عن بالنا أن حسن انما هو ثمرة محمد باشا القاسي وزوجه عزيزة الضعيفة المستسامة . وانه قضى أكثر حياته ملازماً البيت لا يستطيع حتى الخروج ليجتمع باصدقائه

وجاءت شخصية مرجريت فصورها المؤلف كما يريد وكما يجب ان تكون مثال الطهر والعفة والحب الصحيح، ولعله جعلها كذلك تبريراً لفعل حسن فلم يلق باله أن التصديق بإمكان وجود مثل مرجريت بعيد خصوصاً من وجهة الوسط الذي تنشأ منه امثالها من خدام البيوت .

ومر المؤلف على شخصيات الرواية الآخرين من غير عناء التفكير في تصويرهم ولكن حسن استعداده وقدرته العجيبة وتوخيه الطبيعة فيما يضع على المسرح ساعده على اخراج تلك الشخصيات ممن يعيشون بيننا على مسرح الحياة . فكثيراً ما نرى من امثال الزوجة وامين ومحمود

ان اظهر ما في قوى تيمور في التأليف المسرحي : المحاورات التي تدور بين افراد الرواية فالمحاورات في العصفور في القفص وضعها المؤلف بقدرة لا تنكر فان المتفرج لينسى انه امام رواية تمثيلية وهو يسمع المحاورات بين حسن ووالده الباشا أو التي بين امين وحسن بعد مفاجأته مع مرجريت .

وضع المؤلف هذه المحاورات بنير تكلف ولا تعتمد بل بقوة الملاحظة

(ح)

التي كاد ينفرد بها بين كتاب العصر . صاغها بتلك العذوبة السلسلة
التي كانت ابدا صفتة رحمه الله في أحاديثه وكتاباته .

اما موضوع الرواية فهي اجدى تلك العلل الاجتماعية التي تهدد
كثيرا من العائلات الشرقية . مبنها فكرة مخطئة طالما ارتكبتها
الآباء بظنهم انها خير وسائل التربية . هي القسوة على الابناء والتقشير
عليهم الى حد اضعاف نفوسهم . وسجنهم بين جدران البيوت .
هي اثر من آثار الافكار القديمة لا تزال باقية في رءوس الكثيرين
من الآباء حتي هذا العصر . هذا هو الموضوع الذي عاجله المؤلف على
انه لم يبحثه الا بحثا سطحيا فلم يتعمق في البحث وعند اختتام الرواية
ترك الموضوع فجأة فختمها بكلمة لم يبحث في شأنها ولا جعلها غاية
جاء بها على لسان عبد العزيز رضوان باشا « ما تظنوش يا محمود بك
ويا أمين بك ان حسن عمل طيب . الظروف كانت قاسية عليه جداً .
فانصحكم انكم ما تتجوزوش الا من جنسكم » ولا ادري ما شأن
جنسية الزوجين في هذه الرواية .

الا ان محمد احسن بناء حوادث الرواية من الوجهة المسرحية
فكانت تتعاقب الحوادث ولا للكلفة والاحتيال الروائي أثر فيها
فقدرة المؤلف على حسن البناء وجذولة الحوار كان لهما أثر جميل
في نفس الجمهور انساها ما اغتور الرواية من نقص .

كان في الفترة بين العصفور في القفص وعبد الستار افندي

القضاء على التمثيل الجدي بانتصار (كشكش بك) ذلك الانتصار الذي اجتذب اليه عشاق المسرح . فترة رآها تيمور القضاء على الفن الذي تعشقه فقال في نفسه فلاحارب التمثيل الهزلى بنفس سلاحه ولا اجتذب الجمهور برواية فنيه ذات صبغة هزليه ونكات ثم ارتفع به بعد ذلك من الهوة التي القاه فيها التمثيل الهزلى الى الغاية التي انشدها .

وكان من المنتظر ان الرواية التي كتبت في مثل هذه الظروف تخرج مترددة بين المجون والفن الذي يبتغيه مؤلفها ولكن شيئاً من ذلك لم يكن . اذ تجلت في عبد الستار افندي روح تيمور وما أوتيه من علم غزير بالفن الجميل

عبد الستار افندي رواية غريبة على من طال ترداده على المسرح المصري منذ نشأته وشاهد الروايات التي كان يقدمها المرحوم الشيخ سلامة سواء أكانت قديمة او عصرية فالذي اختاره الشيخ سلامة من النوع العصري هو الميلودرام ذات الحوادث المتكررة والمفاجآت التي تأخذ بلب المتفرج ، الا انها لا تتمشى والطبيعة ، وتتبعدها عنها بعدا يجعلها مستحيلة التصديق . فجاءت عبد الستار افندي وبينها وبين هذا النوع ما بين المسرح الفرنسي الحديث وروايات سكريب وساردو بل وديماس الصغير .

عبد الستار رواية انتزع مؤلفها اشخاصها من الحياة ، من المجتمع الذي نعيش فيه ثم تركهم يؤلفون حوادث الرواية . لهذا خرجت

(ي)

وهي في نظر البعض - الذي الف النوع القديم - النوع الخيالي . رواية
لا غاية لها . رواية بلا موضوع .

عبد الستار افندي كوميدي أخلاقه شرح فيها المؤلف أخلاق
طبقة من الناس وحلل أشخاصا تحليلًا دقيقًا شهد بمارته الفائقة في
ذلك النوع . يكون أولئك الأشخاص عائلة مصرية فقيرة لا أدري
من رئيسها هو عبد الستار الأب والزوج ، وهو رجل ضعيف
الارادة الى حد يهزأ به كل افراد البيت . ام الزوجة القاسية على زوجها
المسكين ، وهي ترتجف رعبا امام ابنها أم ذلك الابن وهو الأمر
الناهي في المنزل ؟

حلل المؤلف ضعف الارادة في شخص عبد الستار افندي
فاختاره من طبقة متوسطة من صغار الموظفين براتب ضعيف .
فهو من ذلك النوع الذي الف المذلة والجن . على انه طيب القلب
فيتبين لك ضعف ارادته من استرقاق زوجته له واطاعته لها لا حبا
ولكن خوفا منها . وشكايته رئيسه في الديوان . وذلتة امام ابنه
عفيفي . ويريد حيناً أن يخرج من الطوق الضيق الذي أوجده له
ضعف ارادته فيتغزل في الخادمة هانم .

لم ينجح مؤلف مصري في إيجاد شخصية نباح تيمور في
عبد الستار ولا نفوسه بل ولا سائر افراد الرواية - غير جميلة الابنة
ترى في نفوسة صورة الزوجة القاسية والمرأة السيئة الخلق .
ولعلها كما تتبين صفاتها من طبقة احط من طبقة زوجها . فهي تنتهز

(ك)

من ضعف زوجها فرصة سانحة فتحمل عليه بوحشية وقسوة لا لقوة ارادتها فلا ارادة لها ، بل لسوء خلقها . فهي تعلم ان زوجها الضعيف لا يستطيع ان يمسها بسوء . ولكنها تعلم قسوة عفيفي فتتقي شره وتخافه وكان لابد ان يخرج عفيفي كما أظهره المؤلف . الابن الناشئ بين هذين الزوجين لا يمكن الا ان يكون عاقا ، سيء التربية ، شريراً ، يرى ضعف ابيه وجبن أمه ، فلا يشعر بعاطفة الاحترام لهما . لا يشعر بغير احتقارهما واذ لا لهما لكل ما يريد حتى العناية بكلابه

جاءت هذه الشخصيات الثلاث واضحة مستكملة لا تشوبها شائبة ضعف وكذلك شخصيتي خليفه والخادمة هانم . تخليفه أحد أولئك السذج البسطاء من الطبقة الفقيرة من الناس طبقة الخدم ، رجل مخاص للبيت الذي نشأ فيه . وهانم فتاة ما اكثرت مثيلاتها من أولئك الفتيات الخليعات المتهتكات هي احدى الشخصيات التي نجح تيمور في تحليلها نجاحاً تاماً . ولكنه لم يصل الى هذه الغاية من النجاح في شخص جميلة فأخرجها وكأنها غريبة عن البيئة التي نشأت فيها ولعل حوادث الرواية التي جعلت هذه الشخصية تفلت من يد المؤلف

كان المؤلف في بناء حوادث الرواية شأنه في سابقها العصفور في القفص . حوادث تسوقها الطبيعة والحقيقة لا اثر للاختيال الروائي فيها . زادها جمالا استكمال الشخصيات التي كنت تراها طبيعية مأخوذة من الحياة تغرفها تمام المعرفة لانها تعيش تحت سمك وبصرك وتراها كل يوم فوق مسرح الحياة . وكذلك كان في المحاورات ، وزادتها

(ل)

طلاوة الاحاديث المضحكة ، الضحك المزوج بالمرارة التي كانت غاية المؤلف في تقده اخلاق الطبقة التي اختارها للرواية حتى الاحاديث الانفرادية التي خلت منها الروايات الحديثة كانت في عبد الستار افندي ليست ممكنة التصديق فحسب . بل كأن حديث عبد الستار افندي لنفسه أثناء حبسه في المندره ضروريا وكأن الطبيعة هي التي ساقته الى الكلام وهو وحده في سجنه . اليس من المعقول أن يتكلم الانسان وحده وهو في السجن؟

ولعل أبعد ما في الرواية من الطبيعية حفلة الزايدة التي ختمت بها . كان يمكن للمؤلف أن يدع جميلة تتزوج من بليغ بغير الالتجاء الى هذه الحيلة

قوى تيمور في التأليف المسرحي وقدرته في تحليل الاخلاق جاءت تامة في النضوج في آخر رواية له « الهاوية »

جمال هذه الرواية سيجعل اسم تيمور خالداً في صفحة الادب الحديث وتاريخ المسرح المصري

« الهاوية » خير روايات تيمور بل خير رواية ظهرت على المسرح المصري منذ نشأته . بحث فيها المؤلف مسألة تهديد اخلاق شبابنا وحياتهم وصحتهم . داء استحك في نفوس كثيرة منشأ الجهل والتقليد الاعمى . داء الكوكابين

بطل رواية الهاوية أحد معتادي الكوكابين شاب متزوج

غنى تركه أبوه صبيغاً وبين يديه ثروة طائلة تركه نافصاً عقلاً وعاملاً
فانطلق في سبيل الغواية جرياً وراء شهوات نفسه ولذاتها حتى انحدر
سرعاً الى هاوية الكوكابين . وقد مثل المؤلف صفات الوارثين من
الشباب الجاهل في صورة أمين تمثيلاً ما كان أقرب به من الحقيقة . مثل
فيه الغرور بالنفس فلا يعرف الطاعة لأي كان . ولا يستمع لنصيحة ما
سواء من خاله أو امه . أظهر فيه الغباوة بانقياده الى صحبة سيئة
مفسدة يستسلم اليها ، وإهماله زوجته إهمالاً لا تشعر فيه أنها زوجة في
بيت الزوجية . ثم اندفاعه الى اللذات ومنها الكوكابين وكيف تكون
نفس معتاد الكوكابين عصبية حادة المزاج تجعله يشور بغير مناسبة
حتى يملأ رأسه بسم الكوكابين فيعود الى حاله الطبيعية . كل
هذه الصفات أظهرها المؤلف في شخصية البطل . بمقدرة لا تجعل الى
النقد سبيلاً

أما الزوجه - رتيبة - ففتاة حديثة ، فتاة تندفع الى ارتكاب
معصية دون أن تقصدها . أخرج المؤلف هذه الشخصية ولم يعن كثيراً
بإظهارها لأنها لا تحتاج لعناء فهي فتاة عادية من فتيات التربية الجديدة
تحب اللهو واللعب والتسلية . لم يدع لها زوجها السبيل لتشعر بالمعاطفة
الزوجية فتندفع الى قرب الهاوية بنزق الشباب ثم تفر منها لشرف نفسها
وباقى شخصيات الرواية جاء بها المؤلف لا شيء الا لإظهار البطل
فهي أدوات استخدمها ليقدم بها الشخصية التي أفرد عنايته بإظهارها .

(ن)

فشفيق ومجدي شخصيتان احسن المؤلف اختيارهما لهذه الزاية . هما من ذلك النوع من الناس الذين تراهم حيث الشباب الوارثون الاغنياء ، يلتصقون بهم فيتمتعون بما يتمتع به هؤلاء وهكذا يعيشون على حساب الغير . وحكمت هانم سيدة تمثل العصر القديم ، ترى ترف زوجة ابنها فتتألم ، وترى اندفاع ابنها الى الملذات فتتألم . ولكنها تحبه فلا تستطيع ان توجه اليه كلمة

وكما كانت مقدرة تيمور ناضجة في تحليل اشخاص الرواية كذلك كانت في بنائها . جاءت حوادث الرواية منسقة تنسيقاً يشهد له بمقدرته الفنية العجيبة في التأليف المسرحي . انظر كيف تتعاقب حوادث الفصل الثاني بل كيف يحدث هذا التعاقب ارتباطاً كامفزعاً لولا مهارته لما استطاع الخروج منه . نعم قد التجأ الى الحيلة في حدوث هذا الارتباك بخروج الغلام وترك الباب . ولكن ألم تكن هذه الحادثة عادية بسيطة مألوفة الحدوث ؟ ووجود مجدي ويسري باشا وأمين الواحد بعد الآخر هل رأى المتفرج فيه شيئاً من الاحتيال الروائي الذي يلجأ اليه المؤلفون عادة ؟

أما خاتمة الرواية بل حوادث الفصل الثالث كله فهي خير ما جادت به قريحة مؤلف روائي في مصر . هنا تبينت جلياً غاية المؤلف من وضع الرواية ، تبينت جلياً في كل كلمة من كلماته وكل اشارة من اشاراته . وفي المحاوردة الاخيرة بين الزوجين سمت مقدرة تيمور الى اعلى ما يطمح اليه المؤلف . ولولا شائبة صغيرة ما كان أغنى المؤلف عنها تلك

(س)

هي كلمة يسرى باشا التي جعلت ختاماً للرواية فلم يكن الموقف موقفاً
لمثل هذه النصيحة وبين أيدي الام والزوجة والخال في ميتاً .
هذه الرواية التي شهدت لتيemor بمقدرته العالية في التأليف
المسرحي ، مقدره لم يدانها أحد في مصر . سيظل اسم الهاوية خالداً
وتظل نجما لمساءً في سماء الفن الجليل

ميزات ثلاث . ميزت بها روايات تيemor : أولاها اللغة . فقد
جعل تيemor كل رواياته باللغة العامية . وطالما اثارت هذه مناقشات
حادة طويلة بينه وكثيرين من الادباء . على انه كان يرى ان المسرح
مرآة الطبيعة يجب ان تنقل اليه الطبيعة كما هي من غير تزويق ، ويرى
الناس في أحاديثهم يتكلمون العامية فلا بد أن تكون كذلك على المسرح .
لقد انقضى العهد الذي كان فيه المسرح اداة من أدوات ادب اللغة
وجاء دور المسرح الحقيقي

كثيراً ما قيل لتيemor ان العامية لا يمكن ان تصور
الشعور الحقيقي خصوصاً في المواقف المحزنة المؤلمة . ولكنه كان
يرى ذلك عجزاً ممن يقول له مثل هذا القول . فالعامية كأي لغة أخرى
يمكن التعبير بها عن كل ما يراد التعبير عنه

وثاني ميزاته : المحاوره فان له قدرة غريبة فيها فالمحاورات في
رواياته تنساق عذبة طلية كثيراً ما تتخللها فكاهة حلوة . لا يقصد
ايراد النكتة ولكنها تأتي عفواً . محاورات طبيعية لا أثر للصناعة فيها

(ع)

وثالث هذه الميزات : بناء الرواية للمسرح . ومهارته في هذا
لا تقل عن مهارته في المحاوراة . وربما جاءت هذه المقدرة من ترداد
على المسارح سواء في فرنسا أو مصر ووقوفه على المسرح ليمثل بنفسه
حوادث روايات تيمور تمر متعاقبة الواحدة اثر الأخرى فلا
تشعر بغرابة فيها ولا ضعف ولا التجاء الى غير الطبيعة التي تسوق
هذه الحوادث التي يقوم بها اشخاص حلل المؤلف نفسياتهم ادق تحليل
وكان يبذل من عنايته في تأليف هذه الحوادث وسيرها أكثر
مما يبذله في موضوع الرواية . لهذا كنت ترى رواياته اقوى من الوجهة
المسرحية منها الى موضوع الرواية فكان لا يتعمق في بحثه ولا ينظر اليه
الا نظرة سطحية سريعة عالماً أن قدرته في تحليل الاشخاص وتأليف
الحوادث وخفة روحه في المحاورات جديرة بنجاح رواياته فكان تيمور
بهذه المقدرة كأحد أبطال الادب الغربي من مؤلفي الروايات التمثيلية
الذين تقدرهم بلادهم حق قدرهم فتخلد أسماءهم في صفحات التاريخ

الآن وقد انتهيت من هذه الكلمات فهل أنت راض عني
يا صديقي تيمور . . .

محمود عزى



رواية

العصفور في القفص

كوميدي مصريّة ذات أربعة فصول

مثلتها فرقة الأستاذ عبد الرحمن رشدي لأول مرة

بمسرح برتانيا يوم الجمعة أول مارس سنة ١٩١٨



مقوق التمثيل محفوظة للناسر فقط

بسم الله الرحمن الرحيم
الحمد لله الذي هدانا لهذا
ما كنا لنهتدي لولا أن هدانا الله
والحمد لله رب العالمين

تخفيف الهمم

بسم الله الرحمن الرحيم
الحمد لله الذي هدانا لهذا
ما كنا لنهتدي لولا أن هدانا الله
والحمد لله رب العالمين
الحمد لله الذي هدانا لهذا
ما كنا لنهتدي لولا أن هدانا الله
والحمد لله رب العالمين
الحمد لله الذي هدانا لهذا
ما كنا لنهتدي لولا أن هدانا الله
والحمد لله رب العالمين

الحمد لله الذي هدانا لهذا
ما كنا لنهتدي لولا أن هدانا الله
والحمد لله رب العالمين
الحمد لله الذي هدانا لهذا
ما كنا لنهتدي لولا أن هدانا الله
والحمد لله رب العالمين

الحمد لله الذي هدانا لهذا
ما كنا لنهتدي لولا أن هدانا الله
والحمد لله رب العالمين

أشخاص الرواية

محمد باشا علي الزفتاوي	أحد باشوات الريف والد حسن عمره ٥٠ سنة
حسن بك	طالب ثانوي . ابن الباشا « ١٩ »
أمين بك	مثال الوارث المسرف . ابن عم حسن بك « ٢٢ »
محمود بك	طالب حقوق . ابن خالة حسن بك « ٢٥ »
فيروز آغا	آغا السراي « ٤٥ »
عزيزة هانم	والدة حسن بك وزوج الباشا عمرها ٤٠ «
مرجريت	خادمة (كمريرة) سورية « ٢١ »

ولادة لأول مرة

عمر وصفي	في دور	محمد باشا علي الزفتاوي
سليمانه نجيب	« «	حسن بك
محمد عبد القدوس	« «	أمين بك
أحمد عظم	« «	محمود بك
أحمد زكي	« «	فيروز آغا

ولدت لأول مرة

السيدة ميليا ديان	« «	مرجريت
السيدة إسترنشاج	« «	عزيزة هانم

الفصل الاول

صالة في منزل محمد باشا علي الزفتاوي ، أثاث مذهب فاخر وضع بغير نظام .
مرآة على يمين المسرح ، مكتب في الركن الشمالي عليه كتب ، خوان صغير
في الركن (اليمين) عليه كتاب دلائل الخيرات ، خوان كبير في وسط المسرح
عليه زهريات . نحن في الساعة الثالثة بعد ظهر يوم الجمعة ... باب في الشمال ...
باب في الوسط ... باب في اليمين .

« عند رفع الستار ترى مرجريت ترتب بعض الأواني الصغيرة بجوار
المرآة » .

﴿ المشهد الاول ﴾

عزيزه هانم • مرجريت ثم فيروز أعنا

عزيزه • انت هنا يا مرجريت ؟

مرجريت • أيوه ياستي !

عزيزه • وبتعملي ايه ؟

مرجريت • برتب الصور جنب المرايه .

عزيزه • وبدل سيدك الباشا سيدهم يرنم في الدولاب . أنا موش

قلت لك ميت مره إنك تمسحي البقع اللي فيهم . بس

شاطره ترتبي الصور والا ايه .

مرجريت • مسحتهم النهارده الصبح ياستي •

عزبزه . طيب أديني رايحه أشوفهم كمان شويه ، البديل موجودين
في الدولاب والبنزين عندك . وليه بقي الكسل ده . أنا
عارفه إيه إللي مربوط إديك ورجليك .

مرجريت . ياستي قزازة البنزين فرغت بقي لها شهر ، وكل ما أقول
لهم يشتروا غيرها ما يرددوش .

عزبزه . قلت لمن ؟

مرجريت . لفيروز اغا .

عزبزه . وليه ما قتلش . ومين اللي اشترى لك النهارده بنزين ؟
(تسكت مرجريت) ما تردش ليه ؟ ... الله ما تردى .

مرجريت . أنا اشتريت شويه النهارده .

عزبزه . إوعي تاني مره تعملي كده . سامعه . لازم تبقي تطليبي مني
الفلوس . ياللا خلاص شغلك قوام .

مرجريت . حاضر ياستي .

عزبزه . أنا رايحه أقعد مع سيدك الصغير وابن أختي . سامعه
يا الله قوام

(تخرج من باب اليمين)

(مرجريت تبدئي في إصلاح الصور والأواني . فيدخل فيروز اغا ، ينظر
اليها نظرة إعجاب ، يتسم ويقول :)

فيروز . بتعمل ايه يا مرجريت ؟

مرجريت . (مذعورة) مين انت ؟ خضيتني يا باش اغا . إخص

عليك .

فیروز . برضو إخص عليك . برضو كده یاشیخ . برضو كده

مرهربیت . ما انت زعقت فیّه كده علی غفله قمت اتخصیت .

فیروز . طیب كنت عاوز ازعق فیک إزای ؟

مرهربیت . كنت إتكلم بشویش .

فیروز . بشویش ؟ لا . لا . مش ممكن . لازم یزعق .

مرهربیت . ولیه ؟

فیروز . أهو كده . إحنا جنس سودانیه . لكن ماشفتوش

(كأنه یبحث عن شيء) راح فین ؟ رد . إخلص . راح

فین ؟ إكلم ؟

مرهربیت . ایه هو اللی راح یاباش ایا ؟

فیروز . (یجول بنظره فی الغرفة) فین ؟ راح فین ؟ انا مش عارف .

دور معایه .

مرهربیت . ایه هو اللی راح ؟ مش تقول .

فیروز . (یبحث فی أسفل الكرسي) ما فیش . بقولك دور

معای . سبحان الله عليك .

مرهربیت . موش تقول ایه اللی حدور علیه ؟ .

فیروز . دلائل الخیرات . أنا دورت علیه فی كل أوده . حتی کمان

دورت فی أودة الباشا . لكن موش لاقیه . دور معایه

دور .

مرهبريت . دورت عليها في أودتك ؟
 فيروز . يا شيخ دور معاه . يمكن يكون مستخبي هنا والا هنا
 مرهبريت . (تراها) أهيه . أهيه . فوق الترايزه
 فيروز . فين ؟ فين ؟

مرهبريت . ع الترايزه هناك
 فيروز . (يذهب ويأخذها) الحمد لله رب العالمين . إنَّ من يقرأ
 دلائل الخيرات مرّة كل شهر بنى الله له في الجنة قصر
 كبير طوبه من فضه ، وطوبه من ذهب . لكن قول
 يا مرجريت . فين حسن بك ؟ هو مش عادته إنه يستنى
 هنا في الأوده دي ساعة العصرية ؟

مرهبريت . قاعد مع ننته وابن خالته في الصالون الكبير . أنت
 نسيت إن النهارده يوم الجمعة ؟ (تتنهد) مسكين حسن !
 فيروز . (يتنهد هازئاً بها) مسكين حسن . (يضحك)

مرهبريت . بتضحك ليه ؟
 فيروز . سبحان الله . حاجه كده جت في دماغي خلاني أضحك .
 مرهبريت . لأ . بتضحك ليه ؟

فيروز . شايف يعني إن قلبك رقيق قوي عشان حسن بك .
 مرهبريت . وقصداك ايه ؟

فيروز . ماتسألنيش أنا ؟ اسأل (هازئاً بها) مسكين حسن بك .
 مرهبريت . انت اتعديت الحدود يا باش اغا .

فبروز . أنا والا أنت ؟
 مرهريت . زي ما تحسب . أنا بقول مسكين حسن . عشان إيه
 مسكين صحيح .

فبروز . يا شيخ !!
 مرهريت . مانتش مصدق والا إيه ؟
 فبروز . لا . موش مصدق .

مرهريت . طيب حزر أبوه بيديله كام في الشهر ؟
 فبروز . عشرة . عشرين . ثلاثين . أربعين . خمسين . ستين
 جنيه أنا عارف

مرهريت . ستين . ستين . لكن ستين قرش
 فبروز . بس يا شيخ بقي أنت بتهزر والا إيه ؟ دي يا شيخ
 يروح السمغراف .

مرهريت . مرة في الشهر .
 فبروز . كان أنا شفتها في الجزيرة .

مرهريت . ماشي على رجليه . انت نسيت إن أبوه ما يهموش إلا
 جمع الفلوس .

فبروز . صحيح . عندك حق . عشان إنت تعرف أسرار البيت
 دي أحسن مني . أنا بقي لي هنا شهرين بس إزاي بقي
 يعرف زيك .

مرهريت . ده أبوه يا شيخ ما يعرفش إلا القرش بس . تعرف عمل

إيه من مدة شهر ؟ إشتري خاتم الماز على كيفك يا باش
أغا وطرده الحاج بدوي علشان سرق رطل لحمه .

فیروز . طيب وليه عنده خدامين . وکریرات . وعریات واتمیرات
وحاجات ومحتاجات ؟

مرهريت . عشان يقولوا عليه غني ياسيدي . دي کاها مظاهر کدابه .
فاهم . وتعرف مين ضحية کل ده . ابنه . ابنه المسکين .
(تنهد) مسکين حسن

فیروز . لا حقه يا مرجريت . انت كده عما تنهدي زي واحد
يعني ميت في الحب خالص .

مرهريت . (تجفل) وبأحب مين ؟

فیروز . (يضحك ضحكة سودانية) هي هي هي هي هي . تحب عيون
..... (يقلدها) مسکين حسن .

مرهريت . ياسلام يا باش اغا ؟ انا أحبه ؟ انا اخداه المسکينه
الفقيهه .

فیروز . وهو الحب فيه غني وفقير ؟ انت کمان يعني حاجه على
كيفك خالص .

مرهريت . انت بتبصبص وإلا إيه ؟

فیروز . وهو يعني حرام . اذا كنت ابصبص لك ؟

مرهريت . انت بتبصبص لي ؟ بتحبي ؟ (تقول هذا وتفرق في
(الضحك)

فیروز • (مندهشا) جرى إيه ؟

مرهربیت • انت بتجنبي؟ بتحب... (تفرق في الضحك)

فیروز • جرى لك إيه ؟

مرهربیت • انت بتبصبص ليّه ؟ (تفرق في الضحك)

فیروز • جرى إيه ؟ (يصرخ)

مرهربیت • لا . بس يعني . لا مؤاخذه ياسي فیروز (تفرق في

الضحك) لا مؤاخذه لوسبتك وخرجت . أحسن الضحك

ماسكني قوي . (تضحك وهي خارجه)

فیروز • (صارخاً) إستني هنا .

مرهربیت • مره ثانيه يياش أغا (تخرج من الباب الشمالي وهي مغرقة

في الضحك)

فیروز • (منفرداً) البننت بتخرج دى إجنن والا إيه ؟ طيب يعني

انا قلت إيه ؟ موش عارف والله العظيم . اذا كان هو

جميل ، برضو انا موش وحش . اذا كان هو قلبه رقيق

(في هذه اللحظة يدخل حسن ومحمود ويقفان وراء فیروز فلا

يراهما ويسترسل في كلامه) أنا برضو قلبي رقيق • اذا كان هو

يعرف الحب ، أنا برضو أعرف الحب . اذا كان هو

الحب ييلخبط فكره ، أنا برضو الحب ييلخبط فكري •

اذا كان . (يلتفت فيرى حسن ومحمود فيفتح دلائل الخيرات

ويقرأ) صلى الله على سيدنا محمد وآله وصحبه وذريته وصحابته /
وكل من لاذ ببَيْتِهِ إِنْهُ سَمِيعٌ مَجِيبٌ .

﴿المشهد الثاني﴾

حسن . محمود . فيروز

حسن . بتكلم بتقول إيه يا فيروز أغا ؟
فيروز . ما فيش حاجة ياسيدي . بقرا دلائل الخيرات .
حسن . وإيه جميل ورقيق وحب . إيه الكلام إلهي كنت بتقوله ؟
فيروز . ياسيدي إن الله جميل يحب الجمال .
حسن . طيب اطلع . عاوزين تقعد لوحدا هنا .
فيروز . حاضر أفندم (يخرج)
محمود . هو الأغا بتاعكم ملحوس والا إيه ؟
حسن . أنا عارف يا أخي . أنا عارف مين اللي رمانا بيه ؟
محمود . بقى له كام شهر عندهم ؟
حسن . والله يا بن خالتي أضن شهرين . إلاقولي ما شفتش صورة
الأهرام اللي رستها ؟
محمود . لأ . وريها لي يا أخي .
حسن . (يذهب للخوان ويحضرها ويعطيها اليه) شوف . لكن قبله
لازم تقول لي رأيك بصراحة .

- محمود . أنت تعرف إني ما أعرفش في حياتي غير الصراحة .
- حسن . طيب شوف .
- محمود . (بعد أن يتأملها) جميلة جداً . في غاية الأبداع . مايقاش أحسن من كده .
- حسن . ياسلام يا بن خالتي . لازم تغالي في الكلام ؟
- محمود . لا . والله صحيح بس كان لازم إنك تلونها .
- حسن . — بقي مانتش عارف ياسي محمود ، والله العظيم ما عندي تمن أقلام الرصاص .
- محمود . يا أخي أبوك يديك كام قرش ؟
- حسن . (مقاطعاً عليه) بالله يا سيدي ما تكلمنيش عن أبويه . أدني راضي بحالتي والسلام .
- محمود . يا أخي برضو أبوك يحبك ، يشفق عليك ، ولو كان يعني إيده شويه (يشير بيده علامة البخل) لكن معاهش .
- حسن . ياريت ياسيدي كان بخيل بس . إلا . . ما تأخذنيش لو قلت لك يعني إنه ثقيل .
- محمود . إختشى يا حسن .
- حسن . بس إيه تقول في واحد باشا يصرف زي ما انت عاوز في الكماليات عشان الناس تقول عليه إنه غني ، أما في الضروريات فيستحيل انه ينز بقرش تعريفه .
- محمود . ياسيدي معاهش .

• مسمون • معاهش إيه يا شيخ ، معاهش إيه دانا عايش في سجن •
كل ما يقابلني ألاقيه مَبَوَّز ، دايمًا زعلان معاه ، تقولش
يا أخي أنا بيني وبينه تار .

• محمود • موش للدرجه دي • بقي انت ، يا بني حسن •••••
• مسمون • طيب اسمع • تعرف جرى ايه أول امبارح ؟ طلعت الأول
في امتحان نص السنة • قتت يا سيدي دخلت في السلامك
قال عشان أبشره بالنتيجة ، قتت لاقيته مع كبشة فلاحين
جايين يأجروا عزبة أبو حمد • قلت له وأنا فرحان ، بابا
أنا أول الفصل • تعرف قال ايه ؟ إيفضل بره يا بني حسن ،
انت موش شايفني قاعد أتكلم مع البهوات دول •

• محمود • وبعدين ؟
• مسمون • ولا أبلين • دخلت فرحان وخرجت مكسوف • يا شيخ
دا عرم عليّ كوني آكل معاه . آل عيب إن الابن يا كل
مع أبوه .

• محمود • طيب نيتك يا أخي ما تعرفش تكلمه ؟
• مسمون • تخاف منه يا سيدي • بقي هي خالتك زيه ؟ هي اللي تربت في
مصر تبقى زي واحد عمره ما عرفش حاجه ، جاف قوي •
والله يا شيخ أنا موش عارف بيظلمني كدا ليه ؟ (يتمشى
في الغرفة) تلقاه يشتري كل حاجه تكبر من قدره في عيون
الناس ويضن علي بقرش تعريفه • بقي تصدق يا محمود إن

مصري في اليوم قرشين صاغ بس ؟ (يقترب من الشباك)

• دنا ياشيخ طالب في المدارس الثانوية • ياشيخ سيبيك •

• ياشيخ دا الموت أحسن ، والله الموت أحسن •

• محمود • طيب على فين بس ؟

• مسن • أشم هوا من الشباك • ديهده ! دا أمين ابن عمي جاي •

• أهو وصل باللاوتومويل لحد الباب الجواني •

• محمود • (يقترب من النافذة) هو بعينه

• مسن • أهو طالع السلام • دلوقي نشوفه (يذهب لجهة الباب)

• محمود • دي مصادفه غريبه خصوصاً واني ماشفتوش بقى لي

مدة طويلة •

(يدخل أمين)

﴿ المظهر الثالث ﴾

• مسن • محمود • أمين

• أمين • بنچور حسن بك •

• مسن • بنچور •

• أمين • اوه • بنچور محمود بك • كومون ساقاه ؟

• محمود • بخير • وانت ؟

• أمين • كوم سي • كوم سا • بقى لي مدة طويلة ما تشرفتش برؤيتكم

• خصوصاً محمود بك • طبعاً المدرسة بتشغلك عنا يا أخي

موش كده وألا ايه ؟

محمود • عندك حق • وانت كمان المدرسة لازم تكون شاغلالك عنا •

أمين • لا يا حبيبي أبداً ، أنا مالي ياخويه ومال المدرسة •

حسن • انت ما بتروحش المدرسة ؟

محمود • ايه الكلام ده • ده مستحيل ؟

أمين • استعفيت منها • يعني حاجه عجيبة قوي !!

حسن • ما تقولش كذا يا شيخ • دا كلام ما سمعوش أبداً •

محمود • دا شيء ما يليقش بك يا أخي •

أمين • انتم نسيتم أني بقيت رب عائله بعد وفاة المرحوم والذي •

سيبنا من موضوع المدرسة ، خد سيجاره خد يا محمود بك •

محمود • ما شربوش •

أمين • وحسن بك ؟

حسن • انت تعرف اني كمان أكره الدخان •

أمين • وهو كذلك • (يشعل لنفسه سيكاره) لكن أنا نسيتم

أوريكم البدلة الجديده (يخلع البطو) بص يا محمود بك

كويس • بالله عليك تاخد بالك يعني البدله تمام والا لا ؟

محمود • جميلة جداً •

أمين • لا • لا • سيبك من الذوقيات • يعني كده الـكم طويل •

حسن • أبداً يا أخي •

أمين • طيب والياقه رأيك فيها ايه ؟ رأيك ايه يا محمود بك •

- محمود • مضبوطة خالص •
- حسن • لكن يا أخي الجاكته قصيره قوي •
- أمين • (هازيًا) دي آخر موضه يا عبيط • خدو بالكم تاني من
اليافه • ياسلام دانا عملت لها خمس بروقات ولسه برضه •
- حسن • أظنك عملتها عند دليا ؟
- أمين • لا فصلتها عند ريبو • وانت فصلت بدلتك فين ؟
- حسن • اشتريتها من السوق الاهلي بميدان العتبة الخضرا •
- أمين • (يظهر على وجهه شيء من الامتعاض يبادر الى إخفائه)
طيب حاقول لكم حاجه جديدة • رأيكم ايه لو جيتم
تتفسح بعد ساعتين لحد الجزيرة كده ؟
- محمود • ما تأخذنيش يا أمين بك • أنا بدي أروّح أحسن عندي
واجبات مدرسية لازم أعملها الليلة •
- أمين • طيب وانت يا حسن بك ؟
- حسن • أطلع اتفسح معاك وانا جيتي منفص يستحيل •
- أمين • إخص عليك يا حسن • إزاي تقول الكلام ده لابن عمك
انت اجننت والا قصدك تخرج إحساسي • لازم تتفسح
معايه ، والا بعدين عمري ما أخط رجلي في البيت ده •
- حسن • أشكرك يابن عمي على رقيق إحساسك •
- أمين • سيبنا من الشكر • قابل والا • لا ؟
- حسن • بعد استئذان نيننا •

- أمين • وهو كذلك .
 محمود • أما أستأذن بقى .
 حسن • لسه بدري .
 أمين • على طول كده ؟
 محمود • معاهش مايمكنيش (يسلم عليهما)
 حسن • أما أوصلك .
 محمود • يستحيل .
 حسن • إسمع الكلام . (يخرج معه)
 أمين • (منفرداً . يذهب وينظر للمرأة ثم يقول بعد أن يتمشى قليلاً) البنباغ إتعوج جهة اليمين . (ينظمه) أيوه دلوقتي بقى تمام . والمنديل طلع اثنين سنتيمتر زيادة عن اللازم . (يصلحه) دلوقت بقى تمام • شيء جميل . أهو كده القيافه ولاً بلاش . ياسلام عليك يا أمين بك يا ما انت جميل قوي . (يدخل حسن)
 أمين • قال لك محمود بك ايه عني ؟
 حسن • ولا حاجه .
 أمين • يستحيل . هو عنده شغله غير الكلام عني .
 حسن • والله يابن عمي هو ماينتقدكش إلا قدام قريبك بس .
 أمين • من فضلك تقول له إني أبقيت رئيس عائلتي ، وانه مايصحش منه إنه ينتقدني .

- مسن • لكن محمود ما يضرش لك شر .
- أمين • (جو من فو) . سيبنا بقى من الكلام ده وقول لي إزاي
حالك ؟
- مسن • تعيس الحظ .
- أمين • تعيس الحظ . يعني لسه مالتيتش لك عصفوره صغيره
على قدك تآنسك في وحدتك ؟
- مسن • وقصدك إيه يعني ؟
- أمين • بقى مانتش فاهم ؟
- مسن • ما تهزرش إعمل معروف . انت مانتش عارف حالي ...
- أمين • طيب وازاي حالتك انت ؟
- مسن • شيك خالص . من الطبقة الأولى .
- أمين • سهرت إمبراح فين ؟
- أمين • في چان دكس . أما إمبراح حصل لي فصل ولكن على
ذوقك خالص . تعرف ايقون ! (حسن يبدي انه لا يعرفها)
ايقون ! ايقون ؟
- مسن • ما عرفهاش يا أخي ؟
- أمين • إمبراح سهرت مع عمده من عمد المنوفية .
- مسن • زي أبويه يعني ؟
- أمين • لا مؤاخذه . لا . لا . ما فيش وجه شبه أبداً . وبعدين
بعد ما سهرت مع العمده ده وفرغت اللي في جيبه وسابته

- يرنقت أنا انفردت بها .
 • حسن
 دانت صحيح سعيد الحظ يا أمين .
 • أمين
 إلا قولي مانتش رايح فرح عبد الرحمن بك ؟
 • حسن
 طبعاً . أخذت الأذن من أبويا . وأنت ؟
 • أمين
 والله ما زلت متردد .
 • حسن
 في الذهاب وعدمه ؟
 • أمين
 لا . في لبس البدله (السموكنج) . أو (الفراك) . وانت
 راح تلبس ايه ليلتها .
 • حسن
 بدلتى دي . وانا حيلتي غيرها وبدله تانيه زيها .
 • أمين
 إزاي حسن بك كله ابن محمد باشا الزفتاوي ، ابو عشرة
 آلاف فدان ، يروح فرح واحد صاحبه ببدله متساو يش
 عشره فضه ؟ لا . لا يا أخي . إيه الفضايح دي .
 • حسن
 وأعمل إيه ؟
 • أمين
 رُوح للخياط وفصل لك بدله سموكنج .
 • حسن
 أبويا ما يرضاش .
 • أمين
 قول لنيمنتك خليها تترجى أبوك .
 • حسن
 نينتي ايه إعمل معروف .
 • أمين
 أبوك غني والحمد لله ، وبقى مع الثروه دي كلها يبخل عليك
 بتمن بدلة ؟
 (تدخل عزيزه هانم)

﴿المشهد الرابع﴾

حسن • أمین • عزیزہ فاعلم

- عزیزہ • آمین بك هنا؟
 أمین • (يقبل يدها) إزاي صحتك يا تيزه؟
 عزیزہ • بخير وازاي نينتك واختك؟
 أمین • طيبين خالص . في صحه وعافيه
 عزیزہ • الحمد لله . دنا كنت عندكم إمبراح . ولقيت أختك
 مخستكه شويه (تجلس)
 حسن • (لامين سرّاً) اختك عيانه وانت مانتش عارف يا بي امين.
 أمین • (سرّاً لحسن) إسكت يا شيخ دنا بقى لي تلت ايام ما
 دخلتش البيت (لعزیزہ) صحيح إمبراح كانت مخستكه
 شويه . لكن النهارده أحسن كثير.
 عزیزہ • الحمد لله . إتفضل إقعد يا بني .
 أمین • والله أنا مستعجل شويه . علشان بدي أتفسح مع
 عبدالعزيز بك وكنت عاوز استأذنك تسمحي لحسن بك
 بالفسحه معانا
 عزیزہ • بكل ممنونيه.
 أمین • أشكرك يا تيزه
 عزیزہ • إلاّ قولِي يا أمين بك؟ نينتك قالت لي إمبراح إنك

قال ما بتر حش المدرسة .

• أمين • وإيه الضرر ياتيزه ؟ أنا والحمد لله بأشوف شغلي بنفسي .
وياما حاجات كتير صلحتها في عزبتنا ، وياما سرقات
وغش وتدليس وخلافه . كل ده نضفته وعمال ليل
نهار اشتغل .

• حسن • (سرّاً لامين) مع ايقون
• أمين • (لحسن سرّاً) اسكت أمال (لعزیزه هانم) تلاقيني عمال
ليل ونهار أشتغل وأوضب وأرتب لما صحتي بقت تقريبا
عدم . ازاى بقى نينتي عاوزاني أروح المدرسة وأسيب
الشغل بتاعي في أيد النظار والمفتشين اللي ما يهمهمشي الا
السرقه والغش !!

• عزيزه • لكن الشهاده شيء واجب .
• أمين • برضو أنا بأقول كده لكن عاوز أستنّ شويه لما ألاقى لي
وكيل يقدر يقوم بأعمال الدايره تمام .
• حسن • (سرّاً) ما تعينّ إيقون يا أخي .

• أمين • إسكت (لعزیزه) ودلوقتي أستأذن بقى ياتيزه . وان شاء الله
بعد نص ساعه رايح أرجع عشان آخذ حسن بك معايا
وتتفسح سوى . سامع يا حسن بك . بعد نصف ساعه
رايح أرجع (يقبل يد عزیزه ، يسير مع حسن الى الباب)
• عزيزه • سلم لي على نينتك واختك

- أمين • يوصل انشاء الله (لحسن بك عند الباب) خليك • خليك
 انا راجع بعد نص ساعة • لكن إوعى تنسى تطلب
 البدله السموكنج • خليها في بالك ، إوعى تنسى البدله
 السموكنج • راجع بعد نص ساعة (يخرج)
 • مسن • (مقتربا من والدته) نينه • أنا عاوز منك حاجه .
 • عزيزه • ايه يا ابني ؟
 • مسن • انت نسياتي إن فرح عبد الرحمن بك قرب ؟
 • عزيزه • لا يا ابني • ولا نسياتش إن أبوك سمح لك أنك تروح .
 • مسن • لكن يانينه أنا ما أرو حش الفرح بالبدله دي .
 • عزيزه • طيب وعاوزني أعمل ايه يا ابني ؟
 • مسن • عاوز بدله اسموكنج .
 • عزيزه • طيب يا ابني بس أبوك •• انت موش عارف يا ابني
 • مسن • لكن أنا عاوز بدله سموكنج والسلام .
 • عزيزه • واذا كان أبوك مايرضاش ؟
 • مسن • مايرضاش ؟ ليه يعني مايرضاش • سبحان الله العظيم •
 هو موش أبويا والا ايه كان • أما صحیح ده شيء ماينطقش
 • عزيزه • إختشي يا حسن • أبوك •
 • مسن • طيب ياستي أديني سكت (يذهب ويجلس بعيداً ويضع
 رأسه بين يديه)
 • عزيزه • انت زعلت يا حسن ؟

- مسن • لاً مازعلتش . حازعل على ايه ؟ هو انا شفت يوم راحه في البيت ده لما حازعل . اللي ربنا مقدره لازم يمشي
- عزيزه • (تقرب منه) ياسلام يا حسن لما تكبر المسئله
- مسن • أديني سكت ياستي أهوه . ماديني ساكت ومتلهي على عيني
- عزيزه • طيب اسمع يا حسن مازعلش يا حبيبي لما يجي أبوك رايحه اكلمه واجيب لك تمن البدله منه
- مسن • صحيح يانينه ؟ مربي مربي قوي . تعالي أبوسك بقي ••
- الباشا • (من الخارج) لعنة الله عليهم في كل كتاب . أما صحيح ما يستحقوش لا رحمه ولا شفقه
- عزيزه • (لحسن) يالله يا حسن اجري قبل مايجي أبوك . أحسن يا ابني ما أقدرشي أكلمه وانت هنا
- مسن • إوعي تنسي . أديني حاقف ورا الباب ده عشان اسمع اللي حتقولي له إوعي والنبي تنسي
- عزيزه • لا . مش حانسي يالله يا حبيبي يالله (يخرج حسن من باب الشمال)

﴿ المشهد الخامس ﴾

عزيزه • الباشا • الأغا

• الباشا • (للأغا وهو داخل) إديه خمس قروش . خد . وإذا كان

مايرضاش إديله أربعة وان مارضاش كان هات له البوليس .
لعنة الله على العرجية من صغيرهم لكبيرهم .

الارغا • ياسيدي مارضيش ياخذ سته . إزاي أديله خمس قروش

الباشا • أما إنك قليل الأدب . إعمل اللي قلت لك عليه ، وروح

للباشكاتب وقوله يخضم من ماهيتك تلت أيام علشان خالفت
الأوامر . ياللا . (يخرج الأغا) (لزوجته) قال أدّي

العرجي خمس قروش يقوم مايرضاش !!

عزیزه • طيب والباشا جاي منين ؟

الباشا • من العباسية ياستي .

عزیزه • ماهي المسافه بعیده قوي من العباسية للدرب الاحمر

الباشا • ياستي القرش الابيض ينفع في اليوم الاسود . الناس

بتقول علينا أغنيا ولكن مين عارف يمكن نفتقر . تعرفيش

أنا طردت إمبراح الخابج عارف ليه ؟ عشان سرق شوية

برسيم . أما الخدامين ، أعوذ بالله منهم ، دول شياطين :

عزیزه • صحيح يا باشا .

الباشا • « يجلس مربعا » تعرفي يهانم . ايه اللي جرى لي النهارده .

هنيني ياشيخة واللا تعالي بوسيني كان . دنا تلت اللي

كنت عارزه .

عزیزه • ايه يا باشا ؟

الباشا • أجرنا عزبة أبو حمد بزياده أربعة جنيه كل فدان يعني الفدان

- بقي بتلاتين جنيه •
- عزبزه • الحمد لله ياباشا • والله فرحانه أوي •
- الباشا • دنا ياشيخة خفت لتنزل على نقطه من الفرح •
- عزبزه • شوف لما أقولك ياباشا • مادام بقي أجرت عزبتك بالمبلغ الكبير ده ، عاوزاك تدني حاجه •
- الباشا • « بخوف » حاجه ايه كان ؟
- عزبزه • هديه صغيره تجود بها لحسن •
- الباشا • « غاضباً » هدية ايه كان وسخام الطين ايه •
- عزبزه • بدله اسمو كنج يروح بها فرح عبد الرحمن بك •
- الباشا • بدله اسمو كنج ؟ عاوز يلبس زي الكفره • ده فرح مشووم ده اللي عاوزه تخرييني عشان خاطره •
- عزبزه • ياباشا كل الجدعان عندهم • • •
- الباشا • عندهم والسلا موش عندهم ، موش شغلي • قولي لابتك إني أحرم عليه إنه يروح الفرح ده ، سامعه ، تعرفني إمبارح كان فين ؟ كان في سبلند بار قاعد يشرب كازوزه • أما عجايب ياناس شاب صغير ما حصلش عشرين سنه يشرب كازوزه !!
- عزبزه • لكن ياباشا كان نفسه في • • •
- الباشا • بس بس • بدله اسمو كنج ايه وبتاع ايه لما يحرم قبله شرب الكازوزه في القهاوي بعدين أجيب له بدله اسمو كنج •

بلاش خراب يا شيخه • خللى الكام قرش اللي عندنا بخير
وسلام •

الأغا • (يدخل حاملا عدة ظروف) البوسته .
الباشا • (ياخذ الخطاب الأول ويقرأه) يا خبر أسود ومطين على
دماغي ودماغك يهانم •

عزیزه • جرى إيه يا باشا ؟
الباشا • ماتت لنا بقره . يادي الداهية السوده . يتخضم ثمنها من
ماهية ناظر المواشي (ياخذ خطابا ثانيا ويقرأ ثم يتبسم)
القمح بخمسه جنيه الأرب ماشاء الله . أهو كده واللا
بلاش تزد ماهية ناظر الزراعة بنسبة ربع في المائة (ياخذ
خطابا ثالث) أعوذ بالله من الشيطان الرجيم إتخرب بيتنا
ياهانم مصيبه يهانم . داهية كبيره يهانم •

عزیزه • جرى إيه يا باشا ؟
الباشا • (في صوته رنين البكاء) يا خرابك يا سعادة محمد باشا الزفتاوي ،
يا خراب بيتك يا مسكين يا غلبان •

عزیزه • جرى إيه يا باشا لا سمح الله .
الباشا • حرقوا أربع فدادين قمح من ميت يزيد (للاغا) إمشي
يا نذير السوء ، إطلع ياوش البابور . عمرك ما تيجي بخبر
كويس . إطلع •

عزیزه • يا باشا هدي نفسك •

- الباشا • حرقوا قمح ميت يزيد، ومع المصيبة دي عاوزه بدله
سمو كنج لا بنك (يتمشي في الغرفة)
- عزیزه • بلاش يا باشا بلاش . بس ما تطلعش خلقك .
- الباشا • مع الداهيه الطويله العريضه دي عاوزه تشتري بدله
سمو كنج لا بنك . أما صحيح الأمهات خراب الأولاد .
- عزیزه • ياباشا هدي روحك .
- الباشا • آل عاوزه تجيب بدله سمو كنج لانها . يادي الداهيه •
ينطرد ناظر ميت يزيد حالا . هاتولي ظرف وجواب ، فين
الأظرف والجوابات ؟
- عزیزه • في الصالون الثاني ياباشا . في الصالون الثاني ياللا بنا •
- الباشا • ياللا ياللا بنا نكتب جواب بطرد ابن الكلب ده ، ياللا ياللا
(يخرج وعزیزه هانم وهو يقول) بدله سمو كنج • بدله
سمو كنج

﴿ المشهر السادس ﴾

حسن ثم مر جريت

(يدخل حسن وهو متألم . يحاول القراءة في كتاب ولكن
يلقى به على الأرض ويجلس واضعاً رأسه بين يديه • فتدخل
مر جريت كأنها تبحث عن شيء • فيتنبه حسن)

حسن • مين ده ؟

- مرجريت • انا .
- حسن • عاوزه ايه ؟
- مرجريت • بدور على
- حسن • دورى زي مانت عاوزه .
- مرجريت • مالك يا حسن بك ؟
- حسن • وانت مالك ياستي ومالي .
- مرجريت • بس شأيفاك زعلان .
- حسن • خللى قلبك على نفسك .
- مرجريت • طيب موش تقول لي مالك ؟
- حسن • مالي ايه . وبتاع ايه . أبويا .
- مرجريت • زعل معاك ؟
- حسن • ياريت !
- مرجريت • آمال ايه ؟
- حسن • مرضيش يشتري لي بدله سموكنج .
- مرجريت • معاهش يا حسن بك .
- حسن • (صارخا و غاضبا) معاهش يا حسن بك . معاهش يا حسن بك .
- معاهش يازفت . كآني ما اتخلقتش الا للتعاسه والبؤس .
- مرجريت • وبتزعل ليه ؟
- حسن • وانت يهيك زعل (ضاحكا باستهزاء) ها ها ها ، كل كم على
- حتى انت كمان ، ياخي وانت حتخني على ليه ؟ ما بقاش فاضل

إلا الغريب كان.

مرهریت . (تسکت) —

حسن . روحی یا شیخه .

مرهریت . لکن ...

حسن . (بشده) أخر جی .

مرهریت . ماعلش (تبکی وهي خارجه) .

حسن . بتعیّطی . استنی (یذهب الیها ویستوقفها) بتعیّطی لیه ؟

انت عیّله یا مر جریّت .

مرهریت . علشان بتزق فیّ وتقول انی ما بحش علیک .

حسن . (مبتسما) وبتحنی علیّ صحیح ؟

مرهریت . (تسکت)

حسن . ما هو یا مر جریّت کان خلّقی طالع .

مرهریت . أنا برضو یا حسن بنت ناس والفقر هو الّی حوجنی للخدمة

حسن . أنا عارف کده . لکن ماعلش یا مر جریّت . حقک علیّ .

صحیح بتحنی علیّ ؟

مرهریت . (تبتسم) ما حدش ییحن علیک فی البیت ده قدی .

حسن . وأنا کأن أحن لك . کثیر (یهم بتقبیلها قتلّت منه)

مرهریت . الله . الله .

حسن . (یقترب منها ثانیاً لتقبیلها) تعالیّ .

مرهریت . (تفلّت منه) (الله . الله . ایه ده ! !)

• مسن • كنت باطن إنك تحبيني • لكن يظهر إنك تحبيني زي
ما تحب الأخت أخوها • القصد معلمش (ياتعد عنها
ويجلس بعيداً)

• مرمريت • (بعد هنيهة تقترب منه) انت بتضحك عليّ •
• مسن • (يهم واقفا ويمسكها بين ذراعيه) أهو ده دليل حبك •
يا حبيبتي يا مرجريت بقي إنك تحبيني صحيح وأنا ما كنتش
عارف ؟

• مرمريت • (تضع عنقها على ذراعه بحياء فيقبلها فتجفل فيمسك بها)
• مسن • كمان بوسه

• مرمريت • بس اتقى أحسن حد يجي •
• مسن • كمان بوسه والنبي (يهم بتقييلها) فيدخل أمين

﴿ المشهد السابع ﴾

• مسن • • مرمريت • أمين

• أمين • تلم لم تلم تلم « تراه مرجريت فتصرخ وتخرج »
• مسن • قصدي ...

• أمين • وبتقول إنك تعيس الحظ يلبي حسن !!
• مسن • الظواهر غشاشه يا أمين •

• أمين • لكن البرهان واضح يا أبو علي •
• مسن • واتظن إيه يعني ...

- أمين • أظن ان عبد العزيز بك يستنانا في الأوتومويل تحت ،
 • مسن • ولازم نزل حالا عشان نتفسح سوى •
 • مسن • لسن والله العظيم ...
 • أمين • ماتحلفش
 • مسن • يا أمين ...
 • أمين • ياللا بنا •
 • مسن • والله العظيم ...
 • أمين • قدّامي •
 • مسن • والله العظيم ...
 • أمين • « يدفعه الى الباب » بقولك قدّامي • ياللا • و ...

منار

الفصل الثاني

المشهد الأول

عزيزه ثم مرجريت ثم فيروز أغا

(عزيزه هانم جالسة تدق الجرس فتدخل مرجريت)

عزيزه • إندهيلي فيروز أغا.

مرجريت • حاضر «تهم بالخروج»

عزيزه • قولي لي قبله. إزاي فيروز أغا يقول للستات اللّي جُم

يزوروني النهارده. اني ما كنتش هنا؟

مرجريت • أنا عارفه ياستي عمل كده ليه.

عزيزه • طيب روجي إبعثيه حالا.

مرجريت • حاضر «تخرج»

عزيزه • ما بقاش فاضل إلا فيروز أغان تعد تتخاف معاها كمان. يعني

الواحدة ماتستريحش في بيتها ولا دقيقة واحدة (يدخل

فيروز أغا)

فيروز • أفندم.

عزيزه • تعالى هنا. أنا موش قلت لك ألف مره إن كل ما تجي

ست عشان تزورني لازم تجي تقوالي. إزاي النهارده تقول

لحرم عبد الله باشا محمود اني ما نيش هنا؟

فيروز • ياستي أعمل إيه. أنا عبد مأمور.

- عزیزہ • طیب • واذا كنت عبداً مأموراً موش تمشي إلا وأمر بتاعتي؟
- فیروز • ما أقدرش أمشيها ياستي •
- عزیزہ • إزاي • إزاي تقول الكلام ده •
- فیروز • وحياتك راسك ياستي ما أقدرش مشيها أبداً •
- عزیزہ • وكم أن تقول لي كده يا راجل • أنت ما تحتشيش •
- فیروز • ياستي أنا عنديش ذنب أبداً •
- عزیزہ • أمال الذنب ذنب مين؟ •
- فیروز • ياستي الستات اللي بيجو بيزور حضرتك يشرب قهوه كثير •
- عشان كده سعادة الباشا نبه علي النهار ده إني أقول لكل ست يجي يزورك إنك يا عيان يا خرجت ،
- يا موش عاوز تقابلهم ، والسلام يعني حاجه عشان ما يدخلوش • دي أوامر الباشا ياستي • والذنب موش ذنبي والله ...
- عزیزہ • الباشا قال كده؟ •
- فیروز • وحياتك راسك ياستي الباشا قال كده •
- عزیزہ • يعني ماشفش حد من اصحابي ولا من قرايبي؟ •
- فیروز • يظهر كده ياستي •
- عزیزہ • طيب روح أنا حاكم الباشا • (لا يذهب) روح مستني ايه؟ •
- فیروز • اذا كان انت ياستي حاكم الباشا في المسئلة دي أرجوك ياستي تكلمه في مسئلة تانيه كان •

- عزیزہ • حصل حاجہ جدیدہ ؟
 فیروز • لا • موش جدیدہ یاسقی • حاجہ شفتہ بعینک •
 عزیزہ • حاجہ شفتہا بعینی • ایتی ؟
 فیروز • موش یعنی حاجہ شفتہا بعینک • لا حاجہ تعرفہ تمام •
 عزیزہ • ایه ہی ؟
 فیروز • یزود لی الماہیہ شویہ •
 عزیزہ • طیب حابقی آشوف المسئلہ دی •
 فیروز • ربنا یحلیک یاسقی •
 عزیزہ • روح بقی • (تری آمین بک قادما) • أهلا امین بک •
 روح یافیروز •

﴿ المشرہ الثانی ﴾

عزیزہ • أمین

- أمین • (یدخل) نہارک سعید یاتیزہ (یقبل یدھا)
 عزیزہ • أهلا وسهلا •
 أمین • حسن بک هنا ؟
 عزیزہ • الساعہ یابنی مجتش ثلاثہ • وهو ما یجیش قبل أربعہ •
 أمین • أنا جیت قبل الميعاد • غلطت • القصد بقی أرجع کمان
 شویہ •
 عزیزہ • أقعد یا ابني شویہ • یعنی مستعجل خالص ؟ واذا کنت

تقدر تقولي على المسئلة اللي عاوز تقولها له وأنا أبقى ...
 أمين • لا يا تيزه • دي المسئلة سرية خالص • تتعلق بإدارة أشغالي
 الزراعيه وما أقدرش أقولها إلا لحسن وفي ودنه كان •

عزيزه • ياسلام !

أمين • والباشا هنا ؟

عزيزه • لا • خرج عشان يشتري قال أواني وزهريات يحطها في
 الأوده هنا

أمين • ديه ده يا تيزه • يظهر إن الباشا من المغرمين بالفنون الجميلة
 لأن الأواني على العموم من دواعي الزينة • والزينه تدخل
 في باب الفنون

عزيزه • أنا عارفه يا بني

(تدخل مرجريت وفيروز ألتا حلفلان أواني جميلة وفي
 أثرها الباشا)

المشهد الثالث

عزيزه • أمين • الباشا

الباشا • (داخلا) حاسب يافيروز حاسبي يا مرجريت • دنا طلعت

روحي لما دفعت تمهم • أمين بك هنا ؟

أمين • اشتريت زهريات يا عمي ؟

الباشا • أيوه • اشتريت يا بني موش كويسين ؟ حاسبي يا مرجريت •

الله • شيء عجيب والله • رأيك ايه ياهانم • رأيك ايه يا أمين
 حاسب يا أغا • يعني عاوز تكسرهم عشان مادفعتش فيهم
 حاجه • أمين ياللا نرتبهم سوا (لفيروز) حط دي ناحية
 اليمين • أيوه كده • ودي يامر جريت ناحية الشمال • موش
 كده ياهانم • موش كده يا أمين ؟

أمين • أيوه برضو كده •

الباشا • ودي في الوسط • ياللا يامر جريت • إطلعي انت وفيروز
 ياللا (يخرجان) قول لي بقى يا أمين بالله عليك عمر كيش
 شفت أوانى زي دي (أمين يعرض شفتيه ضحكا) ولا عند
 واحد برنس كان • مش كده !!

أمين • موش للدرجه دي • أنا اشتريت من مدة يومين زهريات
 زي دي حطتها في أودة الكاتب عشان شفت إنه ما يصحش
 كان أحطها في أودة الوكيل

الباشا • يانهار اسود • دنا دافع تمنهم النهار ده خمسة جنيه •

أمين • الأوانى التمام تساوي مائة ومائتين وألف جنيه كان •

الباشا • ليه كده يعني • لكن يظهر انك ما تفهمش كثير في

الحاجات دي • دانا امبارح لقيت زيهم عند عبد اللطيف

باشا • قمت قلت لازم اشترى زيهم أحسن بعاين تقول

الناس إن عبد اللطيف باشا عنده حاجات موش عندي ،

أمال الواحد قدره يكبر بين الناس ازاي • موش كده ياهانم ؟

- عزیزه • تمام یا باشا . عملت طیب .
- أُمین • اشتريهم من عند مين يا عمي ؟
- الباشا • من دكان في الموسكي • نسيت اسم صاحبه يا ابني
- أُمین • والى عاوز يشتري زهريات قديمه يجيبهم من الموسكى ؟
- الباشا • أمال منين يا ابني ؟
- أُمین • من أوروبا • من باريس •
- الباشا • الماره الجايه يا ابني أبقى أجيبهم من هناك .
- أُمین • يكون أحسن . موش كده ياتيزه . ودلوقت أوروڤوار
- حابقى أرجع كان شوية عشان أقابل حسن بك .
- الباشا • طيب يا بني . لكن يعني أترجاك إنك تنبه على حسن إنه
- مايقاش يقعد فى سبلند بار . وخصوصا ما يشربش
- كازوزه .
- أُمین • حاضر يا باشا . (يقبل يديهما ويخرج)
- الباشا • أمال ياستي لازم يكون عندنا حاجات زي دي والّا بلاش
- حاجه بالمره . . . إوع تصدقي إن الواد أمين يفهم حاجه في
- الأوانى دي . بالله تقوي معايه نبص كويس في الحاجات
- الخلوة دي . ماشاء الله . ماشاء الله . ماشاء الله . تعرفي لما
- يجي عبد اللطيف باشا يزورني لازم أدخله الأوده دي
- علشان يشوف ويتحسر . ويتحسر تمام •
- عزیزه • طيب يا باشا مادام بتصرف كده ماترود ماهية حسن .

الباشا • عاشان يشرب وسكي وكونياك . موش كفاية الكزوزة
 اللي خبطت عقله . لا . لا . ياستي حسن ده مال كيش
 دعوه به بالمره تعرفي مين اللي ح يتعشى عندنا الليله
 دي ؛ حسن باشا رضوان . عين بشاوات الحكومه . اللي
 ح يتوسط لنا عشان يعاد انتخابنا في مجلس المديرية .

عزيزه • بقي ياباشا حنرجع تاني نعيش في العزبه .
 الباشا • وهو أنا جاني إلا سقوطني في مجلس المديرية . مجلس المديرية
 آه يا خساره . قال يفوز علينا هناك رجب باشا ويخليني
 أسيب البلد وأجي أعيش هنا في مصر بعدما سقطت في
 الانتخاب . آه يا مجلس المديرية يا خفخه خالص . لكن
 انشاء الله بمساعدة حسن باشا رضوان أرجع ونعيش على
 كيفنا هناك . (يدخل الأغا)

الأغا • محمود بك جت علوز تشوف حسن بك
 الباشا • حسن جاش لسه من المدرسة ويعني محمود عامل لي صاحب
 ذوق قوي وموش راضي . يدخل على طول . طيب قوله
 يشرف . (يخرج الأغا)

عزيزه • محمود جده طيب صحيح .
 الباشا • على الأقل أحسن من زفت الطين ابن أخويه أمين اللي
 ما يفهمش في الزهريات والأواني .

﴿المشهد الرابع﴾

المذكور انه محمود • ثم مرجريت • ثم حسن

- محمود • (يدخل) السلام عليكم (يقبل يدالباشا وعزیزه هانم)
الباشا • وعليكم السلام • أهلا وسهلا •
عزیزه • إزاي صحة نينتك ؟
محمود • بخير والحمد لله • • حسن لسه ماجاش ؟
عزیزه • لسه يا ابني • دلوقتي يجي •
الباشا • وإيه اللي معاك ده ياسي محمود ؟
محمود • كتاب تاريخ نابليون • •
الباشا • نابليون ؟ (يتناول الكتاب)
محمود • أيوه جتته عشان حسن •
مرجريت • (تأتي فترى الحاضرين فتراجع فتناديها السيدة قائلة)
عزیزه • تعالي يا مرجريت تعالي • عاوزاني في حاجه ؟ (تدخل)
مرجريت • أيوه ياستي (تأتي وتكلم سيدتها في أذنها فتقول عزیزه
لمحمود) عن إذنك يا محمود بك جوني ستات •
محمود • إتفضلي يا خالتي مافيش تسكيف • (تخرج عزیزه هانم
ومرجريت)
الباشا • (يكون قد انتهى من تقليب أوراق الكتاب) يعني
مافيش فيه صور ياسي محمود ؟ (يعطيه الكتاب)

- محمود • معلمش ياسعادة الباشا
- الباشا • يظهر إنك مبسوط من مدرسة الحقوق ؟
- محمود • جداً
- الباشا • الحمد لله يابني اللى دخلت مدرسة الحقوق وإياك انشاء الله
- كده تبقى قاضي عادل وكده أمبه خالص
- محمود • والله ياباشا أنا بدي أكون محامي
- الباشا • أبوكاتو ؟ أعوذ بالله من الشيطان الرحيم ياشيخ سيديك دا
- مين يجوزك بنته ومع ذلك برضو أبوكاتو أحسن من حكيم
- محمود • والله ياباشا مانيش شايف وجه التفضيل
- الباشا • يابني كل شيء يحصل في الدنيا بالقضاء والقدر فأيه بقي فائدة
- الطب ؟ وأنا كان ليّه صاحب كان عنده تمان عيال سبعة
- جامدين زى الحديد وواحد ضعيف العقل والجسم قام ماتو
- السبعة وعاش التامن • قوللى بقى الطب عمل إيه وفليدته إيه ؟
- محمود • الطب عشان الاحتراس والتوقى • موش عشان منع الموت
- ده شيء في يد الله
- الباشا • سيديك ياشيخ من الأفكار دي • دي كلها كُفر في كُفر •
- محمود • (يغير الحديث) الأوانى جميله قوي
- الباشا • انت موش عاجبك كلامي والا إيه ؟
- محمود • العفو يا سعادة الباشا • بس الأوانى استلفتت نظرى قوى •
- الباشا • صحيح قوم بنا نتفرج عليها قوم (يقتربان منها) • بالله

شفتش زيهـا عند البرنسات • قال الخلول أهـين قل يقول
إنها ماتساویش حاجه • من حق الكلام ده صحیح ؟
لا یا باشا غلطان خالص .

• محمود

الباشا • دامبارح یا ابنی اشتریت قاموس لسان العرب وخطيته
فی أودة الضیوف . ولو انی یعني كلام فی سرك ما افهمش
فيه حاجه . لیكن أهو جبتُه لازینه . واشتریت یابني کمان
(ورد الجلشاني) وخطيته جنب الخده فی السریر . ومن
یومها یابني الصداع راح منی •

• محمود

الحمد لله .

الباشا • سره باتع الجلشاني • وانشاء الله ناوي أروح أزور قبره

• محمود

اتفضل یا سعادة الباشا اذا كان فی عزمك النهار ده

الباشا •

لا یابني لأقعد . موش النهارده . بقی انت فاهم انی حروح
أزوره النهارده ؟ لا . دانا الليلة عازم حسن باشا رضوان
عين باشوات الحـكومة . وكلام فی سرك ، هو الی رايح
یتوسط لي عشان یعاد انتخاني فی مجلس المديرية . ما تعرفش
حسن باشا رضوان ؟

• محمود

والله ما سبقتش لیـه معرفه به .

الباشا •

طبعاً . لانك لسه صغیر ما تعرفش الناس أصحاب المقامات
العاليه (یدخل حسن) أهو حسن جه . (وبعد أن یقبل

حسن يد الباشا ويسلم على محمود) أما أسديكم بقى وأخرج
(يقبل محمود يد الباشا وهو خارج)

﴿ المشهد الخامس ﴾

حسن • محمود

محمود • جيت لك كتاب نابليون .

حسن • (يأخذه منه) متشكر • ياترى تسمح لي أني أخليه عندي
لا آخر السنه عشان الامتحان والا . . .

محمود • ياسلام يا حسن . طيب وانا محتاج له . خليه عندك ياسيدي
على طول .

حسن • متشكر . لا بس لا آخر السنه . إلا قولاني . ماقرتش أبيات
سالم الجديده ؟

محمود • عمل قصيده جديده ؟

حسن • يخرج من جيبه جريده خذ واقرأ

محمود • ونشرها في جريده (يقرأ)

متى أنا بالغ منك المراما * وشاف في محبتك الأواما

وقاض حق حبك وهو حق * له الغمرات تقتحم اقتحامما

علام هجرتني وجعلت قاي * بنار الهجر يضطرم اضطراما

لئن زعم الغزول بأن قاي * سلاك وأنه نسي الغراما

فأني لم أزل في الحب صبا * أمين القلب أحتمل السقاما

وكيف أخون للأحباب عهداً * وقد أقسمت أن أرفع الزماما

إذا . . . * . . .

• مسن • الباقي كله مدح . ما فيش داعي اننا نصدع أسماعنا به

• محمود • دي قصيده جميله جداً

• مسن • إسكت أما امبارح وانا باقرا في ديوان البحري وقعت

على أبيات من أحسن ما يكون .

• محمود • سمعها لي يا أخي .

• مسن • عن أي ثغر تبسم * وبأي طرف تحسب

حسن يضمن بوصله * والحسن أشبه بالكرم

أفديه من ظلم الوشاة * وإن أساء وإن ظلم

وكان في قلبي الذي * في ناظريك من السقم

يهنيك انك لم تذق * شهداً وإني لم أنم

• محمود • وانت يا صاحبي ما عملتش حاجه جديده ؟

• مسن • بعض أبيات

• محمود • ومستنى إيه يا أخي سمعها لي اعمل معروف

• مسن • حياتي هي الحب والحب ديني * والحب قضيت عمري شقيا

أمانى في الحب شيء كثير * وما نلت يا قوم من الحب شيكماً

عذابي كبير ولو لا عذابي * لما كنت صبا عفيفا تقيا

ولي في الهوى عفة لا تجارى * ونفس ترى الموت حلوأ هنيا

فقيم الملامة يا من يلوم * ولو لا الغرام لما كنت حيا

محمود . أهنيك يا أخي . لكن بقي تسمعش لي بسؤال صغير ؟

حسن . إتفضل .

محمود . يعني زمان كنت ما بتسمعناش إلا أشعار في الفخر

والجاسه ، وكنت ما تحودش على الغزل أبداً . ودلوقت

شايف المسئله انعكست . ما تقول لي السبب إيه يا أخي !!

تكونش مغرم والا حاجه ؟

حسن . أعوذ بالله ياشيخ . مغرم إيه وبتاع إيه .

محمود . وهو الحب حرام ياسي حسن ؟

حسن . لا . ولكن مايجبش .

محمود . أقول لك ياعم . بتحب واللا ما بتحبش أهو كاه واحد

(ينظر في ساعته يهم واقفا) أما أقوم بقي أحسن الساعة بقت

أربعة ونصف

حسن . لسه بدري ياسيدي .

محمود . أقول لك راح أقعد شويه لحد ما أقول لك حكاية غريبه

حصلت عندنا في المدرسه .

حسن . إيه هييه ؟

محمود . واحد تلميذ انتحر .

حسن . انتحر ؟ ياشيخ ما تقولاش كده .

محمود . لا . انتحر صحيح .

حسن . وليه ؟

محمود • كان يوجب بنت فقيره مارميش أبوه يجوز هاله قام المغفل
يقوم يموت روحه . بالله عليك موش مغفل .

مصن • مغفل إزاي ياشيخ . ده مات شهيد .

محمود • سيدك ياشيخ دالحب جنون في جنون .

مصن • ماتقولش كده يامحمود .

محمود • ليه ؟

مصن • علشان ...

محمود • علشان انك تحب . أديك وقعت يابطل . والحكاية اللي

قلتلك كذب في كذب .

مصن • ياسلام عليك يامحمود .

محمود • إنت تعرف يا حسن اني أحبك كتير وأحب لك الخير وأحب

من صميم قلبي إنك ماتقعش واقعه ماتعرفش تقوم منها .

أنا عارف أبوك كويس فحاسب يا صاحبي .

مصن • والله يا أخي أنا موش سائل .

محمود • ماتقولش بس كده .

مصن • وأقول أكثر من كده كمان . حد عارف الظروف ؟ ماتقول

لي أعمل إيه يا أخي ...

محمود • طيب قول لي بتحب مين ؟

مصن • (يسكت)

محمود • مين بالذمه

• حسن •
 واحدہ عایشہ معایہ فی البیت •
 • محمود •
 مرجریت موش کاہ ؟ (حسن یحییٰ رأسہ علامۃ الموافقة)
 حاسب یا حسن • حاسب لیجی علیک یوم تفتح فیہ عنیک
 وتعرف إن الحب ده له وقت فخصوص بعد ما یفرغ الواحد
 منه ما یعرفش یعمل إیہ ؟

• حسن •
 یبقی ربنا یفرجها •
 • محمود •
 انت نسیت ان کل حب له أجل •
 • حسن •
 والله یا محمود انا مادفعنیش لب مرجریت الا البؤس الی
 انا عایش فیہ . أدیک شایف وعارف الی بیعملہ أبویہ فی .
 یعنی لو ما کنش بیعذبني العذاب ده کاہ . والا کان
 ییجن ویشفق علی شویہ کنت لاحیت ولا نظرت آی
 نظره لمرجریت ولا خلافا . أعمل إیہ یا أخي ما حدش
 ییجن علی فی البیت ده غیرها . أعمل إیہ اذا كانت هی
 الوحیدہ الی شایفها قدایی .

• محمود •
 انا ح اسیبک دلوقتی لکن عاوز انک تتانی وتفکر .
 • حسن •
 ہیہ . نہارک سعید .

• حسن •
 لستہ بدري •
 • محمود •
 لا . لازم أخرج . یدوبک أحصل صاحبي فی البیت .
 • حسن •
 (یسیر معہ الی الباب) مع السلامہ •
 • محمود •
 بالله تستني . لأ خلیک .

- حسن ما يصحش .
- محمود ياسيدي ما فيش تكليف (يخرج)
- حسن (يذهب بجوار المكتب ويجلس ويفتح كتاب ويقرأ فيه تأتي مرجريت من ورائه وتضع يدها على عينيه)
- حسن مين ده ؟ الله مين ده ؟ بلاش هزار بتي . اوه . اوه (تضع يديها على فمه . فلما يراها يقف ويقبلها) انت ؟ انت يا حبيبتي .

﴿ المظهر السادس ﴾

- حسن • مرجريت
- مرجريت • جيت أشوفك : إيه الكتاب ده ؟
- حسن • رواية غصن البان .
- مرجريت • غصن البان ؟
- حسن • دي رواية من تأليف لا مرتين . إسمها في الأصل جرازيل
- مرجريت • وحكايتها إيه يعني ؟
- حسن • دي واحدة حبت لا مرتين . وقضت الظروف عليهم بالفراق ومسكينه ماتت شهيدة جها .
- مرجريت • (تنهد)
- حسن • بتشهدي ليه يا مرجريت ؟

مرجريت • صعبت عليه البنات عشان حالها يشبه حالي . بقى مانتش

عارف إنه حيبنى يوم من الأيام تتجوز فيه يا حسن

حسن • يستحيل . يستحيل إني أسديك . سامعه يستحيل .

مرجريت • حد عارف .

حسن • ليه يا مرجريت ؟ إنت شايفاني يعني وش خيانه ؟

مرجريت • لا يا حبيبي . بقى يا حسن أأبكره تبقى كده السكل فى

السكل رايح تفتكر فيّه ؟

حسن • عمري ما أنساك يا مرجريت (يقبلها) تعرفي أنا جيت لك

هديه جديده

مرجريت • انا مش عاوزة لاهديه ولا غيرها إنت حيلتك حاجه

يا حسن دلوقتي •

حسن • إنت فاهمه إن الهديه دي كاقتني حاجه كبيره • أبدأ

حوشت ريال كل شهر لحد ما اشتريتها لك •

مرجريت • وياه هي ؟

حسن • حذرى

مرجريت • حلق ؟

حسن • لا .

مرجريت • دبوس ؟

حسن • لا .

مرجريت • (تضع يدها على أصبعها) خاتم ؟

- حسن • ولا ده كان •
 مرهبريت • إيه آمال؟
 حسن • عقد •
 مرهبريت • حلو خالص • تسلم إيدك واشتريته بكام؟
 حسن • بخمسين قرش •
 مرهبريت • (تلبسه) جميل قوي (تخلعه) أمّا أعينه أحسن حد
 يشوفه •
 حسن • وخصوصا الوالد ياستي •
 مرهبريت • مين اللي جى دلوقتى؟ (يستمعان صوت أوتوموبيل)
 حسن • أمين من غير شك (ينظر من النافذه) هوّه بعينه •
 أهو طلع على السلام •
 مرهبريت • أما أروح أحضر لكم كبايتين شربات •
 حسن • قوام •
 مرهبريت • أوع تسمع كلامه • ده واد فلاقي •
 حسن • ماتخافيش (تخرج من الباب اليمين • يدخل أمين من
 الوسط)

﴿المشهد السابع﴾

- حسن • أمين • ثم مرهبريت •
 أمين • (داخلا حزينا) سلامات يادي حسن •

- حسن • سلامات يا أخي .
- أمين • عزني ياسيدي . إمبراح خسرت خمسين جنيه في التيرو .
- حسن • خمسين • مره واحده !
- أمين • صحيح المبلغ جسيم . لكن الواحد لازم يعزي روحه .
- حسن • أيوه يا أخي لكن لازم تدبر روحك .
- أمين • بكره تدبر يا ابو علي . إسمع . أناجيت لك من مدة ساعة ولا لقيتكش قت رجعت ناني ، لان فيه مسئله ضروريه قوي عاوز أحكيك عليها .
- حسن • أنا في الخدمة يا أمين .
- أمين • المسئله تتعلق بأحدى معشوقتي (ايحون) اللي قاعده في رقبتي لحد دلوقت ومش عارف إزاي بأحبها يا أخي مش فاهم إزاي • دي مسأله يظهر انها عويصه خالص .
- حسن • عويصه قوى وبعدين ؟
- أمين • وبعدين مافيش حاجه طردني من بيتها النهارده .
- حسن • ياخير • والسبب ؟
- أمين • والسبب إني كنت قابلت في السكه بنت ماقولشي يعني إنها جميله ، لكن فيها جازية تجزب الواحد مدة أربعة وعشرين ساعة بس • قت مشيت وراها بس وبعدين شافني واحد طالع من عندها . قام راح بسلامته وقال لايقون وعليه حكيت على بالطرد . مش مصيبه .

- مصيبة كبيرة توي . وعاوزني يعني أعمل إيه ؟
 • حسن
- ماهو يعني حللت لها إني كنت معاك في الساعه المعهوده
 • أمين
- قامت قلت لازم تجيب لي . (تدخل مرجريت حامله
 أواني الشربات) أيوه قام قال لي لازم تجيب لي ابن عمك
 عشان يحلف لي إن الكتاب عنده (مرجريت تعطيها
 كوبات الشربات) (مارجريت) كيف الكيف
 يامدموازيل مرجريت ؟
- مرجريت • بخير .
- الصحة مش تمام ؟
 • أمين
- تمام .
 • مرجريت
- واخفقان زال ؟
 • أمين
- ياخي ! (يعطيهاها كوبتا الشربات وتخرج) .
 • حسن
- نسيت أسألك . إزاي أحوال حبك يا أخي ؟
 • أمين
- بلاش هزار بقى .
 • حسن
- على إيه ياخويه . شفت بعيني ماحدث قال لي .
 • أمين
- وبعدين ؟
 • حسن
- ولا قابلين . يعني بس أديك بقى لك شهر وانت متمتع
 • أمين
- خالص بدى أعرف بس لمدى تقطه وصلت ؟
 • حسن
- كل حكايته أحسن .
 • حسن
- عندك حق . بس يعني عاوزك تيجي معاى وتحاف لها
 • أمين

إني كنت معاك في الساعه اللي شافني فيها العزول مع
البنت دو كما .

• مسن • إستتاني بكره بالأ وتومويل عند المدرسه وأنا أروح معاك .

• مسن • لكن لا ياعم خايف أبوى يسمع .

• أمين • إعمل معروف يا حسن .

• مسن • وانت كمان إعمل معروف يا بي أمين !

• أمين • أدبك دقت نار الحب ياخويا إعمل معروف . ويمكن يا أخي

• مسن • تلاقي عند ايشون وظاويظ تانيه يغنوك عن الخدامه دى .

• مسن • لا يا أمين . حاكم الهزار لما يتعدى حدوده يبقى تقيل قوى

(يبتعد عنه)

• أمين • (يسكت قليلا) عندك حق .

• مسن • (لا يرد) .

• أمين • سامحي يا حسن

• مسن • الله يسامحك ياسيدى .

• أمين • إعمل معروف وحياة راس أبوك .

• مسن • لا . لا . إحلف براس واحد تاني أحسن .

• أمين • طيب وحياة راسي أنا . ما تخدش رجائى .

• مسن • على شرطين . الأول إن أبوى ما يسمعش . والثاني إنك

ما ترجعش لهزارك البارد .

• أمين • أبداً تبت لوجه الله . متشكر يا أخي متشكر (يهم واقفاً)

بكره الساعه ٤ حاكون بالأتومويل قدام المدرسه .

أورقوار

• حسن • أورقوار (يخرج أمين من باب الوسط • وتدخل

مرجريت من باب اليمين)

• مرمر بيت • دهده • خرج أمين بيك والّا ايه ؟

• حسن • في داهيه يالستي •

• مرمر بيت • صحيح ؟

• حسن • وقصدك ايه ؟

• مرمر بيت • القصد تعرفو مدموازيل ايشون •

• حسن • ديهده ؟ انت سمعت الى كُنّا بنقوله

• مرمر بيت • كنت واقفه وري الباب وسمعت كل حاجه • يالّا ياأخي

• روح عند مدموازيل ايشون الى حاتغنيك عن الخدامه دي •

• حسن • وهوّ انا سكت له لما قال كده ؟

• مرمر بيت • لكن رضيت انك تروح معاه •

• حسن • عشان أأدى له خدمة

• مرمر بيت • أمّا خدمة شريفه قوى •

• حسن • انت عاوزه تجرحي إحساري والّا ايه ؟

• مرمر بيت • (غاضبه) بس أسكت بقي • أسكت •

• حسن • ايوه اسكتي انت هو انا عملت حاجه • لا الحق انا

ما اسمحش لك إنك تكلميني كده أبداً

- مرہریت • طیب (بصوت مہدج)
- حسن • شیء غریب ! أما شیء الواحد ما یقدرش یتحملہ صحیح •
- مرہریت • (بصوت اکثر تہدجا) طیب •
- حسن • والا یاتری عاوزہ تکنونی مستبدہ !!
- مرہریت • (بصوت کله بکاء ثم تبکی مرة واحدة) طیب طیب
- حسن • ما عند کیش إلا العیاط ... تعالی • تعالی • (یقترب منها)
- مرہریت • أوعه کده • أوعه •
- حسن • (بلطف) الحق علیک یا امرجریٹ •
- مرہریت • کتر خیرک •
- حسن • طیب الحق علیّ (یسک یدیہا) تعالی (یجاس علی الطاولة)
- مرہریت • تعالی إقعدي جنبي •
- مرہریت • إوعدني قبله إنک ماترو حش بکره عند ایقون •
- حسن • ابدأ واللہ ابدأ تعالی بقی (تجلس علی الطاولة) إبتسمی
- بقی (تبتسم) ایوہ کده (یطبطب علیہا) ہاتی بوسہ
- (یہم بتقبیلہا فیدخل والدہ)

﴿المشہر الثامن﴾

- حسن • مرہریت • الباشا • ثم فیروز اغا
- الباشا • ما شاء اللہ • ما شاء اللہ • بتعمل إیہ یاسی حسن ؟ واللہ طیب
- یاخویہ (مرجریٹ تمہم بالخروج) إستی هنا إستی •

حسن • أرجوك يا أبويا

الباشا • وكمان عاوز تكلم بعد اللي شففته بعيني .

حسن • إعمل في اللي انت عاوزه أما هي مظلومه .

الباشا • سبحان الله في طبعك يابني حسن . أمّا ولد قليل الحياء .

إزاي يلواد تحب خدامه وتبوسها ؟

حسن • عشان إنت اللي دفعتنى

الباشا • أنا ياناس !

حسن • معلوم انت . حد كان أجبرك . على انك تعاملنى المعامله

السيئته دي . حد كان أجبرك على انك ما تخدش لى حبيب

فى البيت ده . حد كان أجبرك على انك تجيب فى بيتك

خدامه تكبر وتحن على ؟ انت السبب . معلوم انت السبب

الباشا • آه يا قليل الحياء والادب . والله لازم أضربها قدامك (يهم

يضربها . يعترضه حسن)

حسن • مستحيل .

الباشا • وبتقول كده كمان . طيب خد والله لأضربك

(تدخل عزيزه هانم من باب الوسط)

عزيزه • يا باشا . يا باشا . ده ابنك

الباشا • لازم أضربه .

عزيزه • حرام عليك يا باشا . انت ما فيش فى قلبك رحمه ؟

الباشا • بقى الولد المفعوص ده أدخل الأقيه عمال يبوس البنت دي

- وكان لما أكله يحجم لي . والله العظيم لأضربه
 عمل معروف يا باشا . أبوس رجليك (لمرجريت) ياللا
 يا بنتي يا لله اخرجي . لمي هدوهك وكفاهي التي حصل بقي
 حططردوها . يستحيل أقعد أنا مكان
 توفر يا خويا . لكن استني . والله العظيم لأضربه
 (يهجم نحو حسن)
 تمنعه (وحياة راسك يا باشا تسكت (لحسن) حسن
 أبوس ايديك يا بني تسكت (لمرجريت) ياللا
 يا مرجريت ياللا
 مرجريت . حاضر ياستي (تخرج وهي تبكي)
 ياللا بنا يا باشا في الأوده دي
 يستحيل أخرج قبل ما أديله كم قلم على أصداغه . تعالى
 يا وادهنا
 يا باشا عمل معروف
 ما انتش راضي تيجي ؟ طيب استني (يهجم عليه) والله
 لأضربه
 (يدخل) حسن باشا رضوان جيت
 (وكأنه نسي كل شيء) . حسن باشا رضوان جه . عين
 بشوات الحكومه جه . فين الرذنجوت ؟
 في أودة اللبس
 عزيزه .

- الباشا • مجلس المديرية • حسن باشا رضوان • الردنحوت • فين
الردنحوت ؟
عزیزه • في أودة اللبس ياللا بنا
الباشا • (يهرع نحو باب اليمين صاعدا) الردنحوت • الردنحوت •
مجلس المديرية • حسن باشا رضوان (يخرج وعزیزه من
باب الشمال)
حسن • (يجلس على كرسي يستسلم لافكاره • تدخل مرجريت
من الباب اليسار • وتناديه بصوت خافت)
مرجريت • حسن •
حسن • مرجريت •
مرجريت • هس • اتكلم بشویش • أنا جيّه أودعك
حسن • آه • • • •
مرجريت • آخر بوسه يا حسن • (يقبلها ثم تهم بالخروج وعند
وصولها الى الباب تلتفت اليه ويلتفت اليها فينهضان
لبعضهما ويتعانقان ثم تهرب من بين ذراعيه نحو الباب
وتخرج فيرتقى حسن على كرسي مجيشا بالبكاء)



الفصل الثالث

(منظر الفصل الاول والثاني)

﴿ المشهر الاول ﴾

- الباشا • عزيزه • هانم
 • الباشا • (جالسا يقرأ جريده) أعوذ بالله من الشيطان الرجيم . أعوذ
 بالله من الشيطان الرجيم .
 عزيزه • ايه ياباشا ايه ياباشا ؟
 الباشا • ولد قتل أبوه . ولما سألوه عن السبب . قال لهم إن أبوه بلغ
 سبعين سنه ، وإنه شبع من الدنيا ، وعلشان كده موته .
 عزيزه • أعوذ بالله . يارب ماتورينا سوء ابدأ .
 الباشا • ده شيء فظيع (يعود للقراءه ثم يضحك مرة واحدة) •
 عزيزه • ايه ياباشا ؟
 الباشا • ها . ها .
 عزيزه • ماتقول لي ايه ياباشا .
 الباشا • ياشيخه خليني أضحك شويه .
 عزيزه • والنبي تقول .
 الباشا • شيخ بعمة يلعب الباتيناج . موش حاجه تضحك . ياشيخه
 دي الناس قعدت تضحك عليه لما قالت بس .
 عزيزه • عندهم حق .

الباشا • (يعود لتلاوة الجريدة . ويقول وهو يضحك) قال شيخ
بعمه يلعب الباتيناج (يعاود القراءة ثم لا يلبث أن يرفع
رأسه ويتنهد) الحمد لله . الحمد لله .

عزیزہ • ايه يا باشا ؟

الباشا • آن الأوان يا ختي . رجب باشا سقط في الانتخاب في مجلس
المديرية . الحمد لله . الحمد لله . بدي بقى أقوم أقابل حسن
باشا رضوان . أظنك عارفه السبب . على الله السنه الجايه
ينفع انتخابي ونرجع بلدنا بعد ما قعدنا هنا تمن سنين في غلب
وعذاب أحمر .

عزیزہ • ما قرأتش حاجه عن السياسة ؟

الباشا • مالنا وما لها يا ختي السياسة . لأ . خيلنا بعيد عنها اعلمي
معروف . أمّا أخرج بقى ألحق حسن باشا . (حسن داخلا
ومعه كتاب فعند ما يرى والده يقف مكانه) أهلا وسهلا
كنت فين ياسي حسن ؟

المشهد الثاني

الباشا • عزیزہ • حسن

حسن • كنت في أودتي باذا كر .

الباشا • طيب وجاي هنا تعمل ايه ؟

حسن • اذا كر برضو

- الباشا • وايه اللّى معاك ده ؟
- حسن • تاريخ نابليون .
- الباشا • تاريخ نابليون والّا مرجريت ؟
- عزيزه • ياباشا إعمل معروف
- الباشا • ونلوي السنه دي تنجح في البكالوريا والا تسقطزي عنول
- حسن • إن شاء الله رايح أنتجح .
- عزيزه • ان شاء الله ياباشا ينتجح . أنا شايفه حسن بيذاكر دروسه
- كثير السنه دي .
- الباشا • آه بيذاكر السنه دي ، طبعا ما هو عنول كان عنده
- شاغل تاني
- عزيزه • ياباشاليه بس !
- الباشا • اسكتي . اسكتي . ده اللّى عمله حسن مايتعملش . القصد
- أمّا أقوم أخرج أقابل صاحبك على الله النوبه دي تنفع
- المسئله . (يهم بالخروج) ذاكر يا حسن دروسك . يكفى اللّى
- حصل (يخرج)
- حسن • أف . أف . أف .
- عزيزه • مالك يا حبيبي النهارده زعلان قوي ؟
- حسن • ولا زعلان ولا حاجه يانينه .
- عزيزه • هوّ أنا يابني ما اعرفكش لما تزعل !
- حسن • والله يانينتي مافيش حاجه •

- عزیزہ • یابنی یاحیبی ریح قلبی اعلم معروف •
 حسن • وبس ح أقول لك ایه یانینہ •
 عزیزہ • طیب تخلینی أقول انا؟
 حسن • قولي •
 عزیزہ • يظهر إنك رجعت تفتكر في صاحبتنا •
 حسن • یاسلام یانینہ ، یاسلام ، یعنی لازم تنكدي علیَّ إنت وابویہ
 كل يوم بالسیرہ دي • هو أنا یاناس بحیب لکم سیرتها ، انا
 یاناس بتكلم ، موش تسكتوا عني زي مانا ساكت عنكم
 عزیزہ • بس یابنی مش عاوزہ أشوفك زعلان •
 حسن • طیب یاستی أدینی موش زعلان •
 عزیزہ • طیب هات بوسہ •
 حسن • (يقدم لها خدہ) هیہ •
 عزیزہ • إخص عليك یاحسن • برضو کده • طیب معاش (تخرج)
 حسن • اف . اف . أروح فین ؟ (یرمي بالكتاب الى الكرسي
 ويجلس)

﴿المشهد الثالث﴾

حسن • محمود

- محمود • (داخلا بسرعه) حسن •
 حسن • محمود . جيت في وقتك يا أخي •

• محمود جري إيه يا اخي ، إن شاء الله خير ، إيه مني الجواب الى بعته ليته النهارده الصبح تستعجاني فيه بالحضور .

• حسن مصيبه كبيره يا اخي .

• محمود لاسبح الله ياشيخ .

• حسن والله مصيبه كبيره خالص . أقول لك الواحد يموت روحه ويخلص أحسن .

• محمود بس موش تقول لي ايه اللي جري ؟

• حسن إسكت ، مرجريت .

• محمود مالها ؟ مافات على حكايتها خمس أشهر . إيه اللي جدد العبارة ثاني ؟

• حسن إسكت أنا خييت عنك ثلاث جوابات بعثتهم ليته

• محمود ثلاث جوابات ؟ وفيهم إيه ؟

• حسن فيهم إن مرجريت حامل

• محمود حامل يادي الداھيه . ما نقولش كده ياشيخ ، وقلت لك إيه في الجوابات ؟

• حسن الأولاني أخبرني فيه بالمسئله . والثاني طلبت مني فيه

المساعده . والثالث هددتني فيه بالحضور

• محمود ورّيني جوابها الثالث

• حسن خد .

• محمود (يتناول الخطاب ويقرأه) خطاب صغير خالص . يظهر

إنها متضايقه قوي . وبعدين ؟ . امتي وصلاك الجواب ده ؟

حسن • إمبراح

محمود • على كده يظهر انها ح تيجي النهارده . يا أخي ليه بسّ ما

قلنديش على السر من الاول . كان الواحد كلفّ المسئلة وانتهت .

حسن • أنا عارف يا أخي . أديني عمّال اسأل روجي مش عارف أعمل ايه ؟

محمود • شوف ، المهم إن أبوك ما يعرفش المسئلة . أمّا مرجريت

الواحد يقدر يراضيهأ بشيء

حسن • وأجيب لها فلوس منين ؟

محمود • أقولك . أول حاجه لازم تقول لنينتك على كل شيء •

حسن • ما أقدرش يا أخي ما أقدرش (يشفق بالبكاء)

محمود • بتعيط . انت عيّل صغير يا حسن . إخص عليك يا شيخ .

كنت أظنك راجل

حسن • اسكت يا ابن خالتي • دى مصيبه كبيره قوي . أنا ملزم

بتريه الولد والصرف عليه ، وضميري ما يسدحش ليه أبداً

إني أسيبه • لكن قولي • أجيب له فلوس منين ؟ هو أنا

حياتي حاجه

محمود • يا أخي قلت لك لازم تقول لوالدتك قبله

حسن • ما أقدرش أقول لها

- محمود • أقول لها أنا . فيه أحسن من كده ؟ القصد إن أبوك ما يعرفش حاجه .
- حسن • (صارخا) أبويه • أبويه • موش هو سبب المصايب دي كلها .
- محمود • مش هو سبب المصايب دي كلها .
- محمود • هدِّي روحك يا شيخ
- حسن • والله يا شيخ الواحد عاوز يموت ويخلص ، أيوه والله عاوز أموت ، عاوز أموت • آه ياريتني مت يا شيخ .
- (يدخل أمين)

﴿ المشهد الرابع ﴾

- حسن • محمود • أمين • ثم فيروز أغا
- أمين • تموت • تموت !! بونچور محمود بك • تموت يعني إيه ياراجل ؟
- محمود • (برأاً لحسن) ما تقولاش حاجه أبداً • سامع •
- أمين • مصيبيه كبيره قوي ؟؟ موش معقول •
- حسن • موش معقول إزاي ؟
- أمين • عشان مافيش في الدنيا مصايب أبداً •
- محمود • انت عاوز تقاب المسئله هزار والا إيه ياسي أمين ؟
- أمين • أبداً • أنا بتكلم جد اذا كان الواحد يبص للدنيا بعين الفلاسفه
- ما يتعبش أبداً ولا تجيش له مصايب بالمره
- حسن • لسكن مصيبتني كبيره قوي • البننت مرجريت اللي كانت هنا

- أمين • ما لها ؟
 حسن • حامل •
 أمين • (يذهب ويمسك يد حسن) حامل ••• براؤو عليك يا أبو علي
 محمود • (لنفسه) كويس خالص •
 أمين • وفين يا أخي المصيبة اللي عمّال تدور عليها ؟
 حسن • يا أخي سيب الهزار • الولد ده مين حايريه •
 أمين • أمه ، والا أبوه ، والا أي واحد • القصد يتربى والسلام •
 وكلام في شرك لما أبوك راح يسمع بالمسئلة
 حسن • يطردي من البيت •
 أمين • أبداً يا عبيط • ده حايئبسط منك قوي لما يعرف انك واد
 تمام ، جدع •
 محمود • تمام ايه وجدع ايه يا شيخ •
 امين • معلوم تمام وجدع • على الأقل أجدع هني • دا أنا بقى لي يجي
 خمس سنين مع يجي سبعين واحده ولا عرفتش أعمل
 كتكوت ، والواد المفعوص ده في ظرف خمس تشهر
 يعمل عملته ديه ، أمّا براوه عليك صحیح يا ابو علي •
 حسن • (لحمود) وبعدين بق يا محمود يظهر إن أمين ح يسوقها
 هزار للاخر •
 محمود • (لحسن) ماهو الحق عليك انت ، ليه يعني كنت بحت
 له بالسمر •

- حسن . أنا عارف .
- أمين . (حسن) قولي بقي يا حسن بيه وايه اللي نويت عمله ؟
- محمود . (محتدًا) يا أمين بيه اقول لك الحق إحنا ماخناش عندنا وقت نسمع فيه هزارك البارد ده ، إعمل معروف تخلينا شويه لوحدنا .
- أمين . انا رايح أقعد خمس دقائق بس .
- محمود . لا . لا . ولا دقيقة واحدة .
- أمين . (ممتعضًا) طيب رايح أقعد عشر دقائق .
- محمود . من فضلك يا أمين بك تخلينا لوحدنا .
- أمين . (يقف غاضبًا) يا سلام يعني قصدك تطردني والّا إيه ؟
- حسن . لا . موش قصده كده بس يعني . . .
- محمود . (مقاطعا على حسن الكلام) إفهم كلامي زي ما انت عاوز أنا بقول لك اننا عاوزين نقعد لوحدنا . فاهم والّا لا .
- أمين . فاهم قوي (حسن) انت شاهد يا حسن بيه . لو كنت تلاقيني مره ثانيه أكلم الجدة ده إبقى تف في وشي .
- نهاركم سعيد (وهو خارج حسن) أهنيك للمرة الثانية أمّا صحيح ولد جدع تمام خلص . (يخرج)
- محمود . الحمد لله اللي انزاح عنا .
- حسن . لكن يظهر إنه زعل .
- محمود . ينفلق ده شيء يجنن . ياسيدي اللي في ايدنا أهم منه

- مسن • عندك حق قول لي تعمل ايه ؟
- محمود • اسمع انا فهمت من جواب مرجريت انها حتيجي النهارده وتبقى مصيبه كبيره لو جت وشافها أبوك وعرف الحقيقه
- مسن • آه يا محمود لو عرف الحقيقه مايبقاش فاضل إلاّ أموت
- محمود • سيبك من الكلام ده يا شيخ ، سيبك موت ايه وبتاع ايه أول حاجه لازم تقول لينتتك :
- مسن • ما أقدرش أبداً ما يمكنش
- محمود • اسمع الكلام يا حسن بلاش مناقشه دلوقت ، موش وقته
- مسن • ما أقدرش أقول لها
- محمود • انا أقول لها ياسيدي ، أنا اللي رايح أقول لها •
- مسن • لكن
- محمود • (مقاطعاً عليه الكلام) أعمل معروف ماتضيعش الوقت (يذهب ويدق الجرس)
- مسن • وبعدين ، وبعدين ، آه ياربي آه ياربي
- فيروز • (داخلا) أفندم
- محمود • روح لست وقول لها إننا عاوزين نكلمها في مسئله مهمه قوي
- فيروز • حاضر (يخرج)
- مسن • دلوقتي حتيجي يا محمود ده شيء ما أقدرش عليه أبداً
- محمود • أمّا إنت خوّاف ضحيح إستني يا أخي هو حد في الدنيا يقول

إن الأم تيجي على ابنها ، دلوقت من غير نزاع تساعدنا

حسن • صحیح ؟

محمود • مؤكد ! (تدخل عزيزه هانم)

﴿ المشهد الخامس ﴾

حسن • محمود • عزيزه هانم

عزيزه • (في حالة انزعاج) ايه اللي جري ؟

محمود • ولا حاجه يا خالتي •

عزيزه • (تنظر لوجه حسن) مالك يا حسن ؟ كنت بتعيط ؟

حسن • عندي صداع •

عزيزه • يستحيل هو اللي عنده صداع تبق عينه حمرة كده ماتقول

لي يا ابني مالك ؟

محمود • اسمي يا خالتي ، المسألة مهمة صحیح ، مهمه جداً •

عزيزه • طيب قول لي ايه هي يا محمود بك ؟

محمود • وعاوزين إنك تساعدينا فيها

حسن • (لنفسه) آه

عزيزه • خير انشاء الله •

محمود • خير انشاء الله انت تعرفي بالطبع البننت مرجريت • •

عزيزه • عارفه إننا طردناها من بيتنا لكن ما عرفش ايه اللي جري

لها بعد كده

- محمود • ولا حاجه بعثت جواب لحسن- تقول له فيه انها حامل منه .
- عزيزه • حامل منه (تندھش) كلام فارغ كدابه البنث دي .
- محمود • يجوز انها تكون كدابه لكن المهم انها ح تبحى انها وده هنا .
- عزيزه • وايه يعني نطردها من البيت ؟
- حسن • ازاى ؟
- عزيزه • معلوم نطردها ازاى ، نعرف ان اللّٰى في بطنها ابنك ؟
- حسن • انا متأكد من كده .
- محمود • مش المهم ده كان ، تقولي ايه يا خالتي لو شايفها الباشا ؟
- عزيزه • يطردها كان .
- حسن • (بشهامه) ويطردني معاها
- عزيزه • حسن إختشي ايه الكلام اللّٰى بتقوله ده
- حسن • اذا كنت يانينتي تقدرى إنك تطردني من بيتك وتتخلي عني ، أنا برضوا قدر أطرد مرجريت وأتخلي عن الولد اللّٰى في بطنها .
- محمود • ياتيزه أنا عاؤك تدبري معنا شويه في المسئله دي • المسئله موش سهله أبداً • والفضيحة موش كويسه •
- عزيزه • فضيحة ايه وعار ايه . واحده بنت جايه تدعي علينا دعوه زور ايه الداعي إننا نصدقها •
- حسن • يانينتي إن ما كنتيش رايحه تساعد مرجريت أنا مستعد اني أخرج من البيت ده وأري ابني بأي وسيلة كانت

والا أموت روحى (يخرج مسدس من جيبه)

عزیزہ • (صارخة في وقت واحد مع محمود) حسن

محمود • (يخطف من يده المسدس) يا مجنون عاوز تعمل ايه ؟

حسن • أعمل ايه يانينتي ؟ آه يانينتي والله الموت أحسن (يبكى)
والله ياناس الموت احسن .

عزیزہ • (نلاطفه) ما تزعاش يابنى هون عليك أنا أصلح كل حاجه

(لمحمود) انتم متأكدين إن مرجريت حتيجى النهارده؟

محمود • أيوه ؟ لأنها بعقت لحسن ثلاث جوابات . الأول شرحت

له فيه المسألة ، والتاني إترجته فيه ، والتالت هددته بالحضور

النهارده بالله قولى لي لو عرف الباشا يعمل ايه في حسن ؟

عزیزہ • المهم إن الباشا ما يشفش مرجريت .

محمود • كده برضو . يارب تجى قبل حضور الباشا عشان نوضب

المسألة وننهيها

عزیزہ • يارب تسمع منا انا مستعدة أساعدها بس عاوزه حسن

يعقل ولا يملش حاجه يفهم منها الباشا سر المسئلة •

حسن • أحلف لك يانينتي براسك إني أكون تحت أمرك

عزیزہ • الحمد لله . يارب تأخر حضور الباشا

﴿المشهد السادس﴾

المرکورون • الباشا

الباشا • (من الخارج) مصيبة كبيرة . مصيبة كبيرة (يدخل)
مصيبة كبيرة قوي يهانم وقعت على دماغنا النهارده . اتخرب
بيتنا

عزيزه • جرى ايه يا باشا • (لنفسها) خايفه لتكون قابله مرجريت
وعرف الحقيقه •

محمود • جرى شيء يا باشا ؟

الباشا • لا مؤاخذه يا بني . ماسامتش عليك . لكن المصيبة اللي
وقعت على دماغنا النهارده ماخلتش في عقل ولا فكر .

محمود • العفو يا سعادة الباشا . بس جرى ايه ؟

الباشا • جرى ايه . جرى ايه (حسن صارخا) بس انت اللي
ماتسألش أبوك ايه اللي جرى له . كأنك يعني ماتش من
العيله ولا نقعش المصيبة على دماغك انت راخر .

محمود • جرى ايه يا بابا ؟

عزيزه • (لنفسها) لازم تكون قابله مرجريت وعرف كل حاجه •
سترك يارب

الباشا • أهو الواحد كده دايمًا منصاب في الدنيا . اناعاف الواحد
يموت امتي !

- محمود (لنفسه) لازم تكون قابله مرجريت .
- مسن (لنفسه) ما بقاش فيه أمل . لازم تكون قابله مرجريت
- عزيزه موش تقول لنا ياباشا ؟ بس يعني ايه اللى جرى .
- الباشا اللى جرى إني وانا جي من عند حسن باشا رضوان قابلت واحد شحات في السكه . قمت بدال ما أديله قرش تعريفه
- ادितه خمس قروش صحيجه ، ياخوانه خمس صاغ عمله فضه ،
- ياناس راح مني خمس صاغ النهارده
- عزيزه فداك ياباشا
- الباشا فدايه ؟ ايه الكلام ده ده بقي موش كفاهه إني أروح لحسن
- باشا رضوان أقوم ما ألقاهوش في البيت ، وكمآن أدّي
- لواحد شحات حته بخمسه ، ياخير اسود . ياخير اسود .
- محمود معلمش ياباشا .
- الباشا معلمش ازاي . دي حته بخمسه الواحد يشتري بهارطل
- لجه آه يانا آه يانا . وقعت أنده على الشحات عشان آخذه منه
- الخمس قروش ما امكنش أبداً ، بقي بجري زى الوابور ابن
- السكاب .
- محمود (لعزيره) لازم الواحد يفكر في مسئلة تخليه يخرج عشان
- مايقابلش مرجريت .
- عزيزه برضو كده .
- محمود ياسعادة الباشا . لازم سعادتك تخرج حالا وتبلغ البوليس

- عزیزہ • ایوہ یاباشا . لازم سعادتک تخرج بنفسک . وتبلغ البولیس
 فی القسم . عشان یعملو للمسئلة اھمیة •
- الباشا • عندکم حق (یہم بسرعة) واللہ مانی عاتقہ ابن الکاتب •
 (یصل الی الباب ثم یقف)
- حسن • (قبل ان یصل الباشا للباب) الحمد للہ .
- عزیزہ • ایوہ اھہ حایخرج .
- الباشا • (یقف عند الباب) والا علی إیہ • أبقى أقول لعلی افندی
 الکاتب بتاع دایرتنا انه یمقی یروح یبلغ فی البولیس •
 أحسن أنا حلس بشویة تعب وشوف المصیبه کما . قال
 أروح لحسن باشا رضوان أقوم مالا قهوش فی البیت
- عزیزہ • موش کان یاباشا لازم تستناہ شویہ .
- محمود • حقہ کان لازم یاباشا تستناہ
- عزیزہ • معلوم . بقی کدہ دایما تضیع فرص انتخابک فی مجلس المدیریہ
- الباشا • ایہ یعنی ؟ کان لازم استناہ ہناک ؟
- حسن • ایوہ یابابا • کان لازم تستناہ •
- الباشا • طیب واعمل ایہ دلوقت ؟
- محمود • تقوم تانی تروح تقابلہ : لازم سعادتک تخرج وتروح
 تقابلہ
- عزیزہ • ایوہ یاباشا لازم تخرج حالا •
- حسن • ایوہ یا بابا عشان یعاد انتخابک فی مجلس المدیریہ •

الباشا • برضو كده (يهم واقفا) أمّا أقوم حالا وأروح أقابله •

موش حاجه لما أتعب لي شويه

الحمد لله •

عزیزه •

ايوه الحمد لله •

حسن •

الباشا • (يصل الى الباب ويقف) لكن ده قالولي في البيت

انه خرج بعد الظهر وموش حاي رجع إلاّ بعد العشا

عشان معزوم عند عبد الله باشا يسري

وفيها ايه لو عملت زياره دلوقت حالا لعبد الله باشا

محمود •

يسري وهناك تقابل حسن باشا رضوان وان شاء الله

تنفع مسألة انتخابك في مجلس المديرية •

ما فيش أحسن من الطريقه دي • ياللا يا باشا حالا •

عزیزه •

أدحنا صفاري شمس

الباشا • برضو كده رأيكم هو الصواب • السلام عليكم (يصل

عند الباب فتقابله مرجريت وهي داخله • ويقف الباشا

مبهوتا عند دخولها)

﴿المشهد السابع﴾

المزكورو • مرجريت

حسن • (لنفسه) ضاع الأمل

حسن •

يا خبر •

محمود •

- عزیزہ • یامصیبتی !
- البابا • شیء جمیل ! أنا فی حلم والّا فی علم (لمرجریّت) جایہ تعملي
ایہ یابنت (بشده) جایہ هنا تعملي ایہ ؟
- مرجریّت • إساءل ابنک •
- البابا • (مندهشا) إساءل ابني ؟
- حسن • ماتساءلهاش یابابا • إساءلنی انا • الحق موش علیها • الحق
علیّ
- البابا • ایہ هوّ اللّی جری ؟
- عزیزہ • مافیش حاجه ؟ دی بس ...
- حسن • (یقطع علیها الحدیث) اسکتی یانینا • ماحدث حیتکلم
غیری •
- محمود • (لحسن سرّاً) اسکت یا حسن • اسکت خلینا إحنا
اللّی نتکلم •
- حسن • (لمحمود بصوت مرتفع) انا موش عیّل یا محمود • لازم
الحقیقة تتعرف
- البابا • ایہ هی الحقیقة ؟
- حسن • (بصوت فیہ رنة المقدم علی شیء کبیر) الحقیقة إن
مرجریّت حامل
- البابا • حامل ! من سیادتکم ؟
- حسن • آیوه منی انا والواجب یدفعنی إني أساعدها

الباشا • (للجميع) ده كلام فارغ • بقى بنت زي دي تضحك
علينا كلنا اطلعي بره يا بنت • اطلعي بره لحسن أخبط
وشك في الارض

حسن • اذا طردتها يا بابا رايح اطلع أنا وراها
الباشا • بطلوا ده واسمعوا ده !!

عزبزه • ياباشا استنى شوويه • الولد حسن ده مجنون وطلع فيها
مره واحده • لازم نعقله • موش كده يا محمود بيه ؟
محمود • معلوم • لازم نعقله • بدل ماندفعه لعمل حاجات موش
كويسه .

الباشا • أنا بدي أعرف سي حسن عاوز يعمل ايه ؟
حسن • عاوز أربي الولد اللي في بطن مرجريت . عاوز اطلعها
من هوة العار اللي رميتها فيها عاوز

الباشا • إخرص يا قليل الأدب • إخرص والا اطلع بره انت وهي
حسن • يكون أحسن .

محمود • اسكت يا حسن
الباشا • لازم أطرده هو وهي حالا . حالا

عزبزه • ياباشا أبوس إيدك ورجلك

مرجريت • ياباشا ما تخافش • كنت أظن إن الاغنياء في قلوبهم رحمه
على الفقرا • كنت أظن الباشوات يعرفوا الواجب •
كنت أظن ان رحمه والشفقه لسه موجوده في الدنيا .

المرءف

المرءف

لكن دلوقت عرفت الحياة عبارة عن غش وخداع
 وظلم • ما تأخذنيش يا سعادة الباشا اللي جيت وقلقت
 راحتك • وانت يا حسن دلوقت عرفت انك راجل
 صحيح • خليك يا حسن مع أبوك وأمك • ما يصحش
 انك تسبهم عشان بنت مسكينه زيي • أمّا أنا عندي
 رب ما ينساش حد

مس • (يسرع ويقف بجوارها) استني يا مرجريت • يستحيل
 تطلي من هنا من غير ما أكون معاك • انت بتحسبيني
 راجل متوحش ما عنديش شفقه ولا رحمه • أبداً • لازم
 أعيش معاك ونربي سوا الولد اللي لسه ماشفش نور
 الدنيا

الباشا • (ينظر لزوجته) أنا ما أقدرش على الحال ده أبداً • هو
 أنا يتي معرض فسق يا محمود بك • أنا بقولك للمرّه
 الاخيرة اني مانس عاوز أشوف وش البنّت دي ولا
 وش الحمار ده (مشيراً لمرجريت وحسن) يا لله برّه
 اخرجوا برّه

عزیزه • ياباشا أترجاك • أبوس إيدك (لحسن) يا حسن أنا أمك
 ارحم أمك

محمود • يا حسن شوف أمك وأبوك
 حسن • يستحيل • آه عاوزين اني ارحم أمي ولا ارحش أبني

مستحيل

الباشا • (محتدأ جداً) إطلع بره انت وهي • إطلع أحسن والله
بعدين أخسف بكم الارض ، ياللا برّه حالا •

حسن • يالله يا مرجريت • الوداع يا أمي (يخرج ومعه مرجريت)
عزيره • آه • محمود بيه روح معاه • خليك معاه لحد ماتنفض
المسئلة • روح يا حبيبي •

محمود • حاضر يا خالتي أديني رايج • (يخرج)
عزيره • (تجلس على كرسي وتضع رأسها بين يديها) آه يا غلي •
يا غلي يانا •

الباشا • غلب ايه • وبتاع ايه • الحمد لله اللي استريحنا منه ومنها
كنا يا ترى حاتقبل على نفوسنا المصيبة دي •

عزيره • (لا ترد عليه بل تجلس وهي واضعة رأسها بين يديها)

الباشا • (لنفسه) ودلوقت وجب إني أنظم حساب بيتي بشكل

تاني بعد ما طردت الملعون ده • بنجيب في اليوم ثلاث

ترطال لحه • نجيب رطلين ونص • وبنجيب بسته صاغ

خضار • نجيب بخمسة • وبنجيب أربع وقات عيش •

نجيب ثلاثه ونص • أيوه كده تمام (يذهب الى الشباك

ويفتحه وينادي) يا عبد السلام افندي • يا كاتب سعادة

محمد باشا علي الزفتاوي

(صوت عبد السلام افندي من الحوش) افندم



المرحوم محمد بك تيمور
طالب حقوق ببائيس

- الباشا • تعالى تحت الشباك وامسك الدوايه والقلم واكتب .
 (صوت عبد السلام افندي من الحوش) أيوه يا افندم
 الباشا • الآن وقد طرد ولدنا العزيز حسن بك علي من منزل
 سعادتنا • أمرنا بما هو آت :
 أولا — انزال مرتب اللحمه من ثلاثة ارطال الى
 رطلين ونصف
 ثانيا — انزال مرتب الخضار من ستة قروش الخمسه
 ثالثا — انزال مرتب العيش من ثلاث وحق الى وقتين
 ونصف
 رابعا — انزال مرتب ٠٠٠٠

ستار



الفصل الرابع

بعد عام من الحوادث السابقة

ترفع الستار عن غرفة صغيرة بها كنبه واحد وعدة كراسي
من الخيزران وبها ترايزه موجود عليها ملابس بيضاء صغيرة
للأطفال • وفي آخر الغرفة مهد صغير به طفل صغير لا يراه المتفرج
لأنه نائم في هذا السرير الصغير • باب في الوسط يؤدي إلى الخارج
وآخر إلى اليمين

عند رفع الستار ترى مرجريت واقفة أمام اترائيزة تكوى
الملابس • تسمع دقاً على الباب

المشهد الأول

مرجريت • محمود

محمود • (من الخارج) أنا •

مرجريت • (تذهب وتفتح الباب) أهلاً محمود بك

محمود • بنچور يا مدام •

مرجريت • بنچور محمود بيه • اتفضل

محمود • حسن بالطبع لسه ماجاش ؟

مرجريت • لسه الساعة كام ؟

محمود • (ينظر في الساعة) الساعة ١١ ونصف • أنا كنت

فايت من قدام البيت قلت لما اطالع أشوف البي
الصغير. وأديله بأيدي الهدية دي (يعطيها عابه) .

مرمريت • مرسى يا محمود بيه مرسى (تفتح العلبة وتتأمل ما بها) آه
شيء جميل . دبوس صغير مكتوب عليه اسمه . مرسى
يا محمود بيه . مرسى خالص ..

محمود • أوه • دا ما فيش داعي للشكر . دا أقل من الواجب .

مرمريت • العفو يا محمود بيه العفو •

محمود • وازاي الحال دلوقتي ؟

مرمريت • (وهي تشتغل بكى الملابس) الحمد لله أهـه من يوم
ما حسن ساب أهله واتجوزته واحنا عايشين في الشقة
دي في خير وسلام .

محمود • حقه كانت حكايته طويله وعريضة .

مرمريت • دي كانت روايه يا محمود بيه . أنا عمري ما أنسى ساعة

ما خرجنا من بيت الباشا ، والاساعة ما أجرتنا الشقة دي ،

والاساعة ما استخدم حسن في دكان الجبال بسته جنيه في

الشهر ، والاساعة ما ولدت القطقوط الصغير ده . لكن

كل الحاجات دي انتهت مع الوقت . أهو بقى لنا سنه

دلوقتي وبكره السنين والايام تفوت أوام

محمود • وعزيزه هانم مش بتيجي برضو من وقت لا آخر ؟

مرمريت • بتيجي في الاسبوع مرة من ورا الباشا واهي بتساعدنا

في السر .

محمود . • بتيجي لوحدها طبعا ؟

مرحريت . • لا . بتيجي ومعه فيروز اغا اعلان تشوف ابن ابها

(يسمع دق ع الباب) مين اللّی جاي لندا دلوقتي ؟

(تذهب وتفتح الباب فيدخل أمين بك)

﴿ المشرع الثاني ﴾

مرحريت . • محمود . • أمين . • ثم فيروز

أمين . • بنجور مدام حسن بك . إزاي الحال ؟

مرحريت . • الحمد لله .

أمين . • حسن مش هنا ؟

مرحريت . • كان شويه يجي . دهده مش تسلم على محمود بيه ؟

أمين . • لا . ياستي انا ما اسامش عليه ابدأ .

مرحريت . • ليه ؟

أمين . • أهو كده . بقي لي سنه وانا مخاصمه من يوم ما طردني

من عند حسن بيه .

مرحريت . • ياسلام !!

محمود . • ما كنتش أظن إنك حقوق كده ياخي . انت لازم

تعذرني لأن المسئله كانت مهمه قوي .

أمين . • ما انكرش إن المسئله كانت مهمه قوي . لكن انا كان

قلت لكم حل جميل خالص . وبدال ما تقبلوه قمت حضرك
طردتني من بيت الباشا .

محمود . طيب معاش حقك على واديني امد ايدي لك عشان
اصالحك . ياللا صالحني .

امين . (يصاحفه) من غير شك اصالحك لاني رجل زي ما انت
عارف ، أنظر للحياة بعين الفلسفة . لكن فين الققوط
الصغير ؟

مرحبريت . ناييم في السرير

امين . (يذهب وينظر في السرير) ما شاء الله . ما شاء الله .

مرحبريت . إوعى تصحيه

امين . ماتخافيش . شوف شوف عيونه تشابه عيون أمه تمام .

محمود . يا أخي شفت عينه منين . ده ناييم .

مرحبريت . (وقد اقتربت من السرير) ومنخيره زي مناخير ابوه

محمود . وجهته زي سته . سبحان الله ! سبحان الله ! !

امين . انا مبسوط جداً يا مدام . انا مبسوط قوي يا محمود ييه .

محمود . ليه ؟

امين . عشان الولد مافيهوش حاجه تشابه جده أبداً . الحمد لله

الحمد لله . تعرف بكره الولد لما يكبر رايح ينظر للحياه
بعين الفلسفة من غير شك ، بعين الفلسفة .

مرحبريت . حقه انت دايماً تحب تهزرد يا أمين بك . مش كده

يا محمود بيه؟

- محمود • هو أمين يعرف غير الهزار والضحك •
- أمين • واظن حضرتك تحسب إن الدنيا دي يعني جد في جد،
تعرف إن اعتقدت كده ما تنتش نافع • الدنيا يا حبيبي
ما هيّاش إلا ضحك وهزار وتنطيط وزي ما انت عاوز.
اسمع كلامي عشان تعرف لذة الحياة • دهده الباب بيخبط
(يدق الباب)
- مرمرريت • (تذهب وتفتح الباب فتجد فيروز) ديهده فيروز اغا!
• فيروز • (داخلا) بعينه ياستي •
- مرمرريت • والسب معاك؟
• فيروز • أيوه ياستي • لكن هو مستني في العربية تحت وبعني
عشان أسأل يعني السب يجي والّا لا •
- مرمرريت • ما فيش غير أمين بك ومحمود بك والّا تين يعرفو انها
بتيجي هنا • قول لها تنفضل •
- فيروز • حاضر ياستي (يخرج)
• أمين • وياه جاب وش البابور ده هنا؟
- مرمرريت • جه مع السب الكبيره عشان تشوف ابن ابنها •
- محمود • طيب وما طلعتش على طول ليه؟
- مرمرريت • تخاف أحسن يكون حد غريب هنا بعدين يشوفها
ويروح يقول للباشا

- محمود . دتبق مصيبه كبيره على الباشا .
- أمين . بالعكس . مصيبه ازاي عليه ! ! على الاقل فيها انه يطردها زي ما طرد ابنه ويقلل من مرتب اللاحمه والخضار والعيش الى آخره . مش كده والايه يامدام ؟
- مرجريت . انا عارفه .
- أمين . وأنا بلغني ان الباشا مبسوط قوي علشان انه طرد ابنه . ده بيقولوا انه قال وفر في السنه اللي فاتت دي عشرين جنيه . تقولش يعني جات له الجنيه لحد بيتته . والله عمي ده حاجه غريبه قوي . أنا عارف عايش بيعمل ايه ؟ (تدخل عزيزه هانم)

﴿المشهد الثالث﴾

الحاضرون • عزيزه هانم • فيروز أغا

- عزيزه . صباح الخير • أهلا محمود بيه (تسلم عليه) أهلا أمين بيه (تسلم عليه) أهلا مرجريت (تسلم عليها) فين الولد؟
- مرجريت . نايم في السرير
- عزيزه . (تذهب وتراه) يا حبيبي ياروحي . انت نايم يا عيوني . خليك نايم ياسيدي خليك
- فيروز . (يكون قد اقترب معها من سرير الطفل) حقه تمام ياستي يشابه له . تمام والله

- عزیزہ • صحیح یافیزوز ؟
- فیروز • صحیح .
- عزیزہ • (تجلس) فیکم یاولاد من یکتم السر ؟
- امین • فی یر .
- محمود • طبعا .
- عزیزہ • اوع حد یجیب سیره للباشا احسن بعدین یحرم علی
- انی اجی هنا
- محمود • یاسلام . ده احنا یهمنا انک تشوفی النونو کل ساعه مش
- کل جمعه
- عزیزہ • الله یحفظک یابنی . (لفیزوز) انزل یافیزوز خلیک
- مع العربیجی (یخرج فیروز) (مرجریٹ) فین حسن ؟
- مرمریٹ • طلع النهارده الصبح ولسه مجاش .
- عزیزہ • وحا یغیب ؟
- مرمریٹ • لا . دلوقتی یجی حالا .
- عزیزہ • حاکم بقی لی جمعه ماشفتوش وقلب الام زی ما اتم
- عارفین . اسکتوا • اسکتوا . یاما یتعذب . یاما
- یشوف غلب . خصوصا وان الباشا عاوز یعمل وقفیه
- وقال یطلع ابنه منها . انا عارفه مین الی رایح یورثه ؟
- والله العظیم لما اقعد افتکر فی الحاجات دی کل جسمی
- یسیب ویبقی کده فی حاله ما یعلم بها الا الله .

- محمود . والباشا صحيح عاوز يوقف كل أطيانه ؟
- عزيزه . كلها .
- أمين . وعاوز يطالع ابنه من الوقفيه . أما شيء عجيب !!
- عزيزه . بدي حد يفهمه إنه ما يصحش يعمل كده أبداً . لكن مين اللي راح يقول له . آه يانا يا غلبي يانا!
- محمود . أنا عليّ اني لما أقبله أتفاهم معه
- عزيزه . أيوه يا ابني ربنا يخليك ويطول عمرك
- محمود . العفو يا خالتي العفو . ده واجب عليّ
- أمين . (يذهب جهة النافذه) دهده . ده حسن بيه جي أهو مع راجل بدقن ؟
- مرمريت . مع مين ؟
- أمين . ما اعرفش الراجل .
- مرمريت . تعال يا محمود بيه امسك معايا السرير عشان ندخله في الاوده الثانيه
- محمود . حاضر (يمسك معها السرير ويدخلانه في الغرفة المجاورة)
- مرمريت . حاسب لا الواد يصحى
- محمود . ما تخافيش (يدخلان ويعودان بسرعة)
- مرمريت . (لعزيره) اتفضلي في الأوده الثانيه
- عزيزه . أيوه أحسن عشان يقعد حسن مع صاحبه في الأوده دي (يدخلان)

أُمين • يا ترى مين الراجل أبو دقن تعيتع اللي جاي مع
سي حسن ؟
محمود • ما اعرفش يا أخي والله • دلوقت تعرفه •

﴿ المشهد الرابع ﴾

محمود • أُمين • حسن • رضوان باشا
(داخلا وامامه رضوان باشا) ديهده محمود بك وأمين
بك هنا بنچور (يسلم عليهما) أمّا أقدم لكم سعادة
الباشا ، حسن باشا رضوان (لرضوان باشا) حضرته
محمود بيه ابن خالتي • حضرته أمين بيه ابن عمي
رضوان باشا • تشرفنا
محمود وأمين • تشرفنا
حسن • الباشا تكرم عليّ بأنه يزو يتي ويشرب عندي فنجال
قهوه
رضوان باشا • بالعكس يا حسن بيه • أنا مدين لك بحياتي وأنا أشكر
الظروف اللي خلت خلاصي من الموت على ايديك
أُمين • الباشا كان حيموت ...
رضوان باشا • كنت راكب الترامواي وكان حسن راكب جنبي
وبعدين جيت أنزل والقطر ماشي آمت إزحلت رجلي
ولولا ان حسن بك راح ماسكني من كتفي كنت

وقعت تحت العجل

الحمد لله يا باشا ربنا ستر

• محمود

معلوم ربنا كريم. وبعد ما خلصني حسن بك سألته عن
اسمه فوجدت انه ابن محمد باشا علي صديقي العزيز
فلاستغربت جداً من اني أعرف الوالد ولا أعرفش الولد
ثم اني جيت مع حسن لحد بيته وزاد اندهاشي لما عرفت
انه مش ساكن مع والده.

• رضوانه

المسئلة ياسعادة الباشا دي طويله وعريضه خالص.

• أمين

(حسن في اذنه) نيتك بتستناك جوه. أدخل شوفها
ياسعادة الباشا تسمع لي بدقيقه واحده
اتفضل.

• محمود

• حسن

• رضوانه

• محمود

سعادتك بالطبع مندهش من إن حسن مش ساكن
مع والده في بيت واحد. وبالطبع سعادتك لما كنت
بتروح عند محمد باشا علي ما كنتش بتشوف حسن
هناك لأن ابوه كان محرّم عليه انه يدخل السلامك.
ياسلام؟

• رضوانه

سعادتك بالطبع تعرف أخلاق الباشا كويس.

• محمود

صحيح. صحيح. كمل حديثك

• رضوانه

وبالطبع سعادتك ما خدش بالك لما الباشا طرد ابنه من
بيته؟

• محمود

- رضوانه . هو الباشا طرد ابنه ؟
- أمين . ايوه ياباشا . عمي طرد ابن عمي عشان يقلل من مرتب
الاحمه والخضار وعشان يوفر الستين قرش اللي كان
بيخدم كل شهر
- محمود . امين بك يبجب يهزر ياسعادة الباشا
رضوانه . ازاي طرده يامحمود بك .
- محمود . الحكايه أحكيها لسعادتك . الباشا بخيل جداً وموش
بس بخيل . لآ . كمان قلبي خالص على اولاده واهل
بيته . عمره ما خلاش حسن يشعر بخنوه .
- رضوانه . ده شيء معروف عنه خالص .
- محمود . تتج من ذلك إن حسن حب بنت كهريره من أصل
طيب كانت بتشتغل في بيت أبوه . فلما عرف أبوه
بالمسأله طرد البنت . ولكن البنت شعرت بانها حامل
فطلبت المساعدة . اسكن الباشا طردها هي وابنه .
- رضوانه . وايه اللي عمله حسن ؟
- محمود . اجوزها وخلفت ولد بيربوه سوا . وعشان كده ياسعادة
الباشا حسن مش ساكن مع والده في بيت واحد
آه . أدي غلطة الابهات . غلطتنا . نشد الخناق على
اولادنا حتى لما يعصونا نظردهم . ولكن لازم أصالهم
مع بعض بس ماتعرفش الباشا دلوقتي قاعد فين ؟

- أمين • قاعد في قهوة ماتتيا بالطبع •
 • رضوانه • حـدش فيكم يروح يقابله
 • أمين • انا عندي الاوتوموبيل تحت يـسـتـنـاني • بس قول لي
 أقول له إيه ؟
 • رضوانه • قول له حسن باشا رضوان يستنالك في بيت في المناصره
 • عشان مسأله تخص مجلس المديرية • وعاوز يشوفك
 حالا •
 • أمين • في مسافة عشر دقائق يكون محمد باشا علي هنا (يخرج)
 • محمود • ياسعادة الباشا سعادتك رايح تعمل جميل في حسن عمره
 ماينساه
 • رضوانه • يا بني ده واجب علي • لازم اعمله •
 • محمود • خصوصا وإن والدته • في حاله شديدة جداً • تيجي كل
 يوم حد تزوره من غير ما يعرف ابوه ، وتقعـد المسكينه
 تبكي زي طفله صغيره
 • رضوانه • لا حول ولا قوة الا بالله
 • مسن • (يدخل حامل ولده • ومرجريت خلفه) أنا جايب لك
 ياسعادة الباشا ابني محمد عشان تشوفه •
 • رضوانه • (يتأمله) ما شاء • ما شاء الله •
 • مسن • واقدم لك الست زوجتي •
 • رضوانه • تشرفنا (يسلم عليها) ابنك جميل جداً يامدام • ربنا

- يخليه لك ولا بوه
مرجريت • مرسى ياسعادة الباشا .
- (يداعب الطفل) ماشاء الله . ماشاء الله .
رضوانه •
- خدي يا مرجريت دخليه عند سته (تدخل مرجريت)
مس • الله فين امين بك ؟
- خرج في مسئله تفيدك جداً .
رضوانه •
- على الله ياسعادة الباشا
مس •
- انا حكيت للباشا حكايته من أولها لا آخرها فالباشا
محمود • تأثر جداً ووعد بانه رايح يصالحك مع والدك . وعلى كده
- بعث امين بك عشان ينده والدك من قهوة متايا .
- متشكر ياسعادة الباشا . لكن ده لما يسمع انه حاجي
مس • في بيتي ما يرضاش يجي ابداً
- لا . إحنا قلنا له • إني انا مستنيه في بيت في المناصره
رضوانه •
- عشان مسأله تخص مجلس المديرية • فبالطبع زي مانت
عارف لما يسمع مسأله مجلس المديرية رايح يجي على طول
- حقه ما فيش إشكال في كده
مس •
- (بصوت منخفض) لكن يا بني دانا ما كنتش عاوز
رضوانه • لك الجوازه دي •
- اللى أمر به ربنا لازم يمشي ياباشا • ده ياباشا انا بلغني من
مس • والدتي إنه عاوز يعمل وقفه ويطلعني منها •

رضوانه • لك على إن الوقفيه مش رايحه تتعمل ، وإنه رايح يقدر مبلغ تصرف منه على مراتك . لكن ما أعدكش بانه رايح يقبل بانك تعيش معاه في بيت واحد .

حسن • ياريت ياباشا ما يقبلش ياريت .

رضوانه • (يضحك) يظهر انك كنت شايف المر عنده !!

حسن • المر بس . ياريت كان المر بس ياباشا . دانا كنت في

جهم . والله ياباشا انا احلف لك بشرفي إني دلوقتي مع الفقر اللي انا عايش فيه ، واللى أحوجني لانى اشتغل كاتب في دكان الجمال ، أنا الف مره مبسوط عن أيام ما كنت عايش معاه في بيت واحد .

رضوانه • عندك حق يابني • هو انا ما اعرفش أبوك . اظن ما فيش

حد يعرفه في مصر أدّي • ده كان لما يسمع إن واحد

سقط في مجلس المديرية كان يجي لي البيت على

طول ويقعد يقول ويعيد . (يسمع نفير اوتوموبيل)

الاوتوموبيل جه

محمود • ده امين والباشا من غير شك (ينظر من الشباك) همّا

بعينهم • يالله بنا يا حسن ندخل في الاوده الثانيه عشان

مايشفناش هنا • يالله بنا •

رضوانه • أيوه يا محمد باشا أديك شرفت . أمّا نشوف مين رايح يغلب

الثاني (يدخل الباشا وامين)

﴿ الشهر الخامس ﴾

محمود • رضوانه باشا • محمد باشا • أمين

الباشا • سعادة الباشا هنا (يزرر الجاكته ويهمم بتقبيل يده
فيمتنع رضوان باشا) والله لبوس ايدك يستحيل • لازم
أبوسها •

رضوانه • العفو يا باشا العفو • هو ده كلام •

الباشا • إزاي ياسعادة الباشا • دانت أفضالك كتيره علينا •
ده سعادتك الخير والبركه

رضوانه • العفو يا محمد باشا إفضل أقعد •

الباشا • ما يصحش يا باشا • ما يصحش • هو أنا قد المقام •
رضوانه • والله لتقعد •

الباشا • مدام سعادتك أمرت مابدهاش (يجلسون) قال سعادتك
بعث تطلبني عشان مسئلة تخص مجلس المديرية ؟

رضوانه • يا محمد باشا أنا أهنيك • انت رايح تنتخب في القريب
العاجل في مجلس المديرية •

الباشا • (يرفع يديه للسماء) الله يخليك ويطوّل عمرك يا حسن باشا
رضوان (ينظر للباشا) والله ياسعادة الباشا أنا مانيش
عارف أشكر سعادتك إزاي • مش عارف اعمل ايه ؟
(يهم واقفا) والله لبوس ايدك • والله لبوس ايدك •

- رضوانه • العفو يا باشا العفو •
- أمين • (لنفسه) كده كده على عينك يا تاجر •
- الباشا • ياسلام يا باشا • يعني مش تخليني أبوس ايدك مرة في حياتي
- رضوانه • ماعلش • لكن أنا بدّي أحكي لك حكاية حصاة
- الباشا • لواحد باشا زيك انتخب في مجلس المديرية • تحب تسمعها؟
- أمين • أحب اسمها؟ دي بالطبع كلها حتكون جواهر •
- رضوانه • خصوصاً إنها طالعها من بقل •
- أمين • (لنفسه) يا مجلس المديرية يا أنس خالص •
- رضوانه • كان في واحد باشا مش ضروري أقول اسمه كان عاوز إنه ينتخب في مجلس المديرية ولكن الحظ كان يعاكسه دائماً •
- الباشا • لا حول ولا قوة الا بالله العلي العظيم • ده حظ زي خطي تمام •
- رضوانه • وكان حيلته من الدنيا ولد واحد • لكن تعرف يا باشا •
- الباشا • قال كان قاضي على ابنه قوي • من حق ده يصح؟ انا أشوف انه ما يصحش • مش كده يا باشا؟
- أمين • بالطبع • ازاي أب يكون قاضي على ابنه؟ (يتنحج)
- رضوانه • وقال يا باشا كان يديه في الشجر قل ستين قرش بس •

الباشا • دانا كمان ياباشا اشوف انه ما يصحش ابداً . ده كان حقه

يديله ستين جنيه في الشهر •

أمين • (لنفسه) والله حتنغنع يا ابو علي •

رضوان • وقال طرد ابنه من البيت عشان ان الولد حب بنت

وحملت منه • بالله عليك ياباشا موش الباشا ده اللي

يطرد ابنه من غير ما يشوفه بحاجه مش يستاهل الضرب؟

أمين • يستاهل ضرب الصرم ياباشا • مش كده ياعمي؟

الباشا • (وقد داخله الشك) كده يا ابن اخويه كده برضو •

رضوان • وقال كمان ياباشا عاوز يعمل وقفيه ويطلع ابنه منها • بقى

بالله ده مش يستاهل الموت؟

أمين • يستاهل المشنقه ياباشا • مش كده ياعمي؟

الباشا • كده برضو يا ابن اخويه كده •

رضوان • لكن بالصدفه كان الباشا ده قال يعرف واحد باشا تاني

كان ح يترجى له في الانتخاب وسمع الباشا ده بالحكاية

أم قال لنفسه وحلف ، قال إنه ما يترجاش للباشا في

الانتخاب في مجلس المديرية الا اذا اولا اصطلاح الباشا

مع ابنه ، ثانيا عمل له ماهية في الشهر ستين جنيه مش

ستين قرش ، ثالثا ما يعملش الوقفيه اللي رايح يعملها ويكون

ابنه هو الوارث الوحيد له • أهى دي هي الشروط

التلاته اللي تخليك يا محمد باشا علي تنتخب في مجلس المديرية

فرأيتك إليه ؟

- الباشا • (راجيا) كده ياباشا كده تعملها فييه !!
- رضوانه • كله واحده . عاوز مجلس المديرية والا . لا ؟
- الباشا • عاوزه ياباشا عاوزه في عرضك .
- رضوانه • وقابل الشروط الثلاثة والا لا ؟
- الباشا • قابلهم ياباشا السكن عشان خاطر ك بس .
- أمين • (يقترّب من عمه) والاّ عشان خاطر مجلس المديرية ؟
- رضوانه • روح يا أمين بك واندّه حسن بك وزوجته ومحمود بك
- أمين • (يذهب على الباب وينادي) تعالى ياسي حسن بك انت
- ومراتك وابنتك ومحمود بك . بقيت ياخويا بستين جنيهه
- في الشهر . تعالى حالا .

﴿المشهد السادس﴾

المذكورون • مرمريت . حسن . ثم عزيزه هانم

- رضوانه • يا حسن بك أهنيك أولا لأن والدك صالحك ، ثانيا لأنه
- عملك ستين جنيه في الشهر عشان مصاريف بيتك ؛
- ثالثا لأنه مش حيعمل الوقفيه اللي كان حايعملها .
- الباشا • رابعا لأنّي سأنتخب في مجلس المديرية
- رضوانه • حسن بك ياللا بوس ايد ابوك . (يقبّل حسن فيقبله
- والده في خده) يامدام بوسي ايد حماك (تقبل يده

فلا يقبلها)

الباشا • (مشيرا للولد الصغير) الولد ده هاتي لما اشوفه هاتي .

(يحمل الولد) ماشاء الله . ده الولد حلو خالص (تأخذه

هزّة الطرب) يا حبيبي يا ابن ابني . (لرضوان باشا)

ياسعادة الباشا . خامسا باني أحب ابن ابني قوي ورايح

اعمل له في الشهر عشرين جنيه لو حده . أمّا صحيح أعز

الولد ولد الولد •

رضوانه • الحمد لله دلوقت بس مجاس المديرية اللي حا يخليك تدي

الفلوس لا بنك •

الباشا • والله ياسعادة الباشا ما حد حنّ قلبي الاّ الطفل الصغير ده

الحمد لله . ودلوقت بقي . حيث إنكم اصطلحتم فانا لي

كله صغيره أقولها لك يا محمود بك انت وامين بك .

ما تظنوش إن حسن عمل طيب . الظروف كانت قاسيه

عليه يا بني يا محمود وانت يا امين . انتم لسه ماتجوزتوش .

وادتم شفتكم بعينكم للغلب اللي شافه حسن . فانصحكم

انكم ماتتجوزوش الا من جنسكم ولا تطلعوش من

خلف أبهاتكم . استأذن بقه

حسن • لسه بدري يا باشا •

الباشا • لسه بدري •

رضوانه • لا معلمش . سلام عليكم (يسلم عليهم)

- الباشا • (لرضوان باشا) إوعى تنسى مجلس المديرية
 رضوانه • ما تخفش (يخرج)
 حسن • (يجري لجهة الباب وينادي) يانينه . يانينه . تعالى تعالى
 الباشا • انت هنا يا عزيزه ؟ اش جابك ؟
 عزيزه • اللي شايله على ايدك •
 الباشا • عندك حق • عندك حق • ماهو يا عزيزتي زي ما انت
 عارفه أعز الولد ولد الولد وعشان الطفل ده اصطلحت مع
 حسن ورايح انتخب في مجلس المديرية •
 عزيزه • يافرحتي •
 أمين • ليحي مجلس المديرية • مش كده يا عمي ؟
 الباشا • لا • لا • مش ليحي مجلس المديرية • ليحي حفيدي
 الصغير

ستار

(انتهى)

رواية

عبد الستار افندي

كوميديا مصرية أخلاقية ذات أربعة فصول

مثلها لأول مرة بمسرح دار التمثيل العربي الأستاذ عزيز عياد
في فرقة السيد منيره المهدي في ديسمبر سنة ١٩١٨



مقوق التمثيل محفوظة للناسر فقط


نور

نور الفوائد

كتاب في الفقه والحديث

لشيخنا العلامة الفاضلة

أ/م/ع/ ٨١٨١



لقد سألنا في فوائدنا

أشخاص الرواية


عمره ٥٢ سنة	موظف بنظارة الأوقاف	عبد الستار
» عمره ٦٠	بواب ومربي بالمنزل	عم خليفه
» عمره ٢٣	ابن عبد الستار : لا شغل له	عفيفي
» عمره ٢١	شاب مهذب يحب لبنت عبد الستار	بليغ
» عمره ٢٨	صديق عفيفي . شاب سيء السير	فرحات
» عمره ٤٠	شيخ معمم	المأذون
» عمره ٣٥		الضابط
» عمرها ٤٥	زوجة عبد الستار	نفوسه
» عمرها ١٨	خادمة بالمنزل	هانم
» عمرها ٢٨	بنت عبد الستار	جميله

ولادة لأول مرة

عبد الستار افندي	في دور	الأستاذ عزيز عبد
عم خليفه	» »	أحمد فهمي
عفيفي	» »	زكي طليمات
بليغ	» »	أحمد حافظ
فرحات	» »	عبد المجيد سكري
المأذون	» »	حسن فائق
الضابط	» »	محمود فهمي

ولدت لأول مرة

هانم	» »	السيرة روزا يوسف
نفوسه	» »	السيرة زاهية
جميله	» »	السيرة لطيفة أمين



الفصل الاول

غرفة الجلوس بمنزل عبد الستار أفندي . بناء على الطراز القديم الذي مابرح يرى بجهة سيدنا الحسين وما جاورها . مشربية (شباك) في صدر المكان تُطل على فناء المنزل . باب في اليمين يؤدي الى الخارج وآخر جهة اليسار يؤدي الى داخل المنزل ، وسائد (شِلْت) تغطي (المصطبة) التي تحت المشربية ، (ترايزه) تتوسط (كنبه) وعدة كراسي قديمة . ترفع الستار عن نفوسه جالسة على المصطبة وأمامها الشيشه .

المشهد الاول

نفوسه • خليفه

(تسمع دقا على باب المنزل وتنادي) عم خليفه . عم خليفه .

ياخليفه ! شوفي ياختي الراجل مايردش .. خليفه . جرى

ايه ياعم خليفه الباب بيخبط .. ياعم خليفه !

خليفه • (من الفناء) نعم

نفوسه • انت فين ؟ مانتش سامع الباب عمال يخبطم الصبح . وانا

باندك عليك انت نايم والا ايه ؟

خليفه • (من الفناء) لا . كنت بلا قافيه في المرتفق

نفوس • في المرتفق؟ (ضحك) ويعني مايفش على بالك المرتفق الا
والباب يخبط! شوف مين اللي يخبط.

خليفة • حاضر (بعد قليل) ده بلاقيه بتاع الابن، عاوزينش حاجه؟

نفوس • (ضحك) سلامتك (لنفسها) والله طيب يا عم خليفه عمرك

ما تنفع في حاجه، مانتش فالح لي الا في الصلا والصوم

والاكل والنوم... انا عارفه مين اللي رمانايك؟ طول النهار

قاعد لي ع الباب زي خيال الماته، ايوه هز وسطك شويه

(يدق باب الفناء) الباب خبط تاني. مين ياتري اللي جاي

لنا في الساعه دي؟ (يدق الباب) (تنادي) عم خليفه.

الباب يخبط تاني. شوف مين (يدق الباب) انت فين

يا عم خليفه؟ (الباب يدق) يا خليفه اختشي على عرضك شويه

ياراجل يمكن جايين لنا ضيوف. يا خليفه. يا عم خليفه!

خليفة • (من الفناء) ايه!

نفوس • ياراجل انت جرى لك ايه النهارده؟ موش ترد؟ اما صحيح

ما تختشيش. شوف مين اللي يخبط.

خليفة • دنا كنت باصلي العصر. هي ياتري الصلا حرام؟ أما عجايب

ياناس!!

نفوس • شوف اما اقولك. ماتكترش أحسن والنبي ما عنديش الا

الشبشب. آه. انت فاهم انك سيد البيت والا ايه؟

خليفة • (من الفناء) الله يساهك ياستي

نفوس • يساعني والا مايساعنيش موش شغلك ... شوف مين

اللي بيخبط أحسن بعدين أمشيك على العجين ماتلخبطوش

خليفة • (بعد قليل) ده بلا قافيه راجل مسكين عاوز حسنه

نفوس • (تحتد) يعني مانتش عاوزني أشرب الشيشه في راحه ؟

مسكين ايه وزفت الطين ايه ؟ ألبه الدماغ دى ساعة

العصريه . موش تحتش ياراجل على عرضك ؟

خليفة • هو بلا قافيه انا ذني ايه ياستي . هو أنا قلت له يجي

يخبط ع الباب ، والا كنت حتى عاوز افتح له .

نفوس • إقصرها أحسن ياخليفه . داحال ماينطاش .. ما بقاش

كمان الا الشحاتين يجوا يقلقوا مزاج الواحد ، جاتك

داهيه في وشك منك له

خليفة • ده جزا إنك طلعتيني من الصلا علشان افتح الباب ؟

نفوس • ما اعرفش . اسكت بقى واتلهي على عينك .

خليفة • حاضر .

نفوس • (تصفق) ست هانم . هانم

هانم • (من الخارج) افندم ؟

نفوس • البننت بترد ولا بتجيش !! هانم

هانم • (داخله) نعم

المشهد الثاني

نفوس . هانم

نفوس . جايه وايدك فاضيه ؟ فين القهوة ياروحي ؟

هانم . ع النار ياستي .

نفوس . كنت بتعملي ايه ؟

هانم . باغسل هدوم سيدى ياستي .

نفوس . بقى هدوم سيدك والا قهوتي ؟ انت يابت جرى لك ايه

الايام دى ؟ شايفاك مانتيش على بعضك مطولا لى

المقاصيص ومكحلا لى العيون وناقصة تحطي الابيض

والاحمر . وكان قهوة العصر مانتيش عاوزه تعملها ؟ هو

يعني عمك خليفه من ناحيه وانت من الناحيه التانيه ؟

هانم . لا والنبي ياستي . ده سيدي عفيفي مابقاش عنده الا

قيص واحد نضيف عشان كده قلت اما اقوم اغسل له

القمصان بتوعه قبل مايتوسخ اللي فاضل .

نفوس . سيدك عفيفي مابقاش عنده الا قيص واحد (تضحك)

طيب يا أختي وانت مالك ومال هدوم سيدك عفيفي هي

دى شغلتك والا ايه ؟ شوفي اما أقول لك . أنا واحده

علي الاسياد ولما تطلع الجنونه في دماغني ما اسألشي على

حد . انت سامعه . ما فيش عندي الا الشبشب .

﴿المشهد الثالث﴾

نفوس • هانم • عفيفي

عفيفي • (من الداخل) ايه الزعيق ده ؟

نفوس • هوس . اسكتي . سيدك عفيفي صحي !

عفيفي • (يدخل بلباس النوم وعلى رأسه طاقية) يعني ايه المسخره

دي . انتوماتوش عارفين اني ما نمتش امبارح بالليل ابدأ ؟

مين دا اللي عامال يهاتي ؟ (يسكتوا) مين اللي كان ييسرخ

ويزقق . ما بتدوش ليه ؟ هو انا يعني واحد مهزق قدامكم !

مين اللي كان يزقق . مين ياما ؟

نفوس • دا المدهول على عينه خليفه والبنت هانم كانوا عمالين

يزققوا سوا " بار تبار " وهن منه

عفيفي • (ينظر من الشباك) خليفه ! يا عم خليفه ! يا خليفه آه ياستين

حمار في بعضك . يا خليفه يادقن تعيمع ياشيبه عرعر .

أنت فين ! (لنفوسه) ما بيردش

نفوس • والله وقعتك زي الطين يا خليفه

عفيفي • خليفه ! ما ترد . أنت فين !

خليفه • آيه !

عفيفي • غيبه طويله يامى خليفه . أنت فين ؟ رد .

خليفه • كنت بخط شوية برسيم للأرانب .

عفيفي • ومين قالك تحط برسيم للأرانب ؟

خليفة • الست .

عفيفي • وأظنك ما عملتش حاجه للكلاب ابداً (نفوسه) شيء

جميل يا أمي . برضو يصح كده ؟ هم يعني الأرانب بتوعك
أحسن من كلابي . داحال ما ينطاقشي (خليفة من النافذة)
وكنيت عمال تصرخ وتزعق مع هانم ليه ؟

خليفة • أنا ؟ انا كنت بصرخ وبزعق مع هانم ؟ ما حصلشي أبداً .

عفيفي • اما انك راجل كذاب • أطلع فوق ، ياللاً حالا وديني

سحتك . (هانم) وحضرتك ما تختشيشي على عرضك
وتتلقى منامي • أنت جراك ايه ياهانم ؟

هانم • لا والنبي ياسيدي ما زعقتش أبداً • • • دى سقى اللي

كانت • • • • •

نفوسه • اخريسي • أما بنت كدابه صحيح

عفيفي • (نفوسه) موش تخليها تتكلم ؟

(يدخل خليفة)

المشهد الرابع

عفيفي • خليفة • هانم • نفوسه

عفيفي • قرب شويه ياسي خليفة . قرب باحبيبي • انت ياراجل نسيت

اني أسهر الليل وانام النهار ؟ عارف كده والّا . لا ؟

- فابنه عارف
- عفيفي طيب لما انت عارف كده ، وعارف انك راجل كبير في السن ، يعني ماتختشيش على دقنك وتصحيني من النوم ؟
- فابنه قول لاسن الكلام ده . هو انا بلاقافيه قلت لها تطلع خلقها على ساعة العصرية .
- نفوسه انا ياراجل طلعت خاقي عليك ؟ ماتصدقوش يا ابني . أما صحيح راجل ما يختشيش على عرضه
- فابنه (لنفسه) انا برضو ما اختشيش على عرضي ؟ (يضرب كف على كف) والله عجائب ياناس !!
- نفوسه شوف اما اقول لك ياراجل . انالسه ما شربتش قهوة العصر ...
- عفيفي (مقاطعا) ويعني ضروري تشربي قهوة العصر ؟ ضروري يعني ؟ (خليفه) كنت بتتخانق مع هانم ليه ؟
- هانم ابدا والنبي .
- فابنه اسألها كنت باخانقها ليه ؟
- عفيفي انت كنت بتتخانق معاها والحق بالطبع عليك . لانك راجل قليل الحياء ... انت فاهم يعني لو طردناك من بيتنا تعرف تشتغل ؟ والله ياشيخ تصبح راجل مالوش صنعه .
- فابنه شحات .
- فابنه يعني بلاقافيه قول لي صنعتك ايه ؟

• عفيفي • تشتمني ياراجل ! انت نسيت اني غاوي تمثيل وعضو في
 جمعية الفرق بالحيوانات ياقليل الأدب . يا حمار . يا مغفل .
 • خليفة • يخلصك الحال ده ياست نفوسه ؟ يخلصك ؟ والله ماني
 قاعد •

• نفوس • توفر ياخويا وانت موش جاي منك إلا خوتة الدماغ ...
 ياللا

• عفيفي • ورينا عرض اكتافك . قليل الذوق مغفل .
 • خليفة • (بصوت متهدج) برضو كده يا عفيفي . برضو كده ..

تشتمني من غير ذنب . موش انا اللي كنت بشملك وانت
 في اللفة ؟ نسيت ايام ما كنت بلا قافيه بتعملها على ايديه ..
 برضو كده يا عفيفي ما كنش عشمي يا بني (يتجه نحو الباب)
 • عفيفي • مسكين يا عم خليفة . تعالى : هات راسك ابوسها . الحق على *

• خليفة • لأ . الحق على ياسيدي

• عفيفي • والله تجيب راسك (يمسك راس خليفة ويقبلها) انت زي
 ابويا . لكن يا عم خليفة الواحد لما ينام بعد سهره طويله
 عريضه يعز عليه قوي انكم تقلقو راحته . ماعلمشي يا عم
 خليفة ... وادي راسك كمان (يقبلها ثانيا) ماتر عاشي .

• خليفة • ماعلمشي . الله يسامحك .

• عفيفي • ماهو انت يا شيخ برضو شتمتني وقلت لي اني ماليش صنعه
 • خليفة • كان بلا قافيه خلق طالع . يا بني حقك على وادي راسك .

عفيفي • لا . لا . انت زي ابويا . بس كلمة مال كش صنعه هيجت
دي . لكن ماعلشي . خلاص ياعم خليفه . خلاص .
مبسوط . زال كل شي ؟

خليفه • كل شيء زال يا ابني ربنا يخليك ويطول عمرك .

عفيفي • بس اوعى بقى تقول لي . انا مالش صنعه مرة تانيه .

خليفه • ابدأ . ابدأ . وانت بقى بلا قافيه ما تشتمنيش

عفيفي • حاضر .

خليفه • انا نازل بقى يمكن حد يخبط ع الباب .

عفيفي • مع السلامه ياعم خليفه . اوعى مره تانيه تقول لي انا مالش
صنعه

خليفه • حاضر .

عفيفي • ولازم تشوف كلاي كويس ومالكش دعوه بالأ رانب .

أحسن بعدين تعرف شغلك . انتف دقنك .

خليفه • حاضر .

عفيفي • مامعكشي ريال ياعم خليفه ؟

خليفه • مامعش الا ام خسه دي يا بني . خد الله يباركك (يخرج)

عفيفي • (لهانم) غسلت الهدوم والا . لا ؟

هانم • كنت باغسل فيهم .

عفيفي • ياللا قوام ياشاطره . ياللا

نفوس • لسه يا بني ما عملتليش قهوة العصر . والديا بقت مغرباهه

عفيفي • قلت لك موش ضروري تشربي قهوة العصر . ياللا يابت
ياهانم . . ياللا ياشاطره . (تخرج هانم)

﴿ المشرع الخامس ﴾

نفوس • عفيفي

عفيفي • أما اقولاك بقى ياما . إحنا دلوقت بقينالوحد ناواقدرأ كلمك
بحريه كبيره . انا عارف إن أخلاقك ضيقه قوي وإن الجماعه
دول يرتعشوا منك لما يسمعو حسك ، واعرِف كمان انه
بسلاامته ابويا يبقى قد امك زي الفار قدام القط . لكن كل
ده مايمهنيش . اذا كنت معفرته اناستين الف معفرت ،
واذا كنت تزعلي انا برضو اعرف ازعلق . إفهمي طيب
انا مانيش خدام زي دول ولا نيش كاتب بتسعة جنيهه في
وزارة الاوقاف زي ابويا . انا واحد محترم مشهور في البلد .
غاوي تمثيل وعضو في جمعية الرفق بالحيوانات

نفوس • طيب يابني وانا عملت حاجه ؟

عفيفي • معلوم عملت كتير . اظن انك فاهمه اني موش عارف إنك
سبب الخناقه دي كلها ، انا بس حببت احترمك قدام
الخدامين . لكن يظهر انك مش عارفه مقامي .

نفوس • محسب بالذبي يابني ما اعرفشي مقامك ازاى ؟ انت غاوي
تراترو وعضو في جنينة الحيوانات .

• عفيفي • ترا تروايه . وجنيّة الحيوانات ايه ياوليّه ؟ بطلوده واسمعه ده
ياخوانا . انت يا شيخه انضربتي في عقلك ؟ دناملت ترا جيدي
وكوميدي . كان . والله بلاوي . أوريكي ازاي ؟ اوريكي
عشان تصدقي

• نفوس • محسب بسورة يس والقرآن الحكيم . وريني ياخويا وريني
• عفيفي • عاوزه قطعة ترا جيدي من شاكسبير والا من الحداد ؟
• نفوس • اللي يعجبك ياخويا

• عفيفي • اسمعي كلام عطيل لما جه يموت دمونه . دي قطعة ترجمتها
انا بنفسي . اسمعي . . . ثغر جميل ، وشعر طويل ، وخصر
نحيل ، وردف ثقيل . وغرام في الفؤاد ، يضيّع الرشاد ،
ويقتل العباد . اي دمونه المحبوبة ، أنا أهواك وأموت في
هواك ، وأضع قلبي في يمينك قبل يسراك . ولسكنك
خنت العهود ، ونقضت الوعود (يتحمس ويقترب من أمه)
وعشقت كاسيو اللعين ابن اللعين الخائن الاثيم وخنت
عطيل الاسد الهمام والقائد الدرغام . ولم تخش القادر العلام . . .
ويك يادمونه (يهدد أمه بيده)

• نفوس • بسم الله ماشاء الله ، ربنا يزيد ويبارك
• عفيفي • ويك يادمونه سأخلق أضراسك واخذ أنفاسك
• نفوس • بس ابعدياخويه شويه
• عفيفي • اسمعي امال (يقترب منها ماداً يده لرقبتها) سأجعل عظمك

- ولحمك شذر مذر . ويكون موتك عبرة للبشر . وسيقول
الناس احسن عطيل واجاد ، ونال المراد ، وشفى الفؤاد .
- نفوس • الواد جرى له ايه ياختي ؟ أبعد يا عفيفي .
- عفيفي • (ماسكاً رقبته) موتي يا خائنه موتي (يضغط على رقبته)
- لقد دنت الساعة وحلّ العقاب . موتى موتى .
- نفوس • الحقوني يا ناس الواد اتجنن
- عفيفي • (مندفعاً) موتي . موتي . موتي .
- نفوس • (تصرخ — يدخل عبده الستار)

﴿المشهد السادس﴾

- نفوس • عفيفي • عبده الستار
- عبده الستار • جرى ايه يا واد . اختشي على عرضك (يخلصها منه)
- بتضرب أمك والا ايه ؟
- نفوس • جرى ايه يا عفيفي • كنت حاطط روحى •
- عفيفي • أهو كده التمثيل والا بلاش
- عبده الستار • تمثيل ايه وسخام الطين ايه يا واد ؟ انت برضو مجنون ؟
- عفيفي • حاسب في الكلام حاسب •
- عبده الستار • كمان عاوز تقبح على
- عفيفي • سامعه ياما . جوزك بيجر شكل
- نفوس • ماعلش يا عفيفي دا ابوك •

- عبر الستار • موش كفاه انك كنت حاتموت أمك ؟
 عففي • أموت أي ؟ دنا بمثل ياسيدي بمثل •
- عبر الستار • انا ما قلت لك من زمان سيب الكلام الفارغ ده ،
 وتشوف لك شغله تنفعك موش أحسن يا بني من انك
 تعيش صايع كده لا شغله ولا مشغله
 عففي • سامعه يامه • بيتقول اني صايع
 نفوس • صايع ؟ فشر • دانت غاوي تراترو وعضو في جنيته
 الحيوانات . صايع ؟ فشر
- عبر الستار • يعني موش كفاه انه كان عاوز يطلع روحك ولا يعني
 عاجبالك حالته قوى !!! يا واد لازم تشوف لك شغله
 وتسبب الحال ده اللي ما يرضيش حد • أنت فاهم ان
 أبوك غني يعني لما انت كده مانتش عامل حساب لحد
 ودائر على حل شعرك
- عففي • ما تقولشي اني واد . أنا بقيت راجل وكل الناس تقول لي
 في القهوة يا استاذ
- عبر الستار • ماتطولش يا واد • بقولك ما تطولش أحسن بعدين
 ما يحصلش طيب • أما إنك صحيح قليل الأدب
- عففي • سامعه ياست نفوسه جوزك بيتقول ايه ؟ والله العظيم
 ان ما كنت حاترجع غني لا خليه نهار زي الطين
- عبر الستار • إختشي يا واد • إختشي • أما صحيح إنك قليل الحيا

ما عندكش تربيّه ولا أدب • انت متربي فين ياواد ؟

عفيفي • في بيتك يابا

وكان بتقول كده • انت يظهر إن نفسك في علقه من

عُلق زمان

طيب • مد ايدك كده ؛ والله العظيم إن مديت

ايدك عليّ أطلع على عينيك النجوم

سامعه يانفوسه ؛ قال يطلع على عيني النجوم

ما هو انت يا راجل اللي بتخليه يقول لك الكلام ده •

يعني بس قول لي انت مالك وماله • • أما صحيح ما

تختشيش على عرضك

عفيفي • صحيح ما تختشيش على عرضك

وكان تقول كده ؛ طيب خد (يهيم بضربه فتمسك

نفوسه منه العصا)

(تصرخ) أمّا إنك راجل دون • • تضرب ابنك يا راجل ،

تضربه قدامي ما تعمليش مقام ؛ والله العظيم إن كنت

تمد ايدك عليه مره ثانيه ماتحس الا بالشبشب نازل يرفع

اصداغك

عبر الستار • (هادئا) سبحان الله طيب ويعني بتزعلي ليه ؛ هدي

روحك • ما تطلعيش خلقك •

ما اطلعشي خلقي يا راجل ؛ ما اطلعوش ازاي ؛ دنا اطلعه

- واطلعه • اما انك راجل من بتوع زمان
 عفيفي • معلوم موش متمدن • انت ما تعرفشي إن الضرب
 جريمه يعاقب عليها القانون •
- نفوس • دا وش طره يابني • وحياة النبي وسيدنا الحسين
 والسيدة زينب والانبيا والاوليا إن كنت يا راجل
 من هنا ورايح ما تحتشيش في كلامك وافعالك • بعدين
 تلاقيني نزلت عليك نزله سوده • اهه (تمسك الشبشب)
 سامع؟ نزله سوده •
- عبد الستار • طيب ماعلمش • غلطت يا ام عفيفي • بس ما تزعلش •
 نفوس • سامع • أسيح دمك • أقرمك •
- عبد الستار • وليه بس يا ام عفيفي !! انا عملت حاجه ؟
 نفوس • عملت حاجه !! تضرب الواد قداي وتقول عملت حاجه ؟
 عفيفي • ماعلمش ياما • الحمد لله عرف غلطته وبكره يتوب •
- نفوس • يعني صعب عليك قوي يا عفيفي •
 عفيفي • سبحان الله ياما • انت نسييت اني عضو في جمعية الرفق
 بالحيوانات •
- عبد الستار • متشكر •
 عفيفي • الحمد لله ان المسئلة انتهت • أما ادخل البس عشان
 أخرج (يدخل من الباب الذي خرج منه)

﴿المشهد السابع﴾

عبد الستار • نفوس

عبد الستار • والله ان جيت للحق يا أم عفيفي ما كانشي أبداً في
حسباني انه يجري اللي جري • لكن بق الحمد لله
أهو كل شيء زال ورجع الحال لأصله •

نفوس • يمكن (بزعل)

عبد الستار • انت لسه زعلانه يا أم عفيفي !! حقك عليّ • والله انا
ماقدرشي أبداً على زعلك •

نفوس • من ايمتي ياروحي ؟

عبد الستار • من زمان قوي (ضحك) من ليلة الدخلة • انت فاكره
ليلة الدخلة • فاكرها يا نفوسه

نفوس • ليلة الشوم اللي عرفت فيها خلقه العكوره دي •

عبد الستار • (يضحك) ياسلام يا أم عفيفي • انت دايم كده تحبي
الهزار

نفوس • الهزار ؟ هزار ايه يابى عبد الستار ؟ من ايمتي كنت
بهزر معاك ؟ أظن فاهم نفسك حلو قوي • حقه صحيح
ما فيش زيك حد •

عبد الستار • إن كنت مانيش حلو قوي أدني برضو مقبول • موش
كده يا أم عفيفي ؟ موش كده ؟ ؟

نفوس • (تضحك ضحكة نسائية) نام وقام لقي نفسه قايمقام. مانتش
فاكر حالتك ايام ماخذتك ؟

عبد الستار • دي ايام قديمه قوي يانفوسه . بس انا قصدي انك
ماتكونيش زعلانه .

نفوس • (تضحك ضحكة نسائية) كل ما افتكرلك ايام ماخذتك .
انت ناسي اظن لما كنت تنف في ايدك وتستحمه مره
في الشهر وتلبس البومباغ بالمقلوب ؟ اخذتك ، نصفتك ،
وخليتك راجل . وكان بعد كده ماتحتشيش على عرضك ..
ماتحترمنيش واتضرب الواد قدامي . ما كانشي عشمي
(تبكي)

عبد الستار • بتعيطي يام عفيفي . بتعيطي يا اختي برضو كده . وحياة
ابوك ماتقطعيش قلبي .. هاتي راسك

نفوس • اوعى كده دانت راجل قادي . والنبي قاسى قوي
عبد الستار • حقتك علي يانفوسه . صحيح انا قادي . الله يقطعني .

نفوس • اخص عليك يا عبد الستار . تنسى عشرة تلاتين سنه
وتهيني برضو

عبد الستار • صحيح عشرة تلاتين سنه . أمّا انا قادي صحيح .

نفوس • عشرة تلاتين سنه استحمات فيها قساوتك وشربت المر
عشان خاطرك (تبكي)

عبد الستار • (يبتديء في البكاء) صحيح وشربت المر عشان خاطري

نفوسه • دي عشره طويله قوي يا عبده (تبكي)
 عبر السمار • قوي قوي (يبكي ويمسح دموعه) ماعلش يانفوسه
 الحق علي
 نفوسه • عنتش ترجع للي عملته
 عبر السمار • ابدأ ابدأ . هاتي بوسه بقي .
 نفوسه • استني اما انف وامسح دموعي .
 عبر السمار • امسحي ياختي امسحي (يهم بتقبيل نفوسه فتدخل
 جميله فيمسك)

﴿المشهد الثامن﴾

عبر السمار • نفوسه • حميد
 عبر السمار • انت جيت يا جميله (تقبل يده) كنت فين ياروحي ؟
 حميد • كنت قاعده أفصل جليتي الجديده .
 عبر السمار • ما شاء الله ما شاء الله . والله انت شاطره قوي يا جميله .
 دي جميله بقت عروسه يانفوسه
 نفوسه • أمال أديني عماله أدور لها على عريس
 حميد • (بخشو) ياسلام يامأ
 عبر السمار • لا . مال الكيش دعوه بعريس جميله . انا لقيت لها عريس
 من أحسن العرسان
 ياسلام بابا . سيبونا بقي من سيرة العرسان .
 حميد •

نفوس • شوف ياخويه البننت شوف . تبقي البننت منكم نفسها في

الجواز وتعمل انها موش عارفه وموش عاوزه تسمع عنه

حاجه . طب قولي لي الكتنا كيت ازيمهم ؟

صحيح • اسكتي ياما . مات منهم كتكوت .

نفوس • انهو فيهم ؟

صحيح • الحلو الكبير

نفوس • ياخساره . والنبي كان حلو قوي .

عبر السمار • اي والنبي خساره صحيح . ده كان بكره يبقى ديك تمام

يصحيني من النوم عشان أروح الديوان (جميله

تظهر انها تريد الخروج) يعني مستعجله ليه يا جميله ؟

صحيح • يدي أروح أملا القلل وأحطهم في الشباك عشان بيردم

نفوس • طيب روجي ياختي (تخرج جميله) انت صحيح يا عبده

لاقيت لها عريس

عبر السمار • ولد طيب قوي اسمه بليغ . ماهيته سته جنيه (يسمع

دق الباب)

نفوس • باب السمكه خبط يا عبده مانتش سامع ؟ (يسمع الدق)

عبر السمار • إي والله الباب بيخبط صحيح . يكو نش حد جاي لنا ؟

نفوس • يمكن • شوف يا عبده الراجل خليفه موش راضي يفتح

الباب وعامل نفسه نايم . انا يا عبده ما اقدرش على الحال

دا هه

عبد الستار . انا مانا عارف . وقلت لك من زمان نظرده مارضتيش

(يعاد الدق . يذهب ويصرخ من الشباك) ياخليفه . .

ياخليفه . . ياخليفه . . شوف الراجل ؟ ياخليفه .

نفوس . (تصرخ مع عبد الستار) ياخليفه . ياخليفه

خليفه . (من تحت) نعم

عبد الستار . الباب بيخبط ياراجل كنت فين ؟

خليفه . كنت بلا قافيه بخراط للوز قشر بطيخ تحت السلام

نفوس . وهو اللى بيخراط للوز يبق اطرش (يعاد الدق) الباب

بيخبط ياراجل شوف مين

عبد الستار . (ناظرا من الشباك) دى واحده يانفوسه

نفوس . صحيح ياترى مين ؟ دي واحده غريبه ياعبده . يمكن

واحده خاطبه جايه تخطب جميله .


عبد الستار . صحيح .

نفوس . أما أروح استقبلها ع الباب واقعد معاها في الفسحة .

موش كده والا ايه ؟

عبد الستار . ايوه برضو لازم كده ياللاقوام

نفوس . ياترى مين . ياترى مين . (تخرج)



﴿ المشهد التاسع ﴾

عبد الستار

عبد الستار . والله يا عبد الستار خلّيت بنفسك شويه من الكاينه اللي
رماك ربنا بها . في المديوان رئيسك موريك الغلب وفي
البيت ابنك مكفرك ومراتك مطلعته روحك .
القصد أديك بقيت لوحداك وربنا برضو بكره يفرجها .
ويمكن اللي يكرهه الواحد يكون فيه الخير . . . حد
عارف (تدخل هانم)

﴿ المشهد العاشر ﴾

عبد الستار . هانم

عبد الستار . (يرى هانم) أنت جيت يا هانم ؟ عاوزه حاجه ؟
هانم . (حامله ملابس) دول ياسيدي الهدوم بتوع سيدي
الصغير عاوزه أوديههم أودته
عبد الستار . لكن يا هانم . أنا عطشان قوي وعاوز اشرب كباية ميه .
هانم . حاضر (تذهب وتغلا من القله كباية ماء وتحضرها له)
اتفضل ياسيدي .
عبد الستار . (يشرب على مهل ويقول وهو يشرب) الله دنا كنت
عطشان قوي . . . تسلم ايدك يا هانم . . . ايدك الصغيره

الخلوه (تظهر هانم الحياء) انت بتختشي يا هانم .
 بتختشي مني (يضحك ضحكه مضحكه) وريني ايدك
 الخلوه وريني . . . أنا اعرف أشوف البخت في
 الايدن . . . وريني يا اختي (لنفسه) اما بنت خلوه
 ياناس . وريني ايدك (تظهر الحياء) برضو بتختشي
 (يضحك ويقف ويهم بمسك ايدها فتنفرت منه)

هانم . . . او عي كده .

عبد الستار . . . انت زعاتي ؟ (هانم لا ترد) والا يعني سايقه الدلال .

هاتي ايدك آمال

هانم . . . بأقول لك ابعده . الله . هو ايه ده .

عبد الستار . . . برضو بتسوقي الدلال . داما كنش ده طبعك ياغزال .

هانم . . . ياسلام . وقصداك ايه يعني ؟

عبد الستار . . . بقى ماتيش عارفه قصدي (يضحك) قصدي بوسه

من العيون العسلية والحدود الوردية والشعر الكستني
 والفم السكري . قصدي (يهم بتقيلها فتنفر)

هانم . . . ياسلام يافندي

عبد الستار . . . (يقرب) ما حناش في قولة افندي وبه . سيينا م الخوف

والدلال . . . والزي تجبي بوسه . . . (يهم بتقيلها

فتنفر منه)

هانم . . . ايه المسخره دي . موش تخليني أروح أودّي الهدوم

في أودة سيدي الصغير • أما عجائب !

عجائب • غير الستار • عجائب ! يا هانم • برضو كده • يعني البوسه
عندك تساوي كثير قوي • والا أنا موش عاجبك •
صحيح أنا راجل برضو متقدم في السن لكن برضو
أعجبك • وياما كانت لي مع النسوان وقايع •

هانم • وقايع كبيره ؟

عبر الستار • اسكتي ! وقايع كبيره قوي • • • • • وقايع عملتها في ستك
نفوسه (يضحك) ياما كنت أغفل ستك نفوسه
(مغرقا في الضحك) آل المغفله تظن لحد دلوقت اني
ما حبش غيرها • • • من حق يا هانم تصدقي الكلام ده •

هانم • ما أعرفش •

عبر الستار • ما تعرفش ازاى ؟ يعني عاجبالك قوي سحنة ستك
المصديه • (يضحك)

هانم • ستي موش وحشه

عبر الستار • ستك موش وحشه ؟ لكن انت جميله • • • • • جميله
قوي • • • • • دا حسنك مجنني وملخبط عقلي • أنا واقع
قوي يا هانم (يهم بتقبيلها فتفتلت منه)

هانم • الله • الله • الله • ايه المسخره دي • • • • • ؟؟ ايه الكلام
الفارغ ده • انت ما تختشيش ليه ؟

عبر الستار • ما اختشيش ليه ؟ (يحتد) سبحان الله يا هانم •

ما تخنيش ازعل معاك • أقول لك الحق أنا زعلت
 خلاص وموش ح اكلك ابدأ (لا ترد ينتظر قليلا)
 سامعه موش ح اكلك ابدأ (لا ترد وينتظر قليلا) •
 معلوم أنا ما كلشي أبداً اللي تقول لي ما تختشيش
 (لا ترد) موش كده والا ايه؟ (لا ترد وينتظر قليلا)
 فلا ترد) وحتى لو جيتي تصالحيني وكن تبوسي رجلي
 برضه ما اكلكيش • وافضل زعلان معاك (لا ترد
 بالكليه) اهه موش ح اكلكم بالكليه • أما أشوف مين
 اللي ح يكلم الثاني (ينتظران بضعة ثوان بلا كلام ثم
 ينظر اليها وتنظر اليه ويتكرر النظر يتخلله الابتسام
 فيقهقه عبد الستار ويقول) أما بنت مكاره ومقطقطه
 صحيح • • • أما صحيح تعرفي تسوقي الدلال • • •
 طيب أنا اللي ح اكلك (يقوم اليها) برضو زعلانه؟
 معلوم ازعل • يصح برضو انك ترعق في عشان كله
 صغيره قلتها؟ امال يعني بتخبي ازاى؟
 طيب الحق علي • وما دام أنا باحبك كده ياترى أنت
 كمان بتخبيني؟

هانم •

عبد الستار •

هانم • من القلب للقلب رسول •

عبد الستار • واللي يحب الثاني موش يديله بوسه؟

هانم • وبعدين لو عرفت ستي؟

- عبد الستار • ومين اللي رايح يقول لها ؟
- هانم • اما أقول لك بقى • بس ما نيش قدره أقول •
- عبد الستار • لا والنبي تقولي كل حاجه •
- هانم • لأ ما أقدر شي
- عبد الستار • وحياة اللي تحببته • وحياتي أنا ياهانم لازم تقولي اللي في قلبك
- هانم • يمكن تزعل •
- عبد الستار • أزعل منك ؟ هو ده كلام • انت اتجننتي والا ايه ؟
- هانم • أنا نفسي في جوز شورابات ونص دسنة مناديل
- عبد الستار • بس كده • بس كده وتمنهم كام ؟ قولي أنا ما آخرش عليك حاجه ؟
- هانم • عاوزه ريال •
- عبد الستار • (يتغير وجهه) ريال . . . ؟
- هانم • موش قلت لك حازعل •
- عبد الستار • لا أنا مازعلتش • بس ريال يعنى
- هانم • كتير قوي ؟
- عبد الستار • في الوقت ده اللي بقت فيه كيلة القمح
- هانم • أنا محبش كتر الكلام والحديث • بالعربي كده البوسه تمنها ريال •
- عبد الستار • البوسه تمنها ريال !! أمال الحضن بكام يابنت ؟

هائم . دي البوسة تمنها ريال علشان خاطرك بس . أما لو كانت
لغيرك والنبي ما ارضى أبدا بأقل من جنيته .
عبر الستار . هو انت يبوسك حد غيري . دي قلة حيا وقلة أدب
وعدم تربيته

هائم . مالك اتحمقت كده ليه ؟
عبر الستار . يبوسك غيري ! ! باقولك دي قلة حيا وقلة أدب وعدم
تربية

هائم . ح تجيب الريال والا لا ؟
عبر الستار . بقول لك دي قلة أدب ودناءه وسفاله وانحطاط أدبي .
هائم . ماتكلمنيش بالنحوي . ح تجيب ريال والا لا ؟
عبر الستار . أبداً

هائم . طيب والله العظيم إن ماجيت الريال لأروح أقول
لابنك وامراتك انك بصبصت لي ، وكنت عاوز تبوسني
وانك خنتها مع نسوان كثير ، وانك بتقول انها مغفله
وان سحتتها مصديه

عبر الستار . دي قلة أدب وقلة حيا ودناءه وسفاله وانحطاط ادبي
هائم . ح تجيب الريال والا لا ؟

عبر الستار . باقول لك دي قلة أدب وقلة حيا

﴿ المشهد الحادي عشر ﴾

عبد الستار • هانم • عفيفي

عفيفي • (داخلا . مرتديا ملابسها) ايه هو اللي قلة أدب وقلة حياء

وانحطاط ادبي ؟ يعني ايه الكلام ده ؟

عبد الستار • (يضحك ضحكة باردة) دنا كنت بتكلم مع هانم على عم

خليفه البواب ، وكانت بتقول لي انه ما بيرضاش يفتح

الباب اللي بيخبطو . آم طالع خلقي وقعت أقول لها دي

قلة حياء وقلة أدب وانحطاط ادبي . موش برضوانت من

رأيي يا عفيفي ؟ موش كده يا هانم ؟

هانم • بالطبع . لكن ياسيدي الراجل بتاع الخضارفات النهارده

وطلب ريال من حسابه . موش تجيب لما اعطيها له

عبد الستار • طبعا طبعا . لكن بس يا عفيفي ، انت تشوف إنها قلة

أدب من خليفه لانه ما يفتحش الباب اللي بيخبطو

عفيفي • طبعا . لكن يستحسن انك تعطيها الريال بتاع الخضري

عبد الستار • حالا (يعطيها الريال بتأفف)

عفيفي • ما تروح بقى تغير هدومك وتلبس جلييتك وشبشبك

وتستريح .

عبد الستار • حالا .

عفيفي • ياللا قوام .

عبدالستار . (وهو خارج) حالا

﴿ المسرح الثاني عشر ﴾

عفيفي . هانم

- عفيفي . ايه الريال اللي عطا هولاك ده ؟
- هانم . عشان الخضري زي ما انت شايف .
- عفيفي . كدابه . انا سمعت كل حاجه من وراء الباب . وبرضه
تقولي لي انك تحبيني
- هانم . واعمل لك ايه ؟ هو انا خلّيته عمل حاجه ؟ ويعني انت
بتحبيني وانت داير طول الليل سهران مع اصحابك
وتيجي آخر الليل سكران ساعات ومين يعرف كنت
فين . وبعدين تقول انك تحبيني .
- عفيفي . معلوم احبك . انت نسيت ان السهر والشرب داشيء
من مستلزمات الشبان :
- هانم . طيب هو انا عملت حاجه ؟
- عفيفي . خليتي ابويا بصبص لك .
- هانم . وماله يعني ؟ ضحكت عليه واخذت منه ريال .
- عفيفي . لكن انا بأغير ياهانم . الغيره بتقطع قلبي وانت
ما بترحميش
- هانم . يعني انت بترحميني .

عفيفي • انا احلف لك يا هانم بكل حاجه اني ماخوتتكيش ابداً .
والدليل انك ماشفتيش حاجه بعينك . لكن اناشفت بعيني
ماحدث قال لي . . برضه كده يا هانم (يجلس مظهرأ الكدر)
هانم • (تقترب منه) انت زعلت ؟

عفيفي • معلوم أزعل لما اشوف البنت اللي اخلاصت لها وحببتها
ووهبتها قلبي وفكري وجوارحي من أولها لآخرها
تخوني . ومع مين ؟ . . مع ابويا . . وفي ساعه ؟ . . ربنا يعلم
حالي فيها .

هانم • (تقبله) ليه هو جرى لك ايه ؟

عفيفي • جرى اللي جرى . جرى اللي يعلمه ربك بس

هانم • ايه هو .

عفيفي • موش ضروري اقوله

هانم • إن ما كنتش تقولي أمال تقول مين !

عفيفي • ما اقدر شي اقوله دلوقتي يستحيل

هانم • ليه ؟

عفيفي • مايمكنشي أبدا احسن بعدين تروح أفكارك لحاجات
ماأحبش انك تفكر فيها في .

هانم • قول بس ايه اللي مزعلك . لكن قبله انت تحبني خالص

عفيفي • قوي قوي .

هانم • ولا تحبش غيري ؟ .

- عفيفي • أبدا والله أبدا .
- هانم • ولا تسهرشي مع نسوان ؟
- عفيفي • أبدا . أبدا . والله العظيم .
- هانم • قول لي بقي ايه اللي مزعلك .
- عفيفي • المسئلة بسيطة قوي . إمبراح احتجت لفلوس قمت استلفت من صاحبي ريال وقلت له اني حارده له النهارده . ولكن أدكي عارفه الحاله وان مارحتش اقبله في القهوة يجي لي في البيت والمسئلة بقت واقعة زي الطين
- هانم • بس كده يا حيبي . طيب وبتزعل ليه ؟ خد الريال اللي اخذته من ابوك إديه لصاحبك ولا تخليش لحد كله عليك .
- عفيفي • لا . لا . لا يهانم . يستحيل . دا حقك مايمكنش .
- هانم • والنبي إن ماخذه ازعل .
- عفيفي • انا نفسي حره يهانم . ولا اقباشي أبدا
- هانم • وبرضو تقول كده ؟ والله إن ما اخذه ازعل صحيح .
- عفيفي • مايمكنش .
- هانم • باقول لك أزعل . أزعل قوي . خد .
- عفيفي • (يأخذ الريال ويضعه في جيبه) تعرفي ان ما كنتش خايف على زعلك ما كنتش اخده أبدا .
- نفوس • (من الخارج) يا عفيفي . انت فين ؟
- عفيفي • هنا يامّا .

- هاتفم • أمّا ارواح أحسن امك تشوفني وتفتكر حاجه . حانزل لعم
خليفه
عنبني • انا ما يهنيش امولا اب . ما يهنيش الا انت (يضمها بين
ذراعيه ثم تفلت منه مندقة الى باب الخروج)

﴿ المشرم المالت عشر ﴾

- نفوس • عنبني
نفوس • (داخله) يا عفيفي إلينا جالنا يا بني •
عنبني • صحيح . وعلى ايد مين ؟
نفوس • على ايديك . بقى مانتش عارف ؟
عنبني • بس قولى لى إيه اللي جرى ؟
نفوس • صاحبك فرحات باعت أمه . بعد ما استأذنتك .
عنبني • صحيح كان كلمني امبارح . بقى أم فرحات جات النهارده
وبالطبع كلمتك في مسئلة جميله
نفوس • أمال . المهر مية جنيه . خمسين متقدم وخمسين متأخر .
والزفه بالطبل البلدي والفرح أربعين يوم ويوم
عنبني • كان قال لي كده امبارح . تأكدي ياما انه راح يعمل كده
لانه ولد تمام ابن ناس كلمته كله واحده عمره ما يغيرها .
نفوس • أدي اللي بدي أسألك عنه لانه صاحبك وبالطبع الصاحب
يعرف أخلاق صاحبه . يعني كده فرحات ييه دا جديع

أمير ما يسهر شي ولا يعرف شي نسوان ؟

• غنيمتي • أبداً ياما . دا زي البننت البكر وسيرته كويسه . من البيت

للجامع ومن الجامع لمطرح شغله ، ويصوم التلات شهر ،

ويحسن على الفقرا والمساكين ، وكان واحد شاعر كبير .

امريء القيس .

• نفوس • يكون شي يا غنيمي شوفنا ليلة القدر ؟

• غنيمتي • والله ياما دا حنا موش شقنا ليلة القدر بس . دا حنا كان

دخلنا الجنة

• نفوس • ومن إمتي تعرفه يا خويا ؟

• غنيمتي • من مده طويله . . من أيام المدرسه . دا كان دائماً يطلع

البرنجي وياما خد مكافئات كتير . انشاء الله بكره لما

تشوفها تلاقيها مرطوطه في أودته ونلاقيه موش عارف

يحطها فين ؟

• نفوس • بسم الله ما شاء الله . عيني عليك بارده يا جوز بنتي

• غنيمتي • ويعرف انجازي وفرنا اوي ونلياني وجريجي كان

• نفوس • ربنا يزيد ويبارك . عيني عليك بارده يا فرحات يا جوز بنتي

ده ايراده كام يا خويا ؟

• غنيمتي • عشرين جنيه في الشهر

• نفوس • دي صحابه وقعت في بيتنا يابني . عشرين جنيه ؟ يا أخي

دا المدهول على عينه عبد الستار (يدخل عبد الستار)

ما يياخدشي إلا تسعه جنيه ويقعد آخر الشهر يعيشنا
 مش وبصل وعيش مقدد
 (عبد الستار يدخل مرتدياً ملابس المنزل جلايه بيضا
 وطاقيه وشبشب)

☆ الشهر الرابع عشر ☆

نفوس • عفيفي • عبد الستار

عبد الستار • وشربة الكوارع . انت نسيت لما طبختها لك يوم
 ٢٦ منه

نفوس • هُوَ انت هنا يا عبده ؟ اسكت الهنا جانا واخير وقع
 فوق دماغنا والجنيهات بكره تلى جيوبك .

عبد الستار • الجنيهات بكره تلى جيوبي ؟ ايه الكلام ده ؟

نفوس • أمّال . ام فرحات بيه جات النهارده تخطب جميله لابنها
 عبد الستار • وفرحات بيه يبق مين في البلد ؟

نفوس • دا عنده عشرين جنيه شهري ودافع مهر ميت جنيه . خمسين
 متقدم وخمسين متأخر . وح يعمل الفرح أربعين يوم
 ويوم .

عبد الستار • هو يعني عيب اني أعرف مين هو ؟

نفوس • فرحات بيه صاحب ابني عفيفي .

عبد الستار • يوه . يوه . فرحات الواد الصايح اللي عامل ديل لأولاد

الزوات واللي بيدعي إنه امري القيس . سيدك ياشيخه
سيدك . دا واد من اللي صنعتهم تخلي الوش يحمر .

عفيفي • بتقول ايه ؟

عبد الستار • موش الوادالي بيا كل على قفا غيره ؟

عفيفي • لا . لا . انت غلطان يابا . (يقترب من عبد الستار

وبصوت منخفض) دا الوادالي يبصبص للبنات الصغيره
ويقول لهم إن مراته مغفله وإن سحنتها مصديه .

عبد الستار • (يضطرب وينظر الى نفوسه ثم يتبادل نظرات سريعه

مع عفيفي ويخرج من جيبه ريال) صحيح بيعمل كده ؟
خديا بني الريال ده . انا عارف انك عاوزه من زمان .

نفوسه • ويعني يادي عبده عمال نازل على فرحات النزله السوده دي

ليه ؟ هو عمل لك ايه ؟

عبد الستار • انا بس خايف على جميله يانفوسه . وان كنت يعني قلت

كام كلمه على فرحات بيه • معلش ساعيني فيهم وياللا
كده نتكلم على مهلنا ونسأل جميله عن رأيها

نفوسه • نسأل جميله عن رأيها ؟ انا ياخويه ما عنديش بنات يتجوزو

على كيفهم

عفيفي • واللي يعيش ياما يشوف • دا ابو يا بقى من بتوع الايام

دي ياماً

عبد الستار • بقى إن قت اضرب عفيفي تقولو اني متأخر مانيش متمدن

وإن جيت أسأل جميله عن رأيها في جوازها تقولوا علي
اني من بتوع الايام دي . انا ضعت بينكم وغلب حماري .
نفسه . القصصه . جميله ح تتجوز فرحات .

عبد الستار . لكن انا قلت لك جاني ولد طيب قوي اسمه بليغ .
نفسه . ح يبق أطيب من فرحات اللي يمصلي ويصوم التلات
تشر وكمان في نيته انه يروح الحجاز السنه الجايه .

عبد الستار . دا واد بأقول لك صنعتته تخلي الوش يحمر . انت موش
سامعه ياوليه . انا ما اجوز شي بنتي ابدًا من راجل فلاقي
بتاع نسوان ، قارتي ، وحشاش ، وكمان يخدم اصحابه .

عفيفي . ازاي يابوياتهم جدد شاعر عنده احساس وعواطف ؟

عبد الستار . بس خليك بعيد انت عن كلمة احساس وعواطف .

نفسه . أهًا انك ياراجل ما عندكش أدب . تشتم راجل ابن ناس ؟
انت مالك طالع فيها كده ؟

عبد الستار . يستحيل إن فرحات ده يتجوز بنتي . سامعين . اناسكت

لكم مده طويله واستحملت عمايلك يا نفوسه كثير . لكن

المره دى عشان بنتي راجح اعمل اللي ما يتعمل

عفيفي . زي اللي عملته في هانم

عبد الستار . (ينظر اليه ويضغط بأسنانه على شفتيه) يعني قصدي

اننا تقعد نفتكر شويه في الموضوع .

نفسه . دا ايه اللي عمله عبد الستار في هانم ؟

عبد الستار • ما فيش حاجة • دي كانت قلة حياها قت ضربتها قلم على

خدها • موش كده يا عفيفي ؟

عفيفي • (مقترباً من أبيه) عندكش ريال كمان ؟

عبد الستار • دا آخر شهر يابني وما عندكش بق إلا ريال واحد (بصوت

عالي) موش كده ضربتها قلم على وشها ؟

عفيفي • ايوه • قلم على خدها وبعدين صالحتها بريال وكنت عاوز

تبوسها !

عبد الستار • يابن الكلب . . . ؟

نفوس • بتقول ايه ؟ كان عاوز يبوسها ! يا خبر اسود ومطين على

وشك يا عبد الستار • تخووني مع البنت اللي ماتجيش قد

ركبتي ؟ كده ياراجل ماتختشيش على عرضك •

عفيفي • وموش بس كان عاوز يبوسها

نفوس • ايه ؟

عفيفي • دا كمان كان نفسه في حاجات تانيه •

عبد الستار • انت كذاب • انت ولد كذاب

نفوس • وحياة النبي أنا ما اسكت أبداً على الحال ده • والله

لاوريك هو انت فاهم نفسك سيد البيت والا ايه

عفيفي • ترضى انك تجوز بنتك من فرحات وانا أصلح لك

كل حاجة ؟

عبد الستار • عاوزني أبيع بنتي ؟ يستحيل أرضي إن جميله تجوز الواد

- الجلس الى عامل صاحبك • يستحيل • سامع •
 نفوس • سيبنا من سيرة جميله وفرحات وكاني أنا . هو ذا جزا
 العشره الطويله يا عبده . لكن صحيح انت راجل مال كس
 ذمه ولا فيش في وشك دم
 عبر الستار • بس بقى دا كله كلام فارغ في فارغ . انت مالك كده
 يا وليه عماله تعجري وترعقي !! بقولك اسكتي • شيء
 عجيب •
 نفوس • أنا عجريه ؟ أنا يا عبدا الستار عجريه ؟؟
 عبر الستار • (محتدأ) أيوه عجريه وقليلة الأدب وما عندكش تربيه
 نفوس • (صارخه) بتقول ايه ؟ (تخلع الشبشب) انت حاتسكت
 والا لا يا راجل ؟
 عبر الستار • (يهدأ) حاضر أديني سكت • اسكتي انت بقى (متلطفاً)
 ماهو يا ام عفيفي انت اللي ابتديتي بالشر ، والبادي بالشر
 أظلم • موش أحسن تقعد نتكلم بالراحه كده . ونسيب
 الهري والنكت ده
 نفوس • هري ونكت ايه يعنى (مؤنبه) • تبوس البنات
 السنكوحه الي ما تساويش عشره خرده ، وتخون
 مراتك أم ولادك
 عبر الستار • دا كلام فارغ يا أم عفيفي
 عفيفي • (لعبد الستار سراً) قلت لك جّوز جميله لفرحات وأنا

أصاح لك كل المسئلة

عبر الستار . اسكت ياواد ، باقولك اسكت . أنا ما بقتش خايف

من حد واللي تعاملوه اعمالوه

نفوس . وكمكان بتزق في الواد . طيب استنى (تهم واقفه) أول

حاجه نطرد هانم

عفيفي . سبحان الله ياما . وهانم ذنبها ايه ؟ والله العظيم ان

طردتوها ما اقعد في البيت ده أبداً

نفوس . ما تزعشي ياخويا صحيح هانم ما لهاش ذنب ، والذنب

كاه من التستوس ده اللي ما يختشيش على عرضه .

ما فيش غير الطلاق . الطلاق معلوم الطلاق . ياللا طلقني

وادفع لي المتقدم والمتأخر والمتعه والنفقة

عبر الستار . (يحتد) ما طلقش

نفوس . ما اطلقشي ؟ طيب لما اشوف مين اللي يغلب الثاني . ياللا

يا عفيفي يا للا سيبه لوحده . احنا سوا والكاب لوحده

ياللا خايه يهاتي . ياللا بنا . والله العظيم إن جبت لك حاجه

تا كلها اليله دي تبقى تتف في وشي . وانا طابخه بسازيه

وملوخيه وصحن رز واشترت بطيخه قد دماغك . والله

ما انت دايق منها حاجه أبداً

عبر الستار . وديني ياست عرض اكتافك . الحمد لله أنا شبعان

نفوس . شبعان (تضحك ضحكة نسائية) من إمتي يا عبده ؟

- عفيفي • دا شبعان غلب ياما
- نفوس • (تضحك) لا دا شبعان حب يا ابني
- عبد الستار • (يجلس واضعاً راسه بين يديه)
- نفوس • مالك مدلل راسك كده؟ بتفتكر في ايه يا روجي •
والنبي أنا خايفه عليك قوي من الفكر لا حسن يقصف
عمرك • حاكم انت غالى قوي على قلب نفوسه •
ما بتدش؟ قال يعنى ثقيل قوي • (تضحك ضحكة نسائية)
صحيح يا عبد الستار انك ثقيل الدم
- عفيفي • ياللا يا اما ياللا • أنا بدّي أروح أقابل فرحات بيه
- نفوس • وانا موش عاوزه أشوف وحيات أبوك وش الحمار ده •
أهو راح تقعد في الأوده دي لوحداك • وكمكان راح تنام
فيها لوحداك • أما أشوف مين اللى رايح يسقيك الليله
دي لما تعطش ، ومين اللى راح يطبطب عليك لما تنازع
ومين اللى ح يدفيك لما تبرد • أما اشوف !! ح تنام هنا
على الكنبه • إوع تصدق اني أقبلك في السرير جنبي
أبدأ • ياللا يا عفيفي ياللا •
- عفيفي • الى الملتقى يا بابا (يخرجان)

﴿المشهد الخامس عشر﴾

عبد الستار • جميله

عبد الستار • (منفرداً) آه يا عبد الستار • صحيح انت ضعيف الأراد

لكن بكره ربك يقويك عليهم

جميله • (داخله من الباب الذي خرجت منه نفوسه وعفني) أبويا!

عبد الستار • جميله • حبيبتى • بنتى • بوبى أبوكى واحضنيه ياختى •

ياللا ياروحى • (يتعانقان)

جميله • أبوس ايدك يا بوبا • أمى عاوزه تجوزني لراجل بطل اسمه

فرحات • وأنا ما ارضاش به أبداً • اوعى يا بوبا تسمع

كلامها

عبد الستار • (يقبلها) أسمع كلامها؟ يستحيل يستحيل أبداً

جميله • لكن انت بتخاف منها دائماً

عبد الستار • لكن علشان خاطر كى ياروحى رايح أخليها تخاف منى •

دنا عندي عريس تاني ولد طيب وحلو اسمه بليغ (جميله

تظهر الحياء) هاتى بوسه ياروحى ما تفتكر ايش أبداً •

طول ما هي راس أبوكى فى الدنيا خ تكونى مبسوطة

أربعة وعشرين قيراط

نفوس • (من الخارج) يا جميله • يا جميله •

جميله • أمى بتنده لي يا بابا أما أروح اشوف عاوزه ايه؟ • نعم

أدبني جايه •

عبد الستار • هاتي بوسه قبل ما تروحي (يقبلها)

بمحمد • اوع تخاف منها

عبد الستار • أبداً • أبداً • دنا قلبي زي الحمديد (تخرج جميله)

﴿ المسرح الثامن عشر ﴾

عبد الستار

عبد الستار • (منفرداً) والله طيب يا عبد الستار قعدت تخاف وتستر

على كل حاجه وعشان كده سموك عبد الستار • لكن

عشان خاطر بنتك راح تعمل اللي انت عاوزه وبكره

يسموك عبد القادر

ستار

الفصل الثاني

(المندره) الموجوده في فناء البيت الساكن فيه عبد الستار افندي • شبالك منها يطال على الفناء ، وشباك على الشارع . في الصدر باب يؤدي الى الفناء . خليفه واقف يكنس المندره . الساعه الثالثه بعد الظهر .

﴿ المشهد الاول ﴾

خليفه • هانم • (بعد قليل)

خليفه • ما هو غلب فوق الدماغ . يعني موش كفايه صرخ الست وخناق الافندي لما كان ابقى ملزوم بكنس وساخة الأرانب والوز والكلاب . طيب المندره دي انا باقفلها طول النهار . مين بس يفتح الباب ويخلي الحيوانات دي تدخل هنا ؟ (تدخل هانم)

هانم • العوافي ياعم خليفه .

خليفه • (بغضب) مين اللي بلاقافيه فتح المندره وخلا الكلاب والأرانب والوز يدخلو هنا يوسخوا الأرض ؟

هانم • اخس عليك ياعم خليفه . بقى بدل ما ترد السلام تقوم تفتح حلقك وتعجّر . هو انا عملت لك حاجه ؟ يعني زعلان قوي من الكلاب !! أسكت اهو عمك فوكس عيان .

- خليفة • عيَّان ايه وموش عيَّان ايه ؟
- هانم • مانتش خايف ليموت ياعم خليفه ؟
- خليفة • في ستين داهيه
- هانم • في ستين داهيه . مانتاش خايف ألاّ بعدين سيدك عفيفي ينتف دقنك ؟
- خليفة • (سكوت) يعني صحيح الكلب عيان ؟
- هانم • آه
- خليفة • بلاش وجم بطن بقى .
- هانم • موش عيَّان قوى . بس مخسنتك شويه .
- خليفة • انت بنت تحبي كتر الكلام الفارغ . انا بدى اعرف مين اللي فتح الباب ؟ لازم تكوني انت .
- هانم • لا . خيالي ياعم خليفه .
- خليفة • سبحان الله . معناها بلا قافيه تهزري معايا والاّ ايه . انا ما عرفش الكلام ده . انا راجل كبير .
- هانم • كبير في ايه ياعم خليفه ؟ في السن والاّ في المقام ؟
- خليفة • وبعدين بقى ؟
- هانم • والنبي ياعم خليفه انت راجل طيب وذوق وابن ناس . بس موش عارفه ليه لما يطلم خلقك تقوم تنقلب سحتك وتبقى كده أعوذ بالله من الشيطان الرجيم
- خليفة • انت ح تسكتي والاّ لا ؟

هائم • أسكت إزاي يا عم خليفه . وأنا كل ما أشوفك قلبي يدق
زي رقص الساعه

خليفه • (وقد سره الكلام) طيب بلاق فيه وقلبك بيدق ليه ؟

هائم • سبحان الله ياعم خليفه . هو حد يشوف وشك الخلوده
ولا يدقش قلبه ؟

خليفه • اسكتي يا بنت اسكتي . استغفر الله العظيم . دنا لسه
قايم من صلاة العصر

هائم • ياسلام عليك ياعم خليفه لما تصلي . دنا والنبي لما اشوفك
تصلي اقعد كده في حاله عجيبه قوي . أبقى مبهوره قوي . لما
أشوف النور وهو ينفج من وشك تقولشي دايجه والا
شاربه شربه

خليفه • ياسلام دانت يظهر انك بنت صالحه قوي

هائم • قوي قوي ياعم خليفه . اسكت ! اسكت ! اسكت .

ياعم خليفه اسكت احسن قاي أهه حيدق . يدق بيدق

قوي . آه . آه . يا قلبي بيدق قوي ياعم خليفه .

بيدق بيدق

خليفه • (يرمي المقشه) وبعدين يعني (يقرب منها ثم يرجع وهو

يقول) لا . لا . استغفر الله العظيم

هائم • والزي ياعم خليفه أنت حلو قوي . ويظهر اني واقعه فيك

خالص . بيدق ياعم خليفه . بيدق قوي . بيدق بيدق

- خليفة • واقعه في
- هانم • مين اللي تشوفك ولا تتمشي فيك ياعم خليفة ، وانت
زي البدر ليلة اربعتاشر !
- خليفة • (يقترب منها) صحيح ؟
- هانم • إلا قول لي . لازم ياعم خليفة وقعوا فيك نسوان كثير ؟
- خليفة • كثير قوي قوي . (مطرقا متذكرا)
- هانم • (ترفع يده) احكي لي حكاية حصلت لك
- خليفة • دنالما كنت صغير كان بلاقافيه عليّ جوز عيون ما كانوش
على حد وكانت خدودي حمر حمر قوي يبرز منها الدم .
و كنت نحيف القوام و كنت أحب النضافه . واد
خندوء تمام
- هانم • بالطبع ياعم خليفة باين عليك . باين قوي . بس يعني ليه
نزلت دقنك
- خليفة • (يضع يده مرة أخرى على عنقه) يعني بلاقافيه دقني
مش عجبك ؟
- هانم • عجباني قوي . هات لما أبوسها
- خليفة • خدي يا أختي خدي بوسها
- هانم • (بدل ماتبوسها تضط فيها وتضحك)
- خليفة • اخس عليك . وأنت بنت قليلة الحيا . اطلعي من
هنا . اطلعي

هائم • آل عمل لي نفسه حلو أبو عنين زي خرم الابره ووش زي

قعر الحله وجسمه زي جسم العجل

خليفه • اطلعي بره • بره • اما صحيح ما تختشيش

هائم • انا ما اختشيش (تضحك ضحكه نسائيه) يعني اللي بيختشي

على عرضه يصح انه ينسى الصلا والصوم ويقعد يحضن

في بنت مصغر زي

خليفه • اطلعي بره لحسن ادق عضمك

هائم • (تضحك) وقال كان بذاك أبوس دقنك اللي عاملا زي

المقشه الوسخه

خليفه • اطلعي بره

☆ المشهد الثاني ☆

خليفه • هائم • حميد

حميد • جرى ايه ياعم خليفه زعلان ليه ؟

هائم • عمك خليفه موش زعلان ياستي • دا بس الحراره زايده

عنده شويه

خليفه • ياست جميله اترجاء تقولي لست الكبيره اني ما اقدر شي

اقعد في البيت ده ما دامت البنت القبيحه دي فيه • بقي

يصح انها تعمل في المغرز ده وتقبح علي الناس ماشيه

قدامنا في الشارع • هو أنت يا بنتي ما نتش شايفاهم ؟

(يشير الى الشباك المظلل على الشارع) (الشارع)

- حميد • ايوه ليه بس ياعم خليفه
- خليفه • أهو كده يانا يا هي
- حميد • وليه بس ليه ؟
- هانم • موش تقول ليه اعمل معروف هدى اخلاقك وقوم
- خليفه • اتوضا وصلى العصر
- خليفه • وحياة النبي وسيدي الجرشاني . . .
- هانم • ما تحانش ياعم خليفه الحق علي
- حميد • جرى ايه يا هانم انت دائما كده اطاعي خالق عم خليفه •
- خليفه • دار اجل تديم البيت ومرينا
- هانم • ايوه راجل عتيق خالص ياستي
- خليفه • برضو كده ؟ بقا بلاقيه يصح انها تقول الكلام
- حميد • دا قدامك ياستي
- حميد • اختشي يا هانم • روحي شوفي شغلك بلاش كتر كلام
- خليفه • وحديت (يدق الباب) يوه دا باب السكه بيخبط
- خليفه • ياللا اطعوا فوق لحسن يكون حد من اصحاب ابوكي جه
- حميد • ياللا يا هانم (يدق الباب)
- خليفه • ايوه • ايوه سامع • استنى شويه (يخرج)
- حميد • يا ترى مين اللي جه ؟
- هانم • حد عارف ؟ (تقترب من الشباك المظلل على الفناء) يوه

دا الراجل خليفه لسه بيدور على المفتاح في جيوبه ياللا بنا
أحسن بعدين حد يشوفنا

﴿المشهد الثالث﴾

خليفة • بليغ

خليفة • (متقدما الى الداخل) اتفضل يا افندى اتفضل • أنت
وشرفت

بليغ • عبد الستار افندى هنا ؟

خليفة • كان هنا وخرج • حضرتك بلا قافيه مين ؟

بليغ • انا اسمي محمد بليغ

خليفة • هو أنت سي بليغ • اجرن البيت نور • أنت وشرفت

ياسى بليغ • اتفضل اقعد اتفضل

بليغ • لكن الافندى موش هنا

خليفة • ده طلب اني اقولاك لما تشرف انك تستناه شويه أحسن

هو خرج لمسته ضرورى قوى


بليغ • بقى يعنى استناه ؟

خليفة • دا بيتك ومطرحك • داحنا نشيلك على دماغنا ياسى


بليغ • هو انا مش عارفك والا ايه ؟ استنى لما اعملك القهوة

بليغ • (يجلس) لا . لا . أنا ياعم لا اشرب قهوة ولا دخان

خليفة • تمام • زى ما قال لى سيدى . دامدح لى فيك كتير •



المرحوم محمد بك تيمور



- موش حضرتك اللي عاوز تتأهل بيئته ؟
- بليغ • صدقت يا عم . أنا صحيح
- خليفه • انت بلا قافيه نمره واحد والا نمره اتنين ؟
- بليغ • ويعنى ايه الكلام ده ؟ هو فيه واحد تاني عاوز يجوز الست جميله ؟
- خليفه • أمال . واحد بلا قافيه بأف اسمه فرحات
- بليغ • ايه ؟ فرحات صاحب عفيفي ؟
- خليفه • اه . صاحبه ياسيدي . دا مدخل في دماغه موش عارف
- بليغ • ازاي انه واد جدع وابن ناس وآل عنده عشرين جنيه في الشهر
- بليغ • وانت تصدق الكلام ده يا عم . . . من غير مؤاخذه انت اسمك ايه ؟
- خليفه • بلا قافيه محسوبك خليفه
- بليغ • بقى برضو انت تصدق الكلام دا يا عم خليفه
- خليفه • ما هي المسئله دى اللي محيراني لاني مانيش عارف ابدأ السبب اللي مخالي عفيفي ماسك قوى في فرحات وعاوز يجوزه أخته
- بليغ • مانتش عارف ليه ؟ عشان فرحات مفهم عفيفي انه حاجوزه بنت واحد بيه غنى خالص
- خليفه • طيب فرحات ده يعرف البهوات منين ؟

- بليغ • فرحات دا ما يعيش الا على قفا البهوات
- خليفة • بقي يعني عامل ديل للبهوات ؟ فهمت • يعني بلا قافيه
من الجماعة الصايعين اللي يخدموا أولاد الذوات في
الازبكية
- بليغ • تمام ياعم خليفة تمام
- خليفة • الحمار ده عاوز يجوز الست جميله ؟
- بليغ • شوف بس • موش عارف ازاي ضحك على دقن سيدك
عفيفي وفهمه انه ما يجوزوش بنت البيه ده الا اذا جوزه
عفيفي أخته
- خليفة • ماهو ما تأخذنيش يعني لو قلت لك ان عفيفي بلا قافيه
مغفل شويه ولا تأخذنيش كمان لو قلت لك ان العيله
كلها مغفله
- بليغ • ازاي بقي ياعم خليفة ؟
- خليفة • دا اللي حاصل ياسي بليغ . إوعى تزعل . انا بقول الحق .
تلاقي عمك عبد الستار يرتعش من مراته ويموت في جلد
لو سمعها تصرخ والا تزعل . وعمك عفيفي عامل لك برنس
برنس تمام . مريلك شويه كلاب مانيش عارف مسوقهم
منين وداير فيناشتميه وضرب وطحن . أمّا عمك نفوسه
أعوذ بالله منها دي حماك ياسي بليغ بلا قافيه - زى وابور
زلط وفسد . دى لما تركب على نفس الواحد ماتسيبوش

الا بسيسه خالص .

• بليغ • وبلغني قال انها موش عاوزه تجوزني بنتها .
 • خليفة • طبعا ماهي بلاقفيه عامله كومبانية مع ابنها و بنت المدعوقه
 الخدامه هانم على المسكين الغلبان عمك عبد الستار . تلاقيه
 مسكين إن قال ايض يقولو اسود ، وإن قال أيوه يقولو
 لآ ، وإن قال الشمال يقولو اليمين . وداهيته انه خواف ،
 خواف قوى ياسي بليغ (ينسى موقفه ويجلس بجوار بليغ
 واضعا رجلا على رجل) تعرف و حياة ابوك لو كنت انا
 منه و تقوم مراقي كده ترعق لي لكنت اسفخها كدا
 قامين . (يشير بيديه حركات عنيفه)

• بليغ • حاسب ياعم خليفه حاسب
 • خليفة • لا مؤاخذه ياسي بليغ دنا بلاقفيه افتكرتك نفوسه .
 و تحسب يعني انها توكله و لا تشوفه أبداً . دى تشمط الفرخه
 و طبق الرقاق و تسيب له . . ايه . . ماتسيلوشي إلا المرقه
 و حياة راس أبوك المرقه . تلاقيه مسكين يقعد يفت فيها
 و يتنهد ، و ابقى واقف كده متغاض و عاوز اقوم أرمي
 الكاينه دى من الشباك ، لكن أرجع اقول و انت مالك
 ياخليفه خليك في حالك .

• بليغ • عندك حق ياعم خليفه عندك حق . و مين بقى تبقى هانم ؟
 • خليفة • بلاقفيه خدامه من اللي بتشوف كيف اسيادهم .

- بليغ • بتشوف كيف مين يعني ؟
- خليفة • البرنس عفيفي (يسمع قرع على الباب الخارجى)
- بليغ • الباب يخبط ياعم خليفه
- خليفة • (يصرخ) مين
- فرحات • (من الخارج) افتح
- خليفة • عن اذنك ياسي بليغ (يخرج)

﴿ المشهد الرابع ﴾

بليغ • حميد

- بليغ • ياترى مين اللي جه • يكو نشي عبد الستار افندى ؟
- حميد • (تكلمه من الشباك المظل على الفناء) بليغ ! بليغ !
- بليغ • مين ؟ جميله ؟ أهلا بالقمر . أهلا بست الكل
- حميد • أنا جايه أقولك إني ما اجوزش غيرك ابدأ ولو كانوا
- بليغ • يشتقوني ما تخافشي يا بليغ . أنا قلبي وروحي معاك
- بليغ • تسامي ياستي تسامي
- حميد • وانت كمان تحافظ على الود
- بليغ • لحد ما أموت
- حميد • بعد الشر حد جيّ (تنصرف عن الشباك ثم يسمع صوت
- خليفة • داخلا مع فرحات)

﴿المشهد الخامس﴾

بلیغ . فرمات . خلیفہ

• خلیفہ (لفرحات) اتفضل یاسیدی اتفضل (بلیغ) حضرتہ
فرحات افندی الخطیب نمرة ۲ (لفرحات) و حضرتہ بلیغ
افندی الخطیب نمرة ۱

• بلیغ تشرفنا یاسیدی

• فرمات تشرفنا (خلیفہ) وامتی بقی یجی عبد الستار افندی ؟

• خلیفہ کمان شویہ

• فرمات وسي عفیفی بیه موش هنا ؟

• خلیفہ (بأنفه) لا .

• فرمات والست الكبيره ؟

• خلیفہ ولا الست الكبيره

• فرمات اورا یت (all Right)

• خلیفہ اتفضل اقعدا لما اعمل لك القهوه (عند الباب) اتوصی به

یاسی بلیغ

﴿المشهد السادس﴾

فرمات . بلیغ

(یمکشان دقیقه بلا کلام . ثم يقوم کل واحد منهما

و یتمشی فی الغرفه مدة دقیقه و هما ینظران لبعضهما)

- فرمات • (بساجه) تجيش نتفق أحسن ؟
- بليغ • على ايه ؟
- فرمات • يعني ما نتش عارف ؟ ما فيش داعي لأُموّر الأوانطه دي .
- بليغ • أرجوك انك تحاسب في الكلام
- فرمات • ما تزعلشي . أنت يظهر إنك أنس قوي . كان ابن ناس .
- بليغ • أنا ياسي فرحات موش متعود اني أسمع الكلام ده
- فرمات • فأرجوك للمرة الأخيرة إنك ما تكلمنيش باللهجه دي
- أبدأ وحيّة أبوك ما عنديش لهجه أبداً . وموش فاهم يعني
- بليغ • بتزعل ليه ؟
- فرمات • بلاش هزار . انت جاي عشان تقابل عبد الستار افندي
- موش عشان تقابلني
- فرمات • طيب خلاص اتهمينا . (سكوت) يعني ليه بس . انا والله
- العظيم ما أحبككش الآخر . وليه بقي تزعل وتتخانق .
- موش أحسن يعني نتفق . دا الصالح كويس (لايرد بليغ)
- بتسكت . بتسوقها يعني . طيب ما عايش الله يسامحك
- (سكوت) أيوه الله يسامحك . أنا موش فاهم بس ازاي
- ترفض الاتفاق
- بليغ • هي تجاره ياسي فرحات ؟
- فرمات • موش قصدي وحيّة والدك . لكن شايف يعني ...
- بليغ • شايف انك تسكت

فرمات • طيب
(يدخل خليفه بالقهوه)

﴿المشهر السابع﴾

فرمات • بليغ • خليفه
خليفه • (لفرحات) اتفضل القهوه
فرمات • لا والتني ما يمكن أبداً . سي بليغ قبله
خليفه • لا . ما هو بلا قافيه ما يشربهاش
فرمات • ايه ؟ ازاي ياسى بليغ . ما تشربشى قهوه صحيح ؟
بليغ • صحيح . ياعم خليفه أنا استنيت كثير وعندي مشاوير
بدي اعملها وراج ارجع بعد نص ساعه
خليفه • ما هو لسه بدري ياسى بليغ
بليغ • لا . معاش . انا جاي بعد نص ساعه (يخرج دون أن
يسلم على فرحات)

﴿المشهر الثامن﴾

خليفه • فرمات
فرمات • (ينتهي من شرب القهوه) متشكر ياعم خليفه . يعنى
بليغ ييه خرج قوام
خليفه • ويعني بلا قافيه عاوزه يقعد يعمل ايه ؟

- فرمات • ويعني هو حرام لو كان قعد يآنسنا شويه ؟
- خليفه • لا . ما فيه اش حرمانية . لكن مادام لا السيد ولا الست ولا ابنهم هنا عاوزه يقعد يعمل ايه ؟ بدك بلاقافيه تتفلسف مع عمك خليفه ؟
- فرمات • معناها يعني إنك عاوز تقول لي بصنعة لطافة اني ما قعدشي انا رآخر ؟
- خليفه • العفو يا سعادة البيه . العفو . ودا كلام ؟ دا حنا بنتكلم على بليغ افندي موش على فرحات بيه
- فرمات • دي إهانه .
- خليفه • معاهش يافرحات بيه . امسحها فيّه
- فرمات • امسحها فيك ؟ انت ياراجل تهزر معايا والّا ايه !
- خليفه • اهزر معاك ؟ معاك انت ؟ إوعى تصدق الكلام ده .
- ما تصدقوش ابدأ يافرحات بيه . ما تصدقش وحياة أبوك دا انت بري جود
- فرمات • والله ماني قاعد . استنى شويه . استنى انا برضو راجع بعد نص ساعه عشان أقابل سيدك وستك وأسبب في طردك . في خراب بيتك .
- خليفه • ولو كان بلاقافيه ماليش بيت ؟
- فرمات • طيب استنى كمان نص ساعه (يخرج)

﴿المشهد التاسع﴾

خليفة • ثم هانم

- خليفة • ايوه كده ما كانشي ناقص الا انت . كنت مستخفي لنا
 فين ياسي فرحات (هانم تدخل وهي مدعوره)
 هانم • اسكت يا عم خليفة . اسكت يا عم خليفة . يا خراب يتي
 ويبتك يا عم خليفة . يادي الداهية الجديده يا عم خليفة .
 خليفة • جرى ايه يابنت ؟
 هانم • (تلطم وجهها) يامصيتي ومصيتك يا عم خليفة . ياترقيع
 صداغي وصداغك يا عم خليفة .
 خليفة • جرى ايه يابنت سرتك نفوسه حصل لها امر الله ؟
 هانم • (تلطم وجهها وتشنشل) ياريت كان كده يا عم خليفة .
 ياريت كان كده يا عم خليفة
 خليفة • سيدك عبد الستار راح لرحمة ربه ؟
 هانم • لا يا عم خليفة . ياريت المصيبه كانت فيه يا عم خليفة .
 خليفة • بلا قافيه سيدك عفيق دهسه او ترويل .
 هانم • يكون أحسن يا عم خليفة
 خليفة • يابنت بلاش هلس بقى اطلعي برا . برا .
 هانم • (تسكت قليلا وتتكلم وهي تبكي بعد أن تجلس على الارض)
 اسكت يا عم خليفة اسكت . دي مصيبه كبيره يا عم خليفة

بكره تتخرق عيني وعينك ياعم خليفه . بكره تتنتف
 دقنك . وتتهدل عمتك ياعم خليفه . عمتك الشريفه .
 الشريفه قوي .

خليفه • بس موش تقولي .

هاغم • اسكت (تبكي) فوكس مات .

خليفه • (يصفر وجهه ويسقط على الكرسي) فوكس مات ؟

وزوح فين ياهانم . زوح فين . فوكس مات ؟ الكلب
 الحلو ده

هاغم • قل لي ياعم خليفه نعمل ايه لما سيدك عفيفي يسمع ؟ نعمل

ايه ؟ دا يطلع روحي وروحك .

خليفه • (يتهدج صوته) آه يطلع روحي وروحك . يا خسارتك

يا فوكس ياما كنت كلب كويس . اسمعي تجيش نقول له
 انه هرب

هاغم • (بحزن) مايصدقش ياعم خليفه . مايصدقش أبدا . بكره

وحياة راس ابوك وتربة امك راح يخرب بيتك .

خليفه • (يبكي) هو انت فاهمه اني باعيط على فوكس ؟ انا باعيط

على خراب بيتك .

هاغم • موش انت الباش اغا بتاع الكلاب . وسيدي مسميك

كده ؟

خليفه • موش انت الداده بتاعتهم . موش مسميكي عفيفي كده ؟

- هائم • ونعمل ايه ؟ دا كان شويه يسمع ويهدلنا والكلب والنبي
كان حلو
- خليفة • (بيكي ويشنشل) يادي الداهيه السودا ياخليفه
- هائم • (تبكي وتبتدى فى الشنشله) يادى الوحسه الكبيره
ياعم خليفه
- خليفة • (يزداد فى البكاء) يا قطع عيشك يا خليفه
- هائم • ما بقاش فيه أمل ياعم خليفه
- خليفة • ما فيش غير التربة ياخليفه
- هائم • (تبتعد عنه وتضحك وهي تشنشل) وضحكت عليك
ياعم خليفه . والكلب عيان بس ياعم خليفه وينعل
أبوك ياعم خليفه . يا ابن الكلب ياعم خليفه
- خليفة • (يجري وراها رافعا المقشه فتحاوره فى الحاء الغرفة وعند
اقترابها من الباب يكون قد اقترب منها وتسبح له
فرصه فيهوي بالمقشه عليها ولكنها تتوقاها بخفة فتنزل
الضربة على رأس عبد الستار افندي الذي يكون مندفعاً
من الباب الى الداخل حاملاً في يده ربطة فيها فواكه .
أما هائم فتندفع الى الخارج وتنتثر الفاكهة على الارض)

﴿ المشعر العاشر ﴾

خليفة • عبد الستار

- عبد الستار • حاسب يا حمار حاسب
- خليفة • بلا قافيه دنا بحسبك البنت هانم
- عبد الستار • وهو أنت مصرح لك انك تضرب هانم ؟
- خليفة • أسكت ياسيدي أسكت ما هي خلطت عقلي وكركت
- بطني وملت حاتي عبره قوي
- عبد الستار • انشاء الله تكون حتى تنفت دقنك يصح انك تضربها .
- خليفة • ايه ؟ لحد كده يعني ؟
- عبد الستار • وأكتر من كده . إمشي اطلع بره وريني عرض
- اكتافك راجل ما تحتشيش
- خليفة • دا بلا قافيه ما فيش في البيت حد يحبك غيري
- عبد الستار • قال يضرب هانم !! إطلع بره
- خليفة • الله يسألك ياربى عبد الستار . ادينى طالع (يمشي ثم
- يقف) . دامافيش في البيت حد يحبك غيري . النهايه
- أما أقول لحضرتك فيه اتنين جم سألوا عنك
- عبد الستار • مين ومين ؟ لم الفاكه معايا
- خليفة • حاضر . (يجمعان الفاكه المنتره على الارض) بلا قافيه
- واحد اسمه بليغ والثاني اسمه فرحات

- عبر الستار • الاتنين جم سوا ؟ ازاي بقا ؟
 خليفه • لا . كل واحد جه لواحد
 عبر الستار • طيب إعمل معروف سيبنى واطلع
 خليفه • حاضر
 عبر الستار • اسمع . استنى . الست فوق ؟
 خليفه • لسه ما جاتشي من برا
 عبر الستار • (يحتد) لسه ما جاتشي من بره ؟ ومين اللي قال لها
 تطلع . مين اللي اعطاها الاذن ؟
 خليفه • أنا عارف ؟ اهي قالت انها حاتشتري حاجات من عند
 سمعان .
 عبر الستار • هو معناها اني ما نيش سيد البيت لما الست تطلع من
 غير اذني ؟
 خليفه • أنا عارف
 عبر الستار • انت عارف . يعني ايه الكلام دا ؟
 خليفه • وحا تزعل عليّ ليه هو أنا بلا قافيه دخلت والا خرجت
 عبر الستار • آل تطلع من غير اذني ؟ والله عجائب (يحتد جداً)
 داشيء عمري ما سمعت به . انت سمعت بحاجه زي دى
 يا خليفه ؟
 خليفه • في غير البيت ده ؟ أبداً
 عبر الستار • يعني قصدك اني ما ليش سلطه في البيت ده . كلكم

تفتكروا كده . شىء جميل . وحضرتك كمان تظن اني
 ما ليش سلطه في البيت ده . اما انك راجل ما تختشيش
 انت بلا قافيه حاططع غلبك على . ما تشطر ياخويا على
 مراتك . اسمع مني . دا أنت ما حدش بيحبك في البيت
 ده غيري

عبر الستار . أشطر على مراتي ؟ دلوقت تشوف اللي راح أعمله فيها .
 راح أخرق عينها . بعد ما اخزق عينيك (يحتد جداً
 ويسير في الغرفة ذهاباً وإياباً) والله العظيم لا نزل عليها
 بايدي دول لما أطرشها الدم . معلوم لازم أكفر
 عيشتها . لازم أوريها الغلب لازم

المشهد الحادي عشر

عبر الستار . خليفة . نفوس

نفوس . (داخله) مين دى ياخويا اللي حاططرشها الدم وتكفر
 عيشتها ؟

عبر الستار . (يهدأ ويتبسم) انتي جيتي ؟ أهلا وسهلا . والنبي غيبتك
 يانفوسه كانت طويله . كنت فين ياخوتي .

نفوس . قلي . قلي . مين قبله اللي عاوز توريها الغلب ؟

عبر الستار . دي البنات هانم قعدت تغيظ خليفه وتضحك على دقنه
 وقال هو كمان ما يختشيش يقعد يكامها ويهزر معاها

- نفوس • ودي ايه الموضه الجديده دي ياسى خليفه
 خليفه • ما هو بلا قافيه
 عبد الستار • (مقاطعا) إطلع برا بلاش قلبه دماغ . ياللا حالا .
 نفوس • برا . وروح شوف شغلك
 خليفه • ما هو
 عبد الستار • (مقاطعا) بره .
 نفوس • ياللا . (يخرج خليفه)

﴿ المشهد الثانى عشر ﴾

عبد الستار • نفوس

- نفوس • هي بقي البننت هانم لقت البزار بتاعها مانفعلش معاك
 قامت تجر شكل مع عم خليفه . هي البننت ياخويا جرى
 لها ايه . ماتحبش الا العجايز .
 عبد الستار • والنبي يا حبيبتي دا الواد عفيفي حب بس يغيرك علي
 نفوس • بس بلا كذب . دنا قلبي مليون منك • معلوم مليون
 قوي • فيه كل دوده طول كده
 عبد الستار • ويعني مصدقه صحيح إني بصبصت للبننت دي اللي
 زي السحليه
 نفوس • انت فاهم يعني انه في زمانى ما حدش بصبص لي ؟
 عبد الستار • وبعدين في الكلام ده اللي يجعل الدم يفور في وش

الجبان .

نفوس . دنا كان يجري ورايا يجي ميت جدع وكنت امشي
في السكه كده ولا اسألش عنهم

عبر الستار . دا الكلام يتعدي الحدود

نفوس . حدود ايه وسخام الطين ايه . أظن أنت بس اللي فاهم
نفسك حلو . والنبي أنا أحلا منك . دنا بقي خاتم سليمان
وبزاي اخفاق رمان . . . وعلي سيقان . . .

عبر الستار . (مقاطعا) عارفهم يانفوسه عارفهم . إخزي الشيطان
ويا لالا نصطالح .

نفوس . على ايه ياخويا .

عبر الستار . (يبتسم ويهدأ) دنا جايب لك برتقان عال العال

نفوس . أديه لهانم

عبر الستار . والنبي البرتقان ده ماقرمه الا اسنانك اللي زي اللولي

نفوس . بلا كلام فارغ (تبدي الدلال)

عبر الستار . ولا يدوقوش الا لسانك اللي كاه شربات (لنفسه) اللي

يستاهل القطع

نفوس . (تبدي دلالة أكثر) يوه ياسلام عليك يا عبد الستار

عبر الستار . ولا تقشروش الا صوابك الحلوه الحنيه (لنفسه) اللي

عاوزين الصاطور .

نفوس . طيب دوقني كده يا عبده

عبر السمار • يقشر لها البرتقاله فتدخل جميله

﴿المشهد الثالث عشر﴾

عبر السمار • حميد • نفوسه

عبر السمار • أهلاً بالست جميله (تقبل يده) تاكليس برتقال ياختي •

دا برتقال عال العال (لزوجته) خدى يانفوسه • خدى
ياستي (يناو لها البرتقاله) اقعدى يا جميله اقعدى •

نفوسه • (بعد أن تذوق البرتقال) برتقال عال العال ايه وزفت

الطين ايه؟ دا حادق قوى عمال يلسع في اللسان تقولشي
عقربه •

عبر السمار • ده اللى كنت باظن انه حلو قوي

نفوسه • (مقاطعه) حلو ايه يامدهول على عينك • تملّى كده ما

تعرفش تعمل حاجه • حتي البرتقال ماتعرفش تشتريه •

دا ايه ياخويا الغلب ده • دي الحاجه تقول نيني نيني لما
يجي الردى يشتريني •

حميد • ما علّش ياما خدى واحده تانيه؟ يمكن تكون أحلي

من الأولنيه •

عبر السمار • (يمد يده بيرتقاله أخرى لزوجته) أيوه يمكن تكون

أحلي من الأولنيه •

نفوسه • نقى لي واحده يا جميله أحسن ايد أبو كي ما يسامشي

- الواحد منها أبدا .
 • محمد .
 • نفوس .
 • محمد .
 • عبر السمار .
 • نفوس .
 • عبر السمار .
 • نفوس .
 • محمد .
 • نفوس .
 • عبر السمار .
- ياسلام ياماً . طيب خدي (تعطيها برتقاله)
 (تبتديء تقشر فيها) إلا قولي لي يا جميله . ما سمعتيش
 ياختي الخبر الجديد ؟
 لا . ياماً
 هو فيه خبر جديد يا نفوسه ؟
 بس اسكت انت . هو انت دايماً لسانك يدق .
 عندك حق أدني سكت .
 (تكون قد ابتدأت في أكل البرتقاله) أيوه كده .
 البرتقاله دي حلوه تسلم ايدك يا جميله . ما سمعتيش الخبر
 الجديد ياختي ؟
 لا ياما .
 قال البنت هانم امتحنت ابوكي في الحب لفته سقط
 في البكالوريا قامت اندارت على عمك خليفه
 وبعدين بقي يا نفوسه . هوّا حنا مش اصطالحنا ؟

﴿ المشهر الرابع عشر ﴾

- عبر السمار • نفوس • عفيفي • محمد
 • عفيفي .
 (صارخا من الخارج) إزاي الكلب ده يعني ؟ إزاي ؟
 لازم أهملته . داشيء فظيع . معلوم شيء فظيع .

عبر الستار • مين اللي يزعق ده . يكو نش عفيفي ؟
 عفيفي • (من الخارج) والله العظيم لانتف دقنك وأبهدل عمتك
 واخبطك حنة علقه عمرك مادقتها . قول ازاى الكلب
 ده عي ؟

خليفة • (من الخارج) ماهو بلا قافية عنده امساك
 عبر الستار • نفوسه إعملي معروف ياختي . دا الواد يظهر إن خلقه
 طالع ودلوقت يجي يزفت عيشتي وعيشتك . يا جميله
 ياختي خليكي معانا ما تقوتنيش احسن يظهر إن اخوي
 متكهرب شويه .

صمير • ماتخافشي بابا
 عفيفي • (يدخل كئيبا ثائرا ثم يجيل نظرة سريعة في الحاضرين)
 ازاى الكلب فوكس يعي وانتم كلكم طيبين . انا
 عارف السبب عارفه . (لوالده) حضرتك ماتجيش
 كلابي وموش عاوزه حد يعيش في الدنيا الا الأرانب
 بتوعك . (لأبيه) وحضرتك عامل صاحب أشغال .
 رايح فين ؟ على الديوان . وجاي منين ؟ من الديوان .
 ولا تسألشي ابدأ عن الكلاب (لاخته) وحضرتك
 ماتتيش سألته الا عن جوازك . لأ أخذ ده . لأ
 ما اخدش ده . أمّا انكم ناس مافيش في قلبكم رحمه .
 الكلب ياناس عنده إمساك •

- نفوس • عملتلوش حقنه يا ابني ؟
- عفيفي • حقنه ايه يا وليه • دنا اديته شربه
- عبر الستار • ملح انجليزى والا زيت خروج ؟
- عفيفي • هو ده يستحمل ملح انجليزى والا الزيت •
- نفوس • قلت لك يا بني إعمل له حقنه •
- عفيفي • لا ياستي اديته شربة مانيزيا : امّا نشوف النتيجة • ربنا
ياخد بيد فوكس ويشفيه •
- نفوس • يارب تسمع منه يارب
- عفيفي • دنا دخلت على مهلى عشان كنت خايف اقلق راحتته •
ولقيته مسكين مربي على الارض مافيش فيه نفس •
والله العظيم حالته كانت تقطع القلب وانا كنت حايط
ياحسرة قلبي عليك يافوكس •
- عفيفي • مسكين ولما بقت تحيله نوبة المغص بقى يرفض يرفض
ويصوصو ويعوى تقولش كان يستنجد بي ؟ وبقيت
حاطت راسه الحلوه على دراعى وقعدت أبص له وقعد
يبص لى وهو يرفض • داشى مؤثر ياناس • والله شىء
مؤثر
- نفوس • ياريت المغص ده كان فى بطنى يافوكس
- عبر الستار • (لنفسه) ياريت
- عفيفي • اسكتي ياما اسكتي • دا الكلب بقت حالته عبره •

- انا خايف ليموت (يبكى)
- نفوس • يا حباية عيني من جوه يافو كس • ما تزعلش يا عفو فو
 • ما تزعلش يا خويه • بكره ربنا ياخذ بيد ه •
 عفيفي • لا ياستي دا الكاب حيموت • يارب خد بيد مريضنا
 المحبوب الذي تحقق من أجله القلوب
 صميم • (بصوت منخفض لوالدها) ايه الجنان ده !
 عبر الستار • ما هو احنا يا بنتي محكوم علينا اننا نعيش في المرستان

﴿المشهد الخامس عشر﴾

الحاضرون • هانم

- هانم • (داخله وهي تزغرط)
- عفيفي • ايه اللي جري ؟
- هانم • (تزغرط)
- نفوس • بتزغرطي ليه ؟
- هانم • (تستمر في الزغرطه)
- عبر الستار • ما تقولي يا هانم جري ايه ؟
- هانم • بشري • بشري • الشربه عملت مفعولها وفو كس قام
 بجري • عاوزه البشاره • عاوزه البشاره • (تزغرط)
 نفوس • (تزغرط)
- عفيفي • الحمد لله الذي أخذ بيد مريضنا المحبوب •

- عبر الستار . الذي تخفق من أجله القلوب .
 نفوس . والنبي ياهانم لاديكي البشاره بس استنى لا آخر الشهر .
 عبر الستار . (هادئا) وأنا كمان رايح أعمل ليله بالتعاليق
 عفيفي . قولو الحمد لله (يقولو الحمد لله)

﴿ الشهر السادس عشر ﴾

الموجودون . خليفة

- خليفة . نمره واحد جه .
 عفيفي . نمره واحد ده ايه ؟
 خليفة . بلا قافيه الجدع اللي اسمه بليغ .
 عبر الستار . قول له يتفضل .
 عفيفي . يتفضل يعني ايه . يستحيل يعتب المندره دي . (لنفسه)
 ابن الكلب عاوز يضيع علي جوازة بنت البيه .
 عبر الستار . باقولك ياخليفه قول له يتفضل . أخرجني يا جميله
 عفيفي . يستحيل يدخل .
 نفوس . يستحيل ليه ؟ بدي أقبله اسفخ له شويه . انت خايف
 منه ياغوفه . لازم تقابله .
 عفيفي . صحيح . وفيها ايه . قول له يدخل ياخليفه . اخرجني
 يا جميله . (تخرج جميله وهانم)

﴿المشهد السابع عشر﴾

عفيفي • نفوس • عبد الستار • ثم بليغ

نفوس • (تضع فوطه على راسها) أمّا أشوف ح يعمل ايه ؟
عبد الستار • كل خير (يدخل بليغ ومعه خليفه • ثم يذهب خليفه)
اتفضل ياسى بليغ •

بليغ • (يسلم على عبد الستار وعفيفي ثم يمده بالسلام لنفوسه
فتقول له)

نفوس • انت يادلعدي مانتش شايف الفوطه على راسى ؟ هو
مين اللى كان قال لك انى بحب اسلم على الرجاله •
بليغ • ياستى ما كنتش عارف • وما جرانيش على كده إلا
سماحك لى بالدخول وانت فى الأوده •

عبد الستار • ما تطولشى معاها ياسى بليغ إتفضل اقعد (يجلسون)
نفوس • ما يطولشى معايا ، ما يطولشى معايا يعني ايه ، هو أنا
موش ست البيت والا ايه ؟

عفيفي • يمكن الافندي ناسى دى •
بليغ • العفو ياسى عفيفي •

عبد الستار • ما تدققش يابني • واعرف انك فى بيت عبد الستار فاذا
كنت تسمع كام كلمه ما يصحش سماعها معلش استحمل
عشان دقنى دى •

بليغ • ياسيدي أنا أستحمل كل حاجة في سبيل راحتك بس
 أنا شايف اني جيت في وقت يظهر انه ما كمنش يصح
 اني أجبي فيه •

نفوس • ما تطولشي يابى بليغ • حضر تك جاي ليه ؟

بليغ • جاي أشوف بي عبد الستار

نفوس • بس ؟

عبد الستار • قلت لك ما دققش اذا كنت عاوز تريح روحك • انت

عارف إن بنتي لسه ما بلغت رشدها ، واني أنا أبوها

الى في إيد جوازها • وزياده عن كده البنات موش

عاوزه تجوز الجدة الثاني •

نفوس • ومين قللك ياسى عبده انها مش عاوزه تجوزه ؟

عبد الستار • احترمي نفسك شوية يا نفوسه •

عفيفى • من امتي اتعامت الشجاعة دي ياسى عبد الستار

عبد الستار • اختشى ياواد أنا أبوك

عفيفى • ما يهنيش

عبد الستار • (بليغ) القصد انك تفهم انك في بيتك ومطرحك

نفوس • (تصرخ) بيته ومطرحه ايه ياراجل ؟

عبد الستار • اختشى ياوليه •

عفيفى • (متقدم نحو أبيه) انت عاوز تقبح على أي ياراجل

انت ؟

- بليغ (لنفسه) دي المسئلة بقت شديدة •
 • نفوس • بيته ايه ومطرحه ايه ياراجل • انت عاوز أطرده
 وأطرده وراه؟ انت ياسى بليغ يعنى عاوز اني انفتح لك
 دنا أغسلك وأنشرك • افهم واعرف اني ما أدكش
 بنتي أبدا
- عفيفى • سامع ياسى بليغ
 • بليغ • مافيش غير اني انسحب
 • عبر الستار • أقعد يا بليغ وأفهم واعرف اني انا صاحب الشأن واني
 حاجوزك بنتي غصبين عن عين المره القرشانة دي
 • عفيفى • اما انت راجل ما تحتشيش • تشتم امي ياراجل •
 • نفوس • تهيني يامدهول • تهيني قدام الغرب • والله العظيم ماني
 عتقك
- عبر الستار • اهينك واهين ابنك كمان • انا ماعدتش أخاف من حد
 (لنفسه) مانيش عارف القوة دي جات لي منين؟
 • بليغ • يا عبد الستار افندي مافيش غير اني انسحب ونبقى
 نتقابل بعدين
- عبر الستار • ما كنتش أحب إنك تشوف الفصل ده ياسى بليغ •
 أعذرني يابني •
- عفيفى • خلي الأعدار تتعمل بره • إتفضل ياسى بليغ من غير
 مطرود

نفوس • وسع ياسي بليغ • الله ما يبلغك اللي انت عاوزه
عبد الستار • موش عاوز اسمع حد منكم يتكلم • انا هنا صاحب الأمر
واللهي

بليغ • معلمش يا عبد الستار افندي • نيق نتقابل مرّة تانيه
عبد الستار • (ذاهبنا معه للباب) ده بيتك ومطرحك • إعرف ان
ده بيتك ومطرحك

بليغ • بس لحد هنا • لا والله خليك
عبد الستار • يستحيل • لازم أوصلك لحد باب السكه • اعرف ان ده
بيتك ومطرحك • (يخرج معه)

﴿المشهد الثامن عشر﴾

عفيفي • نفوس • ثم عبد الستار

عفيفي • أهو كده راح واتقورت عينه •
نفوس • في داهيه •

عفيفي • لكن ما نيش عارف القوه دي جت لبويه منين بعد
ما كان يخاف مني ومنك زي الفار

نفوس • انا عارفه جت له الشجاعه دي منين (يدخل عبد الستار)
عبد الستار • جات لي منين • جات لي من اني مانيش عاوز ارمي بنتي
في ايد الغجرى اللي عمال يضحكك عليكم كلام • ياما
سيبت لكم كثير • لكن علشان بنتي انا مستعد

(لزوجته) اكسر عضمك (لأنه) وأفلق دماغك .

عفيفي . • تفلق دماغي . طيب أما نشوف مين حايقلق دماغ الثاني

﴿ المشهد التاسع عشر ﴾

الحاضرون • خليفة • ثم فرمات

خليفة • بلا قافيه نمره ٢ جه

عفيفي • فرحات بيه جه ، أهلا وسهلا . قل له يتفضل

نفوس • أيوه قل له يتفضل .

عبد الستار • قل له يشرف . والله لأعمل معاه اللي عملتوه مع بليغ

(يخرج خليفة)

نفوس • تقدر والنبي ؟ أخدق عينك .

عفيفي • أهو وقتها يعرف مين اللي حايقلق دماغ الثاني .

فرمات • (داخلا مع خليفة ثم يخرج خليفه) نهاركم سعيد .

نهار زي القشطه واللبن الحليب

عفيفي • (يتقدم اليه عفيفي مساما) أهلا وسهلا بنسيبي العزيز

(سرا) بس أوعى تنسى الجوازه بتاعى

فرمات • أبدا دنا بفتكر فيها ليل ونهار

نفوس • أهلا وسهلا بجوز بنتى • (يقبل فرحات يدها ثم يمد يده

لعبد الستار)

عبد الستار • حضرتك ما نتش عارف اني ماعرفكش ، وانه من قلة

الأدب والذوق إن واحد يسلم على واحد ما يعرفوش .

فرحات • دنا في بيتك يا بطل

نفوس • ما تسألش فيه ياسي فرحات . حاكم سي عبد الستار

شربره وبعيد جاله النهارده اللي ما يسماش .

فرحات • ايه لا سمح الله .

عقبني • أصيب بالجنون .

عبد الستار • اذا كان الجنون معناه إني مانيش عاوز أقبلك في بيتي

ولا أشوف وشك فاعرف ياسيدي إني مجنون ، مجنون

وابن مجنون كمان

فرحات • جرى لك إيه ياسيدنا الافندي لا سمح الله .

عبد الستار • جرى لي اللي بيجرى لكل أب شايف إن مراته وابنه

عاوزين ...

نفوس • (تنادي) بنت ياهانم ؟ هانم . هانم

هانم • (من الخارج ومن بعيد) إيه ؟

نفوس • تعالي .

هانم • حاضر

نفوس • (لعبد الستار) برضو ياسي عبده لا بسك الشيخ ريحان .

صلي على النبي واهدى .

عبد الستار • (لفرحات) أظن ياسي فرحات إن مكوثك في بيتي

طال قوي وبدي أشوف عرض اكتافك

- فرمات • انا موش عارف بس ياسي عبد الستار زعلان عليّ ليه ؟
عقبني • ما تسمعش كلامه دا راجل مجنون .

﴿ المشهر المشهور ﴾

الحاضرون • هانم

- نفوس • انت جيتي يا هانم . تعاليّ أما أقول لك (تتقدم نحوها
وتقول بصوت منخفض) اسمي . اقطعي البطيخه اللي
حضرتها للعشا وحطيتها في الطبق الكبير . واعملي
تلات فناجيل قهوه وخلي كل ده فوق . إحنا طالعين
دلوقت . واطلعي في الدور الفوقي عند الجيران واطلبي
منهم الجونو غراف بتاعهم وحطيه في الفسحه
هانم • والجونو غراف دا ايه ياستي ؟

- نفوس • ما نتيش فاهمه يابت . العده اللي بتتحدث لوحدها
هانم • آه . الفونو غراف . حاضر ياستي

- نفوس • ياللا قوام ياللا (تخرج هانم) يافرحات بيه أوعى
تكون زعلان من الرجل ده . أنت في بيتك
ومطرحك والنبي أنا مانيش عارفه إزاي أقول لك اني
منشرحه خالص بحضورك . شرفت بيتي يا جوز بنتي
فرمات • وهو حد يزعل من حماء يا حمااتي ؟

- عبد الستار • بقى بعد الكلام اللي قلته لك برضو علوز تقعد . أما

إنك واحد ما فيش في وشك دم
 فرمات • لا لا لا . أنا ما أسحش لك أبداً انك تقول كده .
 دي إهانه

عفيفي • (يقول بشكل تمثيلي) اهانة يستحق عليها الموت
 الاحمر (لعبد الستار) ازاي ياراجل تشتم البهوات ؟
 عبد الستار • قلت لك انا ما اخافشي من حد . لازم الراجل ده
 يطلع بره

عفيفي • وأنا باقولك ان البيه ده حايقعد هنا
 نفوس • موش حايقعد هنا في المندره دي . فشر . دا كان
 حايطلع فوق في الدور الفوقاني يشرب القهوة . ويا كل
 بطيخ ويسمع الجونوغراف . أما انت تقعد هنا في المندره
 تهاتي لو حدك . إتفضل يا فرحات بيه إتفضل

عفيفي • إتفضل يا نسيبي
 عبد الستار • (يقف امام الباب) يستحيل يطلع فوق
 عفيفي • باقولك إوع م السكه وسيب الباب
 عبد الستار • ما او عا شي ولا أسيب شي . أما أشوف حا تعمل في ايه ؟
 نفوس • إوع م السكه باقول لك . أحسن ما يصحش

عبد الستار • يستحيل أوعى . ياناس انتوا ناعمين والا ايه ؟ انتو
 ما فيش في قلبكم رحمه . دي بنتك يانفوسه . دي ضناك
 (لفرحات) انت ناسي انت مين ؟ (لهما) تجوزوها

ازاي ياناس للراجل ده . (لفرحات) دانت الواحد
 الواحد ينجل دانت من الجماعه اللي ما يقولوش
 لهم السلام عليكم . ياخي روح غور . (لعفيفي) يا عفيفي
 دي أختك من لحمك ومن دمك ياناس اتقوا ربكم .
 أروح فين ياناس . يا جماعه يا هو يا أهل الخير
 (لفرحات) اطلع من بيتي يا راجل . انت جاي تخرب
 عليّ (لعفيفي) موش أنا اللي مريك يا عفيفي . موش
 أنا أبوك . اخس عليك . أما تريبه شلق . أما مالکش
 أصل . أنت جيت لي منين يا واد؟ حدش سمع ان أم
 تبني علي بنتها . وان أخ يدبج أخته (يشمر ويتهيا
 للضرب) والله لوريكم والله لا خزق عنكم واعمل
 واسوى اللي لسه ما تعمل فيكم (بين كل كلمة وأخرى
 تقول له نفوسه اذا وجه لها الكلام)

نفوسه • حاروح والّا لّا . (تتقدم اليه وهي ترتجف من الغيظ
 ثم تمد يدها نحوه)

عبر الستار • (يبتعد بانقه من الباب) أديني وعيت . موش اني
 ابتعدت من الباب عشان خايف منكم . أبداً . إوعوا
 تصدقوا كده • اتفضلوا أطلعوا • لكن حاشو فوايه
 اللي حايجري لكم بعدين (يضحكون)

فرحات • ما كنتش أظنك جبان كده يا حمايا !

- عفيفي • موش قلت لك انه مصاب بالجنون
نفوس • موش قلنا لك لا بسه الشيخ ربحان (يخرجون)

﴿ المشهر الحادي والعشرون ﴾

عبد الستار • ثم خليفة

- عبد الستار • (منفردا) كده يا عبد الستار تخاف منهم وتظهر الجبن .
برضو أنت وعدت نفسك بكده • وبعدين ؟ ما هي
البننت بنتي وما حدش يقدر يجوزها غصب عني .
لكن الخوف والجبن اللي ربنا بليك بيهم . يعني ليه
ياربني بس . أديك قدرتي على الخناق والزعيق . ايمتي
يارب تقدرني على الضرب . يارب . يارب • بقي ياربني
ما فيش حد في البيت ده يحبني
خليفة • (داخلا) موش قلت لك إن ما حدش يحبك في البيت
ده غيري

- عبد الستار • خليفة • خليفة انت جيت في وقتك يا خليفة . سمعت
يا خليفة اللي قالوه • شفت يا خليفة اللي عملوه
خليفة • ما تخافشي ياسيدي • اللي خلقك ما ينساكش
عبد الستار • واعمل ايه يا خليفة ؟
خليفة • اتكل على ربك • وبلا قافيه عليّ
عبد الستار • صحيح أتكلم عليك ؟

خليفة • أنا معاك دائماً على الحلوه والمره
 عبد الستار • ما بقاش لى غيرك ياخليفة • تعالى أما ابوسك ياخليفة
 خليفة • دا انت بلا قافيه سیدی وتاج راسی (یتعانتقان
 ویقولان بالتبادل)

عبد الستار • دا انت ابن البيت ياخليفة (يعانقه ويقبله)
 خليفة • دا انت بلا قافيه أبو الكل ياسیدی (يعانقه ويقبله)
 عبد الستار • وانت ایدی اليمين ياخليفة (يعانقه ويقبله)
 خليفة • وانت صعبان علي ياسیدی (يعانقه ويقبله وعند ذلك
 تكون الستار قد نزلت تماماً)

ستار

الفصل الثالث

نفس منظر الفصل الثاني

﴿المشهد الأول﴾

هانم • ثم عفيفي

هانم • (تدخل حامله قلة وتضعها بجوار الشباك) على الله تبرد
هاتية بنت دليدي الدنيا حر قوي

عفيفي • (داخلا) انت هنا يا هانم ؟

هانم • عفيفي ! وازاي تسيب ضيفك فوق ؟

عفيفي • هاتي بوسه قبله

هانم • ياسلام (تتدخل وليسكن عفيفي يأخذها بين ذراعيه
ويقبلها) لكن بس قول لي سيبت فرحات بيه
فوق ليه ؟

عفيفي • هو انا سيبته لوحده . دا قاعد مع امي . حماه .

هانم • يمكن قلق .

عفيفي • دول قاعدين يحكو لبعض حكايات ومتفرشين خالص
بس كنت عاوز أشوفك عشان مسأله صغيره
ومكسوف قوي أقولها لك

هانم • تنكسف هني يا عفيفي . إخص عليك . ما كانش عشمي

فيك

• عفيفي • لا . ماهي المسئلة اتكررت وخايف تفتكري في حاجه

بطاله

قل لي بق ايه !

• عفيفي • اسكتي يا شيخه . انا موش عارف ايمتى احرم التيروده

انت خسرت فيه ؟

• عفيفي • والله انا مكسوف اقول لك اني خسرت واني مابقاش

معايلا ابيض ولا اسود . وادينني عاوز اخرج مع فرحات

في ساعة المغربيه دي وموش عارف اعمل ايه ؟ وانت

تعرفي كمان من يوم مسأله صاحبي اللي قعد يطالبني

بالريال اللي كنت استلفته منه مابقيتش قادر اني استلف

من حد ابدا خصوصا واني عارف انك قبضت الماهيه

النهارده

وعاوز كام ياروحي ؟

ولو شلن . انا مامعيش العمى

طب هات قبله كمان بوسه .

خدي ياروحي . (يقبلها)

• عفيفي • خدياسيدي خد . دنا كلي لك . فلوسي وروحي وجسمي

وعقلي • دا انت سيدي . وحياة النبي انت سيدي .

• عفيفي • الله يبارك لي فيك يا هانم . والله مافيش حد في البيت

ييفرج ضيقتي غيرك .

دا انت ياسيدي الخير والبركه .

• هانم

بس انا خايف قوي ياهانم الراجل ما يرضاش يحوز اختي

• عفيفي

لفرحات ييه

ياعفيفي . انا سمعت حاجه غريبه قوي . قال انت عاوز تجوز

• هانم

فرحات لا ختتك قال علشان يسمي لك في جواز بنات

واحديه

دا كلام فارغ . مين اللي قال كده ؟

• عفيفي

العصفور

• هانم

(بغضب) انت بتقولي لي كده علشان أم خمسة اللي

• عفيفي

اديتهاي ولا ايه ؟

إخص عليك يا عففوفه . أنا خايفه ياروحي تسيبني

• هانم

وتنسائي .

أنا أسيبك ؟ برضو كده . هو أنا مانيش ابن أصل

• عفيفي

والا ايه خدي ياستي أم خمسة بتاعتك خدي . (يمد يده

بالخمس قروش)

(تدفع يده الى جيبه) والله العظيم لتأخذها . إخص

• هانم

عليك . بقي يعني بتعمل كده عشان بحبك وخايفه

عليك ؟

خايفه عليّ يعني تقومي تهينيني . دا يصح ؟

• عفيفي

- هانم . خد يا عفوفه . خد يا حبيبي .
 • عفيفي . ما خدش أم خمسة أبدا .
 • هانم . ليه بس ؟
 • عفيفي . أنا حلفت اني ما خدش أم خمسة . اذا كانت عشرة
 صاغ معلش .
 • هانم . طيب خد ياسيدي خد (تناوله خمسة قروش أخرى)
 • عفيفي . مرسى . يلا بقى روجي شوفي الكلاب أحسن
 يكونوا جعانيين والا عطشانين ولما أطلع أنا كمان
 أقابل نسيبي العزيز (يخرجان)

﴿ المشهد الثانى ﴾

صبيح • بليغ

- (خارج المنزل وراء الشباك المطل على الحاره)
 (تدخل جميله بعد قليل وتغلق الباب وراءها ثم تقف
 بجوار الشباك المطل على الحاره ملتفتة من حين لا آخر
 الى الباب المغلق)
 • صبيح . ياساتر يارب . أهو الميعاد قرب . بس ما يجيش حد
 علينا . يارب جعلت أموري بين ايديك .
 • بليغ . (يسمع صوت بليغ من وراء الشباك) جميله أديني
 جيت في الميعاد .

• حميد . بشويش . بشويش خالص أحسن حد يسمعنا . أمي وأبوي وأخويا والجدع اللي اسمه فرحات قاعدين فوق وبعدين ما يحصل شي طيب .

• بلبيغ . أنا مسرور خالص اللي شفتك النهارده . يا حبيبتي . انت ما تقدر يش تقدري قد ايه أنا مبسوط . دي الساعه دي اللي بتمناها طول عمري .

• حميد . وانا كمان يا حبيبي ما أقدرش أقولك اللي بحس بيه في قلبي من الحب والفرح . ربنا يعلم قد ايه أنا بفكر فيك ليلي ونهاري . انت يا حبيبي دايمًا قدام عيني في كل حته . إن أكلت والا شربت اقعد أفكر فيك وان نمت ألاق طيفك في المنام أنت حياتي . أنت وجودي . أنت الدنيا كلها باللي فيها من هنا وسرور .

• بلبيغ . أنا موش قادر اعبر عن فرحي . أديني قلت اللي أنا عاوزة . الحمد لله يا جميله اللي بتحبيني للدرجه دي . الحمد لله ياستي . الحمد لله يا حبيبتي

• حميد . لكن أنت لابس اسود في اسودليه ؟

• بلبيغ . أنت ما بلغكيش الخبر ؟

• حميد . لا .

• بلبيغ . عمي مات امبارح ودفناه النهار ده الصبح

• حميد . مسكين يا بلبيغ . موش كفايه إنك بتشوف الذل في

حيي • لما كان ربنا يبليك بموت عمك

بليغ • واعمل ايه ياستي • اعمل ايه • لكن موت عمي ده فيه

الحزن والسرور

صحيح • الحزن والسرور؟ وازاي بقى؟

بليغ • لانه مات ولا سابشي عيال • وانا اللي ورثته • وبقى

عندي ميت فدان وربعمائة ٤٠٠ جنيه في البنك •

وبالطبع رايح أقدر أجوزك غصب عن عنين أمك

وأخوك

صحيح • يا بليغ رايح تقدر تجوزني؟ يعني أمي ترضى؟

بليغ • ما ترضاش ليه اذا كنت رايح أدفع مهر أكثر من

فرحات؟ واذا حبيت كان اكتب لها كام فدان باسمها •

صحيح • يا حبيبي يا بليغ يا حبيبي • الفرح جالنا ياروحي • الحمد لله •

بليغ • ما هو اللي يصبر يا حبيبي ينال مراده

صحيح • حقه يا بليغ يا ما شفنا من أخويا وأمي • دوقنا المر

يا حبيبي • لكن أهو ربنا فرجها وزى ما بيقول المثل •

أصبر تنول المرام

بليغ • موش كده • دنا كنت أقعد ابكي طول الليل • وبالنهار

أروح الديوان وما أعرفش اشتغل • وكفايه الالهانات

اللي أخذتها من أخوك وأمك هنا في بيتك • لكن

استحملت كل ده عشان خاطر عيونك • عيونك السود •

وأهو ربنا فرجها وزى ما قلت أصبر تنول المرام

ويا ترى أبويا يعرف المسئلة ؟ . محمد

أمال . وشيع الجنازه النهار ده الصبح معايا . بليغ

ورايح يكلم أمي وأخويا ؟ . محمد

أمال . لكن أنا رتبت له المسأله ونصحته بأنه ينتهز . بليغ

الفرص أحسن بعدين نخسر كل حاجه ونخرج من المولد

بلا حمص

عملت طيب يا حبيبي . محمد

هات ايدك لما أبوسها . (تعطيه يدها فيقبلها ثم يقبلها . بليغ

من خدها فتعانقه ويمكثان هنيهه ثم يسمعان صوت

عفيفي من الحوش فيقفان)

(من الخارج) ياللا بنا نقعد في المندره شويه قبل . عفيفي

ما نخرج

أنا مستعجل شويه . فرحات

بس اسمع الكلام . عفيفي

إجري يا بليغ إجرى بالمشوار . دا عفيفي وفرحات . محمد

وحا تعملي ايه . بليغ

(بعد تردد) موش حا قدر أطلع أحسن بعدين أقابلهم . محمد

في الباب . أقول لك . حاستخي ورا الستاره دي

طب هاتي بوسه قبل ماروح . بليغ

محمد . خد . دانت طماع . (يذهب وتدخل خلف الستاره)

﴿ المشهد الثالث ﴾

محمد (خلف الستار) فرمات . عفيفي . ثم خليفه

عفيفي . أدخل ياعم أدخل . دهده ! اللببه موش مولعه .

ياهانم . ياخليفه ياخليفه . (يصفق)

خليفه . (من الخارج) نعم

عفيفي . أنت يا راجل ما ولعتش اللببه ؟

خليفه . (داخلا) ما هو بلا قافيه ما كونتش عارف انك حاتقعد

شويه في المندره

عفيفي . إخلص قوام

خليفه . (يبحث في ملابسه) ما نيش لاقى كبريت

عفيفي . جاتك داهيه في وشك (يناوله علبة كبريت يخرجها

من جيبه فيشعل خليفه اللببه ثم يخرج)

فرمات . انت دايماً قاسي على الراجل المسكين ده

عفيفي . ما تقولشي كده يا شيخ . جاته سكين . تعرف دك

النهار عمل ايه بعد ما طلعتنا فوق ؟ دخل آل يعزي عبد

الستار ويحضنه ويبوسه .

فرمات . معناها الراجل ده ضدنا ؟

عفيفي . آمال .

فرمات • يعني لازم أديله انا راخر فوق دماغه بعد ما اجوز
أختك •

عفيفي • وقبل ما تجوزها كمان • من دلوقت ما عليك الا انك
تسفع له

فرمات • وانا خير المسفخين ياسيدي . لكن بس قول لي . أبوك
ده موش عاوز يجوزني لبنته ليه ؟ مايمكنشي يعني نعمل
حيله عليه ونخليه يرضى •

عفيفي • ابويا دامن الجماعة اللي مايحوش الا بالشدّة فماتخافشي منه
فرمات • ادبك عارف إن ما كونتش تجوزني اختك عمرك ما انت
مجوز بنت عزيز بيه

عفيفي • ويعني عزيز بيه حايرضي يدني بنته ؟
فرمات • عزيز بيه . دا راجل مغفل . موش زي ابوك راجل واعى .
دنا امبارح لعبت عليه حتة ملعوب من الدرجة الأولى
عفيفي • ازاي بقى ؟

فرمات • تعرف ورق الاعلانات اللي زي ورق البنكنوت ؟

عفيفي • آه •
فرمات • خليته صرف لي منهم ورقه بعشره جنيه . وأديته الورقه ؟

عفيفي • ياشيخ !!
فرمات • وحياتك راس أبوك . نتشت منه العشره جنيه واديته
الورقه •

- عفيفي • وبعدين لما يعرفها ؟
- فرمات • يستحيل . لانه دايمًا يحوش الورق ابو عشره جنيه .
- عفيفي • ولما يعرفوها في البنك ؟
- فرمات • هو ييودّي فلوسه البنك . لا ياشيخ دايجوشهم في البيت عنده • دنا عملتها فيه يجي خمس ست مرات .
- عفيفي • والله خايف عليك ياشيخ لتقع .
- فرمات • لا . والله خايف عليك انك ما تجوزشي بنته .
- عفيفي • إزاي بقي ؟
- فرمات • عشان ان ابوك يستحكم في ارادتك .
- عفيفي • وان كان بكره الصبح نكتب الكتاب ؟
- فرمات • يكون بكره المغرب كتب كتابك على بنت عزيز ييه
- عفيفي • وهو كذلك .
- فرمات • تعرف يا عفيفي انا كنت عاوز أجوز بنت عزيز ييه ، ولكن فضلتك عني لانك صاحبي وحيبي من زمان وكان عشان سبب ثاني .
- عفيفي • وايه هو السبب ده ؟
- فرمات • السبب اني ، ولا مؤاخذه يعني في الكلمه دي ، أحب اختك كثير والله يا اخي اني احبها من يوم ماشفتها من اول مرة .
- عفيفي • وايمتى حصل ده ؟

فرمات . من مدة شهرين . كنت جيت أزورك زي العاده
وكانت هي داخله مع الست الوالده . فلما شفتها ارتعش
قالي وحببتها حب طاهر شريف . وعشان كده طلبت
ايدها منك . وهو دا السبب اللي خلاني ماخذتش بنت
عزيز بيه بعد ما كنا حانتفق خلاص . فاعتقد يا أخي إن
عزيز بيه راجل تمام وان بيته بيت أدب

عفيفي . مؤكد . والدليل انك كنت عاوز تجوز بنته .

فرمات . وانا حتى سمعت إن في نيته إنه يشتري أوتوموبيل .

عفيفي . ياسلام ؟

فرمات . بالطبع بكره تتفسح في الاوتوموبيل مع الست .

عفيفي . طبعا . يوم أروح الجزيره ويوم شبرا ويوم مصر الجديده

ويوم العباسيه . دي حتم بق عيشه لغنه قوي .

فرمات . وكمان زي ماقلت لك . الراجل عزيز بيه . راجل مغفل

وتقدر كل يوم والثاني تضحك عليه وتأخذ لك منه كام

قرش

عفيفي . تعرف بعد ما اعمل كده وأحوش كام قرش أعمل بهم ايه؟

فرمات . تشتري لك كام فدان

عفيفي . لا يا شيخ . ألف جوق واشتغل في التمثيل بحق وحقيق

فرمات . صحيح دنا نسيت . دانت مشهور قوي في التمثيل

عفيفي . موش قوي .

فرمات • موش قوي ازاي؟ دنا ياشيخ بسمع في القهوة ومن اصحابي اسمك تقولشي سلامه حجازي الثاني

عفيفي • دا بس من لطفك

فرمات • لا • لا • يا أخي • الحق انت مشهور قوي خصوصاً في نوع المحزن

عفيفي • لا • والكوميدي كان • وطالع في نحي اني ألف روايات كان؟

فرمات • عشان ماتكسب من وراها؟

عفيفي • لا ياشيخ (بشكل تمثيلي) بل في سبيل الفن الذي نخدمه طول الدهر:

فرمات • شيء جميل • أهو دا المنتظر فيك.

عفيفي • وموش بس رايح ألف جوق؟ لا وانا برضو ان شاء الله لما احوش كام قرش من وراقا عزيز بيه راح افتح جورنال.

فرمات • جورنال؟

عفيفي • امال • جورنال برضو اجعله في سبيل الفن

فرمات • دا انت ظاهر لي انك من الشبان اللي تفتخر بيهم الشبيبه

عفيفي • دا بس من ذوقك وظرفك وادبك.

فرمات • لا والله ياسي عفيفي انت الحق مشهور قوي بين الناس.

تعرف امبارح لما كنا ماشيين في السكة كانوا يقولوايه

الاثنتين الافنديه اللي كانوا ماشيين ورانا

عفيفي • لا ما سمعتش •

فرحات • واحد منهم قال للتاني ما تعرفشي مين دول ! أم التاني

قال له لا • أم قال الأول دا عفيفي بيك الممثل الهائل

العبقري استاذ فن التمثيل من غواة العاصمة • والتاني

قال دا فرحات بيه الشاعر الهائل الذي طفق الخافقين

ذكره وصار بين الانام خبره وأمره •

عفيفي • صحيح يفرحات بيه انت شاعر هائل • وصحيح بكره

تبقى احسن من امريء القيس تمام • داناياشيخ لما قرئت

القصيدة اللي نشرتها في (الكوكب) بقيت من

سروري مدهوش مانيش عارف اعمل ايه

فرحات • دا برضو من ذوقك ولطفك

عفيفي • انت ما تجبش دايا تفتخر • التواضع شيمة الكبراء

وانتم من النبلاء •

فرحات • ياسلام (ينظر الى ساعته) ياللا بنا بقي أحسن الوقت

راح

عفيفي • والله يفرحات انت مشهور خالص وانا ازاى نسيت

المسألة دي •

فرحات • تعرف لو كان معايا جورنال (الكوكب) لكنت

وريتك القصيده اللي ابتدأتها بالغزل وانتهيت فيها

بالمدح والفخر .

- عفيفي • دانا كل يوم باقرا ديوانك يا شيخ
- فرمات • داما بقاش فاضل منه ولا نسخته .
- عفيفي • بالطبع .
- فرمات • أما مسئلة الديوان دي غريبه قوي . دنا مره بعته لواحد بيه آم مادضيش يا خده . والله وحياتك وبعث له جواب سبيت له فيه تمام
- عفيفي • عملت طيب
- فرمات • وتاني يوم واكتب لك مقالة في جورنال (الكوكب) لعنت لك فيها خاشه
- عفيفي • براقو . براقو
- فرمات • نعمل ايه يا فندم في الناس دي اللي ما بتفهمش
- عفيفي • أهو ما ينفعش معاهم الا كده
- فرمات • معلوم
- عفيفي • تعرف بكره لما أعمل الجورنال لازم أعمل زيك في البهوات اللي راح يردوه . أطلع دينهم . أفضل أسب فيهم في الجورنال لما أقول بس
- فرمات • وأنا معاك يا بطل . بس يا للا بنا نخرج أحسن الوقت راح
- عفيفي • أنا كمان طالع معاك في مشوار صغير قوي وبعدين

- رايح أرجع
 فرمات • وهو كذلك
 عفيفي • رايح أرجع حالا علشان اللعب لك ملعوبي وتبقى المسألة
 تمام
 فرمات • شيء جميل يا لالا بنا يا لالا (يخرجان)

المشهد الرابع


محمد ثم خليفه

- محمد • (تخرج من مخبأها وهي صفراء الوجه وتجلس على كرسي وتبكي)
 خليفه • (داخلا) ست جميله هنا؟ دنا كنت داخل أظفي اللببه طيب وبلا قافيه كنت فين!
 محمد • كنت فين؟ اسكت يا خليفه اسكت
 خليفه • بتعيطي؟ ازاي؟ ست الكل بتعيط. ليه يا ستي؟
 ما تقطعيش قلبي يا ختي. أنت نسييتي اني زي أبوك.
 موش أنا اللي مرييك؟
 محمد • اسكت. اسكت. ما كنتش أظن كده يا خليفه
 خليفه • بلا قافيه. وايه اللي جرى بس؟
 محمد • كنت في المندره هنا. وبعدين جيت أخرج قمت
 لقيت عفيفي وفرحات جاينين. قمت استخبيت ورا



المرحوم محمد بك تيمور

طالب حقوق بفرنسا



الستاره . وبعدین سمعت اللي قالوه . آه يا خليفه لو كنت

سامع . آه لو كنت سامع

خليفه . عارف عارف اللي قالوه .

محمد . ازاي ؟

خليفه . سمعت أنت ايه ؟

محمد . ما كنتش أظن ان أخويا واحد ساقط بالشكل ده .

عاوز يبيعني ويشتريني . عاوز يبيعني لراجل نصاب
ينصب على الناس

خليفه . أخص عليك يا عفيفي أما انك بلا قافيه واد ابن كلب

صحيح .

محمد . مسكين أبويا يا خليفه . والنبي مسكين . مسكين

خالص . أنا عارفه ليه ربنا وقع في ايد الجماعه دول

خليفه . ربك معاك يا بنتي . واللي ربنا معاه ما يخسرشي أبداً

محمد . (تهم واقفة) تعرف يا خليفه لو قاموا كلهم وجم يموتوني

يستحيل أجوز فرحات أبداً . سامع . . . لكن خليك

معانا . مسكين أبويا وقلبه زي الريشه تنفخه يطير

خليفه . (يضحك) ما هو بلا قافيه ما حدش يعرفه غيري

محمد . ايدك على ايدي يا خليفه

خليفه . ما تخافيش

﴿ الشهر الخامس ﴾

• محمد • خليفة • نفوس • ثم عبد الستار

- نفوس • ديهده ياسي خليفة . قاعد تضرب محدث مع جميله في المندره ومولع اللمبه . ما نتش عارف ان الجاز غالي •
- هو جرى لك ايه في عقلك ياراجل ؟
- محمد • يامّا داكان أخويا وفرحات افندي هنا .
- نفوس • فرحات ييه خطيبك ؟
- محمد • خطيبي ؟ فشر .
- نفوس • فشر ؟ انت اتخطي في عقلك يا بنت
- خليفة • بقى هو ياست أم عفيفى بلا قافيه دائما كده ما نتش عاوزه حد يقول بيم
- نفوس • وأنت مالك ياراجل . اخرج بره • روح شوف شغلك •
- خليفة • وحياة النبي حرام عليك ياست أم عفيفى
- محمد • معلوم حرام عليك • تجوزيني الراجل النصاب
- نفوس • مين يا بنت اللي فتح عينك وخلاكي تتكلمي الكلام ده
- خليفة • ياست أم عفيفى هدي اخلاقك
- نفوس • وحياة النبي ان كنت موش حاتخرج حالا . . .
- عبد الستار • (داخلا) جرى ايه ؟ الزعيق ده ليه ؟
- نفوس • أنت كمان عاوز لك علقه والا ايه ؟ أنت نسيت اللي

عملته امبارح

عبر الستار • موش قصدي • بس شايفك كده زعلانه وعماله ترعقي

زي اللي عليها زار

نفوس • ما ازعقشي ازاي • لما أشوف البنات اللي لسه زي

الكتكوت اللي ما طلعتشي من البيضة عماله تفتح

في عنيهما وتقول لي آل فشر انها تجوز فرحات يه

عبر الستار • أنت قلت كده يا جميله ؟

جميله • معلوم قلت كده • وأقول كمان كده طول ماني شايفه

إن اخويا عاوز يبيعني للرجال ده

عبر الستار • إزاي ده ؟

جميله • أنا شفت بعيني وسمعت بودني ما حدش قال لي

نفوس • شفت بعينك ايه يا دلعدى ؟

عبر الستار • ايه يا جميله اللي شفنيه ؟

جميله • معلوم شفت بعيني • كنت هنا في الاوده • وبعدين

دخل عليّ اخويا وفرحات • قمت استخبيت ورا الستاره

وسمعت كل اللي قالوه

نفوس • وقالوا ايه ياروحي ؟

جميله • قعد فرحات يقول لاخويا • ان ما جوزنيش له

مش حيحوزه لبنات واحد اسمه عزيز بك

عبر الستار • ما هو الكلام ده اللي كنت بقوله

- نفوس • موش تستني ياراجل
- عبد الستار • حاضر أديني استنيت
- نفوس • وبعدين يا جميله ؟
- عبد الستار • وقعد فرحات يقول لعفيفي انه نصب على عزيز بيه واداله ورقه من نوع الاعلانات زي ورق البنكنوت وأخذ منه عشر جنيهه فكه • سامعه يا ما • أنا أبدأ ما أجوزشي راجل نصاب زي ده • وأظن يا ما انك ما ترضيش أنت كمان .
- عبد الستار • خصوصاً بعد ما تعرف أمك الحاله الجديده اللي حاتحصل لبليلغ افندي
- نفوس • حالة ايه ياسي عبد الستار ؟
- عبد الستار • بليغ افندي بقي صاحب ثروه
- نفوس • (مندهشه) وازاي بقي ؟
- عبد الستار • عمه مات امبارح
- نفوس • وعمه دامين في البلاد يا عبده ؟
- خليفه • بلا قافيه راجل مشهور قوي
- نفوس • موش تسكت يا راجل وتنسد
- عبد الستار • سبحان الله يا خليفه جري ايه ؟ (لنفوسه) داعمه راجل عنده ميت فدان ويحي ٤٠٠ جنيهه في البنك ومالوش حد يورثه غير بليغ

- نفوس • صحيح يا عبده الكلام اللي بتقوله ؟
- عبر السار • وحياة راس أبوك كلام جد
- نفوس • ويعني صبح بليغ أغنى من فرحات ؟
- عبر السار • يا شيخه اعقلي واعرفي ان فرحات دارا جل بطل ولا
حلتوش حاجه ابدًا
- محميد • وحياتك يا ما انه راجل بطل
- خليفة • والله العظيم دا بلاقافيه راجل ما يساويش بصله
- نفوس • أنت موش حاتسد ياراجل ؟
- عبر السار • ده من بتوع الازبكية اللي يمشوا ورا أولاد الذوات •
- نفوس • وبليغ بقى غنى قوي ؟
- عبر السار • خمسين جنيه شهرى • وموش ناوى يعمل الزفه بالطبل
- البلدى زي فرحات : لا أبدًا • بالمزيكه الميرى
- خليفة • دا بلاقافيه مافيش زيه فى البلد أبدًا
- نفوس • طب ياخويا وعمه مات صحيح ؟
- عبر السار • ودفنته النهار ده الصبح
- نفوس • (تحتد) بنت يا جميله ماتتتش مجوزه الا بليغ
- عبر السار • الله يخليك لنا يام عفيفي • والا انت صحيح ام حنونه
- ما تمشيش الا ورا الخير لبنتك • الله يخليكي يام عفيفي •
- خليفة • الله يطول عمرك ياست • وبلا قافيه الله يزيدك من
نعيمه •

نفوس • بس قول لي يا عبده . أعمل ايه في الواد عفيفي لو طلع خلقه ؟

عبر الستار • صحيح يام عفيفي • أقول لك . طلعي انت كمان خلقك عليه ووريني كده همتك معاه .

نفوس • وان زعق فيّ وخضني ؟

عبر الستار • ماشاء الله تخافي من طفل صغير زي ده . انت نسيقي انك مشهوره بالبأس والاقدام . وان ليّ ثقه كبيره فيكي ورايح اسيب لك هاذها المسئله دى تعملي فيها اللي انت عاوزاه .

خليفه • بلا قافيه ماتيخوا نخط ادينا في ادينا بعض . انتم نسيتم إن الكتره تغلب الشجاعه

نفوس • صحيح الكتره تغلب الشجاعه . والله صدقت في كده يامضروب على قلبك .

عبر الستار • ودلوقت حيث اني أصبحت مطمئن البال وحيث اني اصطلحت مع زوجتي المحبوه أما اطلع لحد الفكهم اني اشتري لكم حاجه

نفوس • أنا نفسي في اليوسففندي .

عبر الستار • أيوه . والله أنا كمان نفسي فيه . لازم أروح أجيب لك منه .

نفوس • وليه تتعب روحك ماتدي للبغل يروح يشتري ؟

خليفة • لا ياستي ما أقدرش اخرج . بلا قافيه لسه ما كنتش
للـكـلاب

عبر الستار • معلى ياخليفه . روح اكنس لهم . خصوصاً واننا موش
عاوزين نزل عفيفي الليله دي . أديني رايح أنا وبعد
شويه ان شاء الله اكون عندكم (يقترب من زوجته)
أما أخذلى بوسه بقى دي ليلة الهنا دي (يقبلها ويخرج)

﴿ المظهر السادس ﴾

الحاضرون • ماعرا عبر الستار

نفوس • شوفي يا بنتي الواد عفيفي مايختشيش على عرضه يعمل
كده . والنبي ما كنتش ابدأ أظن ان قلبه اسود .

جميد • انا ما كانشي عشمي فيه كده ابدأ يا ما .

خليفة • شوفي أما أقول لك ياست أم عفيفي . بقى الحقيقة إن

عفيفي موش واد بطال لكن دابس فرحات ضحك

عليه . وفرحات ده استعنت عليه بصباغ الليمون واد

ابن كلب مرازي من اللى يقتلوا في الظهر ولا يخافوش .

نفوس • انت ياخليفه بتدخل في اللى مالكش فيه ليه ؟ موش

تروح تكنس للكلاب .

خليفة • إحنا بلا قافيه موش قلنا الكتره تغلب الشجاعه .

نفوس • وحياة أبوك ياسى خليفه تريحنا شويه ولا تداخلشى في

أمور العيلة

- خليفة • حاضر بس بلا قافيه
 نفوس • (مقاطعة) بلا قافيه بلا زفت مسيخ فوق دماغك .
 اخرج بقي
 خليفة • حاضر (يخرج)

﴿ المسرح السابع ﴾

نفوس • حميد

- نفوس • اوع يا حبيبتى يا بنتى يخطر ببالك انى أجوزك الواد بتاع
 الازبكيه ده . أبداً خصوصاً وان جوزك بليغ ييه
 بكره يبسطك ويشوف كيفك . يجب لك فرد الرز
 وأردب القمح والفراخ والحمام واللحم كل يوم ست
 أرطال وينغنغك خالص . موش بتقولوا انه ورث ؟
 موش كده والا آيه يا جميله ؟
 حميد • انا عارفه يا ما . أبويا يقول كده . ولازم يكون صادق
 وبكره نشوف .
 نفوس • معلوم . بكره نشوف الخير والسعد على ايدين بليغ ...
 ربنا يخليك يا بليغ ويطول عمرك ويزيد في خيرك
 ويصحبك أغنى الاغنيا ويديك المراتب العليا . يا بليغ
 يا جوز . بنتي خد من قلبي وصر .

﴿ المشهد الثامن ﴾

نفوسه . حميده . عفيفي

عفيفي . (داخلا) بليغ جوز بنتك ؟ يعني ايه الكلام ده ياست
نفوسه !!

نفوسه . دي دعوه صالحه يابني .

عفيفي . عاوزه تجوزي بنتك لبليغ ؟

نفوسه . دا قال يابني عمه مات وورث فيه .

عفيفي . (يصرخ) ايه الكلام الفارغ ده اللي مالوش أصل ولا
فصل . لازم جميله تجوز فرحات .

حميده . (تصرخ) يستحيل اني اجوزه . سامع كلامي . انا
مانيش تحت أمر حد .

عفيفي . بهتوك انك رايحه تجوزيه غصب عن عينك وعين
أبوك وامك .

حميده . أبدا ما اجوزوش . انت فاهم اني مانيش عارفه اللي
كنت بتقوله في المندره هنا لما دخلت معاه . انا كنت
مستخبيه ورا الستاره دي وسمعت كل حاجه . برضو
يصح ياخويا انك تجوزني لراجل نصاب ؟

عفيفي . نصاب ؟

حميده . أيوه نصاب . انت نسيت قصة عزيز بيه والا ايه ؟

عفيفي . (متضايقا) أخرجني .

- نفوس • يابني هديّ اخلاقك .
- عفيفي • (صارخا) اخرجني انت كان ياوليه أحسن بعدين
مايخلصني طيب
- نفوس • بس يابني قلبي عليك .
- عفيفي • اللي قلبه على . يسمع كلامي . موش يبجح لي زي البنّت
الصغيره دي
- جميد • انا موش يبجح لحد . . . انا موش عاوزه اجوز اللي
يخبّ بختي . سامع والا . لا ؟
- عفيفي • (مهتداً) وانت حاتسكتي والا . لا ؟
- جميد • انا موش حاسكت بس . أديني سايبالك المندره وطالعه
في اودتي عشان ماسمّش كلامك ولا اشوف وشك .
- عفيفي • (دافعا ايها الى الباب) برّا ياللا برّا اطلعي . اما بنت
صحيح قليلة الألب ياللا (تخرج جميله)

﴿ المشهد التاسع ﴾

عفيفي • نفوس .

- عفيفي • كويس قوي ياما . كويس خالص . داشيء جميل جداً .
- نفوس • ما هو يابني بس . . .
- عفيفي • بس ايه . وبتاع ايه . . . دانتو كلّم مابقاش في وشكم
دم . وحضرتك كان اللي بنقول . . . إنها عاقله وتفهم

كل حاجه لقيتك من اللي بينضحك عليهم . بقى ياشيخه
ما تختشيش على شييتك إن واحد أهبل زي ابويا
يضحك عليك

نفوس . ده بيقول يابني إن فرحات قال من الجماعه اللي استغفر
الله العظيم كده وكده . وبيقول إن بليغ ورث في عمه
وحايعمل لجيله زقه بالمزيكه الميري .

عفيفي . (يضحك) ما شاء الله . ما شاء الله . بقى يصح برضو
إنك تسمعي كلام الراجل اللي ما عندوش أدب ولا تربيه .
انت نسيتي أعماله مع هانم ؟

نفوس . يابني يمكن سمعت غايط

عفيفي . وان كنت تشوفي بعينك ؟

نفوس . أصدقك يابني في كل حاجه .

عفيفي . وتجوزي فرحات الجميلة ؟

نفوس . طبعا

عفيفي . (يصفق بيديه) ياهانم . ياهانم

هانم . (من الخارج) نعم .

عفيفي . تعالي هنا (لنفوسه) هو ابويا فين ؟

نفوس . راح يشتري فاكهه وجاي .

عفيفي . يعني جاي قوام ؟

نفوس . حالا .

﴿ المشهد العاشر ﴾

عفيفي • نفوس • هانم

- هانم (داخلة) نعم ياسيدي .
- عفيفي شوفي ياهانم العجايب • عمر كيش سمعتي في حياتك
 إن واحده ست من كرام الستات زي أمي تسمع كلام
 واحد بتاع نسوان زي أبويا ؟
- هانم واحده زي ستي تسمع كلام زي سيدي ؟ ومين يقول
 الكلام ده ؟
- عفيفي أنا ... !
- هانم لا ياسيدي لا . لا سمح الله . ما تقولشي كده . انت
 بتعلم والا ايه ؟
- عفيفي وحياة راس أبويا ياهانم . أنا اللي بأقول الكلام ده
- هانم ياسي عفيفي ما تقولشي كده • أحسن الناس تقول عليك
 انك بعد الشر مجنون والا عبيط
- عفيفي أهو دا اللي حصل ياهانم • قال ستك العاقلة دي تقول
 وتصدق كمان أن بليغ قال عمه مات وورث فيه • وقال
 حايعمل زفه بالمزينة الميري لجليه
- هانم ستي قالت الكلام ده ؟ ستي يطلع من بقها الشريف
 الكلام ده • ستي ينطق لسانها الحلو اللي زي السكر

- بحاجه زي دي ؟ انا ما اصدقش .
- عفيفي • وان كان كده ياهانم ؟
- هانم • ما اصدقشي أبداً . . . من حق ياستي حصل كده ؟
- نفوس • أنا عارفه ياهانم أهو سيدك عبد الستار اللي كان
بيقول كده .
- هانم • وهو ياستي يصح انك تسمعي كلام سيدي ؟ هو
دا يصح ؟
- عفيفي • وقال ياهانم موش مصدقه ان ابويا بتاع نسوان
• هانم • (تضحك ضحكه نسائية) موش بتاع نسوان ؟ (تضحك)
والله مسكينه ياستي . والنبي مسكينه
بتقولي ايه ياهانم !
- نفوس • ما بقولشي حاجه كبيره . بس ان سيدي عبد الستار
• هانم • له قلب رقيق قوي ما يستحملش نار الحب
بتقولي ايه يابت ؟
- نفوس • بأقول اللي قلته ياستي • والنبي ياستي أنت صحيح
• هانم • مسكينه • مستأمنه • وماتيش عارفه ايه اللي بيعمله
في السر • داله حكايات وقصص تملا كتب ودفاتر • •
ولا قصة عنتر وأبو زيد
- عفيفي • إحكيها ياهانم إحكيها
- هانم • تعرفي بياعة الطورثي اللي بتقعد على راس الشارع ؟

- نفوس . آه . . . !
- هاغم . وتعرفي بتاعة الترمس اللي بتفوت ساعة الضهريه ؟
- نفوس . آه . . . !
- هاغم . وتعرفي مرات السقا اللي بتجيب الميه ؟
- نفوس . آه . . . !
- هاغم . وتعرفي أم حسين اللي عملت صحتك قوي
- نفوس . آه . . . ! المره العفشه المعفنه اللي ما تساويش مليح خرده
- هاغم . هي بعينها . وتعرفي كعب اخير جارية الجيران ؟
- نفوس . السوده الكوده اللي بتخوف العيال في السكه
- هاغم . بعينها ياستي . وتعرفي المره الصعيديه الزباله اللي بتشيل
- القرف فوق دماغها
- نفوس . أجرن زيجتك ياسي عبد الستار ما كانتش تنطاق .
- هاغم . وتعرفي ؟ . . . وتعرفي اقول ايه واعيد ايه ما هم كثير قوي
- نفوس . وفيه غيرهم كمان ؟
- هاغم . كمان وكمان . وانت عامله زي الشيخه . تقولي شي ياستي
- بلاقافيه كنت خارصه وعامية ؟
- نفوس . أديني رايحه افتح واسمع . والله ما هو خالص من ايدي
- ابدا . قولي لي ايه اللي عمله معاك انت ؟
- هاغم . انا ماليش ذنب ابدا . . . وتعرفي ياستي ان ما كنتش
- حمرت له عيني دا كان لا سمح الله عمل . . . !

نفس . مسكينه يهانم . وانا اللي ظلمتك يا بنتي وكنت عاوزه
أطردك .

هانم . ماهو دايم كده البري مظلوم ياستي .

عفيفي . شوفي يهانم . انا شايف إن ستك برضو موش مصدقه
تمام . وعشان تقنعها عاوزين انها تستخبي وراء الستاره
معايها وانت تقعدى تغازليه عشان تشوف الست بعينها
اللي موش عاوزه تصدقه

هانم . بس ماترعلش ياستي لو كنت اتعدى الحدود شوويه

نفس . ابدأ . اعلمي اللي انت عاوزاه عشان ماشوف ابن الهرمه
ده بيخوني ازاي .

هانم . طيب والله ياستي لأ وريك بعينك حاجات ماتشوفهاش

ولا في التياترو . وبعدها تبقى تعملي اللي انت عاوزاه
نفس . وانا اخرق عينه وانتف دقنه وانزل عليه بالشبشب لما
اقول بس

عفيفي . وبعدها ما تصدقيش ابدأ كلامه .

نفس . اصدق كلامه بعد اللي حاشوقه . ابدأ . ابدأ وحياتك
عندي يا عقوقه .

عفيفي . الحمد لله . الحمد لله . هوس انا سامع حس رجليه في

الحوش . ياللا ياما وراء الستاره ياللا . (يختفي وراء الستاره
ومعه نفوسه)

﴿المشهد الحادي عشر﴾

عبد الستار (داخلا) • هانم (واقفه في ركن تصالح شعرها)

عفيفي (خلف الستار مع نفوسه)

عبد الستار • ديهده ؟ ماحدث في الأوضه والا ايه ؟ الجماعه طلعا

فوق (يضع اليوسفافندي على الطاولة) اما استريح

شويه •• (يرى هانم) انت هنا يا بنت بتعملي ايه ؟

هانم • ولا حاجه • كان بدي أطفي المبه واطلع •

عبد الستار • ستك فوق ؟

هانم • أيوه فوق •

عبد الستار • وجيله ؟

هانم • في أودتها

عبد الستار • وعفيفي رجع ؟ كان يقول حارج قوام

هانم • لا • لسه مارجعش

عبد الستار • ويأتري حايغيب ؟

هانم • كان يقول لي كده

عبد الستار • بقى كان بيضحك علينا ؟

هانم • يمكن • دا ايه ياسيدي ده اللي اشتريته

عبد الستار • دا يوسف افندي للمتلومه نفوسه • (تطل نفوسه

برأسها فيرجعها عفيفي)

- هائم . أخذش يوسف افنديه ؟
- عبر الستار . بلاش دلع . يكفي اللي جري منك النوبه اللي فاتت
- هائم . هو انا عملت حاجه كبيره ؟ موش انت الحق عليك
- عبر الستار . على برضو ؟ دانت اللي فضحتيني .
- هائم . وانا كنت قلت لعفيفي يقف ورا الباب .
- عبر الستار . لا أنا اللي قلت له .
- هائم . (تقترب منه بدلال) النبي ياسيدي أديني يوسف افنديه
- عبر الستار . لا . لا ياستي . كفاهيه . حد عارف . دى الحيطان لها ودان .
- هائم . النبي ياسيدي اديني يوسف افنديه
- عبر الستار . (ينظر حواليه) أقولك . خلى المسئلة بيع وشرا .
- اليوسف افنديه ببوسه ولا عنهاش كالت المتلومه نفوسه
- (تظهر دماغ نفوسه فيرجعها عفيفي)
- هائم . أقولك ياسيدي مادام بتقول ان المسئلة بيع وشرا . خللي
- اليوسف افنديتين ببوسه
- عبر الستار . ابدأ . ابدأ
- هائم . (تقبله فجأة) وتقول ايه في البوسه دى ؟
- عبر الستار . زي الشهد .. أقولك الاربع يوسف افنديات ببوسه .
- (يناولها أربع يوسف افنديات ويقبلها)
- نفوسه . يابن الكلب

- عفيفي • استني شويه . ان الله مع الصابرين .
- هاشم • نفسي في بوسه كان
- عبد الستار • وأنا يعني اللي مانفسيش في بوسه (تقبله ويقبلها)
- نفوس • (تظهر قليلا) يادقن تعيتع .
- عفيفي • استني (يختفيان)
- عبد الستار • (مفزوعا) مين اللي بيتكلم يابنت ياهانم .
- هاشم • سبحان الله ياسيدي . هو الشارع يخلى من الناس .
- عبد الستار • صحيح ياهانم يمكن الغفير عمال يتحدث مع العسكري .
- هاشم • هو كده برضو . أنا موش عارفه ياسيدي انت ليه حلو كده النهارده .
- عبد الستار • وأنا مانيش عارف ليه انت راضيه عني . لكن بقي السكام بوسه دول مايكفونيش .
- هاشم • يعني نفسك في حاجه تانيه ؟
- عبد الستار • بالطبع .
- هاشم • لا . شوف اما اقولك بقي ، انت راجل بتاع نسوان وانا ما اقدرشى على كده .
- عبد الستار • ومين قال لك اني بتاع نسوان .
- هاشم • وهو حد يقدر يشوف عنيك ولا يقعش فيهم .
- عبد الستار • وماله يعني اذا كانت عينيّ حلوه قوى .
- هاشم • ولا حاجه . لكن عاوزاك تنسي بياعة الطرشي وبياعة

- الترمس وكعب الخير وام حسنين و....
- عبر الستار • وام ملين نسيتمها ليه . ومراة عمك الحاج بدوي وست
الدار البننت اخدامه اللي كانت قبلك هنا . وغيرها
وغیرها.
- هانم • (تحاول نفوسه الخروج فيمنعها عفيفي) ومين كان
وحياة ربنا ؟
- عبر الستار • دنالو قعدت أعداك ما اخلصش • وستك نفوسه
(يضحك) تبقى قاعده في أودتها ماهياش عارفه ايه اللي
يحصّل فوق دماغها في الطقيسى • (يضحك)
- نفوس • (تظهر وتقول) والله لأوريك يابن الكلب •
- عفيفي • (يدخلها) اصبري عشان تشوفي اللي جاي •
- عبر الستار • مين اللي يتحدت يابنت ؟
- هانم • فتش في الاوده •
- عبر الستار • (يلتفت حو اليه) ما فيش حد •
- هانم • انت جرى لك ايه ياسيدي لاسمح الله • تعالى اقعد
جنبي وياللا نتكلم سوازي قبله عشان بدي اطلب منك
حاجه •
- عبر الستار • ماهي ستك نفوسه دي حماره من الدرجة الاولى •
تعرف تنهق تمام • لكن الاسرار اللي بعملها عمرها
ما تعرفها •

- هائم • صحيح ستي مغفله •
- عبر السمار • قوى ياهائم • قوى خالص • لكن بقى يعنى إحنا قلنا
ان البوس ما يكفيش •
- هائم • احلف لى قبله انك ماتعرفش بقى حد من النسوان
دول وانك نسيتهم خالص •
- عبر السمار • وحياتة ابوك خلاص • ما فيش بيني وبينهم علاقه أبدا •
- هائم • كمان عاوزه تحلف لى على حاجه تانيه • وبعدها • • • •
- عبر السمار • وايه الحاجه دى كمان ؟
- هائم • بس ما قدرشى اقولهالك أحسن تزعل •
- عبر السمار • مسأله فيها فلوس ؟
- هائم • سميننا من سيرة الفلوس •
- عبر السمار • اذا كان حاجه مالهش دعوه بالفلوس أحلف لك زى
ما انت عاوزه
- هائم • عاوزه تحلف لى انك ياتطلق ستي نفوسه وتجوزني
بدالهيا ياماتنمش معاها في سرير أبدا • يعنى تبقى
جوزها كده وكده
- عبر السمار • قصدك يعنى اني ما • • • •
- هائم • (مقاطعة) أيوه • فهمت •
- عبر السمار • فهمت قوى • ودى حاجه بسيطه • أما الطلاق صعب •
- انت نسيتي انها ام اولادي •

- هائم • طيب . ياللا احلف
 عبر السمار • اقسم لك بالله والانبيا والأوليا اني
 نفوس • (مندفعة صارخة) انك راجل دون قليل الأصل ..
 ابن كلب حمار عره خالص . تستاهل ضرب الشبشب
 (تتناول شبشبها وتنهال ضربا عليه)
 عبر السمار • عيب يافوسه عيب • جاي ياناس جاي (عفيفي يضحك
 من بعيد) الحقوني .
 نفوس • (مستمرة في ضربه) إخرص ياراجل ياللي مافيش في
 وشك دم . ياخاين ستمك . ستمك . ستمك اللي لحم كستافك
 من خيرها . . ستمك اللي عامتلك النضافه • ستمك اللي
 لبستك البدله والبنطلون • خد خد (تضربه)
 عبر السمار • جاي • جاي ياناس • الحقني يا عفيفي . انا ابوك يا بني . الله
 ينعل ابوك . وابو اللي جابوك يا بن الكلب • ياخليفه
 ياخليفه (يدخل خليفه)

﴿ المشهد الثاني عشر ﴾

الحاضرون . خليفه

خليفه • الله • الله . عيب ياست نفوسه عيب • دا بلا قافيه
 جوزك

عفيفي • إوعى ياراجل : موش شغلك .

نفوس • (تكف عن الضرب وتلتفت لخليفه) وحياة النبي باراجل
إن ماسكت لأقرم ظورك

خليفه • ما هو بلاقافيه ما يصحش كده ابداء • داجوزك وابو
أولادك • يصح انكم تضربوه ؟ كلكم على واحد .

هانم • ياما حلاك يا عم خليفه وانت زعلان وغضبان .

عبر السار • دي بهدله مافيش مثيلها • عم خليفه • تعالى جنبي هنا .

ولا تنساش ان الكتره تغلب الشجاعه • إيدي على
ايدك

خليفه • معلوم اشوفك كده واسكت ؟ ابداء • هو انت بلاقافيه

موش سيدي ؟

نفوس • انت يظهر ياسي خليفه نفسك في الشبشب .

عقبني • اسمعي يا امي . اسمعي شويه . بقى ابويا ضحك عليك وقعد

يذم لك في فرحات لما مارضتيش تجوزيه بنتك . وعشان
كده لازم نجبسه الليله دي هنا في المندره . نخليه ينام
لوحده على الحصيره • رأيك ايه ؟

نفوس • تمام • يسلم بقك يا عفوفه يا حيلتي من الدنيا .

عبر السار • تجبسوني لوحدي هنا ؟ يستحيل • خليفه ايدك معايا

خليفه • يستحيل تجبسوا سيدي هنا • هو بلاقافيه كان كاب

والا ايه ؟

عقبني • وحضرتك حاتنجبس كان عشان ما تجيش تبوسه

- وتحضره وتفتح له الباب
 هانم • وحاجبوس التستوس دا فين ؟
 عفيفي • في الكنيف
 عبر الستار • يستحيل تجسو خدامي • هو كان كاب والا ايه ؟
 عفيفي • وان حبسته وحبستك ياسي عبده ؟ (خليفه) قدامي ياللا
 قدامي
 خليفه • أما اشوف • (يتأهب للدفاع)
 عفيفي • قدامي ياللا امشي ع الكنيف (يجذبه بقوة بينما هانم
 تشده من دقنه)
 خليفه • (مستنجدا بعبد الستار) ياسيدي الحقني • انت نسيت
 ان الكثره تغلب الشجاعة .
 عبر الستار • (يهم بمساعدته فيجد نفوسه ماسكة الشبشب) اعمل ايه
 ياخليفه الشبشب واقف قدامي . (يخرج عفيفي وهانم وهما
 يشدان خليفه وخليفه يستنجد)

﴿المشهد الثالث عشر﴾

- نفوس • عبر الستار • ثم هانم • عفيفي
 نفوس • (واقفة امامه) أهه . إن رحت كده والا كده
 مافيش غير الشبشب .
 عبر الستار • ياوقعتك السودا يا عبد الستار

نفوس • أَمَا انت راجل نادل صحيح • وسخ • عفش • بتاع ترمس

وطرشي وجوار سود •

عبر الستار • دنا كنت بهزر يانفوسه (يسمع صراخ خليفه) يا وقعتك

السودا يا خليفه •

نفوس • بهزر • و كان بتضحك علي • بكره جميله تجوز فرحات

غصب عن عينيك •

عبر الستار • يستحيل

عفيفي • (داخلا) ايه هو اللي يستحيل ؟

عبر الستار • ما فيش حاجه •

نفوس • عملت ايه في البغل دكه ؟

عفيفي • حبسته في الكنيف عشان مايحيش يا انس سي عبد

الستار

هانم • مسكين قعد يعوي زي الكاب

عفيفي • اما حضرتك • محبوس طول الليل في الأوده هنا •

عبر الستار • حاضر •

هانم • ليله سعيدة ياسيدي • انشاء الله تنام بخير

عبر الستار • حاضر •

نفوس • ياللا يا عفوفه

عبر الستار • (مستعظفا) حرام عليكم انا راجل كبير وان نمت هنا

لالصبح يجي لي برد وتبقى عباره • ارجووني يا ناس

- نفوس • إرجع ورا . هات المفتاح يا عفيفي .
 عفيفي • خدي ياما .
 عبر الستار • يستحيل (يحاول الخروج فيمنعوه ويخرجون ويقفلون
 الباب بالمفتاح فيرجع مدحوراً)

﴿المسار الرابع عشر﴾

- عبر الستار (منفرداً) ثم الشاويش من الشارع
 عبر الستار • الله؟ دول سكو من حق وحقيق . ياجماعه . بتهزروا
 والآن جد؟ (يحاول فتح الباب فيجده موصداً) الله الله
 الله . دول حبسوني صحيح . يا ولاد الحرام . دنا وقعت
 في كبشة غجر . افتحو الباب احسن والله العظيم
 والجلشاني والدرديري والشيخ الأربعين لاعمل فيكم
 بعدن اللي ماعمل . الله ياجماعه . افتحوا !! الله ياناس افتحوا
 ديهد . ربنا يبتليك انت وابنك بالخصبه والاسبانيولي
 يانفوسه ياقرشانه يام عفيفي . ربنا يخيب أملك . الله
 لا يورك خير في حياتك يا ابني يا عفيفي . سكو الباب
 عليك يا عبده . . . مسكين يا عبده (يتهيج) اسكن
 يستحيل يجوزوا جميله لفرحات . يستحيل (يصرخ في
 وسط الغرفة) سامعين ماتجوزش فرحات . سامعين .
 ماتجوزش فرحات . يستحيل . ماتجوزش فرحات (يذهب

ويصرخ في خرم الباب) يستحيل تجوز فرحات . سامعين
 ماتجوز شي فرحات . (يذهب للشباك ويصرخ) يستحيل
 تجوز فرحات

السَّوِيسْمُ . (من الحاره) بتزعج كده ليه ياراجل ؟

عبر الستار . ومين انت كمان ؟

السَّوِيسْمُ . باجول لك ماتزعجش وتجلجج الأ من العام

عبر الستار . مين انت ؟ اخلص .

السَّوِيسْمُ . شاو يش النبطه . باجول لك ماتزعجش

عبر الستار . حاضر (يذهب ويجلس على كرسي في وسط الغرفة ثم

يقول بصوت فيه بكاء) لا ماتجوزش . يستحيل

تجوزه . (يبكي)

ستار

الفصل الرابع

(حوش المنزل الذي يسكن في احد ادواره عبد الستار افندي .
على اليمين الباب الذي يؤدي الى الخارج . الى اليسار باب (المندره) التي
حبس فيها عبد الستار . وفي الصدر باب يؤدي الى السلام التي يصعد
منها الى الدور العلوي كما يقود الى دورة المياه)

المشهد الأول

(تفتح الستار عن هانم جالسة على الارض تمسح طشط بليفة)

هانم . (تغني) والنبي ياما تعذرني واتأني على . آه حب حبيبي
شاغاني . والله إن ماجاني جاني . لانا رايحه ولا جايه
جايه والنبي آه ياما .

عبر الستار . (محبوسا في المندره ينادي خلف الباب) يا بنت بلاش
بقى غنا . افتحوا الباب . دانا مداهي طلعت

هانم . مين دا اللي يتكلم ؟ انت مين ياراجل ؟ موش ترد .
عبر الستار . (من الداخل) ماتتيش عارفه سيدك يا بنت الكلب .

افتحي الباب

هانم . سيدي نايم فوق في حضن ستي اما اللي يتكلم ماسبقليش
به معرفه

عبر الستار . يا بنت افتحي دي ليله كانت مقطرته ومزفته

هانم . موش على دماغي وحياة راسك ياللي بتتكلم

- عبر الستار • يابنت افتحي • دنا بدي أعمل زي الناس
- هانم • (ترجع الى الغناء) خارج من الحامية • آه الوجه زاهي زاهي والعيون عسليه
- عبر الستار • يابنت الكلب افتحي الباب الله يلعن أبوك
- هانم • (تغني) والله ان ما جاني جاني لانا رايمه ولا جايه جايه • النبي ياما
- عبر الستار • بقى عملتوها في • بقى برضو دا يصح! لكن غضب عن عنيك ما هيش مجوزاه
- هانم • هما يطلعو بالليل والا بالنهار؟
- عبر الستار • يابنت افتحي انا بدي أفك حصر • افتحي •
- هانم • لسه الاذن ما جاش ياللي بتتكلم
- عبر الستار • إذن مين يابنت؟
- هانم • اذن اللي سرجنك ياللي بتتكلم
- عبر الستار • ياهانم يابنتي اعلمي معروف افتحي لي الباب احسن بعدن ياللا السلامه أعملها في المندره •
- هانم • انت عاوز يعني اني اسرجن بدالك؟ (تغني) والنبي ياما تعذريني
- عبر الستار • برضو بتغني وموش سائله عنى؟ يصح كده؟

﴿المشهد الثاني﴾

عبر الستار (محبوس) هانم (في الحوش تمسح الطشط)

عفيفي (نازل من السلام)

- عفيفي • بتعلمي ايه يا هانم ؟
- هانم • بامسح الطشط ياسيدي •
- عبر الستار • انت جيت يا عفيفي ؟ افتح لي الباب يا بني •
- عفيفي • مين ده اللي بيكلم ؟
- عبر الستار • ابوك يا بني
- عفيفي • ابويا ؟ صباح الخير يا بويا
- عبر الستار • صباح الخير يا بني • افتح يا حبيبي الباب •
- عفيفي • انا كنت سامعك يا هانم بتغني • كنت بتقولي ايه ؟
- هانم • والنبي ياما
- عفيفي • سمعينا حاجه تانيه • يظهر ان ابويا بده يسمع شويه
- عبر الستار • لا والنبي انا عاوز اخرج
- عفيفي • غني يا هانم غني
- هانم • (تغني) يا بوبور • يا بوبور يا بويه يا مسلي ولاد الحسينيه
- عبر الستار • إختشي على عرضك يا عفيفي دنا ابوك •
- عفيفي • على الله تكون قضيت ايله كويسه يابا ؟
- عبر الستار • يا بني • انت ما فيش في قلبك رحمه ؟

عفيفي . اسكت . دا عمك خليفه لسه مجبوس في الـكنيف .

عبر الستار . مسكين ياخليفه .

عفيفي . مسكين ؟ برضو قلبك عليه ؟

عبر الستار . موش قصدي . بس دا راجل كبير . ومايقدرشي ع

الحال ده

عفيفي . إلا ياهانم . تعرفي انا نفسي في ايه ؟

هانم . في ايه ياسيدي ؟

عفيفي . حذري .

هانم . في أكله حلوه ؟

عفيفي . لأ .

هانم . في فسحه حلوه ؟

عبر الستار . ياناس افتحهم .

عفيفي . ولا دي ياهانم

هانم . أمال في ايه ؟

عفيفي . في بوسه من بقلك . وفي ريال من جيب ابويا .

هانم . اللي اقدر عليه اديه لك . خد البوسه (يقبلها)

عبر الستار . يابنت الكلب يبوسك قدامي ؟

عفيفي . بوسه زي الشهد . بس الريال ياهانم .

عبر الستار . (صارخا) ازاي ياواد تبوسها ؟

عفيفي . ابوسها وابوس ابوها كمان . واخذ منك ريال اذا كنت

- عاوز افتح الباب
- عبر الستار • طب افتح وانا اديك
- عفيفي • فوّت الريال من تحت عقب الباب وانت تلاقي الباب
- انفتح
- عبر الستار • ياواد أحلف لك بشرفي اني حاديك لو فتحت
- عفيفي • وانا احلف لك بشرفي اني حافتح لو اديت .
- عبر الستار • وبعدها يعني ؟
- عفيفي • زي ما انت عاوز .
- عبر الستار • طيب خد (يناول عفيفي الريال من تحت عقب الباب)
- عفيفي • شاطر ياابا . افتحي له الباب ياهاشم .
- هاشم • معاك المفتاح ؟
- عفيفي • لا . موش معاي .
- هاشم • يظهر انه مع ستي

﴿ المشهد الثالث ﴾

الحاضرون • نفوس

- نفوس • (نازلة) بتكلموا في ايه ؟ بتضربو محدث على ايه ؟
- عفيفي • بندور على مفتاح المندره لنخرج السجين .
- نفوس • المفتاح معاي . أما سي عبده حايقعد مسرجن للضهر .
- عفيفي • لا . ياما . لا . لازم تفتحي له الباب ..

- نفوس • المسئلة دي ياغفوفه موش من خصايصك . هو كان
يا ترى جوزك والا ايه ؟
- عفيفى • اسكن انا حلفت له بشر في اني حافتح له الباب وهانم
تشهد على كده
- هانم • تمام .
- عفيفى • (بشكل تمثيلي) وانت تعلمين انه قسم وربك عظيم
نفوس • واذا كنت يعنى ما فتحش له يجرى ايه ؟
- عفيفى • تجرحين احساسى .
- نفوس • وهو انا احساسى مانجرحشى من اللي عمله سي عبده .
دانا احساسى عمال ييشلب دم
- عبد الستار • ما علمش يام عفيفى .
- نفوس • إخرص . إخرص واتلهي على عينك . انت نسيت اللي
عملته
- عبد الستار • بس يام عفيفى يعنى بدي أروح زي الناس .
- نفوس • انت نسيت إن بيت الراحة موش فاضي وإن مجبوس
فيه عمك خليفه
- عبد الستار • معلش يانفوسه افرجو عنى وعنه
- عفيفى • صحيح ياما إن احساسك انجرح امبارح من اللي عمله
ابويا . اسكن بقى كفايه اللي حصل وانت كريمة .
(ملقيا بتفخيم) والكريم من يغفو عند المقدرة .

- نفوس . أبدا ما يمكنش
- عبر السمار . معلش يام عفوفه .
- ها نم . معلش ياستي .
- عفيفي . والله يأمّا حا يحرم ويتوب النوبه .
- نفوس . عاوزه واحد يضمه .
- عفيفي . انا الضمين بذلك . افتحي له بقى الباب أحسن تجرحي

احساسى

- نفوس . أرح احساسك فشر . دانا تتخزق عيني يا عفوفه ولا
- أرحشي احساسك . دا احساسك على عيني وراسي
- (تدخل المفتاح في القفل ولكن تسمع الباب العمومي
- يقرع) شوفو قبله مين اللي بيخبط الباب . افتحي يهانم

﴿ المشهد الرابع ﴾

الحاضرون . فرمات .

- ها نم . داسيدى فرحات
- فرمات . (متقدما) ديهدى ياجماعه . انتو قاعدين في الحوش
- والا ايه ؟
- نفوس . أهلا وسهلا بجوز بنتي .
- عبر السمار . أهلا وسهلا بنسيبي . أعمل معروف ياخويا قول لحما تاتك
- تفتح لى الباب .

- فرحات • مين ده الى يزرعق ؟
- عبد الستار • انا حماك . حماك الى يحبك .
- فرحات • طيب وحسينه ليه ؟
- عفيفي • دابس امبارح عمل ذنب يستحق المسئله دى ، وادحنا رايحين نفتح له .
- نفوس • والنبي ماحد يفتح له الا جوز بنته . خدياسي فرحات .
خد المفتاح وافتح .
- فرحات • متشكر يا حماي (يفتح له الباب . يخرج عبد الستار واضعا يده على بطنه)
- عبد الستار • اشكرك يا بني . بس يعني من غير مؤاخذه الحالة حاكمه قوى وموش قادر اقعد معاك . تعالى ياهانم معايا افرجى عن خليفه عشان اخذ محله . ياللا يا بنتى .
- نفوس • هانم معاك ؟ عشان تعمل الى عملته امبارح .
- عبد الستار • على كيفك . على كيفك . انا موش قادر . تعالى معايا انت والا عفيفي والا فرحات .
- نفوس • روح لوحذك . ماعليك الا تقطع الدوباره الى رابطين بها الباب . ياللا ورينا عرض كتافك .
- عبد الستار • طيب أدبني رايح . طيب . لا مؤاخذه ياسي فرحات لا مؤاخذه (يخرج من الباب المؤدى الى دورة المياه)

﴿ المشهد الخامس ﴾

الحاضر وده ماعدا عبر الستار

- عفيفي . يا لله بنا ندخل في المندره نتكلم شويه بدال ما حنا قاعدين في الحوش
- فرحات . زى ماتح يا نسيبي .
- نفوس . اتفضل . هاتم روحي اعملى القهوه وهاتيها قوام .
- هاتم . حاضر يا ستي (يدخل فرحات وعفيفي ونفوسه الى المندره . وتخرج هاتم من الباب وتصعد السلام)

﴿ المشهد السادس ﴾

(المرحح خالبا . ثم يدخل خليفه عم . حميد)

- خليفه . أف . أف . اه يا وجع بطني .. اه يا كسر ضهرى . اه يادماغى اه ياموعان نفسي . أما ليله . أما ليله ياناس بلا قافيه . اما ليله ياناس بلا قافيه . اما ليله ياناس بلا قافيه اعمل ايه . الله يجازيك يا عفيفي . الله ياخذ أجلك يا هاتم . الله يقصف عمرك يا نفوسه . مسكين يا عبد الستار . لكن حملك أخف من حملى . اسمك كنت قاعد على كرسى والا على كنبه لكن أنا كنت بلا قافيه بين الروايح الزكيه واقف بلا قافيه على رجلي طول الليل .

الله يقصف عمرك يا نفوسه . الله ياخذ اجلك ياهاشم .
الله يجازيك ويطلع روحك يا عفيفي

﴿ المشعر السابع ﴾

خليفة . محمد .

محمد . هس يا خليفة . اتكلم بشوئش أحسن الجماعه قاعدين في

المندره وبعدين يسمعوك تبقي عباره .

خليفة . لك حق يا بنت . لك حق . دول امبارح وروني الويل .

حبسوني يا بنتي في الكنيف

محمد . وحبسوا أبويا في المندره .

خليفة . اه في المندره . ويئتوه من غير نور . مسكين

ياسيدي .

محمد . لكن تفتكر يا خليفة انهم ح يقدرُوا يحوزرني للواد

البأف فرحات ؟

خليفة . انا عارف يا بنتي !! اذا كان بلا قافيه عاملين لي رباطيه

ونازلين حبس في صاحب البيت وخدامه يعنى

ما يقدروش يحوزوك اللي علوزينه .

محمد . تعرف ! أشنق روحي . أدبح نفسي . أهرب . أعمل

اللى ما ينعمل .

خليفة . تشنق روحك ؟ وتهون روحك عليك ؟ سيبك بلا قافيه

من الكلام الفارغ ده تعالى نرتب في السر مسأله يمكن
ربنا يفتح علينا

• محمد • نرتب ايه ونعمل ايه . اذا كان انت وابويا مافيش فيكو

قوه . لا ياعم خليفه انا حاتكل على نفسي وربنا يساعدي
• خليفه • اللي يتكل على الله ربنا مايخبيوش .

﴿ المشهر الثامن ﴾

خليفه • محمد • هانم

• هانم • (مارة بالقهوه) صباح الخير ياستي (لاترد جميله)

صباح الخير ياستي دنا موديه القهوه للعريس . موش
عاوزه تردي على . طيب ماعلش . (تدخل المندره)

• محمد • ياخليفه البنت دي بطاله خالص .

• خليفه • عمري يا بنتي ماشفتش واحده بطاله زيها . دي بلا

قافيه تخرب بلد وتقعدي على تلها . دي تقدر على اللي
ما يقدرش عليه الشيطان

• محمد • وعاملالي كبانيه مع عفيفي وامي ضدي . اسكن ربنا
ينصرنا عليهم

﴿ المشهر التاسع ﴾

خليفه • محمد • عبد الستار

• عبد الستار • الحمد لله . أحمك يارب دنا كنت في حاله .

- حميد . ابويا . ابويا . قال حبسوك يا بابا
- عبر الستار . دول خزقو عيني . بس اعملو معروف اتكلمو بشو يش
- خليفه . احسن بعدين يسمعوننا . دول قاعدين جنبنا في المندره
- خليفه . والبنت هانم بلا قافيه . بتسقيهم القهوه
- عبر الستار . هانم ؟ قطعت هانم . عمر ما حد في الدنيا ضحك على دقني
- غيرها .
- خليفه . وعمر ما حد اسبب لي في حبسه زي اللي اتحبستها غيرها
- حميد . مسكين يا بابا
- عبر الستار . (يقلع طربوشه) اقلع عمتك يا خليفه وادعي معايا .
- بس بشو يش احسن حد يسمع . قول معايا قول .
- ربنا ياخذ أجلك يا هانم . ربنا يقصف رقبتك يا هانم .
- ربنا يكسر عضمك يا هانم ربنا يوريك

﴿ المشهد العاشر ﴾

- الحاضرون • هانم • (خارجه بصنية القهوه)
- عبر الستار . (يراها) كل خير يا هانم . ربنا يطول عمرك يا هانم .
- ياما انت مظلومه يا هانم . عمالين يضحكوا عليك
- يا هانم . وما تيش عارفه يا هانم .
- هانم . ايه الكلام ده ياسيدي .
- عبر الستار . اسألني خليفه يقول لك . دأموش اتا بس اللي بيضحكوا

عليّ هنا . وانت كان .

- هاتم • بيضحكو عليّ . إزاي يعني . انا ما حدش يضحك عليّ أبدا
 خليفه • وان كانو بلا قافيه بيضحكو عليك ؟
 هاتم • مين اللي يضحك عليّ . فشر .

عبر الستار • شوفي يا هاتم . بقي انت جيتي معاهم ضدنا . ولعبت عليّ
 الملعوب اللي يعني ما كانشي يصح تلعبيه وكله في
 الآخر راح يحجي علي دماغك . أدني بقولك وانت
 تفهميني طيب

- هاتم • لا . مانيش فاهماك . عاوزاك تفهمني شويه . أحسن
 موش قادره افهم .

عبر الستار • بقي يعني ما حدش فينا يجهل انك يعني من غير مؤاخذه
 يعني بلا قافيه ، يعني من غير تطويل ، يعني وانت ست
 العارفين . يعني . .

- هاتم • اني باحب عفيفي • موش كده اللي عاوز تقوله ؟
 عبر الستار • عليك نور • دا انت صحيح زكيه قوي • ولما انت بتحجي
 عفيفي ليه بقي عاوزه فرحات يجوز جميله • مانتيش خايفه
 لا عفيفي يجوز بنت البيه اللي بيحجري وراه فرحات ؟

- هاتم • دا كلام فارغ • دا كلام مالوش أصل
 عبر الستار • علي كيفك • أدني نصحتك وإن صدقتي صدقتي
 ماصدقتيش ماصدقتيش

- هانم • لا • موش مصدقه (تمشي الى الباب ثم ترجع وتقول)
 صحيح عفيفي عاوز يجوز ؟
- خليفه • وبلاقيه هايكون جوازه على ايدين فرحات
- هانم • (وقد ظهرت عليها الغيره) وانت مالك ياراجل انت .
 موش تقعد ساكت
- عبر السمارة • لا • ماهو خليفه قلبه عليك
- هانم • حقّه قوي • لكن قول لي ياسيدي • انت يعني متأكد
 من المسئله دي ؟
- عبر السمارة • وحياة دقي متأكد منها •
- خليفه • بلاقيه دا كلام صحيح
- هانم • (تصرخ في خليفه) اسكت ياراجل ما تطلعشي خلقي
 أمّا إنك ماتختشيش • سبحان الله في طبعك •

﴿المشهد الحادي عشر﴾

الحاضرون (يخرج عفيفي من المندره ثم نفوسه وفرحات)

- عفيفي • ايه الزعيق ده ؟ أمّا انكم ماتختشوش
- عبر السمارة • ده بس كده ؟ يعني المسئله بسيطه قوي
- عفيفي • ايه الزعيق ده ياهانم ؟
- هانم • انا نسيت اهنيك ياسي عفيفي بالعروسه الجديده
- عفيفي • عروسه ايه يابنت ؟

- هائم • بنت البيه • الى حاجوزها لك فرحات
- عفيفي • طيب وجري ايه يعني • انت قصدك تطلعي خلق • ايوه
حاجوزها لي • هو حرام والا ايه ؟
- هائم • طيب ما انت بلغت غرضك وجبت ابوك وما بقاش
لك فايده في هائم
- نفوس • (تخرج وورائها فرحات) مين اللي يزعق ؟
- عفيفي • اسمعي ياستي . آل ست هائم كمان بتطلع خلقها علي
بتجهم لي • تزعق في وشي .
- نفوس • فشر • تزعق في وش ابني ؟ تجهم لضناي .
- هائم • ايوه عملت كده • ويعني جري ايه ؟
- فرحات • اختشي يا هائم .
- هائم • اسكت انت وانسد ياراجل يا غريب عنا . يا انصاب .
يا جرسون في الازبكيه •
- عفيفي • اختشي يا بنت • استحي على عرضك • أحسن الخطب
بك الارض •
- نفوس • اختشي يا قليلة الأءب يا فلاحه • مدناك قمت انقلبت
علينا •
- فرحات • هدى بس اخلاقك يا حماتي . دي بنت مسكينه
مطيوره •
- عبد الستار • (خليفه) إزيك بقي ياسي خليفه • موش حاجه حلوه

- کده اننا نتفرج عليهم بعد ما تفرجوا علينا
- خليفة • دا كلام بلا قافيه مسو جر قوی . خلینا علی جنب خلینا •
- هانم • ایوه طبعایاسی فرحات • المجال بقي قدامك واسع
تعمل الی عاوزه •
- عفيفی • اخر جي احسن اطر دك •
- هانم • تطردني؟ اما تدفع الدين الی علیك • الفلوس الی
سلفتهالك •
- نفوس • فشر ابني عمره ما يستلف من حد • جيب السبع عمره
ما یخلى • انت حاتسکتی والا ابظاظ عنیکى
- هانم • انت فاهمه انی خلیفه والا عبد الستار • ان کان حیلتهك
ادین انا برده عندي ادین ، ان كنت عاوزه تلطشی
برضو انا اعرف الطش ، اسکتی احسن بعدين
ما یحصلش طیب •
- عفيفی • وبعدها بقی (لنفسه) البننت یمكن تبهدلنا •
- نفوس • والله اضربك بالشبشب
- عفيفی • اسکتی یاما احسن بعدين •
- نفوس • بقى یعجبك کده یابنی ؟
- عفيفی • قلت لك اسکتی
- نفوس • حاضر •
- عفيفی • وانت یا هانم ما نتیش عاوزه تسکتی ؟

- هائم • لا • موش عاوزه اسكت :
- عفيفى • بقولك اسكتى احسن • انسدي • اخرجي من هنا •
- هائم • اخرج من هنا ؟ لا ياسيدي ماتخافش (تبكى) أنا
- حاسيبك البيت • هو دا جزا محبتي لك ؟ هو دا جزى
- حنوى ؟ برضو كده تعاملني في الآخر ؟ طيب معاهشى •
- ان كنت تنسى ربنا ما ينساش • أدینی سایبالك البيت
- انت وامك • لكن ماتنساش انك بكره راح تصوع •
- تدهول تتهدل • وتقول انت فين ياهائم • (تخرج)

﴿ المشهر الثاني عشر ﴾

الحاضرون • ماعدا هائم

- عفيفى • الحمد لله اللى خرجت • دى سورت ودني •
- فرمات • يظهر انها بنت قبيحه •
- نفوس • اوع تكون أخذت على خاطرك يا جوز بنتي ؟
- فرمات • لا يا حاتي • اخد على خاطري ازاي ؟
- عفيفى • موش تروح يا اخي بقى تجيب المأذون عشان نكتب
- الكتاب ؟
- عبد الستار • يكتب الكتاب ؟ يا خبر اسود
- صميد • يكتب كتابه على مين ؟
- نفوس • عليك يادلعدي • ياللا ياسي فرحات • ياللا يا جوز بنتي •

انده المأذون .

فرمات . ادینی حاروح اهو أجیبه وآجی حالا (یخرج)

﴿ المشهر الثالث عشر ﴾

الحاضرون ما عدا فرمات

عففی . انت یابنت یاجمیله . مالک یعنی کده بتعاندی من غیر

معنی . یصح تعمل کده یابویا ؟

عبر الستار . (یتلجلج فی الکلام) لا مایصحش . لکن بقی البنّت ..

نفوس . البنّت ایه یادلعدی ؟

عبر الستار . مافیش حاجه . البنّت مطیعه تسمع الکلام .

عففی . وانت یاخلیفه موش موافق علی کلامنا ؟

نفوس . ودا ایه دا کمان الی حیوافق علی کلامنا ؟

عففی . بس بدي اسئله أشوف درس امبارح نفعه والا لا

خلفه . بلاقافیه نفع قوي !

عففی . الحمد لله یاسی خلیفه . ودلوقت نرجع لمسألتنا المهمه .

مسألة جواز اختی . بقی دلوقت رایح یحیی صاحبنا

فرحات ویکتب الکتب . ویعلی الجواب . وتبقى

لیلة هنا .

حمید . بدي أعرف یعنی حیکتب کتابه علی مین ؟

نفوس . یعنی مانتیش عارفه یاست جمیله ،

- عبر الستار • بس يعني قصدها إن السؤال موش حرام •
- نفوس • انا بتكلم ياسي عبده مع بنتي جميله موش مع المدهول جوزي •
- عبر الستار • برضو عندك حق ياست نفوسه
- نفوس • مانتيش عارفه ياست جميله على مين هايكتب الكتاب
- حميد • لأ مانيش عارفه •
- عفيفي • هايكتبه ياست جميله على حضرتك • رايح يصبح جوزك • سامعه •
- عبر الستار • طبعا ••• (تومقه نفوسه شذرا) موش يعني قصدي حاجه ثانيه • بدي اقول انه يعني موش قصدي •••
- عفيفي • انت نسيت يا بابا . اني بتكلم مع اختي . موش معاك
- عبر الستار • برضو عندك حق ياسي عفيفي
- خليفه • بس يعني بلاقافيه سي عبد الستار يبقى ابوها • والاب بلاقافيه يحق له الكلام
- نفوس • طيب عرفنا إن عبده يبقى أبو البنت • و حضرتك دخلك ايه في المسئله ؟
- خليفه • بلاقافيه •••••
- نفوس • بلاقافيه تورينا عرض اكتافك أحسن بعدين تخش خشة امبارح
- خليفه • برضو عندك حق ياستي ام جميله • (يخرج)

﴿المشهد الرابع عشر﴾

الحاضرون ماعرا خليفه

- عفيفي • ايمتى بقى يجي فرحات خلىنا نهبي المسأله ؟
- نفوس • ما تستعجلشى يا عفيفي
- عبد الستار • أيوه يا بني ما تستعجلشى • العجله من الشيطان (يدق الباب)
- نفوس • الباب بيخبط ياترى مين ؟
- عفيفي • دا من غير شك فرحات مع المأذون •
- عبد الستار • سترك يارب • (يذهب عفيفي ويفتح الباب فيدخل بليغ)

﴿المشهد الخامس عشر﴾

- بليغ • عفيفي • عبد الستار • نفوس • حميده (تضع إزارا على رأسها)
- بليغ • السلام عليكم • (لا يرد غير عبد الستار)
- عبد الستار • عليكم السلام
- بليغ • انا جيت في وقت ما يصحش اني أجي فيه.
- عبد الستار • العفو يا بني بليغ دا بيتك ومتر • • (تقطع نفوسه عليه السلام)
- نفوس • بدي أعرف ياسيدنا الافندي حضرتك جاي تعمل ايه ؟

- بليغ • جاي أخطب بنتكم الست جميله •
- نفوس • ما عندناش بنات وش جواز ياسيدي •
- عفيفي • سامع ياسي بليغ ما عندناش بنات وش جواز •
- بليغ • موش قادر أفهم • انا اعرف إن بنتكم اسمها جميله • وهي واقفه قدامكم • وأظن إنها لسه ماتجوزتش •
- عفيفي • لأ . اتجوزت خلاص •
- بليغ • (بأندهاش) اتجوزت خلاص ؟
- عبد الستار • قصده يعني إن سي فرحات راح يجيب المأذون عشان يكتب الكتاب
- بليغ • يعني لسه الكتاب ما نكتبش ؟
- عفيفي • انكتب والا ما انكتبش • حضرتك عاوز ايه ؟
- نفوس • ايوه حضرتك عاوز ايه ؟
- بليغ • عاوز أجوز بنتك يا ست نفوسه . ومستعد أدفع في المهر عشرة في المائة أكثر من سي فرحات
- نفوس • ومنين جات لك الفلوس يا صنايه ؟
- بليغ • عمي توفي وورثت فيه . سامعين ؟
- عفيفي • وهو اللي يموت عمه ياسي بليغ يجوز على طول كده ؟
- بليغ • معلوم • يجوز على طول • على الأقل يكتب كتابه علشان يخلص البنت المسكينه من مخالب النمر اللي عاوزين ترموها له •

- نفوس • ايه هو دا ياسى بليغ؟ دا كلام ماينسمعش (يدق الباب)
 الباب بيدق •
 عفيفى • الحمد لله • لازم اللي جه يكون فرحات والمأذون
 (يذهب ويفتح الباب فيدخل فرحات والمأذون)
 عبر الستار • ياخبر اسود • في عرضك يا بليغ خلصني • دنا واقع يابنى
 لركبي
 بليغ • ماتخافشى • ربنا معانا

☆ المشهر السادس عشر ☆

- بليغ • عفيفى • عبر الستار • نفوس • حميد • المأذون • فرحات
 فرحات • أديني جيت المأذون وجيت • ياللا نكتب الكتاب •
 المأذون • السلام عليكم ورحمة الله وبركاته • قال الله في كتابه •••
 فرحات • (مقاطعا) لكن مين دا اللي واقف؟
 عفيفى • ماتكترش • اكتب الكتاب واخلص
 نفوس • اكتب الكتاب قدامه عشان تطلع عينه •
 المأذون • بقى ياسيدي فين اللي راح تتأهل؟
 عفيفى • أهى واقفه قدامك •
 المأذون • قولى لي يابنتي • فين بقى وكيلك؟
 حميد • ماليش وكيل • موش عاوزه اتجوز
 المأذون • لاحول ولا قوة الا بالله العلي العظيم • لم يكن العقد

- بقي يا جماعه • السلام عليكم ورحمة الله •
 عفيفي • (يعطيه خمسة غروش صاغ) من ريال ابويا • • خد ياعم
 خد • اكتب اكتب
 المأذون • عوفيت يا ابني و زال عنك الشر • فين و كيلك يا عروسة ؟
 عفيفي • والدها عبد الستار افندي •
 المأذون • حضر تك يا فندي و كيل بنتك ؟
 حميد • ابويا • ابوس رجلك الحقني •
 عبد الستار • لا • مانيش و كيلها
 نفوس • بتقول ايه يار اجل ؟
 عبد الستار • قصدي أقول إني و كيلها • و كيلها قوي •
 بليغ • دا ايه الكلام الفارغ ده (يخرج من جيبه كبشة فلوس)
 أنا مستعد ادفع مهر ضعف مهر سي فرحات •
 نفوس • دا كلام فارغ •
 بليغ • واكتب لام العروسة خمس فدادين •
 نفوس • بتقول ايه ؟
 بليغ • (يصرخ) بأقول إني ادفع ضعف مهر سي فرحات
 واكتب لام العروسة خمس فدادين ولاخو العروسة
 عشر فدادين • وادي لسكل واحد منهم أربعين جنيه •
 فرحات • (يصرخ) وأنا أدفع مهر ضعف سي بليغ و اكتب لأم
 العروسة عشر فدادين ولاخو العروسة عشرين فدان

- وأدي لكل واحد منهم ثمانين جنيهه .
- بليغ . (يصرخ) الفلوس في إيدي أهيه . الشاطر اللي يطلع
فلوسه
- فرمات . موش ضروري . الدفع مؤجل .
- بليغ . الدفع حالا دلوقت . مستعد خالص .
- فرمات . طظ . . . جيب السبع ما يخلاش . ان ما كدش النهارده
يكون بكره .
- المأذون . ما فيش داعي للخنق والزنبليطه . ولكن ما تكلموش
ليه في القيمة اللي تدفع للمأذون .
- بليغ . (يقول للمأذون بالعربي الفصيح) أدفع لك جنيهها مصريا
- فرمات . جنينين .
- بليغ . أربعة جنيهات والدفع حالا .
- فرمات . ثمانية جنيهات والدفع باكر .
- المأذون . والله ياسي فرحات المبلغ المدفوع خير من المؤجل فما
قولك في هذا ؟
- عبد الستار . الحمد لله . شايف وش نفوسه اتبدل حبه .
- نفوسه . لا . لا . ارجعوا الميزاد الأولاني . بتقول تدي كام لأم
- العروسة ياسي بليغ ؟
- عفيفي . ما تسمعيش الكلام ده يا اما . دا ما حلتوش ولا العمى
- بليغ . (يخرج حجة الاطيان) وكان معايا حجة الاطيان .

الشاطر اللي يطلع حجته .
عبر الستار . عفارم . عفارم يابليغ الله يزود في خيرك وكده تنغنغ
حاتك .

نفوس . ما تطلع الحجة ياسى فرحات
عفيفى . نسيها في البيت ياما بكره يجيبها معاه .
المازونه . ويا ترى الثمانى جنيهاً التي (الباب يدق)
نفوس . الباب يخطب . مين اللي جاي ؟
عفيفى . مين يا ترى ؟ (يذهب ويفتح الباب . يدخل ضابط
وعسكريان)

﴿ الشهر السابع عشر ﴾

الحاضرون . ضابط وعسكريان

الضابط . دا منزل عبد الستار افندي ؟
عبر الستار . نعم ياسيدي بيتي . لا سمح الله جرى حاجه . يعني ؟ أنا
والله ما عملتش حاجه ابداً
الضابط . لا . أنت مال كس دعوه . في واحد اسمه فرحات
افندي هنا ؟
عبر الستار . أيوه ياسيدي أهو قدامك . إصطفل معاه زي ما انت
عاوز .
الضابط . حضرتك فرحات افندي ؟

- فرحات • لآ . موش أنا .
- نفوس • موش أنت ازاي ياسي فرحات ؟
- عفيفي • هو جرى ايه يا صاحبي ؟
- الضابط • أنت بتفتكر ياسي فرحات اني مانيش عارفك •
وعارف سوابقك ، موش أنت النصاب المشهور في
الازبكية . أنا دورت عليك النهارده لما انفلقت .
قداي ع القسم قداي .
- عبد الستار • من غير مؤاخذه يا حضرة الضابط صاحبنا عمل ايه ؟
- الضابط • نصب على واحد بيه قدام شهود وإداله ورقه إعلان
مرسوم عليها بنكسوت بعشرة جنيه وأخد منه عشرة
جنيه فكه . خضرتة متهم بتهمة الاحتيال والنصب .
(للعساكر) ياللا أمسكوه . (يقبضان عليه) قداي .
- عفيفي • (لفرحات) موش قلت لك يا فرحات . كده عملتها في
وضيعة علي الجوازه •
- فرحات • ماعلش . ربنا يفرجها (يخرجون)

﴿ المشهد الثامن عشر ﴾

- الحاضرون • ماعدا الضابط والعساكر يان وفرحات
- عبد الستار • اللي يتشكل على الله ربنا ما يخيبوش .
- نفوس • ياسي بليغ البيت والنبي منور . منور خالص . ودا كله

عشان انك شرفته . وحياة النبي شرفت بيتنا
ياجوز بنتي

عفيفي • معلوم سي بليغ شرفنا وآنسنا . موش كده يانسبي ؟
بليغ • طبعا . . !

عبد الستار • موش قلت لكم كده من زمان ؟
نفوس • (تصرخ) قلت ايه . وعدت ايه ياراجل . أنت فاهم
اننا ما نحبش جوز بنتنا والا ايه ؟

عفيفي • انا عارف بيفتكر كده ايه
نفوس • وحياة أبوك ياغوز بنتي لما تجي تكتب لنا الاطيان
اوع تكتب حاجه للراجل قليل الادب ده .

عبد الستار • موش مهم . القصد ان بليغ يجوز جميله .
المازود • بالطبع حا يجوزها . وسي بليغ قلبه نضيف قوي
ووعدني انه حا يعطيني أربع جنيهات ، وأظن إنه رايح
يبر بوعده . أليس كذلك يا ولدي ؟

بليغ • ما تخافش !
نفوس • ياللا بقي نكتب الكتاب وبعدها نكتب الاطيان .
عفيفي • ايوه . ايوه . آمال ياللا بنا في المندره عشان كمان نكون
على راحتنا . (يهمون بالدخول فتدخل هاتم وخليفه)

﴿ المشهد التاسع عشر ﴾

الحاضرون • هانم • خليفة •

- خليفة • علي فين ياجماعه ؟
- عبر الستار • خليفة ، حبيبي يا خليفة جميله حاجوز بليغ •
- خليفة • موش قلت لك بلا قافيه اللي يتكل على ربه ما مخبشي
- عبر الستار • أحضني يا خليفة أحضني •
- خليفة • (يعانقه) بلا قافيه ماليش غيرك يا سيدي •
- عبر الستار • بلا قافيه انت خدامي الامين المحبوب (معانقا اياه)
- خليفة • انت سيدي وتاج راسي (معانقا اياه)
- هانم • بلاش بقى بوس وحضن • كفايه بقى احسن غرت
- عبر الستار • وياهانم فرحات قفشوه النهارده وجبسوه في السجن ،
- جبسوه تمام • حايدوق اللي دقناه يا خليفة
- هانم • (لنفسها) جبسوه • يافرحتي خاص عفيفي وفاضل لي •
- عفيفي • ياللا بنا بقى
- نفوس • ياللا ياجماعه ندخل المندره • (ترغرط)
- هانم • ياللا • ياللا الفرح جانا (ترغرط خلف نفوسه ونزل
- الستار وهم داخلون)

رواية

العشرة الطيبة

أوبرا بوف ذات أربعة فصول ومجموعة مناظر

وضع أزجالها

كتبها

بريغافندى غميرى

المهموم محمد بك نيمور

لحنها

الشيخ سبى درويش

(مثلتها لأول مرة فرقة الكازينو دي باريس بمسرحها)

تحت إشراف الاستاذ عزيز عيد مساء الخميس ١١ مارس سنة ١٩٢٠

مقوق الطبع محفوظة للناسخ

أشخاص الرواية

حاجي بابا حمص أخضر	من زعماء المماليك	عمره ٤٥ عامًا
الوالي	حاكم مصر	« ٦٠ »
سيف الدين	من وجهاء القاهرة	« ٢٤ »
حسن عرنوس	كبير أمناء الوالي	« ٤٠ »
الشيخ حزنبل	كيماوى حاجي بابا	« ٥٠ »
عبد الله بلطجي	من كبار حاشية الوالي	« ٣٨ »
باشكاتب	كاتب دائرة حمص أخضر	« ٤٥ »
خششبار	زوج الوالي	عمره ٤٠ عامًا
ست الدار	قروية	« ٢٥ »
نزهة (جليهار)	بنت الوالي	« ٢٠ »


سناجق . حاشية . جنود . فلاحون . فلاحات . وصيفات




« للرواية المصرية القديمة »

قام عند تمثيل الرواية للعمرة الأولى


اسطفانه روستي	بدور	حاجي بابا
محمد صادق سيف	«	الوالي
زكي مراد	«	سيف الدين
محمود رضا	«	حسن عرنوس
منسي فرامی	«	الشيخ حزنبيل
مختار عثمانه	«	عبد الله باطجي
عباس فارس	«	الباشكاتب
وقامت		
السيرة روزا لبوسف	«	خششبار
نظلي مزامی	«	ست الدار
برنظلي المسمى	«	نزهة (جابهار)





﴿ عزيز عيد ﴾

« المدير الفني لرواية العشرة الطيبة »



THE UNIVERSITY OF CHICAGO
LIBRARY

الفصل الاول

احدى ساحات قرية على ضفة النيل الغربية بجوار الجيزة . بيت
قروي على اليمين أمامه كومة من حطب القطن وعلى الشمال بيت
آخر من طرازه ويتوسط الساحة شجرة توت بأسقة تظلل أغصانها
(شادوفاً) وقف عليه قروي يشتغل وينشد .

(على الضفة الثانية يلوح قصر كبير أمامه كوبري من الزوارق
يصل بين الضفتين)

الوقت عند شروق الشمس

﴿ المشهر الأول ﴾

قروي • قرويات • ست الدار • صبي

(لحن)

فهرج • (مغنيا) واحده وه

بنات • (تتقدم صويحبات لها حاملات بلايص) جدّي ورا

مني •

فهرج • اتنين وه

بنات • هيلاليصه • هيلاليصه

فهرج • ثلاثة وه

بنات • عوافي يابو حفني

فهرج • يعافيك يا خالتي نفيسه (يسمع صوت ست الدار قادمة

- ووراءها غنم وصبي وكلب (غنم)
 ماء . ماء . ماء (صوت غنم)
 وله يا بخاتي فتح عينك على غماتي (بنت الرار)
 أحم مفتوحين (صبي)
 أربعة أوه (فروع)
 شوف كام نعجه (بنت الرار)
 ديهده . ايه . راحم فين الباقيين (صبي)
 طول ما هو ورا خالتك الحاجه ممش أغا وقعتهسا طين . (بنت الرار)
 هات يا عزايم . هات يا كرايم
 أتاني بهائم عبد الدائم راحو رشوة رخرين (صبي)
 خمسة أوه (فروع)
 هي . هي (بنت)
 يا خرابي (فروع)
 يوه حائر حلق (بنت)
 ياه . ياه . ياه . أنا سقت عليكو سيدي الانباني بلاش (فروع)
 الأوه والاياه والآه
 (يدخلون حاملين أدوات زراعيه) ما بقاش فاضل (فروع)
 نعزق واصل . غير قيراطين جبلي الفاصل حدا وابور
 الطحين .
 (ينتهي من شغله في الشادوف) الحمد لله . وخلصنا . (فروع)

بنات • أقعد بالعافيه ، ماشيين
 فطرح • وأنت مع السلامه يا حسنه . يالاً يا حته من المصارين
 ست الدار • فوت بينا غادي من اليامه دي (صوت كلب) يافيدو
 كلب • وووو (صوت كلب)
 ست الدار • جودع اليمين
 المزارعين والبنات • انضر يا بوى النجف الأصلى . النبي أحسن
 ع النسواين . دى الفلاحه من دوله بميه م الكخيات
 المتنفخين . قال يتغالبو عما يعاييو • علشان موش
 متقمطين ولا هماش عارفين . هو تلفنا و خلا ناشفنا
 غلب الغلب غير التمدن فوجو يا مصريين . (يخرج
 الجميع)

﴿ المشهد الثانى ﴾

سيف الدين ثم نزهه

سيف الدين • (يدخل من اليمين) النهار طلع ولسه الحبيب نايه . أهى
 نايه هنا فى العشه دى (ينادى) نزهه . نزهه . لسه نايه
 الققطوطه أما اضرب لها ع الناي شويه عشان أضحيا
 (يضرب ع الناي)

(لحن)

على قبد الليل ما يداوّل مسترضى بسهرى ونوحى

في حبك ياللي م الأول ما أشوفك تترد روجي
سنين وأيام دايب فيكي بزمارتي أصحكي
طول ماناوانت في الدنيا دي طظ في أهلي واجدادي
ح اروح على فين وأنت قصادي . . .

نزه . (تطل من النافذة) آه يا ترى ياربي ده هو والّا
لأحبوبي ؟

سبف . يا عين الحبوب من جوّه ياسبب وعدى ومكستوبي
يا كتنا كيتها

نزه . ياننوسه

سبف . يا قطا قيطها

نزه . يا حنتوسه

سبف . أنا في انتظارك من النجمه

نزه . أديني نازله

سبف . أما نهارك أبيض من طبق القشطه

نزه . (تنزل وتلتفت يمين وشمال) أوع يكون حد شايف طيفي

سبف . حطى في بطنك بطيخه صيفي .

شفقتي بتاكلني أنا في عرضك خليها تسلم على خدك

نزه . يوه . يادين النبي تنك سايح ماشبعتش من ليلة امبارح

سبف . ماتفكر نيش . أمّا دي حقّه كانت ليله في غاية الرقه

نزه . فاكر وانا حاظه ايدي في بطاطك قبلي الترعّه

سيف • علی غفله ملت علی ما اقدرتش أقولك أوعی
 • قت أنا بصیت . یمن و شمال . ساعة مالقیت . مافیش
 عزال . طبل طبلی . وزمر زمری . شقی بقی عنها
 ودغری خدتی عضه لکن صنعہ .

زهر • من یوم ما عرفت فی الآخر انک مستعبط ساهی ایش
 قلت المثل السائر یاما تحت الساهی دواهی

سيف • علیها عیون ماتلتقیهاش علی منادمین یا کده یابلاش
 زهر • علیہ مناخیر فشر النبقہ

سيف • أما نهودها فوق عن وقه . دانا ح تبرجل یا حدقه
 یا کتاکتها . یانوسها . یاقطایطها . ایدنی بوسه . وکمان
 بوسه . وکمان بوسه

شفتی بتساکنی أنا فی عرضک خلیها تسلم علی خدک
 یوه یا دین النبی الخ . الخ

زهر • کل ده طیب . أدحنا غنینا وانبسطنا وکل حاجه . مش
 تقعد نتحدث بقی شویه

سيف • کده برضو . یاللا تقعد نتحدث

زهر • شوف أما أقولک أدیک عارف وانت سید العارفین انه
 یاما جری وراه رجاله وشباب

سيف • عارف قوی . هو حد یقدر یشوفک ولا یجریش وراک

زهر • یاه . یاه . انت ح تعمل زیهم . اسمع آمال

- سبف . • أدینی سامع . قولى
 نزهه . • قال مرّه قال واحد جاب لي تحت الدفيهه كوزين دره
 يهاديني بهم عشان زى ما انت عارف
 سبف . • يا خبر !
 نزهه . • والتاني جاب متردين لبن . والتالت فطير مشلّمت والرابع
 قرص عسل . وكل ده عشان زى ما انت عارف
 سبف . • شيء عجيب . وبعدين ؟
 نزهه . • ولا قبلين ياسيف الدين . قلت لهم الكلام ده مايحوزش
 على نزهه . وكده نويت ماخدش الا راجل على نيانه
 سبف . • على نيانه . على نيانه . ازاي يانزهه ؟
 نزهه . • ولما شفت انك على نيانتك وما تهادنيش بحاجه عشان ...
 سبف . • زى ما انا عارف
 نزهه . • قلت أهه ده راح . ي ي ي . ما تقول الله
 سبف . • أقول ايه بس
 نزهه . • موش راح ت ت ت ت
 سبف . • ت ت ت ت . ايه بس ؟
 نزهه . • تجوزني ؟
 سبف . • أجوزك ؟
 نزهه . • ياه . ياه . أوعى تكون انت راخر عاوز .. زى ما انت
 رابي

سيف • لا والله يانزهه • أنا بس خايف من أهلي
 نزهه • جاك خابط انت وأهلك • موش فلاح بن فلاح والا
 يعني من يوم ما قعدت لك كلام يوم في البندر ولبست
 الحراير علوز ...

سيف • لا والنبي يانزهة • لا والنبي أبداً •
 (يسمع صوت ست الدار من الخارج)
 ست الدار • ماتحوش ياواد الجحشه بتاعتكم • ماتحوش • ياعم سالم
 إلحق الجحشه بتاعتكم سادّه على الطريق
 سيف • مين دي يانزهة اللي بتزقق ؟

نزهه • ست الدار
 سيف • ياخبر اسود ومنيّل على دماغك ياسيف الدين (يرتعش)
 ركبي سابت يانزهة • بطني مشيت يانزهه • الحقيني
 يانزهه •

نزهه • يو مالك عامل كده زي أبو الرعاش
 ست الدار • (من الخارج) ياعم سالم حوش الجحشه
 سيف • أيوه أهى عمّاله تزقق وتهاتي • أنا خايف يانزهة • خايف
 تيجي تطربق الدنيا فوق دماغك • قولي لي أعمل ايه ؟
 نزهه • دا خايف لسه !!

سيف • ماهي قال بتجبنى • قال واقعه في • عمر كيش شفت
 حب بلطش وضرب وترقيع صداغ ؟ علوزه اني أحبها

بالزور وان ما حبت هاش يا لله السلامة تفلح لي عيني ولا
تبطح راسي والا أهو والسلام ما اطلعش منها سالم .
تجيش بنا ندخل العشه

نزهه . شوف لما اقول لك . كل واحد منا يخش عشته .
أدخل انت عشتك وانا أخش عشتي (يدخلان)

﴿ المشهد الثالث ﴾

ست الدار . ثم سالم

ست الدار . (تدخل باحثة في المرسح فلا تجد أحداً)

الحن

يقطع فلان على علان دي الناس بقت زي التيران
رجالة الشوم نسوان اللوم ستين خناقه يا اخواتي في اليوم
لو كنت م اللي بالك فيهم اللي عصايه تجريهم
ما كانوا يموتوا في جلدكم ويحاسبوا مني كلهم
ان كان صغار . والا كبار يشوفوني يجروا بالمشوار
حتى لسان فشر التعبان في الرشح قوة ألف حصان
ضرب البراطيش . غيره ما عنديش اللي له بخت ما يعرفنيش
ما حدش يا اخواتي غلبي على الشنا كل لعني
غير مذهب الكلب ده هو اللي ملقح هنا هو
دايه في هواه . قال موش عجباه وحياة ده لنا مورياه

- (تشير الى الشعر المدلي على صدغها) (مقصودها)
 سالم . (داخلاً) ياه . ياه . مالك كده زعلانه وعامله أبو
 علي ؟
 ست الدار . يصح انك توجف لي الجحشه في السكه تسد علي
 الطريق ؟
 سالم . أيوه . علشان . . . جلي بيحبك
 ست الدار . واللي يحب حد يحوم يبعث له الجحشه تسد عليه
 الطريق
 سالم . ياه . ياه أمال يبعث له ايه ؟ انت ماسمعتيش في الامثال
 من القلب للقلب رسول
 ست الدار . يار اجل ابعد عني
 سالم . أبعد عنك ازاي : ما نيش عاجبك والا اه ؟
 ست الدار . عاجبي (تضحك) قال عاجبي
 سالم . (يزوم) بتتجالي علي . مانتيش شايفه سواد عيوني وحمار
 خدودي . يا شيخه ده ما يرفض النعمه الا الكافر
 ست الدار . شوفوا يا ناس بيقول ايه المنيل الأهبل . أنا يا راجل
 ما تجوزش الا واد حايموه شباب يقعد يلاعبي والاعبه
 وفي وقت الشده يحميني
 سالم . يحميني . سيدك يا شيخه سيدك .
 صبي . (من الخارج) الحق يا عم سالم . الحق الجرف انهيد

- واليه ختغرق الغيط
- سالم • موش فاضي يا وله موش فاضي
- صبى • (يدخل) ياعم سالم حرام عليك الغيط ختغرق
- سالم • ياواد ماني كان غرقان آهه
- صبى • ياعم سالم اعمل معروف
- سالم • (الى ست الدار) أروح اسد الجرف والا أقعد
- معاك أحميكي
- ست الدار • لا . لا . روح سد الجرف (يخرج سالم . هي تختفي)

✽ المشهر الرابع ✽

- سيف الدين • ثم ست الدار
- سيف الدين • (يدخل) الحمد لله يظهر انهاراحت في ستين داهيه .
- أنا عارف كانت تضرب محدث مع مين ؟ والله أنا كنت
- خايف لترقني زغد والا تشكني مقلب
- ست الدار • ياه . ياه . هو انت ؟
- سيف • سترك يارب . آه أنا ياستي
- ست • جرب شويه جرب
- سيف • وليه بقي ماهو كده طيب
- ست • بقولك جرب شويه
- سيف • وقعت يا سيف الدين • يا ستي بس عاوزه مني ايه ؟

اعلمي معروف .

ست . • عاوزه منك ايه . عاوزه منك ايه (تضع يدها على كتفه)

سيف . • أيوه عارف . عارف عاوزه مني ايه . بس عيني ايدك اعلمي معروف

ست . • يا حلاوته يا حلاوته . أما عليك جوز عيون فشر عيون بقرة عم جمعه . و عليك فم تقولش خاتم سليمان . و عليك خدود و عليك رواج تقولش رواج الجنة . أو عي تصدق انت من كفر الحاج محمود لازم تكون من المدينة . حبني هنا على خدي

سيف . • أبوسك ! يا خبر اسود

ست . • (تمسكه وتهده) ما نتش عاوز تحبني . وكل ده عشان البنات نزهه اللي جدد السحليه ، عشان ما بتتكحل وتتخطط وتنزوق . طب و حياة قبر أبوست الدار ماني عتقاها . (تهجم على العشة) راح أخرق عينها واقطع ايديها ووريها الغلب

سيف . • لا . لا . لا . تعالى (يسكها) تعالى أما أبوسك .

الذنب ذنبي أنا مش ذنب نزهه

ست . • طب حب يا للاقوام

سيف . • (يقرب ليقبلها فتقبله فيجري منها) أعوذ الله من

الشیطان الرجیم

ست • (تجرى خلفه) داهیه تخیبك وتخیب اللی يعرفك والله
ماني عتقاك

﴿المشهر الخامس﴾

• حزنبیل ثم مسون عرنوس

• حزنبیل (یدخل منفرداً) أدینی عمّال أدور علی البنّت الّی تصلح
لأن تكون عروسة صاحب المجد والجلال عیز أعیان
الممالیک المملوک ابن المملوک حاج بابا حص أخضر یاتری
خالقها والا لاً ؟

• مسون (یدخل منفرداً)

فارقص و دندن لکل قرد اذا کنت فی دولة القروود
أدینی أنا کمان عمّال ادور علی بنّت

(یری المعلم حزنبیل) المعلم حزنبیل

• حزنبیل صاحب السعاده حسن بک عرنوس . حاجب صاحب

المجد والجلال والی مصر

• مسون یامعلم حزنبیل . أمرتك بالكف عن التسایمات

• حزنبیل أبقى الله صاحب السعاده

• مسون یامعلم حزنبیل . أمرتك بالاقتراب منی

• حزنبیل أبقى الله صاحب السعاده

• مسون یامعلم حزنبیل أمرتك بتقبیل یدی

- **مزنبيل** . أبقى الله صاحب السعادة
- **حسن** . سيبك يا شيخ حزنيل بقي من صاحب السعادة وصاحب
التعاسة . فاكر ليلة ما كننا نلضم الليل بالنهار . فاكر
قوى ؟
- **مزنبيل** . فاكر قوى
- **حسن** . فاكر ليلة ما كننا ططميس احنا الاتنين ؟
- **مزنبيل** . فاكر قوى . فاكر لما طلعتنا ليلتها من بيت بنت المدعوه
وكان نفسي أركب حمارقت مالتقتش وأخير أزي ما انت
عارف (يشيريده علامة الركوب)
- **حسن** . عارف قوى . أما كنت زى الريشه يامعلم حزنيل
- **مزنبيل** . العفو مدحك يزيدني شرف يا صاحب السعادة . الآ
ما تقوليش ليه بقيت حاجب صاحب المجد والجلال والى
مصر . ازاي ترقيت على طول كده ازاي ؟
- **حسن** . من طريق واحد
- **مزنبيل** . أيوه ماهو بدّي أعرفه لاني مستغرب ازاي واحد
منعوص زيّك يبق حاجب صاحب المجد والجلال .
وأفضل أنا الكيماوي الشهير حتة كيماوى بسيط عند
واحد من المالك
- **حسن** . فيك من يكتم السر ؟
- **مزنبيل** . في بير

- مسن • من طريق النسوان
- مزنبل • وانعم بالطريق يا بطل
- مسن • وانت مبسوط دلوقت يا معلم حزنبل ؟
- مزنبل • اديني عمال اجتهد في قلب النحاس ذهب وعلى الله أصل
لنتيجة . وكان عمال اجتهد علشان أرضي سيدي صاحب
الابهه والكمال حاجي بابا حمص أخضر
- مسن • اسمح لي يا معلم حزنبل اني أقول لك ان سيدك
ما جوس تمام
- مزنبل • مش أحسن من سيدك اللي عملى زي شرابة الخرج
- مسن • أيوه . لكن يا أخي يتجوز خمس نسوان في سنه واحده
ويدبحهم زي الفراخ . ده شىء يضايق وما ينطقش .
وأظنه دلوقت عازب
- مزنبل • عازب من يوم الخميس وديني النهارده بدورله على عروسه
- مسن • طيب وح تدورله ازاي ؟
- مزنبل • ألقى له واحده من الفلاحين . أنا أعلنتهم النهارده الصبح
ودلوقت بجم هنا
- مسن • شوف لما أقولك . تعرف لو كنت مطر حك كنت
أعمل ايه ؟ ما فيش غير طريقه واحده . القرعة
- مزنبل • برضو كده . راح أعمل زي ما بتقول (يتهيا للخروج)
- مسن • أما انك بارد صحيح .

- مرزبل • عشان رايح أعمل زي ما بتقول ؟
- مومن • لأ موش تسألني أنا راخر جي هنا أعمل ايه ؟
- مرزبل • عندك حق • أما اني بارد صحيح • طيب وجي هنا تعمل ايه ؟

• مومن • شوف ياسيدي • المسئلة لها قصة طويلة وعريضة لها أول ولا لهاش آخر • أظنك سمعت ان الباشا الوالي كان خلف بنت من مدة ٢٠ سنة • قامت الأميرة حرم الباشا لما عرفت أن المولود بنت قامت حطتها في مشنه صغيره ورمتها في النيل وجابت ابن واحد فلاح وادعت انه ابنها • وبعد مضي ٢٠ سنة بلغ الباشا الوالي حقيقة الأمر فندهني امبارح وادالي مهله ٢٤ ساعه أدور فيها على بنته

- مرزبل • وان مالقههاش ؟
- مومن • وان مالقههاش تطير راسي يا حظ
- مرزبل • تطير راسك ؟ هو احنا فينا من طيران راس يا بن عرنوس السلام عليكم (يتأهب للخروج)
- مومن • يامعلم حزنبل • يامعلم حزنبل
- مرزبل • ما اعرفكش
- مومن • يامعلم حزنبل • تعالى ياشيخ • أما انك جبان صحيح • ياشيخ تعالى بق بتظن اني موش خالقيها • دانا عملت

كل وسيلة ورايح ألاقها

طيب وعملت ايه لحد دلوقت ؟

• هرنبل

شوف ياسيدي جمعت مجلس تنظيمات المدن والكباري

• مسون

وألقيت عليهم السؤال الآتي

س - يا مجلس هل يجوز أن نلقى بمشنة في النيل ؟

ج - يجوز اذا أمكن أن نشياها من البيت الى النهر

س - وهل يمكن نهر النيل أن يشيل المشنة على ظهره ؟

ج - يمكن اذا رميت له المشنة

س - ويا مجلس اذا حمل النيل المشنة على ظهره مافيش

حاجة في السكة تحوشها ؟

ج - الكباري

س - ويا مجلس فيه كباري على النيل ؟

ج - قدام عزبة صاحب الأبهة والكمال حاجي بابا

حمص أخضر • وعليه جيت هنا وأنا معتقد أن

الكوبري اللي قدام سراية سيدك المدهول ده هو

اللي حاش المشنة • وعليه تكون الأميره موجوده في

العزبة دي

• محسب بالنبي وسورة يسن • ايه ياشيخ العقل ده •

• هرنبل

جيبته منين قول لي • أما كده عقل وتفكير والّا بلاش

• برضه زي ما بتقول • تعرف يامعلم حزنبل آهو بالعقل

• مسون

والتفكير ده أمكنى أترقى في الوظائف

• هزنبل • سبحان العاطي من غير مناسبه (هنا يدخل سيف
يجري ويدخل عشته ووراء ست الدار فيراها حزنبل)
الله ست الدار أهه !!!

﴿ المشهر السادس ﴾

عزنوس • هزنبل • سيف الدين • ست الدار

• ست الدار • انت هنا يا معلم حزنبل ؟
• هزنبل • وما لك يا ست الدار مكروشه كده ؟
• ست الدار • ما فيش حاجه
• هزنبل • (يزغزغها) أما بنت وظوظ
• مسن • عيب يا معلم حزنبل عيب (يغازلها) • أما بنت مكبوسه
كبس، ومدكوكه دك
• ست • عين إيدك ما تخلنيش اتقص
• هزنبل • عيب عيب يا صاحب السعادة (يزغزغها) يا غزل البنات
يا سكر نبات .
• ست • ياه . ياه . شيل ايدك
• مسن • سبحان الله يا معلم حزنبل موش تروح تدور على
العروسه بتاعت سيدك !
• هزنبل • دهده يا أخي ما تروح انت راخر تدور على بنت سيدك

﴿المشهد السابع﴾

الحاضرون • كاتب • رجال • بنات • ولد

لحن

بنات • الأمر أمر الأغا باش اللي يقوله علينا ماشي
أدحنا جينا ولا سبناشي نتايه مليحه ما جنبناشي
هرنبل • يازعيط يا معيط يا ابو كبير يام شحير يام بكير
فيكو من كتم السر

الجميع • في بير

هرنبل • خير في سلامه

الجميع • وسلامه في خير

هرنبل • بقي سعادتلوا نخاملتوا مملوكتلو فشخرتلو

الجميع • أبصر مدركايه هاتلو وهكذا الى آخر هاتلو
الله يديم عزه ويتأيد ويوعده بزيارة السيد

هرنبل • ونفرح له بألف وليد م الخلفه ونرقص ونعيد
سيدكو وتاج راسكو الازعر نسل حنبوحه الا كبير

سنجق ممالك البندر حاجي بابا حمص أخضر

دينه وعقله وايمانه انه يغرق لودانه

ليل ونهار مع نسوانه فشر النمرود في زمانه

الجميع • راح يبق أحسن من دا توصل دي الناس مقامات يا اغازنبل

- بنات . • ان كان يدغنا نستحمل ما نقولش بم • قول • اتفضل
 فبناء ع الحبلفه عايز قطعوطه خفه
 ح تقيها من الطايفه ويحي لكو ياخدها بزفه
 كل نتايه بنت بنوت تدي اسمها بالمضبوط
 للباشكاتب عم هاروت توت • حاوي توت
 المجموع • توت حاوي توت توت حاوي توت
 مرتبل • ياللا ياوظاويظ قولو له على الاسامي
 كاتب • انت مين .
 ۱ - بنت • عائشه
 ۲ - بنت • فاطمه
 ۳ - بنت • خضره
 كاتب • دهده هو ليه عشر ادين
 بنت • وحياء أمك
 كاتب • طب تعالي
 بنت • زهره بنت الشيخ حسين
 كاتب • زهره زهروره زهرهر واسم والدها حسين ساكنه
 فين ؟
 بنت • في القصريه
 كاتب • آه ياريتنا موعودين لو يسـيبها حاجي بابا . كنت
 أكون م المسعودين

ست الرار • (منفردة) إلا يعني فيها آه يابت جالسي ما فيهاش
 حاجه آهي مطرح ماترسي اكتب اسمي ولا . لا .
 لازم اكتب المقايسه خير وبركه . يا مكتب

كتب • هيه

ست • شك اسمي وياد دولا

كتب • خرّ جوها

المجيب • ما بقاش اللادي رخره يكتبوها

ست • بتقول ايه ؟

كتب • بقول لك امشي

ست • وانت مالك جاك مشش ينتش قفص عمك وخالك .

بدّي أعرف ايه وحش فيّه أدني وأدي راسي وادي

عيني وادي خشمي والا يعني ماليش جماعه بيعشقوني

ده بدال الواحد ميتين عم يلاغوني هو كان علي راسكو

ريشه أما بلوى . ولا آدم مش ناقضي من أي حواء

مادام الرّك علي اللي تكون حليوة قبل منكم وغصب

عنكم . أيوه . أيوه . أيوه

مزنبيل • يا حضرة الكاتب كتبت الاسماء كلها ؟

كتب • كتبت . هاها . انما بعد زي ما أنت عارف

مزنبيل • زي ما أنا عارف ازاي ؟

كتب • بعد ما خدت قطه من كل خد

- **مزنبيل** • اخرص . هات الورق . عاوزين سبت نخط فيه الورق
المكتوب فيه الأسامي
- **بنت** • تعجبك المشنه دي يافندي . مشنه البننت نزهه
- **مصن** • مشنه البننت نزهه . لازم المشنه فيها سر . على الله
تكون المشنه اللي اترمت فيها بنت الوالى
- **مزنبيل** • مين اللي ح يمسك المشنه في ايده
- **مصن** • اذا حببت أمسكها أنا
- **مزنبيل** • وهو كذلك يا صاحب السعادة (سراً) ما شمتش لبننت
الوالى ريحه ؟
- **مصن** • لسه . لكن عندي احساس غريب بانى ح الاقيها
- **مزنبيل** • اسمعوا كلكم . أول اسم ح يطلع في الورقه . ح يكون
اسم العروسه اللي ح يختارها صاحب الابهة والكمال
حاجي بابا حص أخضر . لكن عاوزين ولد صغير ينتش
الورقه . عاوزين ولد جميل الصورة ، عليه عيون تشبه
عيون النرجس وخدود زي الورد
- **سالم** • فين المشنه يامعلم حزنبل ؟
- **مزنبيل** • ليه ؟
- **سالم** • عشان أنتش الورقه
- **مزنبيل** • أمش ياراجل . امش يا ابو وش وحش
- **سالم** • ياه ياه . تبقى أنت وسبت الدار والزمان

- مزنبيل • عاوزين ولد صغير. آهو ده اللي ينفع
 بنت • قدم ياوله قدم. بس أوعى تنتش الورقة اللي فيها اسم
 أمك (يخرج الولد الورقة ويعطيها لزنبل)
 مزنبيل • (يخرج) ست الدار

لحن

- الجميع • والله طيب يازمان الخلطيط
 الأ صايل يبقوا آخر الزمر طيط
 واللي كانت هرديسه وبزرميط
 طالعه في العلى واحنا في الغويط
 مزنبيل • ده بختك يا ابو بخت الراعيه بقى لها صيت
 ست الدار • اللي سعهه رزيت ما تهموش العفاريت
 الجميع • اللي سعهه رزيت ما تهموش العفاريت
 مسن • كله كوم الا المشنه دي كوم
 مسئله عاوزه نظر فوق لازم

اسمعوا ياهوه

- الجميع • أدى حنا سمعناين
 مسن • المشنه دي .. صاحبها الاصلى مين
 الجميع • المشنه دي ؟
 مسن • صاحبها مين باقول ؟
 الجميع • دي بتاعت البنيت نزهه

- حسن (يشير إلى البنات) مين في دول ؟
 • الجميع أدي عشتها حداك
 • حسن العشه دي ؟
 • الجميع أيوه هي • ايش عجب يادلدي ؟
 • حسن كلكم دلوقتي سكتر
 • الجميع كلنا ؟
 • حسن كلكم ماتستنوش هنا
 • الجميع كلنا ده ايه ؟
 • حسن عجر ماتسمعوش كلتي
 • الجميع نسمعها
 • حسن ياقه ماتخشوش
 • الجميع أما حنة فصل قال بيقول لنا . كلنا . كلنا . كلنا
 • حسن أيوه ياللا كلكم
 • الجميع كلنا
 • حسن أيوه ياللا كلكم
 • الجميع ياللا بنا كلنا . كلنا كلنا كلنا (يخرجون جميعا ماعدا
 حسن بن عرنوس)

المشهد الثامن

ممن عمرنوس مم نزهه

- ممن • كانوا يقولوا مشنة نزهه لما نشوف ست نزهه دي إيه
(يخبط على عشة نزهه)
- نزهه • مين؟ (تخرج) عاوز تقول لى حاجه يا حضرة الافندي
- ممن • كلمتين بس ياست البنات
- نزهه • مرحبا بك يا أفندي . قول
- ممن • أناح اقولك ياست البنات حنة تنفقه دين خبر لكن ..
- نزهه • أوع تكون انت راخر عاوز ... زي ما انت عارف
لا وحياء دقنك يا أفندي الكلام ده ما يكون أبداً
- ممن • لا . لا . لا . سيبك من الأفكار الوحشه دي . استني
لما أفهمك الحقيقه .
- نزهه • طيب ما تفهمني يا أفندي
- ممن • انت بنت مين ؟
- نزهه • بنت المرحوم السيد أبو سته
- ممن • ما فيش مره سمعتي فيها انك موش بنت أبوك
- نزهه • يقولوا كده
- ممن • وبالطبع شكيتي في أصلك وفي حسبك
- نزهه • حقه كاه الا دي يا حضرة الافندي . وحياء راس أبوك

ما قالوا إني مش بنت أبويه إلا علشان ما يتألسو عليه
 أما انك صحيح بنت على نياتك . فكري شويه . فكري
 أمال . ماتفتكريش أيام ما كنت بنت قطقوطه صغيره ،
 يعني أيام ما كنت بتجبي انك كنت في قصر كبير ،
 كبير قد العزبه دي بالي فيها . وعالي عالي طول
 المدنه . ماتفتكريش ان القصر ده كان مليون بحرس
 لا بسين بدل عماله تضوي ، وخدم وحشم ، وعبيد
 وجواري . ماتتشر فاكره انه كان مليون بالستات ،
 وأمراء وأميرات ، وواقف بينهم أمير على راسه حته
 نتفه دين تاج مالوش مثيل ، وعمال يتخايق مع مراته
 فاكره والا لا . افتكري . افتكري أمال

نزهة • عندك حق يا حضرة الافندي . برضه كده

مص • وموش بعد كده لقيتي نفسك عماله تجي في البحر .
 واليه حواليك والسما فوق راسك : افتكري أمال
 المشنه . المشنه اللي كانت عماله تنشال وتنهيد على سطح
 اليه . افتكري أمال

نزهة • كده برضو يا حضرة الافندي

مص • بس ولا كلمه بعد دلوقتي . أنا دلوقتي في حضرة صاحبة
 المجد والجلال . الاميرة جلبهار ابنة صاحب المجد والجلال
 فخر الدين أبو زعيزع الوالي

- نزهة • بتقول ايه • بتقول ايه ؟
- ممن • في حضرة الاميرة بنت الوالي نخر الدين أبو زعيزع
- نزهة • أنا بنت الوالي • بنت نخر الدين ؟ (ترغوط)
- ممن • يا بنت الوالي اختشي على عرضك
- نزهة • (ترغوط)
- ممن • يا بنت الوالي ما تفضحيناش
- نزهة • (ترغوط)
- ممن • اسمي • ح أقول لك حاجه ثانيه • اسمكتي • الله اسمي
- الحاجه اللي ح أقولها لك
- نزهة • عاوز تقول لى ايه ؟
- ممن • لازم أخذك دلوقتي عند والدك صاحب المجد والجلال
- الوالى • لكن قبله • ماتيش عاوزه تاخدي حاجه معاك ؟
- نزهة • ربنا يرزقك بالذريه الصالحه يا حضرة الافندي • عندك
- حق • ده أنا كنت ناسيه خالص • بدي آخذ معاي
- حاجه صغيره كده تحت باطي • (تنادى) ياسيف الدين
- ياسيف الدين

﴿ الشهر التاسع ﴾

مسن • سيف الدين • نزه

- سيف • (يخرج) انت بتندهيلي ياروحي ؟
- مسن • وايه أبو فصاده ده كمان ؟
- نزه • أبو فصاده ! جاك خابط في خشمك منك لامك . أهه
- أبو فصاده ده اللي ح اخده معاي
- مسن • وبرضو يصح انك تاخدي الفلاح ده معاك يا صاحبة
المجد والجلال
- سيف • صاحبة المجد والجلال !
- مسن • يصح انك تاخدي معاك أبو فصاده ده يا صاحبة المجد
والجلال يا بنت الوالي يا أميره
- سيف • أميره ! بنت الوالي ! إحنا في حلم ولا في علم . بت
يانزهة ما تتكلمي يابت
- مسن • إخرص . أما قليل الأدب ما تختشيش . مين دى ياواد
اللي بتقولها يابت ؟
- سيف • ما تأخذنيش يا أسطى • إيش عرفني
- مسن • اخرص
- نزه • بتصرخ في مين يا أفندي ؟
- مسن • في الواد ده . اللي ما تختشيش على عرضه ويقول لك

يأبت يأنزهه

- سيف . ما تأخذ نيش ياسيدي . مانيش فاهم
- مسن . روح بيتك خليك خفيف
- سيف . لا وحياة راس أبوك . أخرك تقيل قوي
- مسن . ياجدع خلي في وشك دم
- نزهه . دم يلهنك . أنت نسيت انك في حضره الأميره .
الأميره يا خبر اسود ما تقول يا سيف الدين
اسم أبويه ايه ؟
- سيف . اسمك . اسمك . طب وايش عرفني أنت مين حتى . .
- نزهه . ماني كنت بنت المرحوم السيد أبو سته . ودلوقت
بقيت بنت الامير . الامير . الحقني يا أفندي . اسم
أبويه ايه ؟
- مسن . يا جدع أنت دلوقت في حضره الاميره جلبهار بنت .
الامير نخر الدين باشا أبو زعيزع والى مصر . سامع .
اتفضل روح بقا . سيننا بقي . سيننا في حالنا . خلينا نروح
لبيت صاحب المجد والجلال أحسن الرجاله قربم أم
- نزهه . أنت بتطرده ليه يا أفندي . أنت نسيت انه يحى
معانا
- مسن . عيب يا أميره
- نزهه . بلاش كلام كثير . ومشي الاوامر .

(يدخل نفر من جنود الوالي بعضهم يحمل محفة —
تحتروان — يتبعهم قرويون)

﴿المشهد العاشر﴾

سيف • نزه • عرنوس • أهالي

لحن

الجميع • أن الآوان ياحلوه آن

والسعد كان مستني يومك من زمان

سيف • إتمخطري واتنندري

وانجقصي في التختروان

يانور العيون . خايف يكون

ح تنسيني يازينة البنات .

نزه • بكره تشوف . جنياهات ألوف . وأزروطك بالنشانات

سيف • مهما أسوح ولا أنوح

ده أنا أروح وراك كر دفان

اتمخطري واتنندري

وانجقصي في التختروان

الجميع • أن الآوان ياحلوه آن

والسعد كان مستني يومك من زمان

(هنا يظهر حاج بابا في قوارب في النيل ومعه رجاله .

فيرى نزهة وهى محمولة فيعجب بها وتخرج نزهة
وجاءتها ويدخل المعلم حزنبيل وجهود من الفلاحين
والفلاحات)

﴿المشهد الحادى عشر﴾

ماجى بابا • مزنبيل • فهد موه • فهد مات
الجميع • يالى تصلي ع النبي تكسب
ده حاج بابا في وسط الموكب
فشر قمر ليلة اربعناشر

(تقف المركب وينزل حاج بابا)

ماج بابا • ناسن نساء ناسن رجال
تشكرات على احتفال

زرعت • مدارس حرام حلال • ما فيش لزوم كلام كتير
دوشة هموم • عسكر خفير • أهيت يوك موش أمان أمان
الجميع • حاج بابا شوك ياشا

ماجى • من حيث قضاياات مخاصات

مش فاذي أعمل تحقيقات

مادام من الله يوم قيامت

عاقب أثيم جازي كريم

عنده جعيم ، عنده نعيم

كلم هو شكوى . أمان أمان

الجميع • حاجي باباشوك ياشا
 مامي • أما • برنجي مناقشات

هي من خصوص أم عروست

سكر نبات غزل البنات

لازم حاجات مملظاظات مناورات

مناغشات الطي أقه

نهودلار أمان أمان

الجميع • أمان أمان • حاجي باباشوك ياشا

مامي • فراج شريف أبهتلري

• بنده نتايه • حلوه تري •

كل بقاوات • كل (جنبري)

• كسر عبيد • موّت جوار •

سرايات نخيم بساتين لار

مصمصه حنشصه عبوب

أمان أمان

الجميع • أمان أمان • حاجي باباشوك ياشا

مامي • حفارة أنا إمسك زمان

خمسه حريم لكن حسان

كاه توفي جنة مكان البركات في الموجودات

دنيا انبساط وتمتعات ستمات سبعيات • أمان أمان

الجميع • أمان . أمان . حاجي باباشوك ياشا

- مامى • انت جيت يا حضرة الكيماوي
- مرزبل • يا صاحب الأبيه والكمال (ينحني مقبلا طرف ثوبه)
- مامى • تعرفش افندم . مين افندم . بنت شايله على دماغه
افندم . حسن بك عرنوس افندم
- مرزبل • دي الأميره جلبهار بنت صاحب المجد والجلال الوالي
- مامى • تحاف . تحاف افندم . تحاف . والله مع ذلك بكره
يشوفه افندم في قصر الوالي . لما أدخل على عروسه
جديد مصون
- مرزبل • أيوه مع حرمته الجديدة
- مامى • حرمه . انت كلم حرمه : ادب سيس خرسيس
- مرزبل • وابن كلب كان بس ماترعلش
- مامى • كوركه . والعروسه رأيك فيه ايه يا أغا حزنبيل ؟
- مرزبل • على كيفك تمام يا صاحب الابيه والكمال
- مامى • معناه افندم قباحت رزالت وساخت يوك ؟
- مرزبل • يوك
- مامى • زبلحات . سخافات ؟
- مرزبل • يوك
- مامى • أما أداب . تريبه . أخلاق . ابتهاج

- مزنبيل • يوك
- مامبي • (مزجرا) أدبسياس . خرسيس . مرسيس
- مزنبيل • (متقهقرا) وار . وار . وار . بس ما ترعلش
- مامبي • كور كيه اغا حزنبل . موش يخاف انا مبسوط عشان
- عروست
- مزنبيل • عندك حق لـكن اللي عملناه مع العرايس اللي قبلها
شيء يصد النفس
- مامبي • معناه افندم بست (يعمل بيديه حركة الذبح)
- مزنبيل • أبوه بست • ما هو انا اللي عملتهم بست يا صاحب
الآبـه والـكـمال
- مامبي • بولازم • بير هانم كفاية يوك • ايكي هانم كفاية يوك •
أواش هانم كفاية يوك • درت هانم كفاية يوك • لازم
تغيير ، تبديل ، تشنيع ، ترقيع
- مزنبيل • عندك حقين يا صاحب الآبـه والـكـمال ولـكن . . .
- مامبي • (مقاطعاً) ولـكن جنسه ايه عروست ؟
- مزنبيل • هانم
- مامبي • بك هانم ولـكن جنسه ايه هانم ؟
- مزنبيل • جميله جداً ، جوزال
- مامبي • بك افندم . ولـكن جنسه ايه جوزال ؟
- مزنبيل • بيضه زي الفل وحلوه زي الشرابات

- ماهي • بك افندم ولـكن جنسه ايه، شربات، جنسه ايه فل؟
 • مرزبل • فل مجوز • وشربات يخلي الواحد يريل
 • ماهي • بك افندم ولـكن جنسه ايه؟
 • مرزبل • انت ح تطلع مداهي ليه؟ اهيه جايه اهيه • شوف
 بعينك (تدخل ست الدار)

﴿الشهر الثاني عشر﴾

الحاضرون . ست الدار

لحن

- الجميع • يا حلالك يا بلالك يها
 يا حلالها يا بلالها بيك
 فرحه وكانت عينك فيها
 شوبش ياسيد الممالك
 • ماهي • أنت شوك قيمتلي عفارم
 حنة نتفة شتلبطات
 جل بورده نر، هيدي، بيرم هانم
 • الجميع • يقول لك سلامات سلامات
 • ماهي • علم الله افندم فيه حرارات
 درجة ميت غرام ايلري
 صحة وارسن قوة وارسن لحم شحم حاجة طاخات

الفصل الثاني

(ترفع الستار عن سراي الوالي : عرش فاخر . حجرة مفروشة
على الطراز المصري في عهد المماليك . شباك يطل على البستان . زوجة
الوالي جالسة على كرسي وبجوارها جوارى من المماليك)

﴿ المظهر الأول ﴾

زوجة الوالي . قهرمانه . جوارى

- الزوجة . (بحرقة) آه
- الجوارى . (مرددات انتها) آه . آه
- الزوجة . آه . آه
- الجوارى . آه . آه
- الزوجة . آه (تبكي)
- الجوارى . آه (يبكين)
- الزوجة . قلب محروق . أفكار وعقل يوك . لا راحة في الدنيا
- الجوارى . لا راحة في الدنيا
- قهرمانه . يا دولة الأميرة . يا زوجة صاحب المجد والجلال ، مالك
زعلاؤه أديك لقيت بنتك بعد ما عاشت ٢٠ سنة في
الفلاحين . عاوزه بعد كده ايه يا دولة الأميرة ؟
- الزوجة . قهرمانه . ولكن حبيب نير ده ، نير ده حبيب أفندم ؟
- قهرمانه . جى في السكه افندم

- الزوجة • آه . آه
- الجواري • آه . آه
- الزوجة • والله قهرمانه ثلاثة يوم ما شفتوش
- قهرمانه • معلمش يا صاحبة المجد والجلال يمكن دلوقت تشوفيه
- الزوجة • أنا بعثت اثنين عساكر عشان جيبه . ولازم جيبه
- قهرمانه • أيوه آمال حالا يجي
- الزوجة • آه . آه
- الجواري • آه . آه

(تدخل جارية وتهمس في أذن الأميرة فتهب فرحة)

- الزوجة • حبيب جلدي
- الجواري • حبيب جلدي
- الزوجة • بقشيش واجب (تشير للجواري فيخرجن) خاين
- (لعبد الله باطيجي) والله خاين

﴿ المهر الثاني ﴾

زوجة الوالي • عبر الله بطيجي

عبر الله بطيجي • (داخلا) لا حول ولا قوة الا بالله

الزوجة • شوك خاين . والله شوك خاين . خاين

عبر الله • وقعت يا عبد الله . وقعت والسلام

الزوجة • زرار يوك . اركع اركع

عبر الله • حاضر

- الزوجة • عفو واحسان وصفح استرسن ؟
- عبد الله • بتقول ايه بس ؟ ايفت افندم . ايفت افندم
- الزوجة • پکى . پکى افندم . عبد الله بك بلطجي صنيحنا عنك
- عبد الله • أوب بنا افندم ، بوس بوس والله بوس
- عبد الله • ما تتيش خايفه ان صاحب المجد والجلال يا خل علينا
- الزوجة • وتبقى مصيبه مالهش أول ولا آخر
- الزوجة • هو افندم صاحب مجد وجلال . أنا کمان افندم صاحبة
- عبد الله • مجد وجلال
- عبد الله • طيب ياستى . الامر لله
- الزوجة • عبد الله بك يا حبيبي . ياروحي . يانور عيوني . تعالى
- عبد الله • أوتر برده
- الزوجة • يعني اقعد هنا لا . لا ياستى لا أوترأيه بس وأنا قدام المقام
- عبد الله • عبد الله بك بلطجي أوتر برده
- عبد الله • ياستى ما أقدرش أبداً أقعد هنا . أخف . أخف يجي
- عبد الله • صاحب المجد والجلال والأبهة جوزك تبقى مصيبه
- الزوجة • ياستى
- عبد الله • عبد الله بك بلطجي . أوتر برده
- عبد الله • (يجلس الى جانبها) حاصر . حالا
- الزوجة • آه يا عبد الله أحبك . أحبك يا عبد الله بن سناشوك
- سيفرم افندم

- عبد الله • (لنفسه) أترجح يا عبد الله أترجح ياخويه
- الزوجة • عاوز استني كاه طول عمري أفندم
- عبد الله • طول العمر ؟ ياخبر اسود
- الزوجة • آه أحبك عبد الله والله عبد الله أحبك
- عبد الله • (لنفسه) أما أشوف لى حاجه عشان أخلص منها (لها)
- كويس • اسمعي يا صاحبة المجد والجلال أنا عندي خبر
- كويس قوى بدى أقول لك موش تسميه أحسن ؟
- الزوجة • عبد الله • أخبار مخبار سيده بالله • كلم حب • كلم حب
- كلم حب
- عبد الله • ده حب بأ كراه • أما حب استعماري صحيح
- الزوجة • كلم حب • كلم حب
- عبد الله • طيب موش تشكلمي أنت
- الزوجة • عبد الله بك بلطجي • بن سناشوك سيفرم
- عبد الله • أمال لو كنت بتكرهني كنت تعمل في إيه ؟ اسمي
- يا تي أنا بدى أكلك عن الحب • ما هو الحب بتاعنا
- ده لازم يكون (هنا تسمع ضوضاء)
- الزوجة • والى قادم • والى قادم بوس • بوس قوام
- (يقبلها وينصرف كلاهما من باب ويدخل من الباب الكبير)

﴿المشهر الثالث﴾

حسن بك عزنوس . هاشية البهرط

لحن

عشان ما نعلا ونعلا ونعلا .

لازم نطايطي نطايطي نطايطي

عشان ما نعلا ونعلا ونعلا .

لازم نطايطي نطايطي نطايطي

بسلاامته الوالي أبو زعيزع

مهجص باشا دقن تعيتع

أفيونتته تملي آل إيه

نترصص ديماً حوليه

نروح واقفين زنهار

زي القط والفار

تلقاه ديماً منفوخ

ننشر له طاخ طيخ طوخ

الرك على حبة بلوتيكة

وذمه كاويتشوك خرباه

مادام الامير ملنه أنتيكة

لازم الرعية تكون وحلانه

- الجميع . الرُّكْ على حبة . . . الخ
 • حسن . حزر فزر ياواد انت بعقلك
 بعد الحنشة دي اللي إنت عليها
 ياهنتري الدنيا دي ح تروق لك
 وتشوف ما شافه قرقوش فيها
 الجميع . تعرفش المسئلة إيه عرنوس متعفرت ليه؟
 • حسن . من حق سامات إيش حال القفوات ؟
 الجميع . محسبك
 • حسن . ياخي سيبك
 الجميع . أول شرط نطايطي البصله لسيدنا الوالي ونستعبط له
 • حسن . مهما تسمعو تهجيص اعمالوا روحكم بلايص
 الجميع . مهما نسمع تهجيص نعمل روحنا بلايص
 عشان ما نعلنا ونعلنا ونعلنا
 لازم نطايطي نطايطي نطايطي

﴿ المشهد الرابع ﴾

الحاضرون . الوالي

- ماجب . (يدخل) صاحب المجد والجلال الوالي
 • حسن . صاحب المجد والجلال الوالي فخر الدين أبو زعزيع
 الوالي . (يدخل) ما شاء الله . ما شاء الله . جمال جمال . إن الله

جميل يحب الجلال . حسن بك عرنوس

حسن . أفندم

الوالي . اقرأ دفتر ترتيبات

حسن . سمعاً وطاعة . في الساعة العاشرة مقابلة الامير سيف

الدين طالباً القرب من صاحب المجد والجلال مولى المولى
في بنته الاميره جليهار .

الوالي . شوك جوزال

حسن . ويكون ذلك بعد أن تغني له في البستان فرقة

صاحب المجد والجلال انشودة الاستقبال أولا هي

هنا مقص وهنا مقص

عبدالله . (مكملاً) هنا عرايس بترص

هنا بنت حجازيه

شعرها ضاني ضاني

والي . سوس سنا ابن الخنا . حسن بك عرنوس اقرأ دفتر ترتيبات

حسن . سمعاً وطاعة . وبعد أن تقابله الحجاب والقواد ندخله

على صاحب المجد والجلال وعلى صاحبة المجد حرم الوالي

وبعد ذلك يجري ما سيجري بينهم

والي . شوك جوزال . ثم ..


حسن . وفي الساعة الحادية عشر يشتغل صاحب المجد والجلال

بالنظر في ترتيب صنف الاحوم والشكل الذي سيجوز



﴿ الشيخ سيد درويش ﴾

« ما نحن رواية العشرة الطيبة »



به الأُمير سيف الدين

والى • الله • الله • الله • ثم (يصمص بضمه)

• وفى الساعة الحادية عشر والدقيقة اربعتاشر يشتغل

صاحب المجد بترتيب صنف الطارثي والمحشي للسفرة

التي ستجهز للامير سيف الدين

والى • ماشاء الله • ماشاء الله • ثم

• وفى الساعة الحادية عشر والدقيقة ٣٠ يشتغل صاحب

المجد والجلال بترتيب الحمام الذي سيعد للامير

سيف الدين

والى • حسن بك عنوس

• أفندم

والى • لكن هو ه عاوز حمام سخن ولا بارد ؟

• بارد يامولاي (ضحك من الجميع)

والى • عبد الله بك بلطجي

• عبد الله • انندم

والى • من اذنك بالكلام ؟

• عبد الله • أنا ما اكلمتش يا صاحب المجد والجلال

والى • عبد الله بك بلطجي • من اذنك بالكلام ؟

• عبد الله • والله العظيم يا اخونا بقى ما انفتح أبدا ...

والى • عبد الله بك بلطجي • من اذنك بالكلام ؟

عبد الله . طيب وحياء راس صاحب المجيد والجلال أنا ما

اتكلمتش أبدا

والى . اسمع اذا طلبت منك أن تكلمنى يجب عليك أن

تسكت . اتقوه (يبصق عليه) حسن بك عرنوس اقرأ

دفتر ترتيبات

مسن . وفي الساعة الثانية عشر دخول الانسة العظيمة الى

المائدة لتناول الطعام

والى . ثم .

مسن . ثم استقبال الامير . ابن الامير صاحب الابهة والكمال

حاجي بابا حمص اخضر عشان ما يقدم لكم زوجته ست

الدار

والى . ثم .

مسن . ثم . انتهى

والى . انتهى . دلوقت أفندم كله لازم وضب نفسه عشان

استقبال أمير سيف الدين . أنا مبسوط منكم جداً . . .

سكتر پره . عبد الله بك بلطاجى (يخرج الجميع ماعدا

عبد الله بك وحسن بك)

عبد الله بك .

عبد الله بك .

عبد الله بك .

عبد الله بك .

﴿المشرع الخامس﴾

والى • عبد الله بالحجى • من عمره

عبد الله • افندم
 والى • استنى . في أي ساعة قمت من النوم النهارده ؟
 عبد الله • في الساعة الى تعجب صاحب المجد والجلال . اذا
 حبيت الساعة اربعة واذا حبيت الساعة ستة . اذا حبيت
 الساعة عشرة زى ما انت عاوز

والى • لعنة الله على الكاذبين . انت قمت من النوم ساعت
 سبعات ، نزلت حديقات ، فسحبت شويات ثم جيت
 ولايت هانمات

عبد الله • يا خبر اسودات . يا صاحب المجد والجلال . ما تعودناش
 منك الا قول الحقيقه . صحيح عملت كده وقابلت
 صاحبة المجد والجلال حرم صاحب المجد والجلال علشان
 أقدم لها تحيات

والى • وعلى ذلك . انت عندك هانم ؟

عبد الله • لا . مش متجوز

والى • عندك أولاد ؟

عبد الله • اذا كنت مش متجوز طبعاً ما عندك أولاد

والى • كوركه عبد الله بك هوش يخاف حرمكم وأولادكم

سيكونوا خرمي وأولادي • عبد الله بك بلطاجي حكمنا
عليك بالموت • سكرت بره • حسن بك عرنوس حكمنا
عليه بالموت (يخرج عبد الله)

﴿المشهد السادس﴾

النوالى • حسن عرنوس

حسن • لا حول ولا قوة الا بالله العلي العظيم
النوالى • حسن بك عرنوس • حكمنا عليه بالموت
حسن • نعم الفوائح • يا صاحب المجد والجلال • لنهاية دلوقتي
قتلنا أربده عشان قابلو صاحبة المجد والكمال • كان
عاوزنا تموت الخامس

النوالى • والسادس والسابع والتامن
حسن • يا صاحب المجد والجلال • الموت ما بيكفكش حاجه
لكن أنا أنا الى باطير دماغهم بايدى • لا أخفي عنك
انه بيعتريني بعد ان انفذ فيهم حكمك نوبات عصبية
تهزني في سريري هذا فأقوم من السرير وانا انتفض
انتفاضا فاسمع صرخا هائلا يصرخ صوتا عظيما هائلا •
مظلوم مظلوم

النوالى • (مأخوذاً) لا حول ولا قوة الا بالله

حسن • فأصيح أنا • أين الظالم أين الظالم

النوالی . حسن بك عرنوس . اعلي معروف دی کمان موّت
 وبعدين موش موّت ابدآ . انا کمان والله خايف کثير
 ابدآ ما اموتوش . اسکت احسن حالي العصبية
 تريت . مظلوم . أين الظالم . مظلوم . أين الظالم .
 بالله عليك حسن بك عرنوس . دی کمان موّت بعدين
 موش موّت ابدآ . بالله عليك انا کمان والله خايف کثير
 (يبكي)

حسن . تبكي يا صاحب المجد والجلال !
 النوالی . والله انا خايف کثير . لکن مملش دی کمان موّت
 بعدين موش موّت ابدآ
 حسن . لا يسعني امام دموعكم ومسكنتكم وتهزيتكم الا الخضوع .
 سيموت اليوم عبد الله بلطجي
 النوالی . ماشاء الله . ماشاء الله . ماشاء الله . عفارم عفارم
 وشوف دي موّت بعدين موش موّت ابدآ
 حسن . وهو كذلك .

والی . دلوقت کلم عن سياست بلاد
 حسن . وهو كذلك
 والی . دلوقت کلم . بالله حسن بك عرنوس . کلم عن سياسة
 بلادنا . والله موش يعرف حاجه ابدآ . فيه حاجه جديد
 حاجي بابا حص اخضر ائل ايه ؟ موّت هانم . جوّز

- هاتم . بو والله شوك رزالت
- حسن بعد ما موّت مراته الخامسه . الست دلبار . رحمت شفّته
وأقول لك الحق ما قدرتش أقعد وأكله
- والى شوك رزالت لازم
- حسن ليه ياسيدي . هو موّت خمس ستات وأنت موّت
خمس رجاله
- والى أنا أفندم والي صاحب مجد وجلال . هو مملوك . لازم
استعمل كرباج
- حسن مع مين ؟
- والى مع حمص أخضر . مملوك ؟
- حسن أنت نسيت أنه عنده مدافع كثيره وميت ألف بندقيه
وثلاثماية الف عسكري
- والى وأنا عندي . أنا عندي . . أنا عندي حسن بك عرنوس
أنا عندي كام ؟
- حسن ولا حاجة . خمس بنادق مكسرين ومدفع ملخلخ ويججي
خمسين الف عسكري
- والى فقط
- حسن فقط
- والى وزير حرية أعمل إيه ؟
- حسن سايبها تهوى وقاعد يبصبلص الستات

والى • هاهاها يبصبص لهوانم وظاويظ . وزير حرية كان
لازم كان إغزمننا علسان يبصبص هوانم وظاويظ .
غفارم اذا كان الأمر كذلك . لازم شوية تمحيصات
عشان حمص أخضر

مسن • موش بس كده لازم لما يجي هنا نخطه على راسنا

والى • لازم أفندم . لازم أفندم (يدخل الحاجب)

الحاجب • مجلس السناجق

والى • حسن بك عرنوس . عهد الله بك بلطاجي لازم بست

(يعمل بيده حركة تفيد القتل) حالا (يخرج عرنوس)

﴿المشهد السابع﴾

الوالى . السناجق

السناجق • (يدخلون) السلام عليكم يا صاحب المجد والجلال

والى • ورحمة الله وبركاته . داخلية باش سنجق

السنجق • أفندم

والى • أخبار يوك أفندم . أخبار السنجقية يوك أفندم

السنجق • أخبار السنجقيه يامولاي كثير جداً . أولها أنا لصفتي

باش سنجق الداخلية . أصبت أمس بمغص داخلي في

الامعاء الغلاظ وأصيب الوكيل بصداع داخلي في المخ .

وأصيب السكرتير بورم داخلي في القلب وأصيب

- رئيس القلم بخراج داخلي في السكبد
 والى • وأصيبت السنجقية
 السنجق • بخال داخلي في جميع أجزائها
 والى • عدليه باش سنجق
 -سنجق • أفند من
 والى • أخبار يوك أفندم؟
 -سنجق • أخبار سنجقيه العدليه يامولاي كثيره جداً. أولها
 أصدر قرار بحبس المتهمين قبل محاكمتهم. وثانيها إلغاء
 لفظ محامي من جدول القضاء. وثالثها إصدار قرار
 بأن يكون القاضي أخرس أطرش مكسح أعمي
 والى • وبعد ذلك أتم عمل ايه؟
 -سنجق • وبعد ذلك يامولاي ما فيش حاجه ألعب النطه في
 المحكمة والعدل يجري مجراه
 والى • تشوك جوزال. خارجيه باش سنجق. خارجيه باش
 سنجق
 -سنجق الدافليه • توفي يامولاي لرحمة مولا.
 والى • مات! لا حول ولا قوة الا بالله. أمتي مات؟
 السنجق • نفذ فيه حكم الاعدام من مدة خمس سنوات يا صاحب
 المجد والجلال (يكون جميعاً)
 والى • لا حول ولا قوة الا بالله. موش عارف أبداً.

زراعت باش سنجق

-نجوى الزراعه . افند مز

الى . اخبار يوك افندم ؟

-نجوى . الاخبار يامولاي كثيرة جداً أولها اصدار قرار بمنع

زراعة القطن واستبداله بشجر الأبو فروه وثانيها ري

الأراضي بمياه البحر الأحمر بدل مياه النيل . وثالثها

تحریم استعمال السباخ البلدى واستبداله بسباخ

الأبو فروه

الى . ورابعها ؟

-نجوى . ورابعها تحریم الصيد في الغيطان وتحليله في الشوارع

والخارات

الى . تشوك جوزال . . مالية باش سنجق

السنجق . أفندمز

الى . اخبار يوك ؟

السنجق . اخبار سنجقيه الماليه كثير قوى يامولاي . أولها

إصدار أمر بأن كل فرد من أفراد الرعيه اذا لقي جنيه

ذهب في السكه لازم يقف قدامه ويضرب له سلام

ويقول له هل هلاك شهر مبارك . وثانيها اصدار

أمر باستعمال ورق النشاف للتعامل . وثالثاً اصدار أمر

بترميم السنجقيه قبل ما تهوى

- والى • ورابعاً
- سنجق • ورابعاً اصدار أمر بالافلاس العام
- والى • تشوك جوزال • حريه باش سنجق
- سنجق • أفندمز
- والى • أخبار يوك أفندم ؟
- سنجق • أخبار سنجقيه الحريه كثيره يا أفندم . أولها اصدار قرار بالاكثر من الضباط والتقليل من الجند . وثانيها اصدار قرار بان الجيش ما يدافعش عن الوطن . وثالثها لباس الجند ملابس شيخ الحارات
- والى • ورابعاً ؟
- سنجق • ورابعاً اصدار أمر بتسريح الجيش عند اعلان الحرب
- والى • تشوك جوزال • • أشغال باش سنجق
- سنجق • أفندمز
- والى • أخبار يوك أفندم ؟
- سنجق • أخبار أفندم ما فيهاش الا خبر واحد وهو اصدار أمر ببناء خزانات لتحويل مياه النيل عن مجراه الاصلي
- والى • تشوك جوزال • • معارف باش سنجق
- المعارف • أفندمز
- والى • أخبار يوك أفندم ؟
- سنجق • أخبار كثيره قوي أولها اصدار أمر بالغناء علم الاداب

ولستبداله بعلم البلوتيكه • وثانيها اصدار أمر بافقال
المدارس سبعة أيام في كل اسبوع

والى • وثالثها

• اصدار أمر باستعمال بودرة العفريت لعقاب التلاميذ

والى • ثم

الجميع • انتهى

والى • انتهى تشوك جوزال • انا والله ممنون كثير والله

ممنون ولكن حيث انه انتهى يالا سكتر بره

الجميع • بكى أفندم (يخرجون)

المشهد الثامن

الوالى ثم الزوجه

والى • أف والله العظيم باش سنجقي بو تشوك رزالت

ووقاحت

الحاجب • (يدخل) صاحبة المجد والجلال زوجة صاحب المجد

والجلال الوالى (تدخل)

والى • صباح خير أفندم

الزوجة • صباح ثم أفندم • صباح عيون تبطيظ • صباح

رؤوس بالبرطوشه ترقيع • صباح وجوه تفوه (تبصق)

والى • (بخوف) صباح خير أفندم

- زوجه • صباح عمی • صباح موت • صباح مشاجره و خناق
 صباح خلیصه و نفاق • صباح اتقوه
 والی • (بخوف اکثر) صباح خیر افندم
 زوجه • صباح تقلیح عینیک • صباح تقطیع ایدیک • صباح
 لعنة الله علیک • صباح اتقوه
 والی • صباح خیر افندم • أخبار یوک صاحبہ مجد و جلال
 زوجه • أخبار وار أخبار یوک • أخبار موجود أخبار یوک •
 أخبار ملعون أخبار مبروک کاه زی بعضه
 والی • (موافقا) هاهاها کاه زی بعضه افندم
 زوجه • سوس سنا کافر ملعون • کو بک میمون • قرد ملعون
 سوس سنا
 والی • وهو كذلك افندم • واسکن
 زوجه • سوس سنا افندم • صباح یوم تبلیغ أخبار انکم علوزین
 جوڑ بختکم لامیر سیف الدین
 والی • إقت افندم • لازم زواج یکون
 زوجه • وان کان زواج لا یکون
 والی • لا • افندم زواج لازم یکون
 زوجه • (بحدة) و اذا کان زواج لا یکون
 والی • (متراجها) افندم زواج لا یکون
 زوجه • بنتنا جلبهار حب یوک سیف الدین

- والى • زرار يوك أفندم موش لازم
- زوجه • سن تخيب بخت ابنتنا استيرسن • سن توقيف حال
- ابنتنا استيرسن • سن ترفيت حياة ابنتنا استيرسن •
- سن والله بالبرطوشه استيرسن ، سن ••••
- والى • (باححتاج) ولكن...
- زوجه • (مقاطعة بعنف) ولكن
- والى • بكى أفندم. ولكن حدة وصراخ بوتشوك رزالت •
- والله صاحبة مجد وجلال حدة وصراخ بوتشوك
- رزالت • بن سنا والله تشوك سيفرم • اجلس ، اجلس
- بالله عليك
- (تسمع جلبه وكسر أواني)
- زوجه • ابنتنا كسر كل حاجه • سامع أفندم كسر كل حاجه
- والى • أوعه يكون ابنتنا كسر حق • نزول أفندم (تدخل
- جلبهار)

﴿المشهد التاسع﴾

الوالي • الزوجه • جلبهار

- جلبهار • قال يقولوا انك عاوز تجوزني الأمير سيف الدين
- زوجه • (لوالى) شايف فتح عينك
- والى • (متحبيبا) جلبهار • جلبهار

- جلبهار • قال وعاوز تكون الدخلة الليلة دي ؟
- والى • جلبهار جلبهار
- جلبهار • طيب هيه (تكسر حق المنزول)
- والى • كسر كسر . لاحول ولا قوة الا بالله . كسر ايه افندم .
- كسر حق المنزول . يا حبيب قلبي يا حق المنزول . يا الطي
- أقه يا حق المنزول

- زوجه • هي . هي . هي . (تبكي)
- جلبهار • بتبكي يامه ! بتبكي لاه ؟
- زوجه • سن كسر حق المنزول (تبكي)
- والى • سن كسر حق المنزول (يبكي)
- جلبهار • سيبوننا من حق المنزول وكلوني في جوازي . ما أخذش
- آني الا الواد سيف الدين اللي جيبته تحت باطي من
- العزبة . أما سيف الدين بتاعكم ده ماليش بيه دعوى أبداً

﴿المشهد العاشر﴾

الوالى • الزوجه • جلبهار • سيف الدين • ماشيه

الحاجب • (يدخل) الأ مير سيف الدين

(يدخل سيف الدين والحاشيه)

والى • الله . الله . ما شاء الله ما شاء الله

زوجه • (لوالى) زواج يوك

- جليهار • أدني ح أقابله وأسفخ له وشه
- سيف • صباح الخير يا صاحب المجد والجلال . صباح الخير
يا صاحبة المجد والجلال
- زوجه • أدبسيس
- سيف • صباح الخير يا بنت صاحب المجد والجلال
- جليهار • (وهي ملتفتة الى الامام) والله لاخلي فوقه تحتة . بس
يجرب وهو يشوف
- سيف • يا صاحبة
- جليهار • (تلتفت اليه رافعة يدها) هيه أهو . (تراه فتندهش) !!
سيف الدين !! سيف الدين !!

لحن

- هو بعينه وبمنا خيره هو بوشه وبشفاتيره
- هو اللي أنا بالي فيه م الاول ما لحقتش أبص في وجناته
- وسمنت النص بنظراته
- سيف • صواميل رجليه سايبه مني
- جليهار • وأنا عصافير قلبي بتغني
- سيف • سبجانه ما أحلي تعديله ما فيش كده لما يعد لها
- الجميع • إتلم سيف الدين ع اللي له واتامت نزهة على اللي لها
- سيف • ولا زمان يامهليه
- جليهار • من قاي لقلبك دوريه

- سيف . وحشتني عيونها العسلية
- جلبرهار . وحشتني رموشه البصلية
- الجميع . أهوده الماجور وآدى الشالية
- أرموط اجوز بلطيه
- سيف . الليله الحنه يا عنيه وبكره تكون الصبحيه
- والى . سن فلاح أمير سيف الدين والله تحاف
- سيف . يا صاحب المجد والجلال . الامير هو الفلاح والفلاح هو الامير
- والى . تحاف . ولكن ازاى دي أفندم ؟
- سيف . شوف . أنا كنت مره باتفسح في الارياف . وبعدين لقيت حته دين نتفة فلاحه
- جلبرهار . أنا يام أنا
- الزوجه . ايشت أفندم . ايشت افندم
- سيف . وبعدين لما لقيتها قلبي دق
- والى . آه قلب خبط . خبط . لكن أنا موش فاهم حاجه من دق دق ؟
- الزوجه . (متقدمة) والى أفكار يوك . أنا صاحبة مجد وجلال
- أفكار وار . والى ترتيبات يخني وقرعات
- سيف . وبعدين يا فامليه
- الزوجه . والى بعدين قبلين وار

- والى • ما شاء الله ما شاء الله • صاحبة مجد وجلال بلاغت
وفصاحت وار ، خششبار بن استيورم سنا قبييل
زوجة • سن استيورم بن بنا قبييل • بوس أنا (تقهقه باستهزاء)
والى • عيب خششبار
زوجة • أنت عاوز بوس أنا؟ هاها
والى • عيب خششبار بوشوك رزالت
زوجة • (مدافعه بغضب) ادبسيس خرسيس (مزجرة) هه
والى • (متراجعا) هه هه
سيف • (جلهار) شوفي لما أقولك لما نتجوز ما نبقاش نشوف
خلقة أبوك الا في السنه مره واحده
زوجة • ادبسيس خرسيس
والى • (لسيف الدين) - شوف افندم عاثلت • ابنتنا كسر
حق المنزل وزوجتنا...
سيف • (مكلا) وزوجتكم؟
والى • وزوجتنا (يدخل حسن عرنوس)

﴿ المشهر الحادى عشر ﴾

الحاضرون • حسن عرنوس

- حسن • نفذنا حكم الاعدام في عبد الله بك بلطجى
زوجة • أنتم نفذتم حكم الاعدام في عبد الله بك؟ تربية يوك .

شلق ملق

- والى شلق ملق .. شلق ملق
- زوجة ظالم . كافر
- والى ايه ده افندم (ضوضاء في الخارج)
- صاحب الابهة والسكال حاجي بابا حمص أخضر يتشرف
- عشان ما يقدم لكم زوجته ست الدار

﴿ المشهد الثاني عشر ﴾

الحاضرون • هامي بابا حمص أفضر

لحن

- المجموع • يحميك ياشابه لشبابك ويبيض ياشايب شيبتك
- تهنى به ويتهني بك هيص يا جندي بدلو عتك
- مسن • دستور ياللي في وشه اخلوله
- المجموع • حمص وعروسته باركوله
- والى • هجاص خباص حاجي سنجق خمس مره جوز طلق
- المجموع • اللي قاله زمان ح يعيده ويدش قديم في جديده
- والى • بيرم كلني كلام لايق
- مسن • هس . سمع : روقوا يا خلاق
- محصن • محسوب منسوب حضرة والى خفر الدين باشا جناب على

- والی • مر حب مر حب تشریف بلضم کعم
- صمص • کعم کعم کعم کعم
- الجمع • بلضم بلضم بلضم بلضم
- صمص • شفتو افندم عروسه برنجی
- والی • شفتو
- صمص • ها . شفتو افندم عروسه ایکنجی
- والی • شفتو
- صمص • ها . شفتو افندم عروسه او تشنجی
- والی • (متضایقا) شفتو
- صمص • موش شفتو افندم عروسه در تنجی
- والی • (مغتاضا) شفتو
- صمص • ها . دلوقتی قدم پیشنجی
- والی • جوزال
- الجمع • ها ها
- ست الدار • بقی ده الوالی یوه یانداسه
- الجمع • یافضحتک مین کان یتصور حص ع الوالی یتمسخر
- والی • ان شاء الله جوزات صافیات
- دوب سوا سوا عرق العافیات
- صمص • استفهام مخصوص من فضلك أه تی رایح جوز بنتک ؟
- والی • طبلجی زمرجی هیصه جهاز

في نص الليل يحصل فيه جواز

- حمص • بقي يحصل فيه في نص الليل :
- والى • ايفت أفندم
- حمص • نصف الليل ؟
- والى • ايفت أفندم نصف الليل
- حمص • حمد لله شكر الله وقت كافي علشان أرجع اجوز بنت
- والى (على حده)
- والى • بو تشریفات کاه خلاص سکر بره آیا کل الناس
- حمص • تعظیبات واجب تقدیم حالا بوس ید کریم
- حمص • تاتا لیف توتا واو توتا یی یا لالا مال ما تبوسو ایديه
- الجبوع • یا أبو الریش ان شاء الله تعیش وتدوب رجلیک فی البراطیش
- سيف • الحب یحلی فی نص اللیل أمتی یقرب نص اللیل
- سيف • یا نزهة الارواح یا بهجة الافراح
- سيف • السعد لاح ما أحلا الصباح بعد الفرح بعد الفرح
- سيف • فی نصف اللیل
- حمص • حظرة حمص اخضر أغا عروسه نمره سته صاغا
- ست الدار • هو ده سيف والا غفریته
- سيف • ست الدار
- ست الدار • ادینی عرفته
- والى • بعدین هانم یفضل والی ایده یستی کده عالی

- همص
 قدم هانم بوس يد کریم
 • الجميع
 قدم هانم بوس يد کریم
 • ست الدار
 ان کان ع البوس ده انا ابوس وابوس وابوس
 (تتوجه ناحية سيف الدين)
 • والي
 کافر دیوس. سکت بره
 • الجميع
 سکت بره قدام والي فيه حدیبوس
 • ست الدار
 جرى ايه في عنیکم بقى حقه
 زى ده ما اقطم هوش من الشفه
 • سيف
 اخص يا ويلي یاسواد ليلي ايه بس مشعلق دي في ديلي
 • ست الدار
 والله باينها رايحه تبظرم على راسکو
 (وخليه لكم ميلم)
 • الجميع
 يادم یاسم يا کبه تشيلک قصبه في وشک حمک تجيلک
 • جلبهار
 يا اخواني ما تشهدوا وياي عصفوري ح تخطفه حد ايه
 • ست الدار
 راسي والفین صرمة قديمه ما اخرجش واسيب دی سلیمه
 (تهجم على جلبهار)
 • والي
 کوکش فلاح سکت بره
 • الجميع
 کوکش فلاح سکت بره
 (يخرجوها)
 • سيف
 حمله وانزاحت يا سيد
 • الجميع
 حمله وانزاحت يا بدوي

الفصل الثالث

(ترفع الستار عن هيئة حوش في جبانته به ستة قبور وموقده بها نار والشيخ حزنبيل جالس في وسط المسرح وهو مشغول بوضع بخور فيه وامامه ذهب وفضه)

المشهد الأول

حزنبيل (منفرداً)

حزنبيل . . بحق قلب النحاس ذهب والذهب نحاس . وبحق الشلضمة والهلضمة . والبسوط والمحتاس . وبحق كتب التريقه . والتعاويد والتحايد . والجزء الأول من كتاب الدروس النحوية والجزء الثاني من الفوائد الفكرية . ومطبعة الشعب وجامع قيسون . واللي كان واللي رايح يكون . والأفكار التريللي . والبخور الحزنبيلي وبحق المسروق والمنهوب والمكتوب واللي موش مكتوب وحص أخضر بن المركوب وبحق دول كاهم صير ذهب يا نحاس وكذب الحسود الخناس وافلق راسه بالفاس ودخل في مخه الوسواس . حاس ناس فاس . شاحي راحي (يقلب النحاس تحت البخور ويخرج قطعة فيراها نحاس)
لاحول ولا قوة الا بالله . مانقاباش النحاس ذهب وبالطبع

كل ده له سبب من غير نزاع سببه الجنائيات اللي كل يوم
بارتكبها . ارضاء لسيدي وتاج راسي المملوك بن المملوك
حاجي بابا حمص أخضر . لا . لا . لا . يكفي بقي اللي
قتلتهم غصب عني . أما ستات والله العظيم تمام زي
الشربات مساكين نايمين هنا في القبور دي . بعد
ما كتمت انفسهم بايدي (يذهب للقبر الأول) ادي
قبر الست خشش بهار وادي قبر الست دل بهار وادي قبر
الست ادخليلار وادي قبر الست جلبهار وادي قبر الست
تفكير بهار وفاضل القبر السادس اللي حتدفن فيه النهارده
ست الدار لاحول ولا قوة الا بالله يا حزنبلار واسكن
على ايه كل ده . أنا قرئت في كتب التعاويذ والتنجيم اني
ان ما كنتش حاخذ عمر سيدي حمص أخضر . رايح
هوّه من غير شك ياخذ عمري (يسمع صوت بوق) ايه
الصوت ده يكونش نفير حاجي بابا حمص أخضر . لا
لا لا . ده صفير الرياح . وزغزغة العاصفة للبطاح وعلى
ذلك يستحيل اني أموت مراته السادسة المسكينة
ست الدار اللي عمرها ماسمعتني كله زعلتني . يستحيل .
بالعكس لازم أقصف عمر الكاينه بن الكاينه حاجي
بابا حمص أخضر وأخلص منه . والكام قرش اللي أخذتهم
منه يكفوني عشان أعيش هني ومسرور (يسمع صوت

البوق) من غير نزاع ده نفير حص أخضر • يظهر انه
جاي دلوقت عشان ترتيبات وفات زوجات (يدخل
حاجي بابا ورجاله)

﴿ المشهر الثاني ﴾

مرزبل • حاجي بابا • ماسيه

- حاجي • أنتم هنا أغا حزنبيل
- مرزبل • أي نعم يا صاحب الأبهة والكمال
- حاجي • (لرجاله) سكتت بره (يخرجون) أغا حزنبيل سم
- مرزبل • ماسمعتش كويس يا صاحب الابهة والكمال
- حاجي • سم سم • أغا حزنبيل
- مرزبل • سم • طيب فاهم • في بطني والا في بطنك
- حاجي • أغا حزنبيل سم قاتل
- مرزبل • إاري • قاتل قاتل
- حاجي • أيقث افندم • قاتل ومقتول
- مرزبل • كويس سم قاتل ومقتول • فهمت وبعدين ؟
- حاجي • أغا حزنبيل سم قاتل ومقتول
- مرزبل • عشان مين يا صاحب الابهة والكمال ؟
- حاجي • عشان ست الدار زوجتنا
- مرزبل • زوجتكم ؟

- هاجي • ايفت افندم زوجتنا • لازم وفاه حالا يكون • وبعد
 قليل من أوقات زوجتنا يجي هنا للوفاه
- مرتبيل • هنا يجي • وامتق ؟
- هاجي • ساعة اون ايكي افندم
- مرتبيل • نص الليل يعني ؟
- هاجي • وهو كذلك
- مرتبيل • وح تموتها ليه يا صاحب الابهة والكمال ؟
- هاجي • عشان دولتنا لازم جوز خانم جالبهار • ابنة صاحب
 مجد وجلال
- مرتبيل • وليه بس كده يا صاحب الابهة والكمال • موش حرام
 عليك ؟
- هاجي • ادبسيس خرسيس مرسيس
- مرتبيل • بحق التنجيم الأحمر والتعويذ الأصفر وهنكر ومنكر
 وينعل أبوك وأمك يا حمص أخضر تجي حالا يأيها السم
 المكسح الاعور

﴿ المشهر الثالث ﴾

مرتبيل • هاجي بابا • ست الرار

ست الرار • (تدخل) قول لي يا جناب المملوك • قول لي يا جناب
 جوزي قول لي مالك الليلة كده زي الكلب السعيران •

قال طلعتني م البيت عشان تنفسح . ياخي جاك خابط
ياخد عمرك . هو حد يتفسح والدنيا بتشتي . ماتقول
جاييني هنا ليه ؟

مامي • والله ست الدار أنا جايب انتم هنا عشان حاجات
ومحتاجات اسكن ذوقيات

ست • طب ماتقول

مامي • حاجات ومحتاجات . ذوقيات وحلويات كان

ست • طب ماتقول

مامي • ست الدار اسمع افندم . انت اعرف اقرا

ست • الله يرحمك يا بابا معلمتيش اقرا . ليه يا أخي ما عرفش اقرا

مامي • شوف افندم دي مكتوب عليه هذا ضريح السيده

خشش بهار

ست • خبر . قبر يامك يالا بنا ياراجل من هنا أحسن بطني

كر كبت

مامي • وهذا مكتوب عليه • هذا ضريح السيده دل بهار وهذا

مكتوب ضريح السيده ادخل بهار

ست • أنت جاييني اتفسح بين القبور يا راجل يلا بنا وحيات

رأس ابوك

مامي • وهذا مكتوب عليه ضريح السيده جلبهار . وهذا

مكتوب عليه ضريح السيده تفكير بهار وهذا .

- ست . مكتوب عليه ايه . ياللا بنا يار اجل نخرج
- مامي . وهذا مكتوب عليه ضريح السيده ست الدار . ولهذا
يجب أن ينام هنا
- ست . آني : آني : انام هنا . آني يار اجل عاوز تموتي يار اجل
تموتي ؟
- مامي . افندم الموت حق
- ست . جاك كسر حقتك ما اموتش ابدأ
- مامي . والله الموت راحه بعد اتعاب . وسكون بعد مشاغبات
ونوم بعد نفاق وعلى هذا ييرم افندم ييرم
- حزنبيل . السم أهه يا صاحب المجد والكمال
- مامي . عفارم معلم حزنبيل اعمل اللازم بالله عليك . ست الدار
الموت راحه بعد اتعاب وسكون بعد مشاجرات ونوم
بعد مخاتقات وعلى هذا ييرم افندم ييرم هاهاها
(يخرج ضاحكا)

﴿ المشهد الرابع ﴾

حزنبيل . ست الدار

- حزنبيل . يا صاحبه الأبيه والكمال . يا حرم صاحب الابيه والكمال .
- ست . يخونك العيش والملح يا شيخ حزنبيل . عاوز تموتي ؟
- حزنبيل . يا صاحبه الابيه والكمال يجب تنفيذ ارادة صاحب الابيه

والجمال

• أنت نسيت أيام ما كنت بتقول لي يا مرتبة قطن يافلأى
ياسكر نبات فاكر يا شيخ حزنبل أيام ما كنت
بتزغزغي ؟

• حزنبل • يا صاحبة الابهه والجمال . أو كدلك أن الموت شيء جميل
• شيء جميل ؟

• حزنبل • خالص يا صاحبة الابهه والجمال

• شيء • طب ولما هو شيء جميل ما تموت بدالى يا شيخ حزنبل

• حزنبل • ياريت يا صاحبه الابهه والجمال كنت أقدر أفديكي

بروحي • لكن أعمل إيه اذا كانت ساعتى لسه ماقربتش

• شيء • طب وحياة رأس أبوك • خلي العقرب بتاع الساعه

بتاعتك يقدم شويه وموت بدالى

• حزنبل • يا صاحبة الابهه لازم أطلع روحك دلوقت

• شيء • يا خبر إسود يا حزنبل • ده كان الواحد زمان يموت

بكيفه لكن دلوقت يموت غصبن عنه

• حزنبل • ونعمل إيه فى الظروف ياستي . شوفي قدامك كباية مايه

فيها حته سكر دايبه وقدامك قزازه فيها السم . فلازم

تفرغي السم فى السكبايه وتشربي اللي فيها . وأنا موش

ح أبص لك . ياللا آمال . واحد اتنين تلاته . خلاص ؟

- ست • (تشرّب) خلاص
- حزنبيل • شربتني ايه ؟
- ست • شربت اللي في الكبايه ولا شربتش السم
- حزنبيل • حال عال . أنا ضحكت عليكى . لان الكبايه فيها السم
- أما القرازة مافيهاش الا شوية ميه . والآن موتى بسلام
- واجلال يا صاحبة الابهة والكمال
- ست • غشتني يا شيخ حزنبيل . يا خبر اسود كاه برضه تغشني
- حزنبيل • ماهي الدنيا موش ماشيه دلوقتي الا بالغش
- ست • عمرك راح ياست الدار
- حزنبيل • مانتش حاسه بدوخه ؟
- ست • أيوه أيوه (تسقط) خلاص (تنام)

﴿ المشعر الخامس ﴾

- حزنبيل • ست الدار (نائمة) • ماهى بابا
- ماهى • (داخلا) أغا حزنبيل . خلاص حصل وفات ؟
- حزنبيل • أيوه حصل وفات . صاحب الامانة خد أمنتته
- ماهى • أغا حزنبيل . عفارم عفارم (ينزع خاتما من يدها)
- حزنبيل • بتمل ايه يا صاحب الابهة والكمال ؟
- ماهى • لازم افندم امسك خاتمات بتاع زوجات
- حزنبيل • طب ماتسيبه عشان خانوتيات

ماجى • بو • لازم افندم • أعا حزنبل أنا ممنون جداً • ها ها •
(يخرج)

﴿المشهد السادس﴾

حزنبل • ست الدار (نائمة)

حزنبل • ربنا يخليك • خارج يضحك • شيء عجيب • يعني مبسوط
من الضحايا اللي بتسفك دمها كل يوم • ماتتاش عارف
ان بكره حاجى يوم ينسفك فيه دمك • مسكينه
ياست الدار • أما صحيح قطعت قلبي • لاحول ولا قوة
إلا بالله • ولكن الي ربه معاه ما يخيش وست الدار
ربنا معاه (ينشقها منعش) دلوقت نشوف النتيجة
الحمد لله القلب ابتداء يدق والدم ابتداء يجري في الشرايين •
ما تتحركيش خلي القرازه على مناخيرك

ست • آه آه يا حزنبل بس بقى

حزنبل • خدي لك كمان شهه وأنت تقوي زي الحصان

ست • بس بقى

حزنبل • خلاص • قومي بقى كده

ست • ياه ياه • أنت حزنبل تكونش أنت روخرمت ودخلنا

الجنه سوا ؟

حزنبل • أنت فاهمه أنك موّتي ؟

- ست • موش كنت بتقولی كده یا خی ؟
- هرزبیل • بالعكس أنت كنت نایمه بس
- ست • والسم اللي شربته ؟
- هرزبیل • موش سم ده أبو النوم
- ست • بقى ما مواتش ؟
- هرزبیل • لا انت ولانسوانه الاربعه اللي اتجوزهم قبلك
- ست • یا فرحتی یا حزنبیل
- هرزبیل • آه یا ست الدار (یقترب منها مغازلا) یله مرتبه قطن
- یا فللی خالص • یا سكر نبات
- ست • بقى أنا ما ممتش وکمان ضرایری حیین ؟
- هرزبیل • بالطبع ماهی الناس بتفتكر انی راجل بطلال . ولسكن الحقیقه أنا راجل طیب . وغلطتی انی مشیت ورا الظروف وراضیت حمص اخضر . ولسكن دلوقت غلطتی ح أصاحبها باذن الله وارجع المیاه لمجاریها
- ست • طیب وعملت ایه فی ضرایری ؟
- هرزبیل • موتهم کلهم زی ماموتک
- ست • طیب ودلوقتی ناوی علی ایه ؟
- هرزبیل • رایج أخذکم کلکم عند الوالی وأفصح حمص أخضر
- لانه قال ایه بده یجوز بنت الوالی الیه
- ست • البنیت نزهه ؟

- مزنبيل • وبعباره أخرى اللي اسمها جلهار
- ست • طيب وفين ضرايري ؟
- مزنبيل • عمالين ينتظروك جوّه القبور . يستنوك والله العظيم
- ست • يستنوني ! لا ياخويه أنا ممتش ثاني
- مزنبيل • لأ . موش قصدي حاكم كل ما يسمعوا غنيوة حمص
- مزنبيل • أخضر يفتكروا ان فيه واحد ست جايه ترقد جنبهم
- • وعليه عمالين يستنوكي
- ست • روح قول لهم يا حزنيل اني باستناهم هنا
- مزنبيل • وهو كذلك (يذهب للقبور ويفتح بابا خفيا في الحائط
- • فيخرجن)

﴿ المشهد السابع ﴾

مزنبيل • ست الدار • ستات

لحن

- ستات • يا مرحبا بك ادي اللي نابنا وادي اللي نابك
- ست • ماضاقت إلا وفرجها سيدك يارب نجينا م المهالك
- ستات • يا مرحبا بك • • • • • الخ
- ست • إيشبار علينا ياما خدعنا لولا حزنيل اسكنا ضعننا

المجيب • إيدنا في ايدك طبل وزمر
 لازم نكيدك يا حص أخضر
 ست • العبودية ماخلص زمانها
 المجيب • وادي الحرية ح يثون أوانها

 سنار

الفصل الرابع

(ردهة متسعة في قصر الوالي مزدانة بالأنوار والشموع
والرياحين يتوسطها عرش جلس عليه الوالي . وجلهار ترفها الحاشية
تتقدم الباب الكبير الى وسط الردهة)

المشهد الأول

الوالي . سيف . جلهار . مائية

لحن

الجميع . اتمخطري يا عروسة واتمني بعريسك سيد العرسان
ده بلبل الأفراح بيغني والسعد جانا أشكال وألوان
سيف . ياسمن بلدي يا بلح امهات ياقل مجوز في البستان
ياللي عليك تروح جنيهات بعد البعاد الوصل أهوهان
الجميع . اتمخطري يا عروسة الخ
جلهار - نزهة . الرب عالم يوم مارأيتك اني على المجران ما قدر شي
افرح وزيط واتمني بعيدك دي ليلة الحظ ماتت عوض شي
الجميع . اتمخطري يا عروسة الخ
مهاب . حاج بابا شوك ياشا (يدخل حمص أغا)

﴿المشهد الثاني﴾


الحاضرون . ماهي بابا (تتبعه حاشيته)

- ماهي . دور زنهار
- والى . أسباب توقيف حال وأمور لازم اذ كبر
- ماهي . دور زنهار
- والى . أسباب توقيف حال وأمور لازم اذ كبر
- ماهي . دور زنهار
- سيف . يا حاج بابا حرام وحياة راسك وراس أمك وأبوك
- ماهي . انسى القديم واللي فات مات ده يوم فرحنا يوم مبروك
- ماهي . ايقاف أعمال تغيير أحوال خيبات آمال وغدر زمان
- نرده أفكار اسمع أخبار ست الدار جنة مكان
- الجميع . هيء هيء . (بكاء)
- يا خسارتك ياست الدار بعد العز أهو حظك طار
- ماهي . واليوم لازم جوز غيره
- والى . لسن افندم بومش لازم
- الجميع . هذي زوجة سيف الدين
- هذي زوجة سيف الدين
- الجميع . هذي زوجة سيف الدين
- هذي زوجة سيف الدين

- هادي هيدي سكر مكر هاضم بلضم
 كـرته بيزويج
- ها سنجق منجق سيفه محرق
 ويضرب لنج
- اللي منكم اغلب تاني
 امسك بني حلاله بلاله
- اللي راح يغلب راح ياخذ
 ست البنات يتنعم بها
- تهشكه لما يكون رايق
 تسقيه من الجنه ويسقيها
- آه اللي راح يغلب الخ
 (يجرد حاجي سيفه وكذلك سيف ويدان المبارزة)
- بظظ عينك كسر ايدك
 خبط خبط ثم كان
- وحياة عمك وشرف أمك
 لازم أخليك زفتيان
- آه اللي راح يغلب راح الخ
 هنكر منكرك أول آخر
- كركبه مركبه مرقوعات
 خد فوق راسك ودي في جنبك



بديع خيرى
واضع ازجال العشرة الطيبة



Handwritten text, possibly a signature or a date, located below the large rectangular area.

- مامبي طعنة خنجر ثم وفاه (يقع سيف الدين علي الأرض)
- الجميع حاجي بابا تشوك ياشا
- جابر راحته سيف الدين راحته أيامه والله خساره ياسيف الدين
- جميع حضي انتضى وادي القضا وادي المقدر يا مسامين
- جميع ياللا بناع الاوده الثانيه

نكتب كتابك يا حص أخضر

اتخطري يا عروسه الخ

(الجميع يدخلون ما عدا حسن عرنوس)

﴿المشهد الثالث﴾

حسن عرنوس . سيف الدين (ملقى على الأرض) ثم خادم

- حسن (مخاطبا سيف الدين وهو ملقى على الأرض) بس
- قولي يا حضرة الأمير المتوفي . بس قولي ايه اللي عاد
- عليك من جمالك وحسنك . يعني لو كنت اتخلقت زى
- حالنا كده لاحسن ولا جمال ولا رقه ولا دلال مش
- كنت نفدت من المدهوب ابن المدهوب والماركوب
- ابن الماركوب حص أخضر . بس قول لي مش تقول .
- وانا مالي ماتتفلق انت وهو . ح تقعد تغلبنى ليه
- (يدخل الخادم ويعطيه ورقه) فين الراجل اللي بعثك
- بالورقه دي؟

الخادم . موجود هنا يا مولاي
 حسن . قول له يدخل
 الخادم . أهه جه (يخرج) (يدخل حزنبيل متخفيا)

المشهد الرابع

حسن غرنوس . سيف الربيع . حزنبيل

حسن . ايه الراجل ده اللى لابس زى النور ؟
 حزنبيل . أيوه لابس زي النور . لكن عاوز منك حاجه .
 حسن . هاهاها . موش كفاهه اللى شافته العين النهارده لما
 كان جى لى النورى يزود الطين بله (يتفرس فى وجهه
 ويضحك ضحكه كبيره) حزنبيل . عم حزنبيل
 حزنبيل . يا صاحب السعادة
 حسن . سيبك من صاحب السعادة وصاحب التماسه . خلينا
 أصحاب زي زمان لاني بدور لى على واحد ارتكن عليه
 حزنبيل . وانا كان بادور لى على واحد ارتكن عليه لكن خايف
 تخلاي يا بطل
 حسن . ليه . هو انا كنت مؤتمر بأمر حد يا حزنبيل ؟
 حزنبيل . شوف . أما اقولاك . أنا متضايق خالص من ابن
 المدهول حص أخضر . بس خايف حد يسمعنا واحنا
 بنتكلم (يلتفت حواليه)

- حسن • ومين اللي ح يسمعننا ؟
 • مرزبل • الجدع الناييم ده .
 • حسن • ده مش نايم يا حزنبيل
 • مرزبل • أمال ايه ؟
 • حسن • ميت • الامير سيف الدين توفي النهارده
 • مرزبل • ما كانش عيان يا أخي . مات ازاى ؟
 • حسن • لا ما هو مش ضروري دلوقت أن الواحد يعني عشان
 يموت . هو انت موش عارف كده يا حزنبيل ؟
 • مرزبل • لكن مين بقى اللي خلص عليه ؟
 • حسن • سيدك حص أخضر عشان ما يتجوز بنت الوالي
 • مرزبل • اسكت ده كان عندي دلوقت وامرني بقتل الست
 زوجته ست الدارقت سقيتها منوم معناها يعني زي
 ماعملت في اللي سبقوها من الزوجات ثم فوقتهم كلهم
 ولبستهم عجر نور وجبتهم معايه عشان نشككي للوالي
 • حسن • يعني لبستهم لبس النور عشان تدخلوا السرايه بصفة
 ملحنين
 • مرزبل • أيوه بصفة ملحنين وراقصات
 • حسن • وعلى كده نسوانه الخمسه حيين ؟
 • مرزبل • طبعاً
 • حسن • اسمع . اسمع . خليني افكر شويه . لاني أنا كمان موت

خمس رجاله . فكل واحد من الرجاله . يتجاوز واحده
من الستات اللي عندك . وتنفض المسئلة ويكون ذلك
بعد ما نطلع روح حمص أخضر

عزنبيل . • لـسكن مين اللي يجوز الاميره جلبهار بنت الوالي ؟
سيف . • (يستيقظ فجأة) أنا

مسن وعزنبيل . يا خبر اسود (يتقهقران فزعا)

سيف . • (لنفسه) أما أسوقها عليهم (لهما) أنا . أنا .

مسن . • نبوس ايديك ورجليك وخدودك وعينيك . واذا

حببت نبوس جزمتهك وكل حته فيك يا حضرة السيد
المتوفي لرحمة ربه . احنا والله ماعملناش حاجه أبداً

سيف . • (لنفسه) أما اطلع عنينهم شويه (لهما) أنا أتزوجها ولكن
يجب قتلكم أولاً (يقع الاثنان على الارض)

عزنبيل . • يا حفيظ . والله العظيم وحياة الأرض والسموات

والاحياء والأموات . احنا أبرياء أولاد أبرياء وبريئات

فيعني ما يصحش منك يا حفرة الميت انك تعمل فينا
حاجه

سيف . • (لنفسه) دول خافوا صحيح . أما أسوقها عليهم كان

(لهما) يستحيل لازم أموتكم حالا . أنا خيال سيف الدين

مسن . • رحمة الله عليه . كان أمير طيب خالص

عزنبيل . • اي والله كان ابن حلال (يهمان بالوقوف)

سيف . (صارخا) اقعد انت وهوه أحسن تلاقوا أرواحكم طلعت
حسن ومرزبل . قعدنا

حسن . يا حضرة خيال الميت . يعني الحالة دي ح . تطول (في
حالة خوف)

مرزبل . أيوه بنسأل والسؤال مش حرام . يا خيال الموتى حالتنا
دي ح تطول (في حالة خوف شديد)

سيف . بالعكس رايحه تقصر لان أرواحكم رايحه تطلع دلوقتي
حسن ومرزبل . يا خبر اسود

سيف . الحكم الاول . حسن عرنوس يلحس حزنبل قلم على
قفاه

حسن . بس كده . دي حاجه هينه . صلطح قفاك يا حزنبل
مرزبل . اتفضل يا ابن عرنوس (يضربه عرنوس)

حسن . انتهت الأمورية يا خيال الميت . فيه حاجه تانيه ؟

سيف . الحكم الثاني . المعلم حزنبل يقلع عين ابن عرنوس وابن
عرنوس يقلع عين حزنبل

حسن . بتقول ايه ؟

سيف . نقد حكمي

حسن . نستأنف يا خيال الموتى

سيف . (يضحك) . بقى أنتم مصدقين آتي مت أو اني خيال

الميت . قدم يا شيخ أنت وهو . ده أنا سيف الدين بحق

و حقيق

مسن . ما تصدقوش
 حزنبيل . يا خيال الموتى بلاش هزار . ما لوش معنى في الساعه دي

الهزار

سيف . باقول لكم ما ممتش . والله العظيم ما ممتش . أديني
 صاحي أهه انتم فاهمين أني مت . بالعكس أنا وقعت على
 الأرض

مسن . ازاي بقى ؟
 سيف . آه وقعت مخصوص علشان أخلص من ابن المدهول

حص اخضر

مسن . طيب ويعني عملت فينا كل ده ليه ؟
 سيف . فاكر لما كنت بتقول لي في العزبة . يا أبو فصاده روح

لحالك خلي في وشك دم

حزنبيل . وأنا ذنبى إيه كان ؟
 مسن . معناه يينتقم . طيب شوف ياسيدي . عم حزنبيل ما

موتش النسوان الخمسه بتوع حص اخضر وانا كان
 ما موتش الخمس رجاله بتوع الوالي . والشيخ حزنبيل
 لبس الستات لبس نور ودلوقي رايح أديله المفتاح ده
 علشان يروح في القصر اللي حبست فيه الخمس رجاله
 بتوع الوالي علشان يلبسهم كان زي النور ويجي بالجوقه

هنا والقصد كله . أننا ننتقم من الوالي وحمص اخضر .
موش كده يا معلم حزنبل ؟

حزنبل • وهو كذلك

حمن • ودلوقي خد يا معلم حزنبل المفتاح وأنت يا أمير سيف
الدين عاوز تنتقم وتتجوز عروستك ولا لا ؟

سيف • طبعاً عاوز انتقم

حمن • حط ديلك في اسنانك وعراش ديلك واجري ورا
حزنبل علشان يلبسك أنت كمان زي المغاربة وتيجو
حالا مع الجوقه

سيف • وهو كذلك . يالا بنا يا شيخ حزنبل

حزنبل • ياللا بنا (يخرجان) (يبقى عرنوس ثم يدخل الوالي والجميع)

﴿المشهد الخامس﴾

الوالي • ماعى بابا • حمن عرنوس • جلبهار • ماسية

حمن • (بغضب) انتهيتم يا صاحب المجد والجلال من كل شىء ؟

والى • والله حمن بك عرنوس موش عارف . فقط ظننت ايه

برضه كده . شوف أميره جلبهار وأميرة خششبهار حال
يوك والله العظيم حال يوك

جلبهار • خلاص يامه خلاص يامه . الموت أحسن

زومة • خوف وارتعاش لا يكون اذا عاشت امك المصون

مامی • زوجتکم وابتدئکم حال یوک . غیر مشرور غیر مبسوط
بوتشوک رزالت

والی • ایفت افندم ، ایفت افندم

زوجه • أفندم لازم جواز ابتدئ لا یكون

مامی • لازم جواز بدئکم یكون

زوجه • یوک أفندم . یوک أفندم

مامی • خرسس . مرسس . ادبسس

زوجه • (متقدمة الیه مهددة شامة) خرسس . مرسس . ادبسس

مامی • (بابتسام وخوف) والله زوجة والی اتم تام جمیل

وجمیل وجمیل وجمیل

ممن • دهمده یاخویه ده بیخاف . دی ضربت لحمه معاه أما

أخوفه أنا کما عشان أنتش لی کام قرش (لوالی ولحاجی

بابا) یاحضرة الوالی ویاحضرة المملوک الصعلوک . واللی

کان مبروک وصبح موش مبروک . وینعل أبوک . یاللی

امک وار و أبوک یوک

والی • عایب عرنوس . عصیبات موش لازم

ممن • طیب وانا ذنبی ایه . اذا کان دمی ذار دلوقتی وبقیت

عبر . ظالم مظلوم . ظالم مظلوم

والی • لا حول ولا قوة الا بالله .

مامی • بو مجنون . سوس سنا ابن الخنا .

• حسن وانت يا حمص أخضر يا لابس الأحمر والأصفر . انت
والوالى فخر الدين أبو زعيزع الأزعر . يا هادمي الذات
ومفرقي الجماعات . يا اهل الظلم والجور والغدر والزور .
والبهدة والفجور . غور من أمامي غور . والا اكفي
عليك ماجور

• ما مبي • بوابليس افندم

• حسن • ابليس ولا خندريس . لازم التكفير عن الذنوب والا
فالعقاب حل (ضاربا الهواء بيديه) . آه حالي العصبيه
وآلامي النفسيه . تهيجت أعصابي . تهيجت أعصابي

• ما مبي • بكى افندم • لكن موش فاهم حاجه

• حسن • كفر عن السيئات

• ما مبي • بوملحوس افندم

• والى • ايفت افندم

• حسن • ملحوس ابن ملحوس عاوز فلوس قبل ما يقوم الملحوس

يكسر عين الى مش حيدي الفلوس

• والى • ما مبي • (يخرج ان الكياس الذهب . ويمدان يديهما اليه)

• حسن • يستحيل يستحيل (يعطيها ظهره ويقول) يستحيل

(يأخذها) الآن سكنت أعصابي بملهي جان وحصحص

الحق وزهق الباطل

• والى • ما مبي • الحمد لله •

• ما جى دلوقت أفندم لازم أكتب الكتاب
 • موش قبل كتب الكتاب نعمل شوية زنبليطه .
 انا عندي جوقة نور مستنيه ع الباب ويظروا انها وصلت .
 موش نجيبهم عشان يضحكوا شويه ويرقصوا قدامنا
 ويغنوا

• والى لازم والله لازم
 • ما جى حق عندك يا عرنوس (يدخل الخادم)
 • الخادم (عرنوس) جوقة النور يا مولاي ع الباب
 • موش خليهما تدخل (تدخل الجوقة مؤلفة من خمسة رجال
 وخمسة نساء في ملابس غجر ومعهم حزنبل)

﴿ المشهد السادس ﴾

الحاضرون • جوقة النور

الحن

• الجوقة • إحننا العجر وأنتم الحكماء افعالناج . ر . ش . ك . لام
 الشرذراخ والحظ آه دام
 هاتوا الكؤوس عيدوا الايام
 عشان ما ترقص وانني
 • الجميع • انتوا العجر مال الكوش بزار ده العقل في افكاركوا اختار
 وتدعو كشف الامرار

الجوفنة • دقوا الطبول هاتوا المزمار

عشان ما نرقص وننفي

والى • بن والله افكار يوك أفندم

عاوز اسمع غنيوه منكم

غنيوه تم توي تم تم تم تم تم

المجيب • تم تري تم تري تم تري تم

سمت الدار • اسمع كده خليك فاكر

أن الزمان مش ح يدوم لك

الدهر من طبعه غادر

يكفي يا بني ادم ظلمك

والى • بن والله افكار يوك افندم

عاوز اسمع غنيوه منكم

غنيوه تم توي ... الخ

المجيب • تم تري تم ... الخ

سيف • يكفي الزور نصف قلبك

حظك وعزك شيء زایل

ده الی يشوف ايام مجدك

بكره يشوف دمعتك سایل

الجوفنة • احنا الغجر وانتو الحكماء ... الخ

والى • ابتداء اعمال أفندم

- ست الدار • (تتقدم ست الدار) ايدك يا وائي ايدك . افتح كفك
 وائي • (يفتح يده) افندم
 ست الدار • ايدك فيها كام صباع ؟
 وائي • والله افندم موش عارف . أظن خمسة
 ست الدار • خمسة ؟
 وائي • أيوه افندم خمسة
 ست الدار • فاكر الخمسة اللي موتهم . يجي لك قطع صوابك الخمسة
 فاكر لما كنت تقول لعرنوس معاهش موت افندم
 وائي • بو مجنون بو مجنون
 صرنيل • دور مين دلوقت ؟
 ست الدار • دورك جه ياراجل
 ماضي • (ضاحكا) ايقت افندم ايقت افندم
 ست الدار • هات ايدك
 ماضي • (يعطيها يده)
 ست • ياه . وانت في ايدك خاتم ؟
 ماضي • ايقت افندم
 ست • خاتم عليه دم
 ماضي • دم ؟
 ست • آه . دم عشان الخاتم ده كان في ايد ست الدار اللي سيحت
 دمها من مدة ساعه

- ما جى (مذعورا) أعوذ بالله من الشيطان الرجيم
- والى لكن مين دول ؟
- ما جى لازم سكت بره والله
- ست جاك خابط في خشمك منك له . سكت بره ؟ اجام ياواد
- انت وهو هدمتك اجام على طول (يخلعون ملابس
النور)
- ما جى الله ! الله ! الله ؟
- والى الله ! الله ! الله !
- الفساء آه يادقن تعيتع ياشيبة عرعر
- ما جى نسوان دي والله بتاعي
- والى عبد الله بك بلطجي . اعوذ بالله
- عبد الله ياسافك الدماء . انا كمنت عملت لك حاجه ؟
- الزوجه معلمش يابلطجي
- جلبهار حبيبي سيف الدين
- سيف نزهه . جلبهار (يتعانقان)
- ما جى (لزنبل) ازاى دي أنت موش بست (يشير علامة
الذبح)
- مزنبل بست يوك . كنت بديهم منوم بس
- والى (لعرنوس) وكان قاعد فين رجاله دي ؟
- مين عند واحده قريبتى . وحيث أنها ح تجوز عن قريب

عشان كده ما قدرتش أخليهم عندها زياده عن كده
وعليه جبتهم عندك .

والى • طيب بعدين اعمل ايه . ستات تشوك رجاله تشوك .
حيره اختبال تشوك . حسن بك عرنوس بالله عليك
ايه أعمل أنا ؟

مامبى • كان أنا جوز سته افندم . بوتشوك والله
ست الدار • ومحتارين يا باشا . حدالك خمس ستات وخمس رجاله كل
واحد واحده

والى • كل واحد له واحده . حسن بك عرنوس نفذ ايرادات
حالا

ممن • وهو كذلك

والى • والله افندم أنا موش فاعم حاجه أبداً

(الليحن الختامي)

المجيب • الليله يا ما كتر عرساتها

خداش له هوى في جوازه كمان

دى الحب يحلى في نص الليل

ظيطو وغنوا يا عرسان


ممن • المفصوصه الألاتوركه

ممن • للشمر روخ الخفافى

- سيف • وأنا أموت فيكي يا سمبوسكه
- جابرهار • كل ده عنى ماهوش خافي
- الجميع • حطي بطاطك في بطاطه
- • واتركنوا ع الناحيه دي
- • دلوقتي الدور على سي ميلص
- • وادي عروسته الخلبوسه
- • يبقاش عريس أحسن من ده
- • ولا فيش عروسه أحسن من دي
- • حطي بطاطك في بطاطه
- • واتركنوا على الناحيه دي
- • وادي أربعة
- • هاتهم بالمره
- • لاكم نطع اللي فاضلين
- • حطوا بطاطكم في بطاطهم واتركنوا ع الناحيه دي
- • آهي دي اللي فاضله من البيه
- • (حاجي) وآهه ده منابك ياسي جعاص
- • اخصيه وميت اخصيه وانامالي
- • طلعت م المولد بلا حص
- • أنا بوس راسك وبوس رجلك
- • مصلح مصلح تعالى لي

صاف يالبن آدي النخله • صمن
 اليلة ياما كتر عرساتها • المجمع
 وآدي الضبور في قفاها
 يارب بارك في العرسا

تم



تم

بیان

عن

مؤلفات فقيده الأءب والمسرح

المصوم
محمّد بن محمد

الجزء الاول

كتاب وميض الروح

مصدر بمقدمة عن تاريخ حياة الفقيد وشرح أعماله بقلم شقيقه
محمود تيمور . ويحتوي على ستة كتب :

الكتاب الأول : ديوان تيمور . وهو مجموعة نظمه

الكتاب الثاني : الوجدان . وهو مجموعة قطعه الوجدانية

الكتاب الثالث : الأدب والاجتماع . وهو مجموعة مقالاته
الأدبية والاجتماعية

الكتاب الرابع : ما تراه العيون . وهو مجموعة قصصه الصغيرة
مضافا اليها رواية الشباب الضائع القصصية

الكتاب الخامس : خواطر . وهو مجموعة خواطره عن الحياة

الكتاب السادس : مذكرات باريس . وهو مجموعة مذكراته
عن حياته في باريس

الجزء الثاني

كتاب حياتنا التمثيلية

مصدّر بمقدمة عن الفقيده كعامل ومؤلف في فن التمثيل وهي رسالة تحليلية لحياته وأعماله المسرحية بقلم صديقه الأديب زكي طليمات ويحتوي هذا الجزء على سبعة كتب :

الكتاب الأول : تاريخ التمثيل في فرنسا ومصر
الكتاب الثاني : التمثيل الفني واللافتي . وهو مجموعة مقالات
عن أنواع الروايات الفنية والغرفنية وأسباب
تجاح التمثيل اللافتي

الكتاب الثالث : محادثة مؤلفي الروايات التمثيلية . وهو مجموعة
مقالاته الفكاهية الانتقادية عن الجو المسرحي
في مصر ومحادثة فرح أنطون وإبراهيم
رمزي ولطفي جمعه و خليل مطران

الكتاب الرابع : نقد الممثلين . وهو مجموعة مقالاته الانتقادية
عن الشيخ سلامة وإبيض وعزيز وعكاشه
وعبد العزيز خليل وعمر وصفي وفهيم وروز
اليوسف ومنيرة وميليا ديّان الخ

الكتاب الخامس : مقالات عامة عن التمثيل
الكتاب السادس : القصائد التمثيلية . وهو مجموعة منولوجاته
المسرحية

الكتاب السابع : رواية الهاوية . وهي رواية كوميدى درام
أخلاقية ذات ثلاثة فصول

الجزء الثالث

كتاب المسرح المصري

مصدر بمقدمة عن الفقيده وروايته التمثيلية لصديقه الأديب محمود عزي. ويحتوي على ثلاث روايات :

الرواية الاولى : العصفور في القفص. كوميدى درام أخلاقية ذات ثلاثة فصول

الرواية الثانية : عبد الستار أفندى كوميدى أخلاقية ذات أربع فصول

الرواية الثالثة : العشرة الطيبة. أوبرا بوف ذات أربعة فصول



فهرست

صحيفة	
مقدمة بقلم الاديب الفاضل محمود عزي	١
رواية العصفور في القفص	١
الفصل الاول	٤
الفصل الثاني	٣٢
الفصل الثالث	٥٨
الفصل الرابع	٨٠
رواية عبد الستار أفندي	١٠١
الفصل الاول	١٠٥
الفصل الثاني	١٤٦
الفصل الثالث	١٨٦
الفصل الرابع	٢٢٧
رواية العشرة الطيبة	٢٥٥
الفصل الاول	٢٥٩
الفصل الثاني	٢٩٤
الفصل الثالث	٣٢٢
الفصل الرابع	٣٣٤

البرق

كتاب في الفقه

فصل


- | | |
|-----|----------|
| ١ | في الفقه |
| ١ | في الفقه |
| ٣ | في الفقه |
| ٧٢ | في الفقه |
| ٨٤ | في الفقه |
| ٨ | في الفقه |
| ٢٠١ | في الفقه |
| ٥٠١ | في الفقه |
| ٢٨١ | في الفقه |
| ٢٨١ | في الفقه |
| ٧٧٧ | في الفقه |
| ٥٥٧ | في الفقه |
| ٢٥٧ | في الفقه |
| ٢٨٧ | في الفقه |
| ٧٧٧ | في الفقه |
| ٢٧٧ | في الفقه |


فهرست الصور

المرحوم محمد بك تيمور في العقد الثالث من عمره	امام صحيفة ب
المرحوم محمد بك تيمور طالب حقوق بباريس	٧٨ » »
المرحوم محمد بك تيمور	١٥٢ » »
المرحوم محمد بك تيمور طالب حقوق بفرنسا	٢٠٠ » »
عزيز عيد	٢٥٨ » »
الشيخ سيد درويش	٣٠٠ » »
بدیع خيري	٣٣٦ » »

في محال التسمية

ب قافية واد	منه شالنا بقافية وافية شالنا وافية	
« « ٨٧	شالنا بقافية وافية شالنا وافية	
« « ٩٥	شالنا بقافية وافية شالنا وافية	
« « ١٠٦	شالنا بقافية وافية شالنا وافية	
« « ١٥٧	شالنا بقافية وافية شالنا وافية	
« « ١٠٨	شالنا بقافية وافية شالنا وافية	
« « ١٧٧	شالنا بقافية وافية شالنا وافية	





عزى، محمود
المسرح المصري

AMERICAN UNIVERSITY OF BEIRUT LIBRARIES



01039083

American University of Beirut



552.72
T24
General Library

